





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
930/A





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
930/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
930/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
930/A

930

A

O. IX.


16/6


67

BOEMUS



Thomas Brooke F.S.A.
Armitage Bridge





61469

Recueil de

DIVERSES HISTOIRES

touchant les situations de toutes

regiōs & pays cōtenuz es trois

parties du monde, avec les

particulieres mœurs, loix,

& cāremonies de tou-

tes natiōs & peuples

y habitans. Nou-

uellemēt tra-

duit de la-

tin en frā

cois.

Avec priuilege.

On les vēd a Paris au premier Pil-
lier de la grand salle du Palays, par
Galiot du pre libraire.

[1539]

10 Extraict des registres de parlement.



En la requeste presentee a la court par Galiot du Pre libraire iure de luniuersite de Paris, par laquelle il requeroit quil luy fust permis imprimer & exposer en vente vng traicte long temps a imprime en latī, & de nouueau traduit en frācoys, intitule Recueil de diuerses histoires de la situation de toutes regions & pays contenuz es troys parties du mōde, avec les meurs, loix & conditions de toutes nations, & peuples y habitans, & que deffenses fussent faictes a tous aultres libraires & imprimeurs ne imprimer ledict liure iusques a quatre ans, sur peine de confiscation des liures quilz auroient imprimez, & damende arbitraire. Et tout cōsidere, la court a permis & permet au dict du Pre libraire, imprimer & exposer en vente ledict liure a pris raisonnable, & faict deffenses a tous aultres libraires & imprimeurs de imprimer & exposer en vente ledict liure iusques a deux ans prochainemēt venant, sur peine damende arbitraire, & confiscation de leurs liures. Faict en parlemēt le vingtneufiesme iour de Decembre. lan mil cinq cens trenteneuf.

Ainsi signe Du tiller.

✶ A treshault & trespuissant prince Charles
Cæsar Auguste, Empereur des Romains.v.
de ce nom, Roy des Espaignes.&c.Arche-
duc Daustriche. &c. Duc de Brabant &c.
Conte de Flandres & de Tyrolles &c.
Le tràslateur de ce present liure perpetuel
le foelicate.

P Vis que lon voit le bon pays de France,
Se resiouyr de ta noble presence.
Puis que Francoys nostre roy magnanime,
A t'honorer tous ses peuples anime.
Cest bien raison que lhystoire presente,
A ta sacree maieste ie presente.
Puissant Cæsar, & second Charlemaigne,
Fleur des Cæsars descenduz Dallemaigne.
Et ne puy mieulx dedier mes escriptz,
Ou tous pays & peuples sont descriptz.
Qui sont encloz en la machine ronde,
De ce parfaict & admirable monde.
Qu'a cil'qui plus en regist & modere,
Par sa vertu & conduicte prospere.
Qui en mon roy tant de syncerite,
Tant a congneu de generosite:
Qu'il est venu en France pour le veoir,
Et avec luy a quelque paix pourueoir.
Non vne paix par beau semblant paree,
Ou par laquelle a temps soit esgaree.

Guerre cruelle avec tous ses vacarmes.
Pour puy apres donner plus grãdz alarmes.
Ains vne paix(ainsi fault estimer)
Que lhumain sens ne scauroit exprimer,
Ains vne paix qui en vigueur fera,
Tant que le beau Soleil son cours fera,
Tant que sus vaulx nuees sestandront,
Tant qu'en la mer riuieres se rendront.

Or pour môstrer p qui ce bien nous dresse.
Dieu immortel, A vous Cesar iadresse.
Ce mien labeur:mieux ie ne puy complaire,
A nostre roy:vray est que ceste gloire
Non moins qu'a vous,a bõ droict luy est deue
Mais il ne prend mon faict a chose indeue.
Si a vous seul ioffre loeuure present,
Veu quil vous faict de ses grands biens pre-
sent.

¶ Sensuyt la table des regions et pays des-
quelz ensemble des particulieres ma-
nieres de viure,loix, statuz,& cere-
monies des peuples y habitans,
est faicte description selon lor-
dre des chapitres contenuz
en chascun liure.

Table des Chapitres.

☛ Liure premier.		De Grece.	ii
☛ Opinion des Theologiës touchât l'origine de l'homme.		De Laconie ou Lacedemonie.	iii
	Chap.i.	De Crete.	iiii
La faulſe opinion des Ethniques ſus le meſme ppoz.	ii.	De Thrace.	v
La ſituation de la terre & diuiſion dicelle.	iii	Ruſie, ou Ruthenie.	vi
De Aethiopie.	iiii	De Lithuanie.	vii
De Aegypte	v	De Liouonie.	viii
Des Poenes & autres peuples daphrique.	vi	De Poloine.	ix
		De Hongrie.	x
		De Boeſme.	xi
		De Alemaigne.	xii
		De Saxone.	xiii
		De VVeſtſualie.	xiiii
		De Franconie,	xv
☛ Liure ſecond.		De Sueuie.	xvi
De laſie deuxieſme partie du monde.	Chap.i.	De Bauiere.	xvii
De panchaye	ii	De Italie.	xviii
De Aſſyrie	iii	De Ligurie.	xix
De Iudee	iiii	De la Toſcane.	xx
De Medie.	v	De Galatie.	xxi
De Parthye.	vi	De Gaulle.	xxii
De Perſe	vii	De Eſpaigne.	xxiii
Des Indes.	viii	De Portugal.	xxiiii
De Scythie.	ix	De Angleterre & autres iſles.	xxv
De Tartarie.	x		
De Turquie	vi	De liſſe Taprobane.	xxvi
Des Chreſtiens.	xii		

☛ Liure Tiers.	☛ Inſtruction du fruit que le lecteur peut recepuoir en la lecture de ce liure.
Europe.	
De Leurope.	Chap.i.

Table particuliere des plus notables passages de
ce present liure coctez en la marge de chascun fueil-
let, selon lobseruation de lordre Alphabetique.

A.		ne mesme liuree.	clxx
Aage competant a la guerre.		Alemans obseruent la pleine	
	xxvii.	& nouuelle lune.	clxxi
Abel.		Alemans se pasēt a vne feul	
Acridophages.	xxxiii	le femme.	clxxii
Adam.	i.	Amazones femmes sans mā-	
Adrimachides.	xxvi	melles.	xxxvii
Adultere destrāge espee. lx		Amēde cōtre infracteurs des	
Adulteres puniz.	ccv	frāchises de leglise.	cci
Adulteres puniz de mort. xc		Amēde cōtre ceulx q desfro-	
Aegypte comment parauant		bēt chiēs de chafse, ou de ber	
nommee.	xii	ger.	ccx
Aegyptiens idolatres.	lxxv	Amēdes adiugees aux parties	
Aethiopie pourquoy ainsi ap-		ciuiles pour reparation des	
pellee.	viii	interestz.	ccvi
Aethiopiens p̄miers de tous		Angleterre	cclxiii
hommes engendrez.	v	Angleterre sās loups	cclxiiii
Aethiopiens quelz.	vi	Angloys menēt leurs fēmes	
Agathyrfes.	lxxxii	a la tauerne.	cclxiiii
Agriculture.	ccxxii	Antropophages.	lxxxii
Aiax surmōta Hector.	ccxlii	Appariteurs des ligues de	
Albion.	cclxiii	Toscane.	ccxxi
Alemaigne.	clxvi	Application des Geneuoys.	
Alemaignes deux.	clxvii		ccxxxvii
Alemās bien manians la pic-		Aquilon.	cxciiii
que.	clxx	Arabie.	xxxix
Alemans en guerre tous du-		Arabus.	xl

alphabetique.			
Arbres sans noeufz	vii	Basses Alemaignes.	vii
Arche de Noë.	ii	Bafteranes.	xxvi
Archeuebstres.	cviii	Bastōs des portugaloys.	cclx
Arceuesques.	cviii	Bauiere.	cxcix
Argyppes.	lxxxiii	Bauiere abūde en porc.	ccx
Armeniens.	xciii	Beaulte des francois.	ccl
Armures des galates.	ccxliii	Beluedere.	ccxiii
Armeures des tartares.	88.	Benacque lac.	clii
Alsarthan.	lv	Bende des Romains seconde	
Afsur.	xxxix.	& tierce.	ccxxv
Asperges de merueilleuse		Beste de laquelle le sang gua	
grosseur & haulteur.	vii	rif toutes plaies.	cclxxii
Afsin.	xl	Bocchoris legislateur des	
Asyle.	ccxxi	Aegyptiens.	cc
Augmentation du senat Ro		Boesme.	clxiii
main.	ccxxvii	Bocufz & cheuaulx fauui-	
Aufes.	xxvii	ges.	clix
Auctorite des cēseurs.	ccxxix	Bornes de Leurope.	cxxvi
Auctorite de la commune.	ccxxvii	Bouc represente peche.	lv
Auctorite des decemvires.	ccxxix	Bourg Marie.	clv
Auctorite des prebstres Ae-		Bracmanes ne se foucient de	
gyptiens.	xxvii	faire sepulchres a leurs pa-	
Azimes feste des Iuifz.	lv	rens trespassez.	lxxiii
B.		Britannie.	cclxiii
Bacchanales.	cvi.	Brutus & collatinus p̄miers	
Bacchanales ou obseruees.	ccxxxix	consulz de Rome.	ccxxii
Balsames.	xi	Bude ville capitale de Hon-	
Bardes musiciens.	ccxliii	grie.	cii
Balsatz.	xcix	Budins.	lxxxii
		C.	
		Cacans.	cc
		Cærimonie des eseniēs.	lviii
		ā iiii	

Table

Cerimonies des persesen pre sence de leur roy.	lxv	Charlemaigne institua les pe res ou pers de Frāce.	cclvi
Cerimonies des Medoys en leurs alliances.	lx	Charlemaigne conuertist les Saxones a la foy de Christ.	
Cerimonies des prebstres de gypte.	xiii		clxxxii
Cerimonies des Turcs.	cii.	Chastete des femmes Dale- maigne.	clxxiii
Cain.	i.	Chasteau edifie par les Dei- parins.	clv.
Caldees.	xlvi	Chelmes pays.	cxlix
Campaigne.	ccxiii	Chresties en Turquie.	ci.
Canguista premier roy des Tartares.	lxxxv.	Chrestiens ou premieremēt ainsi appellees.	cvii
Cānes de merueilleuse gros seur.	vii	Cheuaulx sauuaiges.	clix
Canopus estoille.	cclxxiiii	Cheuaulx despaigne.	cclii
Cantique de moyse.	liii	Circuit Dangleterre.	cclxiii
Cappes espagnoles.	cclviii	Citez nouuelles & ancien- nes degypse.	xii
Caramanie cōmēt ancienne ment appelee.	xcv	Citez imperialles des Alle- maignes.	clxxvi
Cardinaulx.	cviii	Clerez pourquoy ainsi ap- pellez.	cix
Carniens.	ccx	Colonies.	ccxxi
Cathains indiens.	lxxv	Combat oultroye entre deux contendans.	clxii
Cathecumins	cxiii	Combat entre laccuse & lac- cusateur.	clii
Catheiens.	lxxiiii	Cōbat pareil au pcedāt.	ccii
Cecropiens	cxviii	Commune de Gaulle ha peu dautorite.	ccxlvi
Celeres	ccxix. & .ccxx	Cōmunaulte entre le mary & la fēme au pays de Gaul-	
Ceps de vigne grōstāt q̄ peu uēt embrasfer deux hōes.	vii		
Ceres.	iii		
Cesaree.	xcv		
Chābres de parlemēt.	cclv		
Charippes.	xcix		

alphabetique.

le.	ccxl.	Craconie cite.	cliij
Comparaison des Grecz &		Cracuris ville.	liiij
AEgyptiens	xxvi	Creation des Censeurs.	
Compositiō deaue qui eny-	ccxxx.		
ure.	clviii	Creatiō des cōsulz.	ccxxvii
Connestable entre les chefz		Creation de dictateur.	
de guerre Rōmains.	ccxxviii		ccxxviii.
Congez diuers des gens de		Creation des Decemuires.	
guerre.	ccxvii		ccxxix.
Conge ignominieulx.	eo.	Creation de Herault dar-	
Conge legitime.	eodem	mes.	ccxxiii
Conqueste par Canguista.		Creation de grand prebstre	
lxxxv.		ou pontife.	ccxxiii
Conqueste par les Israeli-		Creation de preteur.	ccxxx
tes.	xlx	Crete,	cxli
Cōtenāce des galates.	ccxlii	Crete a eu cent villes.	cxli
Cōtre ceulx qui nobseruēt		Crete dicte cureta.	cxlii
le dimanche.	cciiii	Cretes addonez au fault	
Corybantes.	clxxxviii	pyrrique.	cxlii
Couronnement magnificque		Cruaulte des Allemans.	
des roys de Perse & des La-			clxxi.
coniens.	cxli	Cruaulte des Cātabres.	ccii
Couronnement du Roy des		Cruaulte des Cymbres.	
Tartares.	xcii		ccxlv.
Courtoysie des Alemans.		Cruaulte des Lacedemoniēs	
clxxiii. clxxvii.			cxxxv.
Courtoysie des Espaignolz,		Cruaulte des Portugaloyz.	
enuers les estrangiers.	clviii		cclx.
Courtoysie des Perses entre		Cruaulte des scythes.	lxxvii
eulx.	lxv	Cruaulte des forcieres Cym	
Coustume de baisser fēmes		bricques.	ccxlv.
& pourquoy,	ccxxii	Cruaulte des Tartares.	

Table

	lxxvii		xv.
Cruaute des troglodites.	lxxi	Distribution de toutes les ter	
Cymbres ou autremēt Cym		res de Lacedemone.	cxxxiii
meriēs belliqueux.	ccxliiii	Diuerfite de langue intro-	
Cymbres fischent les delin-		duiēte.	iiii
quans en des paulx.	ccxlv	Diuifion des Lacedemoniēs.	
Cyneciens.	xxxii		cxxxvi
Cynnames.	xxxiiii	Dix mille vallent cinq lieues	
	D.	francoyfes.	vi
Danaou danube.	clx	Drachme.	cxxx.
Debes.	xli	Drachme de quelle valeur.	
Decēuires fupprimez.	ccxx		xxii.
Decurions.	ccxvii	Draco legislateur.	cxxviii
Degrez de magiftratz de Ro		Dreux.	ccxlvi
me.	ccxvi	Druides.	ccxlvii
Deluge.	i.	Duc de Mofcouie.	clviii
Deniers mis a lefpargne en		Dueil des Aegyptiēs au tref-	
vng temple.	ccxxviii	pas de leur roy.	xvi
Deprauiation des hōmes.	i.		E.
Defcente des tures.	xcviii	Ebene vient des Indes.	lxvi
Defcōfiture de Drufus pres		Ebriete esguillon de lubri-	
la riuiera Sala.	clxxxvii	cite.	ccxxii
Description de Charinthie.		Effoeminatiō des Aegyptiēs.	
	ccx.		xiii.
Desfloyaulte des tartares.	xc	Election des roys de Sabee.	
Diēateur	ccxvi		xlii
Diē dariftippus Philofophe		Emerite ville.	cclvii
	cliii	Entree du duc de Carynthie.	
Dignite de preuoft fort ma-			ccx
gnifique en leglife dherbi-		Entree duncuefque en Her	
pole.	clxxxvii	bipole.	clxxxvii
Diligence des roys degypse.		Ephese.	xcv

alphabetique

Ephores.	lxx	Estuues des femmes Scythi-	
Ephores magistratz.	cxviii	ques.	lxxx
Equipage de guerre des Ga-		Euander.	ccxiii
lates.	ccxlii	Euangile parqui annōcee en	
Ers.	cclxxi	Bauiere.	cxcix
Escosse.	cclxv	Euesques.	x
Eseniens ne iurēt aucune-		Exemple dhōnestete en guer	
ment.	lviii	re.	lii
Eseniēs ne se mariēt.	lviii		
Esglise comparee a vne na-		F.	
uires.	cxviii		
Esglise des solēnes ou.	ccxi	Facon de viure des Aethio-	
Esliste de cheffz de guerre.	lii.	piens.	x.
Espaigne.	cclvi	Festes de lannee.	cxix
Espaigne deux.	cclix	Festin des Grecz.	ccxlii
Espaigne diuisee en trois par		Femmes des aethiopes sentre	
ties.	cclvii	meslent du faict de guerre.	ix
Espaignolz vrays gens de		Fēmes des Alemans de grād	
guerre.	cclviii	cueur.	clxxi
Espees espagnoles.	cclviii	Fēmes Babiloniēnes priuees	
Espees des galates.	ccxliii	avec les estrāgiers.	xlvi
		Fēmes Francoyses peu steri-	
Etat populaire au pro-		les.	ccli
logue.		Femmes Indiēnes dextres a	
Etat des alemaignes.	clxv	la guerre.	lxviii
Etat de Assyriēs triple.	xlvi	Fertilite Daphrique.	vi
Etat dung euesque.	x	Fertilite Dassyrie.	xl
Etat ditalie.	ccxvi	Fertilite dencent.	xlvi
Etat dūg roy de Indie.	lxviii	Fertilite de Mauritanie.	vii
Etat du royaume de Pan-		Fertilite de Palestine.	xl
chaie.	xlvi	Fertilite de Ruthenie.	cxli
Estandue des Indes.	lxvi	Fertilite de Souaue.	cxcv

Table

Fertilité de la Toscane, cc- xxxix.		Gagate pierre precieuse. cc- lxiiii.	
Feu des Arabes.	xl.	Galates delicatz.	xlx.
Feu de pierre au lieu de char bons.	ccv	Galatie abunde en or. ccxli	
Flaccie.	cxlvii	Galatie pourquoy appelee. ccxl.	
Foeciales.	ccxxiiii	Garama ville.	xi
Fōtaines de merueilleuse p- prieté.	cclxxiii	Garamantes.	xxvii
Force des Thraces.	cxliiii	Garriens.	xluii
Forest Hercinie.	clxxxvi	Gaulle.	ccxlv
Forme de pronōcer iugemēs en AEgypte.	xix	Gaulle cisalpine.	ccxv
Frāce abūde en toutes chairs & principalement en porc	cclii.	Gaulle, pourquoy diēte Fran ce.	ccxlvi
France diuisee en troys par- ties.	ccxlv	Gennes. ccxxxvi. & ccxiii	
Frāchise des gens de mestier en Indie.	lxix.	Gensdarmes deiparins. cluii	
Franconie.	clxxxv	Gens de longue vie. cclxxi	
Frāconie subiecte a cinq prin ces.	clxxxvi	Georgians.	xv.
Franconiēs nont cure de bie re ou ceruoyse.	clxxxvii	Germanie dont diēte. clxix	
Frāconiēs railleurs. clxxxviii		Germanopolis.	xv
Francoys prennent plaisir a auoir beaulx cheuaulx & de grand pris.	cxcvi	Gestes des Toskans. ccxxxix	
Francoys simples.	ccli	Gethes.	cxliiii
		Giam.	x
		Golsh.	cxcviii.
		Gotz dou descenduz. cluii	
		Gouuerneurs en Thrace cin quante.	cxlvii
		Grandeur Dasie.	xxxix.
		Grād cōtroleur de Turquie. ci.	
		Grād cirque de Rōme ou se faisoyent les ieux. ccxxxi	
		Grandeur des Indes. lxvi.	

G

alphabetique

Grace.	cxxvii	Hecatombe.	cclxi
Guidans.	xxvii	Herodote pere des hystoires	
Gymnosophistes.	lxxi.	pmier fueillet du prologue.	

Crete. cxlii

H

Hesperie. cclvii

Hetrurie. ccxliii

Habitations des Alemãs anciens. clxxii Hierosme de Prage. cliii

Habitz Aethiopiẽs. xi. & viii Sainct Hierosme. cxi

Habitz Francoys. cliii Hongres courageulx & puis

Habitz Geneuoys. ccxxxvii fans. clxliii

Habitz des Gauloys anciens Hongres dont ilsuz. clxi

ccl. Hongrie par quelles gẽs pre

Habitz des Hongres. clxii mierement habitee. clxi

Habitz des Italiens diuers. anciennement. clx

ccxxxv. Hongrie a este ramparee de

Habitz des Pãchaiens diuers neuf ciercles. clx

& exquis. xliiii Hongrie abũdãte en bœufz.

Habitz Parthiques. lxi ccx.

Habitz des princes de Perse. lliii

lxv. Holocauste.

Habitz de Romul9 & ses suc- tares a leur roy. lxxxvii

cesseurs. ccxxviii Honneur porte a la maison

Habitz des Rutheniẽs. cxevi dung prince en Bauiere. cciii

Habitz des prebstres de Ru- Hybernie. cclxvi

thenie. cli

Habitz des femmes Turques

& leur facon de faire. ci

Habitz des Tartares. lxxxviii

Hagatz de Hongrie. clx

Harnoys des Portugaloyz. xcvi

cclx. Iconie cite. xxxvii

Ictyophages.

I

Ianifaires. xcix

Iaphet. iii

Iberie. cclvii

Iconie cite. xcvi

Ictyophages. xxxvii

Table

Idolatrie des Lituanienſ. cliii	Inuētiōs des toſcās. ccxxxix
Idolatrie des perſes. lxiii	Iofue. xl
Idolatrie des Scythes. lxxvi	Ioueurs de Comoedies aidez
Idolatrie des Saxones. clxxxi	de la muſique. ccxxxii
Iehan hūniade excellent ca	Iournée de Marathon. cxxxii
pitaine. cxlviii	Iphygenia. lxxxii
Ieuſnes des Turcs. cii	Iren & de quelle charge. cxxxvi.
Ieux publiques a Rome. ccxxx.	Irmifaul. clxxxi
Ilophages. xxxii	Iſis. ii
Imperfections de la cōmune	Iſles Baleares. cclxi.
de Bauiere. ccx	Iſles Ebudes. cclxvii
Immunités des prebſtres de	Iſles Gymneſies. cclxvii
Turquie. ciii	Iſle deſcouuerte par Iambo-
Inde habitee par ſept manie	lus. cclxx
res de gens. lxviii	Iſſedoynes. lxxxiii
Indes. lxvi	Italie. ccxii
Indiens noirs des le ventre	Iudee. xlix
de leur mere. lxvi.	Iugemens ſecretz des VVe-
Indus fleuve. lxvi	ſtualiens. clxxv
Induſtrie des fēmes dēgypte. xiii	Iuges eſtabliz par Charle-
Inſcription de la monnoye	maigne ſus les VVeſtualiens
des tartares. xcii	clxxxiiii
Inſtitution des cōſeilliers. ccxix.	Iuges en chaſcune ville Da-
Inſtitutiōs des ſainctz peres	lemaigne. clxxvii
touchāt le diuin ſervice. cxi	Iules Caſar remiſt leſtat de
Inſtruction des roys Dēgy-	monarchie. ccxxx
pte. xv	Iuiſz cōmencent l'annee au
Inuention de la trompette. cxxxxix	moys Dapuril. lv.
	Iuiſz diuiſez en trois ſectes. lvii
	Iuiſz ſabſtiēent de manger

Table

Loix de Solon.	clxxix	& heures des mauuaises for	
Louège des Alemans.	clxxviii	tunes.	clxxiii
Louenge dathenes.	clxxviii	Maniere de passer contractz	
Louenge despaigne.	cclvi.	en Arabie.	cli
Louenge deurope.	clxxvi	Maniere desgaulloys au faict	
Louēges funebres des Aegy-		de la guerre.	cclii
ptiens.	xxv	Maniere de recueillir la ca-	
Louenge de litalie.	ccxv	nelle.	cli
Loy des Babiloniēs pour sub		Maniere des Aegyptiens de	
uenir aux malades.	xlvi	poēstrir leur pain	lxiii
Loy Sifatee de Solon.	xxi	Mantes despaigne.	cclviii
Luperques.	clxc	Mariages incestueulx inter-	
Lusitanie pourquoy ainſy di		dictz.	ccliii
cte.	cclx	Maſſagetes Anthropopha-	
Lycie.	xcv	ges.	lxxxviii
Lycurgus legiſlateur.	clxxxii.	Maſſouites.	clviii
Lyrceſ peuples de Scythie.		Maures.	lxii
lxxxiii.		Maxiens.	clxxix
		Medie ſterile.	lx
		Medimne.	clxxix
		Medoys adextres a picquer	
		cheuaulx.	clix
		Megauares.	clxxx
		Menſonge des Babiloniens.	
		xlx.	
		Mer Atlantique.	vi
		Mer Aethiopique.	vi
		Mer Lybique.	
		Mer Tyrrhene.	clxxxviii. &
		clxxxix.	
		Meroe iſle dens le Nile.	ix.
		Meurs des Aegyptiens.	lxii

alphabetique.

Meurs des Aethiopiës.	vii			cclxviii.
Meurs des Alemãs daujourdhuy.	clxxliii	N.		
Meurs des Cătabres.	cclxii	Nabatees.		xliii
Meurs des Gaulloys anciens abolies.	cclii	Naples.		ccxiii
Meurs des Hybernies.	cclxvi.	Nasamoniens.		xxvi
Meurs des Parthes.	lxii	Naturel des Geneuoys.		ccxxxviii
Meurs des Poenes.	xxvi	Necefsite inuentrice des cho		
Meurs des portugaloyz.	cclx.	ses humaines.		v
Miel en abundance au pays de Ruthenie.	cxlix	Neuriens.		lxxxii
Minos roy de Crete.	cxlii	Nile fleuve.		vi
Monach.	cxci	Noë.		i.
Monde.	i.	Noe enuoya diuers person		
Monnoye de moscouie.	clviii.	nages en diuers pays pour		
Mopfopie.	cxviii	peupler la terre.		ii
Mors poiffon.	clxi	Nomades.		xi
Mofca riuiere.	clvii	Noms des dignitez Rōmai		
Mofcouie	clvii	nes.		cviii
Mont Carpathus comment aujourdhuy appelle.	clix	Nourriture des anciens Ale		
Mont Imans.	lxxvii	mans.		clxxiii
Montz obnobies.	lxxxiii	Nourriture des Geneuoys.		ccxxvii.
Mont Taurus.	xxix	Nourriture des Saxones.		clxxxviii
Moyen par lequel Lycurgus donna authorite a fes loix.	cxix.	Numa.		ccxxiii
Moines.	cix	O.		
Moyfe.	i.	Obeifsance des Aethiopiens		
Muletz de la minorca.		euers leur roy		viii
		Obeifsance des Medoys en		
		uers leurs roy.		lix. & lx
		Oblation du grand prebftre		
				e i

Table

de la loy.	liiii	Opinion de Mahomet tou-	
Obferuation des chofes fain-		chant le fepulchre de Iefu-	
ctes en Gaulle.	cclii	christ.	xcvi
Obferuations particulieres		Opinions diuerfes touchant	
des Francois.	clxxxix	le monde.	
Obferuatiō des gens mariez		Opinion de Pythagoras.	cc-
du pays de Babylone.	xlvi	xlvi.	i
Obferuatiō des planettes par		Opinion des Sadducees.	lvii
les Caldees.	xlvi	Ordōnāce tres faincte pour	
Obferuation faincte des no-		les enfans defquelz les peres	
bles dethiopie.	x	eftoient mors au feruice de	
Occafion des afsemblees des		la chofe publicque.	cxix
hommes.	liii	Ordonnāces des gens de che-	
Occafio des diuerfes manie-		ual de Turquie.	xcviii
res que de viure que de par-		Ordonnāces des gēs de pied	
ler.	ii	de Turquie.	xcix
Onotrie.	ccxiii	Ordonnances de Romulus,	
Ophyophages.	xli	ccxviii.	
Opinion de Cornelle Tacite.	lv	Ordre des cheualiers Ma-	
Opinion du mefme touchāt		rians.	clv
la circoncifion.	lxvi	Origine des Hiftrions ou ba-	
Opiniōs diuerfes des Nefto-		teleurs.	ccxxxii
riens gētilz & ecclefiaftiques		Origine des maladies, froy-	
touchant Moyfe & les Iuifz		dures & chaleurs.	i
lv.		Origine des patrōs & cliētz.	
Opinions diuerfes touchant		ccxix.	
les facrifices des Taurofcy-		Ornemens de pontifice.	cx
thes.	lxxxii	Ornemens de Pontife.	cx
Opinion des efeniens.	lviii	Ofyris.	ii
Opinion faulfe touchant la			
creation de l'homme.	iii.		

P

Paifans de Charinthie pre-

alphabetique.

miers conuertis a la foy de Iefuchrist que les nobles.		fans prendre femme.	cxxxv
ccxi.		Peine de moyfonneur.	lii
Pallas.	iii	Peine des femmes trouuees e	
Panchaie.	xliii	adultere, ou qui auoyent beu	
Pape quasi pere des peres.		du vin.	ccxxii
clviii.		Peine des filles impudiques.	li.
Paphlagonie.	xcv.	Peregrination de Iambolus	
Pargatz.	cxcviii	ccxcix.	
Paradis pourquoy ainſy dict		Peregrinatiõ de Onesuritus	
i.		admiral du Roy Alexandre.	c clxiiii.
Paradis des turcs & ſarrazis			
cvi.		Peres de France.	cclv.
Parlement de France.	ccliiii	Peres de Romme.	ccxviii
Parthes prenẽt pluſieurs fem		Perroquetz viennẽt des In-	
mes en mariage.	lxii	des.	lxvi.
Parthes ſignifient bannys.	lx	Phariſiens pourquoy ainſy	
Particuliere facon des thrau		appelez.	lvii
ſes.	cxlv	Philacteries.	lvii
Parthye.	lx	Philix.	cxxxiiii
Pafche des turcz.	ciii	Philophes indiens en au-	
Patriciens.	ccxviii	thorite.	lxix
Paſſage de Caſar.	cxcv.	Plainte a lencontre dũg e-	
Paſſage de Tacite.	cxcvii	ueſque deuant quelque per-	
Paſte de chair de poyſon.		ſonnage.	ccï
xlvii.		Piſe.	cciiii
Pastoriciens.	xxviii	Piteuſe fin des Acridopha-	
Peine des blaſphemateurs.	i.	ges.	xxxiiii
Peine de ceulx qui oultrage		Poetes en reputation.	ccxliiii
oient les tribuns du peuple.		Police de legliſe.	cvi
ccxxix.		Poloine a quatre gouuer-	
Peine cõtre ceulx qui eſtoyẽt		neurs.	clix

Table

Poloine cōmēt anciēnement appelee.	clix	Rapine punie.	vii. ccv
Pompes funebres des Empe- reurs rommains.	ccxxxii	Recentes manieres de viure de Litalie.	ccxxxiiii
Pompes funebres des roys de Laconie.	cxl	Recreation des tartares.	lxxxvi.
Porc deffendu aux iuifz.	cii	Regime des égyptiēs en leur boyre & manger.	xvi
Portugal.	cclix	Region Attique.	cxxviii
Portugaloyz sobres.	cclx	Regne de Romulus.	ccxviii
Prage en Boefme.	clxiii	Remede contre ialousie.	lii
Prebſtre lehan roy des Ae- thiopiens.	x	Repudiation de femmes ve- nues de Litalie.	ccxvi
Prebſtres turquoys.	ciii	Retour de lambolus.	cclxxiii
Prêteur.	ccxvi	Reuenu D'egypte.	xvii
Prêteur forain.	ccxxx	Rhadamantus legiſtateur de Crete.	cxlii
Primatz.	cviii	Rhin ſepare les Gaulles & Al lemaignes.	ccxlvii
Prouerbe.	clxviii	Rhiſes beſtes ſauuages.	vii
Prouerbe.	cxliii	Richesſes des Debes.	xli
Pruſie ou Pruſe.	cliiii.	Richesſes de leurope.	cxxvii
Puiſſance de Prebſtreian.	xi	Richesſes des roys de ſabge.	xl.ii.
Puiſſance des roys Dethio- pie.	x	Riuieres de Galatie.	ccxl
Puiſſance des roys Lacede- moniens.	cxxxix	Riuieres des indes.	lxvi
Puiſſance du roy des Tarta- res.	xciii	Riuieres de Trace.	cxliiii
		Rizophages.	xxxi
		Romandiole.	ccxiiii
		Romulus non ſeulement ſō gneux au faiēt de guerre, ains	
R.			
Racines de reglyce en Fran- conie.	clxxxvi.		
Raiſins gros dune couldee.			

alphabetique.

ainsi de la religion.		condition.	liiii
ccxxii. & ccxxiii		Sadducees pourquoy ainsi	
Romains diuisez en troys		appelez.	lviii
estatz.	ccxxviii	Saliens quelz.	ccxxviii
Rome.	ccxxiii	Saliens en Saxone.	clxxxiii
Royaulmes en Espaigne		Saltation pyrrique.	cxliii
cinq.	ccxcv	Salzburg.	ccxcix.
Roys D'egypte.	xv	Samogythiens adorent le tō	
Roys de Bauiere anciēnemēt		noirre soubz le nom de Por-	
appelez Cacans.	cc	kumo.	clvii
Roy des Ebudes.	cclxvii	Samogythie.	clvi.
Roys des parthes nommez		Samolxis disciple de Pytha-	
Arfaces.	lxi	goras.	cxliiii
Roy de tartarie se dict roy de		Sarrazins dont descenduz.	
Orient.	lxxxv.		xliii.
Roy des Thraces subiect aux		Sarrazins subiuguez par Ma	
loix & peines contenues en		hommet.	xcviii
icelles.	cxlvii	Sarrazins dōt ainsi appelez.	
Ruthenie.	cxlix.		xcviii
Ruthenie riche en peaulx.		Saronides philosophes des	
	clii.	Galates.	ccxliiii
S.		Satyres.	ccxxxl.
		Sauluaiges en Escosse.	
			ccclxv.
Saba ville.	xlii	Saxones diuisez en quatre cō	
Sabath.	liiii	ditions.	clxxxii
Sabees riches.	xliiii	Saxones dont descendus.	
Sacrifices des plus opulens			clxxx.
iuifz.	liiii	Scauoir des Caldees ferme	
Sacrifices des iuifz de medio		& stable.	xlviiii
cre estat.	liiii	Sceptre des Assyriens.	xlvi
Sacrifice des iuifz de basse		Scythez cōpris soubz lestar	
			é iii

Table

tares.	Ixxxiiii	Seruice des prebstres.	cx
Sectes Adamites.	clxv.	Seruiteurs de la maison du	
Sectes entre les Boefmes.		roy dægypte.	xv
clxiiii.		Seruius Tullius.	ccxxv
Sectes diuerfes être les turcs		Silenes.	ccxxxi
ciiii.		Sillura.	cclxvii
Sel de poyfson.	clii	Solon legiflateur.	cxxix
Sem.	iii	Solon attribua fes loix a Mi-	
Senat.	ccxviii	nerue.	cxxix
Senfaque.	xcviii	Soluphtares	xcix
Sept facrementz.	cxiii	Sort des Nasamoniens.	xxvii
Sepulchre de Mahōmet.	ciii.	Souaues auiourdhuy font	
Sepulture des AEgyptiens.		train de marchandife.	cxcvii
xxiiii.		Souaues lubriques.	cxcviii.
Sepulture des Roys Arabi-		Souaues les plus excellēs de	
ques.	xl.	toutes les Alemaignes.	cxcv.
Sepulture des Atheniens.		Spahiglans.	xcix
cxxxii.		Spermatophages.	xxxii
Sepulture des empereurs Rō		Spurius Carbilius.	ccxvi
mainz.	ccxxxii	Statut contre larrons.	ccxii
Sepulture des roys Lacedæ-		Statut de Venife touchāt les	
moniens.	cxli	filles exposees en leur enfan	
Sepulture des roys Scythes.		ce par pere & mere.	xlvi.
lxxix.		Stature des Angloys.	cclxiiii
Sepulture des particuliers.		Stature & force des femmes	
lxxix.		Galates.	ccxliiii
Sepulture des Tartares.	xcii.	Styrie.	ccxii
Seres.	lxxxi	Subiection des paifans Ale-	
Sergius moyne complice de		mans.	clxxx
Mahōmet & Nestoriē.	xcvii.	Subiection des prebstres de	
Serpens aux racines de cer-		Panchaie.	xlv
tains arbres.	xlj	Subtilite des Lacedamoniēs	

Table

Troys villes de rens en Pan- chaie.	ccxxix	Vilna. capit. ville de Litua- nie.	cliii
Tullus foftilius.	xlili	Vin excellent en franconie.	
Turcs nufent de cloches.	ccxxvi	Vin defendu par la loy de Mahomet.	cii
Turcs prénent plusieurs fem- mes en mariage.	ci	Viriatus excellent chef de guerre Efpagnol.	cclviii
Turcs vrays gés de guerre.	ciiii.	Viftule.	cliiii
		Vladiflae roy de polonie.	

V.

Valaches diuifez en deux fa- ctions.	clvi	Vladiflae a conuertty les Sa- magythes a la foy de Iefu- chriſt.	clvi
Valerius publicola.	ccxxvii	Vlmeriges.	cliiii
Venife.	ccxxiii	VVeſtualie.	clxxxiiii
Venue proſteroulee en A- phrique.	vii	Vulcain.	iii
Vers de Baptiſte Mantuaen la louenge de France.			
	ccliiii. & ccliiii	Zabiques.	xxix
Veſta.	ccxxiiii	Zigantz.	xxix
Veſtales.	ccxxiiii	Zlota baba.	clviii.
Veulx des anciens Gaulloys gens de guerre.	ccxlix.		
Vie des Eſſeniens.	ccxlix		
Vieilleſſe honnoree en Lace démone,	cxxxix		

Z

Fin

Correction des lieux incorrectz, a laquelle le
lecteur aura recours es fautes quil trouue-
ra au present liure en excusant l'omission.

Au premier feuillet en la marge fault lire au lieu de vng long, vng aornement de femme.

Feuillet.ii.pag.i.li.xii.Esenius,lifez Esennius.

Feuillet, xix. pag. i. lig. ii. proposast pour recor-
dast, xi. ligne. proposer sa replicque pour ren-
dre sa replicque.

Feuillet. lxxvii. ii. pagina. li. x. conuenables pour
duysables.

Feuill.xcii.pa.i.li.ix. leur mort pour la mort.

Feuil.xcix.pa.ii.li.xiii. Afippes, lisez Afappes.

Feuillet.clxxix.pag.i.ligne dernier.des châps
pour des gens.

Feuil.ccxiii.pag.ii.li.ii.Ita,lisez Itali.

Feuillet.ccxxiiii.consecutifz pour consentifz.

Feuil.cclvii.li.ix.arondelles lisez rondelles.

Feuillet.cclix.lig.xii, apres ce mot. derriere la
teste lizes & se tenir plus descouuers du deuât
de la teste.

Feuillet. cclxxv. pag. ii. li. ix. encoris, lisez en-
courir.

Le reste des fautes sont lettres pour aultres, ce que lon peut facilement supplier.

Prologue au lecteur.



Pere des
Hystoi-
res appel
le Hero-
dote tel
nom luy
dōne Ci-
cero en
plusieurs
endroitz
de ses oeu-
ures,

E me suis mys estant a loysir. & ayant quelques heures de relaiz a recueillir les moeurs plus dignes de memoire, ensemble les particulieres obseruatiōs & loix de plusieurs peuples: auecques la situation des pays p chascū diceulx habitez: en sorte q̄ de ce quē ont amplemant traicte le Pere des hystoires Herodote, Diodore, Siciliē, Beroſe, Strabo, Solin, Troge, Pompeie, Ptolomæ, Pline, Cornele Tacite, Denys Aphriquain, Pōpone me- le, Cæſar Iosephe, & des auteurs de nostre temps. Vincēt, Aeneas Siluius, qui depuis eust le nom de Pape Pie ſecond: Anthoine Sabel- lique, Iehā Naclere, Ambroise Calepin, Nico- las Perot en leurs cornucopies, & plusieurs au- tres excellens auteurs: ien ay faict vng petit abrege: non en esperance de quelque lucratiue ou particulier proffit, encores moins a ce faire ma incite aucune enuie dacquerir bruiēt ou faueur du populaire: ains le vray & libre loy- ſir que iauoye pour y employer, conioinct a- uecques la fructueuſe ioye & delectation que ie parceuoyſ a la poursuyte de loeuure p moy entrepris. Et ſi entēdz O lecteur amateur dhy- stoirs, & curieux de la congnoiſſance dicel- les: que iay accumule tant les recentz que an-

Prologue de l'auteur.

ciens exemples bons & mauuais sernans a ce propos: a celle fin quen te representēt les choses vertueuses & dhonneur avecques les imparfaictes & vicieuses, tu ensuyues ce qui tend a vertu: & acquieres la discretion deuiter ce qui tēd a reproche, & turpitude, & que tu cōgnois ses la felicity, & magnificence des mortelz vians de present, au pris de la paouure & simple vie de ceulx qui furent premiers mys sus terre depuys la creation de l'homme iusques au deluge: & encores plusieurs siecles apres ledict deluge que les humains ont este dispersez par toute la terre, & ont vescu sans faire aucune traffique de marchandise les vngs avecques les autres, & sans aucun vsage d'aucun metal monnoye en sorte quilz ne pouuoient exceller en biensfaictz les vngs plus que les autres, ains estoient tous esgallement tenuz les vng aux autres, & iusques a auoir toutes choses communes entre eulx: ne plus ne moins que lair & le ciel, ensemble leaue & la terre: tellement quilz nestoient conuoiteux en aucune maniere dhonneurs ou richesses ains se contentoit chascun deulx de ce peu de bien dont il pouuoit passer sa vie en plain champ, & a descouuert: ou soubz lumbre de quelque arbre, ou toict de quelque loge: avecques vne où plusieurs femmes, & toute sa lignee: sans

Prologue

aucune craincte, ou sollicitude, fors seulement de faire quelques amas de fruietz & biens prouenans de la terre: & de se nourrir diceulx. ensemble de quelques laictages de leurs bestes, & ausurplus leue leur suffisoit pour tous breuages: & pour tous vestemēs & habitz sappliquoiēt premieremāt quelques escorces & larges fueilles darbres, peu apres inuenterent la mode de se vestir de quelques peaulx de bestes assēblees les vnes aulx aultres. Et estoit le genre humain si peu soingneux destre en seurete, quil ne se soucioit pour lors destre enclos en villes murees, ou fortifiees de fossez, & rempars ains estoit errāt & vagabond, ne plus ne moins que les aultres animaulx, & nauoit aucun certain lieu pour prendre son repos: ains en ce lieu se repositoit, auquel la nuit le surprenoit, & ce en grande tranquillite, & sans aucune craincte de larrons ou brigantz. Toutefois luy a este force de se pourueoir a lencontre de telz, & semblables accidentz par succession de temps, que le monde se seroit accru, & multiplie: qui auroit este cause de la variete, & repugnance des humaines inclinations des enuies, & diuersitez de vouloir. Dauātage les fruietz prouenans de la terre sans aucune industrie de lhomme, nestans suffisans pour nourrir tout ce qui viuoit dessus terre: auroit cause les rapines, & enuahyssemēs que les hō-

de l'aucteur

mes auroient encōmence a exercer les vngs
cōtre les aultres: & par dessus telles calamitez
auroient este grandement infestez au moyen
des courses des bestes fauluaiges, p quoy se se-
roient les humains peu a peu alliez, & cōgre-
gez les vngs avecques les aultres pour resister
par vng cōmun secours & ayde, a telles cour-
ses & nuysances: se feroient pareillement ap-
ropriez vng chascun quelques portiōs de ter-
re, esquelles ilz auroient cōmence a edifier pe-
tites maisonnettes, & auroiēt distingue & se-
pare leurs terres entre eulx par certaines bor-
nes, & limites: tant que peu a peu ilz se feroiēt
fortifiez en cōmun de fossez, & murailles: &
deslors cōmenca entre les hōmes lestat popu-
laire: & des republicques, par ce que en chascun
lieu ou se feroiēt les hōmes alliez en ceste ma-
niere ilz establirēt certaïes loix, & magistratz
par lesquelz toute lassēblee estoit tenue se rei-
gler, & gouverner: par ce moyē aussi estoit cō-
seruee cōcorde, & trāquilite en si grāde mul-
titude de gens. De ce tēps les humains inuen-
terēt le moyē de viure, nō seulement des fruietz
& nourritures q leur apportoit la terre, & que
leur bestial leur rendoit, mais aussi par diuer-
ses industries par eulx excogitees: aulcū trou-
uerent la maniere de cōstruire nauires pour al-
ler sus mer, les vngs pour marchādises, les aul-
tres pour habiter es aultres pays: aulcū pareil

Prologue

lement inuenterent la maniere de faire voitures par charroy, & assemblee de cheuaux. Peu apres commença a auoir cours lor & argent monnoye, les habitz des humains furent plus sumptueux, le langage plus aorne, la frequentation plus ciuile, le traictement & nourriture plus delicate, les edifices plus amples & magnifiques. En somme les mortelz par succession de temps changerent si bien de conditions que en lieu destre Barbares & cruelz ilz furent humains & gracieulx deulx mesmes, & se reiglerēt en sorte quilz delaisserent toutes anciennes inciuilitez & inhumanitez: comme de sentretuer lung laultre de māger chairs humaines, & prendre la compaignie de la premiere rencontre, sans aucune discretion de sang ou parentage, & autres semblables vices, & imperfectiōs. Cōgnoissantz oultre ce leurs forces & ayantz plus grand vsage de raison rendirent par leur industrie & labeur, la terre plus fertile & de plus grande amœnite, laquelle au precedant estoit toute obscure de forestz deserte & inhabitable: & du tout incōmode pour l'homme: & en osterent les grosses pierres & fouches des arbres, & feirent assiecher les eaues des lieux marescageux: & la nestoyerent & aplanirent au mieulx quilz peurent, pour luy faire perdre sa forme ancienne

de l'aucteur

ilz approprierēt le plat pays pour le labourage
& le montueux pour le vignoble: & par les fa-
cons quilz luy donnerent elle cōmanca a pro-
duire vins & fromentz en abundance, com-
bien que au parauant elle ne leur rendist que
du gland & pommes sauluaiges, en petite quā-
tite. Ilz embellirent les vaulx par vne infinite
de prairies & iardinages enuironnez de fon-
taines & ruisseaulx: & delaisserent les supremi-
tez de montaignes pour les boys & forestz, &
sceurent si bien adapter la terre a rēdre fruietz
& en telle sorte la defricherent que ce quilz
delaisserent en son premier estat, a grand pei-
ne pouuoit suffire pour fournir boys & pastu-
rages. Oultre se habituerent en plusieurs lieux
& endroictz, & saccreurēt en maniere que de
petites bourgades ilz en firent grandes & bel-
les villes, & de petitz villages grosses bourga-
des, ilz edifierent pareillement dessus les hault-
tes montaignes grosses tours & forteresses, es
vallees maintz temples, & a celle fin que les
fontaines fussent plus saines, & plus delecta-
bles, ilz les enrichirent de beau marbre taille
& planterent arbres alentour pour leur don-
ner vng plaissant vmbrage, & encores dicelles
fontaines par tuyaulx & conduictz latētz ont
faict descendre leaue iusques dedans leurs vil-
les. Et es endroictz ou ilz en auoient faulte

Prologue

creuserent tresparfondz puyz en terre, ilz firēt leuees au long des riuages des torrentz & riuieres, pour empescher leurs soubdaines inondatiōs deaues, & que par leurs creues ne debordassent cōme au parauant aduenoit au grand dōmage des habitans es lieux circonuoyfins, & a celle fin quelles empeschassent moins les voictures & commoditez de passer & repasser selon lexigence des traffiques & negociations humaines, ilz edifierent pontz tres puissantz dessus grande assemblee de paulx, quilz fichērent au fondz de leaue, & a celle fin quilz ne portassent aulcūe nuyfance aux voictures par eaue eūrēt la maniere dēleuer dessoubz iceulz pontz haultes arches, ilz demolirent & abati-
rent maintz rochers en la mer, pour la rēdre moins perilleuse pour la nauigation, ilz firent plusieurs portz de mer es isles, & terre ferme ioingnāt a la mer. Ilz ont aussi approprie plusieurs endroictz a haures, & stations esquelles les nauires se pourroient seurement retirer, & sans aucun danger des ventz ou tourmente. En somme ilz ont si bien adapte toutes choses tant en la mer que en la terre: que si nous considerons lestat, & pourpris au quel on la veoit estre de present, au pris de celluy quelle auoit au parauant: on la prādroit pour quel que terre du tout aultre, que celle mesme qui

de l'auteur

a premieremēt este cree, & la iugeroit on plus
tost quelque iardin semblable au paradis ter-
restre, du quel noz premiers parens Adam &
Eue furent chassez, pour la transgression du di-
uin commandemēt. Dauantage les humains
ont inuente plusieurs artz, & sciences tres in-
genieuses, par lesquelles (ioinct l'inuētion des
lettres, & tables pour escrire quilz eurent peu
apres en vſage) ilz se feroiēt aulcunement ex-
emptez de condition mortelle: en delaisſant
memoire deulx a leur posterite quilz auroiēt
faicte participante de leurs inuētios: & p telz
moyens sembloient les mortelz estre pluſtost
quelques dieux terriens, que hommes, ne eust
este le tres maling Sathan qui auroit mys tou-
te confusion en ce monde par vne tres pesti-
lentieuse ziza nie quil y auroit semee: car voy-
ant que les humains se multiplioient, & que
leur cōditiō de vie alloit de biē en mieulx, il
incite dune enuie les auroit redigez in ſerui-
tude, par plusieurs pechez enormes quilz au-
roient commis, & perpetrez par ſa ſeduction,
dont ſeroient aduenues les idolatries, & de-
puys que la vraye lumiere ſeroit apparue af-
fin dicelle obscurcir, auroit engendre maintes
ſectes entre les humains. Pour faire foy de ce
nous voyons que de present ceulx dasie la mi-
neur, Darmenie, Arabie, Perſe, Cyrie, Aſſyrie,

Prologue

Medie, & en Aphrique ceulx d'egypte, de Numidie, Libye, Mauritanie, & en Europe ceulx de Grace, Mysie, Romanie, & tous aultres qui sont soubz lobeyssance du turc obseruent curieusement la pluspart, ce Mahomet epilentique, & sa doctrine insensee: en delaisant nostre seigneur Iesuchrist. Les peuples de Scythie q sont de grande estadue, & de present appelez Tartares adorēt la plus part les idoles de leur empereur Cham: les aultres adorent les estoilles, aucuns toutesfoys en ya qui adorent vng seul dieu, & ont en vsage les epistres & doctrine de saint Pol, les Indes qui sont soubz lobeissance de prestre lehan suyuent la doctrine, & religion Chrestienne, toutesfoys il ya maintes diuersitez entre leurs facons de faire & les nostres, & ny a a present aucunes natiōs qui ayēt retenu la foy catholique en laquelle fut premierement instruit l'uniuersel mōde, excepte les Francoys, Italiens, Espaignolz, Germains, Anglois, Escossois, Hybernien, les Daces, Liouoniens, Prussiens, Polonois, & Hongres, & de ceulx qui tiennent les isles: ceulx de Rhodes, de Secille, de Corse, de Sardaine, & quelques aultres regions. Et ya besongne en telle sorte se tres cruel ennemy du gēre humain: que par telles diuersitez de religions, & carimones que les nations dessusdictes auroient particu-

de l'aucteur.

lièrement choysies, & voulu maintenir estre les plus vrayes pour conduire a leternelle beatitude, & foelicitē ē reputāt toutes aultres faulses, & erronees: vng chascū se seroit en son endroit mys en effort destendre, & dilater sa religiō: dōt se seroiēt ensuiuiestant de haynes, & inimitiez ētre les mortelz, quil na este depuys seur, ne loysible de faire longs pellerinages, & visiter les nations estranges: tellement que les hommes deulx mesmes se seroiēt fermez les passages pour paruenir a la congnoissance de diuerses natiōs: qui me faict croire que maĩtz en y a qui iugent tout ce qui a este escript sus nostre propos nestre que fables, dautant que a grand peine ont il congnoissance des peuples & natiōs a eulx voylines, & qui leur confinēt. Et neantmoins la congnoissance de telles choses a este si cōsolatiue, & agreable a plusieurs & leur a redonde a si grand honneur, gloire, & profit, quil est tres certain quaulcuns ne fĩrēt difficulte pour a icelle fin paruenir de laisser le pays de leur natiuite, leurs peres, & meres, femmes, enfans, & amys: en postposant (q plus est) leur propre salut: & icelluy mettāt en vne infinite de dangiers, & contēnantz toutes choses qui les eussent peu dimouuoir de leur entreprises, tāt quilz fĩrent voyages tres loingtains par mer: en sorte que nous congnoissons

Prologue

que non seulement au temps present, mais aussi le tēps passe, & quasi des que le monde commenca, le plus souuēt ceulx auoir este en grād credit, auctorite, & reputatiō, & ēcores iceulx mesmes auoir este commis au regime & gouvernement des choses publiques, & estre paruenuz aulx estatx de conseilliers, iuges, censeurs, gouuerneurs, & chefx darmees, qui par le moyen de leurs loingtains voyages, auoient retenu la congnoissance de maintz peuples, ensemble la maniere de viure, & gouvernement diceulx. Les aultres y ont acquis si grād scauoir, que du grand nombre de leurs sectateurs & disciples furent introduictes diuerses bendes de philosophes, tellemēt que de Socrates aucuns furent denommez Socratiques, les aultres qui furent disciples de Platon furent appelez Academiques, ceulx de Aristote Peripathetiques, ceulx de Antisthenes Cyniques, de Aristippus Cyrenaiques, de Zenon Stoiques, de Pythagoras Pythagoriques. Et si nous y prenons esgard de plus pres, nous trouuerōs que ce qui a baille tant dauctorite aulx enciens legislateurs: comme a Minos & Rhadamanthus, enuers ceulx de Crete, a Orpheus enuers ceulx de Thrace, a Draco & Solon enuers les Atheniens, a Lycurgus enuers les Lacædemoniens, a Moysē enuers les Iuifz, a Zamolxis en-

de l'aucteur.

uers les Scythes, & a aultres plusieurs enuers
maintes aultres nations, de pouuoir sus chas-
cūe dicelles introduire, & institue certaine re-
ligion, & loix: ce na este aultre moyen si non
par ce quilz nauoient consume leur aage en
leur pays: ains auoiēt apris ce scauoir des Chal-
dees, Mages, Brachmanes, Gymnosophistes, &
prebſtres de AEgypte, qui estoiet tous gens de
grand scauoir, & dung tres bon sens naturel,
auecques lesquelz ilz auoient frequente quel-
que espace de temps. Nous trouuerōs sembla-
blement que ceste congnoissance a grādemēt
seruy a infiniz excellans personnages, & prin-
ces du temps passe, comme a Iupiter de Crete,
quon recite auoir circuy cinq foys ce monde.
A ces deux enfans, comme a Dionyſos aultre
mēt dict Bacchus, & a Hercules le fort, auec-
ques son sectateur Theseus a Iason auecques
tous les argonautes de sa bende. A Vlyſſes qui
tant a euade de perilz sus la mer, & au fuytif
de Troie AEneas, a Cyrus Darius, Xerxes,
Alexandre le grand, Hannibal le punique, Mi-
tridates roy de Pont lequel auoit la congnois-
sance & le parler de cinquante diuers langa-
ges, de cinquante diuerses nations a luy subie-
ctes, a innumerables seigneurs Romains: com-
me aulx deux Scipions, a Marius, Lentulus,
Pompeie le grand, Iules Caesar, Octauien Au-

Prologue

guste, aulx Cōstātins, Charles, Othons, Conradz, Henryz, Federicz, & ce, en leurs gestes & infiniz exploictz de guerre: par lesquelz ilz ōt acquis vng loz, & eternelle gloire. Estant dōcques la congnoissance de diuerfes nations, & de la maniere de viure dicelles de si grāde volupte, & si grande vtilite, & attendu que plusieurs en ya ausquelz nest loysible, ne expediēt de faire voyages es terres loĩgtaines pour plusieurs causes, & empeschemens. Je te supplie amy lecteur de vouloir en lisant les choses cōtenues en ce present liure sus ce propos icelles recueillir en aussi grande allegresse, & prōptitude comme si ie te cōduysois par la main de lieu en aultre, & de region en aultre, & que ie te representasse au doigt & a lœil toutes les manieres de viure, & institutions tant anciēnes, que de fraische memoire, ensemble toutes les situations des pays esquelz chascune desdictes natiōs sest habituee le temps passe, ou habite de present. Et ne te destourne en rien de ceste lecture, pour ce que quelque plus austere repreneur te pourroit remōstrer: me voulant reprocher que ie ne traicte q̄ choses long tēps au parauāt, & par plus de milles autheurs traictees, & en mesmes termes, & cōme si ie vouloys me vendiquer ceste oeuvre & inuēction mienne, & la mettre en public pour quelque

de l'acteur.

nouueaulte, pour ausquelz s'atisfaire. Je te prie
entendre de moy que ie te mes a mesmes de
maintes choses dignes de congnoissance, par-
tie venans de moy, partie aussi du tresor de
mes liures, & comme vng bon pere de famil-
le (auquel nostre seigneur Iesuchrist a compa-
re tout homme vray professeur de la loy) faict
euers son hoste: ainsi estimes de moy: cest que
ie ne te presente seulement choses anciennes,
& venans d'ailleurs, ains avecques ce maintes
autres que ie puy dire estre miennes, & nou-
uelles. Si te requiers de vouloir le tout prendre
en gre, priant dieu quil te vueille maintenir en
toute prosperite.


Fin du prologue.]

Premiere page.
Lintitulation,
Deuxiesme page.
Le priuilege.
Troisiesme page.
Lenuoy a lempereur.
Cinquiesme page.
Lordre des liures & ce quilz cōtien-
nent.
Sixiesme page.
Table Alphabetique du liure, & puis
lerrata.

La vraye opiniõ

des Theologiens, touchant l'origine de
l'homme.

Chapitre premier.



Pres que la diuine ma-
ieste auroit paracheue
le ciel, & ceste forme v-
niuerselle, laquelle pour
son aornement & decē-
te composition, fust ap-
pellee monde, ensemble
tout ce qui est contenu en son circuiet, & ce,
au cinquiesme iour de la creation: Au sixiesme
feist l'homme trefnoble creature, pour le com-
mettre p dessus les choses dessusdictes, en luy
delaisant la iouyssance dicelles, il fust doue
seul entre toutes les creatures, dentendement
celeste, & luy fust dōne le nom de Adam, par
ce quil auoit este cree dune veine de terre rou-
ge, peu apres luy fust donnee pour cōpaigue,
& affin que la solitude ne luy causast ennuy,
la femme laquelle fust faicte de sa coste. Ilz
furent constituez ensemble en la partie la pl^e
delectable du monde, & arrousee de toutes
pars de belles riuieres. Ce lieu estant tout ver-
doyant, & gracieux a contempler a merueil-
les, pour ceste cause estoit appelle paradis, par

Les Latins
appellent
long aor-
nement
de femme

Mū dus, &
de ce est
appelle le
monde,
par les la-
tins muu-
dus: & ce-
cy dict lau-
theur a-
pres Pline
au 4. cha-
pitre du
premier li-
ure de son
hystoire
naturelle.

Ce nō de
Adā en lā-
gue He-
braicque
ne signi-
fie seulle-
mēt le nō
du premi-
er pere:
mais aussi
vng hōme
de cou-
leur rous-
se ou san-
guin.

Description de la prouince Daphricque

vne dictiō grecque. Ces deux personnes y menerent vne vie tresheureuse par quelque tēps, & sans sentemēt de mal quelcōques, p ce que la terre de soymesmes leur pduisoit tous biēs a souhait:toutesfois pour auoir transgressē le cōmādemēt de dieu,furēt chassez de ceste tref amene,& tresheureuse habitation,& leur fust force quictē ce lieu. En apres la terre interdite de ne produire selō sa premiere fertilite, furēt cōtrainctz de chercher leur vie,p sueur & trauail,& lhors eurent cours maladies,& sentemens de froidures, & chaleurs es corps humains. Cain fust le premier par eulx engendre. Abel le second,& depuis plusieurs autres:& en telle maniere saccreust le monde,& fust la terre plus frequētemēt habitee, plus se multiplioient les humains en forces & en nōbre, & plus croissoiēt les vices,& alloit leur vie en empirant, en sorte que au lieu de ne vouloir que tout biē a leur prochain,ilz cōmēcerent a sentrenuyre & endommager lūg lautre, & au lieu de recōgnoissance de leur createur, eurent en cōtēnement la bōte diuine. Et est iusques la pueni le vice, que dieu(apres auoir trouue vng seul iuste entre les mortelz Noē, quil voulust pour ceste cause preseruer ensemble toute sa famille pour la reparatiō du gēre humain)en uoya le deluge,p lequel fust toute la terre inū

Trāsgres
sion des
premiers
peres.

Origine
des mala-
dies & ve
hementes
froidures
& cha-
leurs.

Depraua-
tion des
hommes.

Noe.

Deluge.

dee, & mis a mort tous animaux de la terre, excepte ceulx q auroiēt este sauluez p la sainte nef, ou arche dudiēt Noe. Cinq moys donques apres ladicte inundatiō, l'arche se trouua a sec sur les montaignes Darmenie, & yssist Noe avec les siens, & repara en peu de tēps le gēre humain p laide & cōduicte de dieu. Il entreprit de faire que toutes pties de la terre fussent habitees, & a ceste fin enuoya ses enfans, & descēdans diceulx, en diuerses regiōs de la terre. Il enuoya en Egypte (cōme recite Berosse) son filz Cham, Esenius, en Lybie, & Cyrene Tritames, en tout le reste de Laphricque Iapetus l'ancien. Il enuoya Atala en Lasie Orientalle. En Arabie quon diēt l'heureuse il enuoya Gāges, aulcū des enfāns de Gomer, & Sabus le thurifere. Arabus fust par luy constitue chef de Larabie deserte, & Petreius chef de Larabie Petree. Il fist habiter le pays depuis Damaz, iusques aux limites de Palestine, par Canaan. En Europe il cōstitua Roy de Sarmatie Tuisco, depuis la riuere de Tanais, iusques a la riuere du Rhin, pres dudiēt Tuisco habiterēt les enfans de Ister, ensemble Mesa avec ses freres, lesquelz eurent le pays depuis le mōt Adule, iusque a Mesemberie, & pays Pōtique: & en ce tēps Tyras Archadi⁹, & Emathi⁹ ont tenu Litalie, Gomer la Gaulle, celtiques toutes fois, ou Celtes (q sont pays de ladicte Gaulle)

Sainte ou mystique icy est appellee l'arche de Noe par ce que elle denotoit les glises des chrestiens.

Description de la prouince Dphricque
 aduîdrét a Samothès: & a Iubal les Espaînes.
 Ceste briefue & subite deptie de ceste lignee,
 (laquelle nauoit encores apris la forme de
 viure & meurs de ses peres) fust cause de tou-
 te la diuersite depuis ensuyuie. En sorte que
 Cham (lequel senfuyt pour la vergongne par
 luy faicte a son pere) sarresta avec sa femme,
 & enfans en icelle part Darabiæ, depuis sur-
 nômee du nom dudiçt Cham: lequel ne bail-
 la a sa posterite aucûs præceptes de religion,
 dautant quil nen auoit aucûs aprins, dont est
 aduenû que par succession de temps les vngs
 enuoyez apres les autres, de ceste terre en au-
 tre pour y habiter, apres auoir occupe plufi-
 eurs pays du monde (car ceste lignee de chaf-
 fee multiplioit a merueilles) finalement se-
 roient la pluspart tumbez en erreurs inextric-
 cables, le langage auroit este varie, la cõgnois-
 sance du vray dieu, & adoration extaincte.
 Aucuns, cõme nous verrons cy apres, ont ve-
 scu dune si barbare & estrange sorte quon y
 eust iuge bien peu de difference entre leur vie
 & celle des bestes sauages. Ceulx qui passerēt
 en Egypte pour l'admiratiõ qlz eurēt des crea-
 tures celestes, cõmencerēt a adorer cõme dieux,
 le Soleil & la Lune, appellans le Soleil Ofy-
 ris, & la Lune Isis. Ilz ont attribue diuinite a
 la respiration, par laquelle toutes creatures vi-
 uēt, soubz le nom de Iupiter, a lelement du feu

Origine
 de Idola-
 trie.

Ofyris &
 Isis.
 Iupiter.

Liure Premier.

iiij.

soubz le nom de Vulcain, a lair soubz le nō de Pallas, a la terre soubz le nō de Ceres, & a plusieurs autres creatures soubz autres diuers nōs Et non seulement en Egypte ont prins cours diuersitez de tenebres, mais aussi en toutes terres detenues par ceulx qui sont descenduz de Cham, & ont toutes este subiectes a execrable seruitute, & ignorāce de vraye religion. Dauantage onques ne se trouua terre si fertile de gens pour peupler les autres, ne mieulx meritant le nom de mere pour ce regard, que celle partie Darabie que cestuy Cham avec les siens occupa. Telle & si grande ruine apporta au genre humain, le bannissement de ce seul personnage. Au cōtraire Sem & Iaphet, avec toute leur lignee (lesquelz furent instituez par leurs peres en certaine loy) se contenterent de petites possessions, parquoy ne se sont si largement dispersez par toute la terre comme les autres, dōt est aduenue que lamour & suyte de verite (cest adire de vraye piete, & adoratiō du vray dieu) a demeure occultee, en vne seule natiō, iusques a laduenement du Messias.

Vulcain.

Pallas.
Ceres,

Lignee
de Sem &
Iaphet,

¶ La faulse opinion des Ethniques touchant lorigine de lhomme. Chap. ij.



Es philosophes du temps passe, lesquels sans aucune congnoissance du vray dieu, long tēps a ont trai

a iiij

Description de la prouince Daphricque
Ete des choses naturelles, en ont autremēt iu-
ge. Aucūns ont creu que le mōde estoit vne cho-
se non creee, & incorruptible, & que le genre
humain a este sans prendre aucun commen-
cement. Les autres ont iuge que le monde a-
uoit este cree, & subiect a corruptiō, & que les
hōmes y auroient este procreez par succession
de temps. & pour cōfermer ceste opinion di-
soient que auāt que aucune chose eust son cō-
mencement, le ciel & la terre auoient vne seul
le Idee, & que la propriete de ces deux choses
estoit confuse: que depuis ces deux elementz se
seroient separez lung de lautre, dont ce seroit
ensuyuie telle disposition & forme du monde
que nous voyons que laer a tousiours eu cōti-
nuelle agitation, & que dicelluy la ptie du feu
auroit pris le plus hault lieu, a cause de son a-
gilite, & que par ceste raison, le Soleil & au-
tres astres auroient retenu leurs lieux, & cours
certains en ceste haulte region. Et quant a ce
qui restoit, cōme estāt de qualite humide, nau-
roit peu bouger de son premier lieu, a cause de
sa pesanteur, & ayant lhumidite vne matiere
espeſſe en soy, de la partie la plus humide, ont
voulu dire que la mer se seroit esuyuie, & que
lespeſſeur destituee de si grande humidite se-
roit deuenue en terre fangeuse, & molle: laq̃l-
le peu a peu se seroit endurcye, a cause de lar-

deur du soleil, en sorte que le dessus p violēce de la chaleur se feroit enfle, & esleue, tant que plusieurs humeurs soubz la concavite de ceste terre enleuee se feroient accumulees, qui se feroient peu a peu conuerties en matieres pourries, cōme on voit aduenir es estangs, & marescages Degypte. Ainsi estant la terre froide & humide de sa nature, eschauffee en vng instāt par la vehemēte chaleur de laer, ont voulu dire quen linstāt que la chaleur auroit este meslee avec les choses humides, que lhors se feroit concreee vne matiere propre & efficace a engendrer: a laquelle auroit este donnee humeur, par quelque aer qui se feroit de nuiēt espandu, & p la vigueur du soleil auroit nourry & entretenu ceste matiere generatiue iusques a ce que par succession de temps, lessdictes matieres se feroient efforcees mōter au dessus, & lors cōme si le temps eust este venu que lessdictes croustes eussent voulu rendre ce quelles auoient engendre, quelles se feroient ouuertes & entamees par la vehemente chaleur du soleil, & en vng instant produiēt toutes sortes danimaux, desquelz ceulx qui participoient de plus grande chaleur, ont este volatiles, & gaigne la plus haulte regiō de laer, les autres lesquelz tenoiēt le plus de la pesanteur de la terre, les vngs seroient demeurez

Opinion
subtile en
ēcore quel
le soit faul
se touchāt
lorigine
des creatu
res.

a iiij

Description de la prouince Daphricque

eux trainans, et les autres allans sur terre. Les autres qui tenoient de la qualite de leau se seroient transmis en elemēt de leur qualite, & retenu le nom de poissōs. Et par ce que la terre, partie a cause de lardeur du soleil, partie a cause des ventz seroit deuenue de plus en plus seiche & aride, par tant auroit cesse d'engēdrer les plus grandz animaux: mais ceulx quelle auoit egēdre par vne cōiunction mutuelle en auroiēt pcree d'autres. Si disent qu'en ceste sorte les hōmes furēt premieremēt engēdre, lesquelz auroient depuis charche leur nourriture par les champs, & vescu d'une fau uage & estrange sorte, ne mēgeans sinon herbes & fruiētz que les arbres leur apportoiēt sans labeur. Que a occasion de la nuyssance que leur faisoient les bestes, & pour la crainte qlz en eurēt, ilz se feroient cōgregez pour leur commune vtilite, tellement quilz se seroient secouruz lung lautre, & prepare lieux pour habiter: or p ce que le son de leur bouche estoit cōfuz ilz se seroiēt estudiez a approprier leur langue a certain langage, tāt que peu a peu ilz imposèrent noms a toutes choses. toutesfois parce quilz estoient situez en diuerses regiōs du monde, ilz auroient forme diuersite de lā gages, & consequemment diuersite de formatiō de lettres. Que autant de compagnies qui

Premiere
ocasiō de
la congre
gatiō des
hommes.

se seroiēt en vng instant assemblees, & depuis multipliees, autāt se seroient ensuyuies de diferentes nations . Et par ce que les hōmes uiuoient en grande paouurete , par ce quilz nauoient lentendement de faire quelque reserve pour leurs necessitez a aduenir , tellement quilz ne faisoiet aucunes prouisiōs des fruietz prouenans de la terre , de ce aduenoit que les vngs (& en grande quantite) mouroient de famine, les autres de froid , parquoy instruietz les hommes par experience, de telz inconueniens: charcherent (ainsi que disent ces philosophes) des cauernes pour euitier la violence du froid , & misrent fruietz en reserve pour leurs prouisions. Peu apres auroiet eu cōgnoissance de la propriete du feu, ensemble de toutes aultres choses vtils , tant quen peu de temps ilz auroiet inuente toutes commoditez necessaires a la vie humaine . En somme necessite ayant moyenne toutes ces inuentions, auroit donne a lhōme lart den scauoir vser de chascune en son endroiēt, & luy seruirēt les maïs la parolle, & excellence de lesperit de coadiuteurs. Ceulx qui se sont persuadez lorigine de lhomme estre telle, comme cy dessus a este recite, & ne lont referee a la diuine prouidence: ont tenu que les Ethiopiens furent les premiers procreez entre tous les mortelz, & fu-

La necessi
te cause
des inuen
tions des
humains.

Ethiopi-
ens premi
ers de to
les hōmes
engēdre
selon les
anciēs phi
losophes.

Description de la prouince Daphrique
rent induictz a ceste opinion par ce que la terre de Ethiopie, cōme estant la plus prochaine du soleil, commença auant toutes autres a sentir chaleur, combien que au parauant ne plus ne moins que le reste de toute la terre, elle fust limonneuse, dont seroit aduenue que de ceste premiere temperature de l'humour avec la chaleur, l'homme se y seroit engendre, lequel se seroit arreste en la terre de sa natiuite plus tost quen nulle autre a luy pour lors incongneue. Nous commēcerons donques par ceste region, & apres que nous aurons quelque peu traicte de Laphricque, lune des trois parties du monde, (selon lesquelles est aussi nostre liure diuise en trois) nous reciterons en p̄mier lieu de la situation du pays de Ethiopie, & meurs des nations qui y habitent: en apres & par ordre sera par nous faicte description de toutes autres regions, & nations au mieulx quil nous sera possible.

¶ De la situation de la terre, & diuision dicelle. Chap. iij.

LEs anciens (selon que dict Orose) on dict que le circule de toute la terre, en uironne du riuage de la mer Oceane, estoit de triangle figure, & quil consistoit en

trois parties, cest assauoir Aphricque, Asie, & Europe. La riuere du Nile faict la separation de Laphricque & Asie, & sestend deuers le midy en Etiopie, & de la passe par Egypte, & arrouse ce pays dune merueilleuse fertilite, puis en passant oultre descend en la mer par sept endroitz. Leurope est separee de Laphricque, par la mer Mediterranee: laquelle prend passage & ouuerture pour trauffer la terre, vers loceane occidental pres lisle Gades, & colonnes de Hercules: non ayant en cest endroit largeur de plus de dix mil: & de ce est tesmoing Pomponne mela. Lasie est diuisee de Leurope par le fleuue Tanais, lequel entrant deuers Septentrion dedes le lac meotide, faict avec la mer Pontique, la separation du reste de Leurope & Asie. Laphricque estant separee des autres parties du monde tant par la riuere du Nile, que par autres costes de la mer, est plus estroicte que Leurope, fors en icelluy endroit ou elle sestend dedens la mer ou elle est plus large: de la esleuee des montaignes tire en estroicyssant deuers occident, ou elle prend fin en forme de poincte. En celluy endroit ou elle est habitee, & en labour, elle passe les autres parties de la terre en fertilite. toutesfois elle est la pluspart inhabitee, & couuerte de sables, ou deserte pour lintemperature du

Nile riuere.

Dix mil
font cinq
lieues Fran
coises.

Fertilite
de laphric
que.

Description de la prouince Daphricque

Mer lybi-
que.
Mer Ae-
thiopique
Mer Ath-
lantique.

clymat, ou dangereuse pour la multitude des bestes sauuages. La mer de laquelle elle est en uironnee du couste de Septentrion, est appellee Lybique, celle de deuers le midy Ethiopique, & l'autre de la coste de loccidēt Athlantique Aphrique au commencement estoit seulement habitee par quatre nations: desquelles y en auoit deux (comme escript Herodote) indigènes, les autres y estoient venues de ailleurs. ceulx qui y auoient pris leur origine, estoient les Puniques, & les Ethiopiens: les estrangers & venuz d'ailleurs estoient les Phœniciens, & les Grecz. les plus anciens Ethiopiens & Egyptiēs (si les choses sont vrayes, quilz ont recite de leurs meurs) estoient de leur commencement rudes, & sauuages, & ne mangeoient coustumierement que chairs de bestes sauuaiges, & païssoient comme les aultres bestes. ilz n'auoient aucunes certaines loix, ou institutions, & gouvernement de leurs vie, ains estoient vacabons, & courans sans aucune discretion, & sans aucun certain lieu, ou habitation, & prenoient leur repoz au premier lieu ou la nuit les surprenoit.

Depuis ilz furent renduz plus traictables, & moins agrestes par Hercules, qui transporta en icelle terre plusieurs cōpaignies de gens pour y habiter, tellement que des nauires de-

dens lesquelles ilz auoient passé la mer lybi-
que, firent plusieurs maisonnettes: & commē-
cerent a se congreger, & habiter ensemble, de
ce, nous en dirons plus amplement par cy -
apres. Laphrique nest esgallement habitee
en tous endroictz: mesmes deuers le midy el-
le est par trop grādes chaleurs la pluspart de-
serte. Au cōtraire du coste tirant vers Leuro-
pe, elle est plus frequemment habitee: Cest
vne chose excellente, & quasi incroyable, que
ce quon dict de la fertilite de ceste terre en au-
cunes cōtrees, ou il se trouue que les terres a-
mendees apportent a leur maistre au centu-
ple plus quil ny a seme. Cest merueilles de ce
quon dict de la fertilite de Mauritanie, quil y
a en ce pays des vignes, dont le grain de rai-
sin pris en vne grape a vne couldee de circuit:
les cez de vigne si groz, que a peine que deux
hommes les sceussent embrasser, des Staphi-
lins, Hyppomarates, & poinctes des chardōs
de douze couldees de grosseur, ayantz cannes
de semblable espesseur, a celles qui croissent
es Indes, dedēs les neuz desquelz on pourroit
mettre autāt de bien, quil en pourroit en qua-
tre boiceaux. On voit semblablement en ce
pays des Asperges de pareille grandeur que
les choses dessudictes. Vers le mont Athlas
se trouuent arbres dune merueilleusemēt bel-

Laduene-
ment de
Hercules
en Aphri-
que.

Fertilite
de mauri-
tanie.

Description de la prouince Daphricque

le haulteur, sans aucuns neuz, approchans en leurs fueilles au cipres, mais entre autres excellences on y trouue des citrôs tres exquis, & nôbrez entre les delices Romaines. Laphricque aussi nourrist Elephans, & avec ce des dragons qui se ruent mesmes sur les grandz bestes, & de leurs forces, & estraincte suffoquent lyons, busles, leopardz, daims, & cinges, & se trouuent en plus grand nombre en aucuns endroits, que es autres. Il y a semblablement en Aphricque des bestes demy chameaux & demy leopardz, des rhises semblables à taureaux Herodote recite qu'on y trouue des asnes ayant cornes. Oultre les dragons dessusdictz, on y trouue des hyenes, histrices, beliers sauuages, & des thoues, lesquelles sont engendrees d'une hyene & d'un loup. Plus on y trouue Pâtheres, cigônes, autruces, & oultre vne infinite de serpentz, comme cerastes, & aspicz, alencontre desquelz nature a delaisse vne petite beste qu'on appelle Icneumon.

¶ De Ethiopie & anciennes meurs
des Ethiopiens. Chap. iiii.



Thiopie est vne region diuisee en deux, lune partie est Dasie, & l'autre Daphricque celle qu'on appelle pour le iourd'hui les Indes, vers le soleil leuant, est enuironnee de la mer rouge, & de la mer

de la Barbarie, deuers septentrion, elle est cōti-
 gue au pays de Libye & Egypte, vers occi-
 dent elle se cōfine a linterieure, & plus loing-
 taine Libye, de la partie restant, & de laquelle
 elle est opposite a la coste de midy, elle est cō-
 ioincte avec lautre Ethiopie. & fust ainsi ap-
 pallee par vng nomme Aethiops, filz de Vul-
 cain, lequel y regna le premier (comme dict
 Pline) ou dune diction grecque ἄθω, qui signi-
 fie brusler, & ὄφ qui signifie regard, par ce que
 a cause de la prochainete du soleil, ce pays est
 en ardeur continuelle: mesmement en la par-
 tie estant soubz la region du midy. Ce pays
 est montueux vers occidēt, & desert vers ori-
 ent, plusieurs sortes de gens y habitent de di-
 uerses figures, & espouentables especes. Aucū
 les estiment estre les premiers pcreez de tous
 les mortelz, & vrayz indigenes. Ilz neurēt on-
 ques cōgnoissance de seruitute, ains ont touf-
 iours demeure en liberte. On recite quilz ont
 premierement institue la region, & cerimo-
 nie enuers les dieux par eulx inuentez. Et ont
 eu double vsage de lettres, celles quilz appel-
 loient sacrees, estoient pour lusage des preb-
 tres, de leur loy, & a eulx seulemēt cōgneues:
 les autres estoient pour le populaire. Les figu-
 res de leurs dictes lettres nestoiēt telles que di-
 celles on assemblast syllabes, ains estoiet sen-

Ethiopie:
 pour-
 quoy ainsi
 appellee.

Indige-
 nes cest a
 dire habi-
 tateurs de
 la terre:
 en laquel
 le ilz ont
 pris leur
 origine.

Description de la prouince Daphricque

De telles manieres de lettres, est traicte ample-ment par Or^e Apolo, en son liure des notes Hieroglyphiques: & par maistre Geofroy Tory en son liure appelle le chap fleury.

blables a quelques parties exterieures de l'homme, & quelques creatures, ou bien a quelques instrumetz, & outyes de quelques manouuriers, & artisans, et auoit chascune figure sa propre signification, comme par exemple la figure dung milan, par laquelle estoit signifiee vistesse, & celerite. par la figure dung crocodile estoit signifie le mal. par la figure de loeil estoit signifiee garde, & preservation: & ainsi consequẽment de toutes autres figures, chascune selon sa propriete, estoient signifiees autres choses diuerses. Celluy entre leurs prebstres qui monstroit signes de furieux, & insense, estoit iuge le plus sainct, tãt quil estoit de tous accepte a roy, & de tous adore, comme ayant diuinite, quoy que ce fust cõme reputẽ estre enuoyẽ par prouidẽce diuine. Il estoit tenu de viure selon quil luy estoit ordonne par leurs loix, & en tous ses affaires se conduyre selon la facon du pays, il ne pouuoit punir le malfaieteur, ou remunerer le bienfaiteur, mais bien a celluy quil ordonnoit estre puny, enuoyoit vng de ses estafiers ayãt charge de luy signifier la mort, & si tost que lestafier sestoit monstre au malfaieteur, incontinent il sen alloit en sa maison & se tuoit sans autre mandement. Et estoit par eulx tãt dhonneur attribue enuers leur roy, que toutesfois

Lobeyssa
ce des E-
thiopiens
euers leur
rey.

& quantes quil estoit debilite en quelque partie de son corps, & pour quelque cause que ce fust, ceulx de sa maison se nourrissent de leur bõ gre, en icelle mesme partie de leurs corps: iugeans en eulxmesmes estre vne chose mal seante, leur roy estant priue dung oeil, ou dune iambe, quilz ne fussent participans de semblable calamite. On dict pareillement que les familiers de leurs royx, ont acoustume de se pourchasser la mort deulx mesmes, leur Roy estât mort: & ce en tesmoignage de la vraye amytié qui luy ont portee de son viuât: & que telle mort volontaire leur tourne a grand hõneur. La plus grande partie de ceulx de ceste nation ont acoustume destre tous nudz a cause de lardeur du soleil, excepte quilz cachent leurs parties honteuses de quelques peaulx de queues de brebis. Aucuns ont quelques couuertures qui leur pèdēt depuis leurs cheueulx (auf quelz elles sont entrelacees) iusques au meilleur lieu du corps. Ilz fõt coustumieremēt mesnagerie de bestail ècores que leur bestail soit petit et rude, ayāt grosse toyson. Ilz ont sēblable mēt chiēs de mediocre taille, fort aspres, et de bõne guette. Ilz vsent fort de mil, et dorge, et en font bissõs. Ilz nõt aucūs fruietz, ou graïs, sinon de petites palmes, & encores en ont il en petite quantite. Les vngs vivent dherba-

b.j.

Habitz
des Ethio
piens.

Description de la prouince Daphricque

Meroe is-
le dedens
le Nile,

Macrobi-
ens peu-
ples abun-
dantz en
mines
dor.

ges, & de menues racines de ioncs, ensemble de chairs, & laiçtaiges. Meroe a este anciēnement le siege capital de tout le royaulme, & est vne isle en forme de bouclier, dedens la riuiere du Nile, de lestendue denuiron trois mille stades. Elle est communeemēt habitee par pasteurs, addonnez du tout a la chasse, & par laboureurs, lesquelz ont en leurs possessions des mines dor. Herodote recite que les Macrobiens (qui sont peuples en Ethiopie) font plus de compte, & estime, de cuiure, ou arain, que de lor, tellement que les ambassadeurs que le roy Cambyse enuoya en ceste contree, y veirent prisonniers enchainez de chaines dor. Aucuns sement & recueillent du Sisame, & du Lot, ilz ont grande abundance de Ebene, & de Siliquastre. Ilz chassent aux Elephans, puis les mangent. Ilz ont lyons, lycornes, basilisques, leopardz, & dragons lesquelz, par multitude de neuz qlz fōt de leurs queues estouffent, & tuent les Elephans. Ilz se trouue en ce pays quelques especes de pierres, comme la Hyacinthe, & le Chrysoprase, on y amasse de la canelle, leurs arcs sont brulez par le bout, & ont quatre couldees de longueur. Les femmes de ce pays se duysent a la guerre ne plus ne moins que les hōmes, et ont la pluspart la leure parcee dūg cousteau, & au

trauers font passer vng aneau de cuiure . Les
vngs adorēt le soleil leuāt, et detestēt le soleil
couchant . Aucuns iettent les corps des tref-
passez dedens les riuieres, les autres les enfer-
mēt en vaisseaulx de terre, & aucū en vaisse-
aux de verre, dedēs lesquelz ilz les gardēt en
leur maison vng an entier, & ce pēdāt les ado-
rēt et par grāde cerimonie leur fōt offrāde des
fruietz premiers recueilliz. Aucū ont escript
quilz ont de coustume de eslire pour leur roy,
celluy qui en beaulte, & sciēce de nourrir bef-
tail passe les autres, & en force de corps . Et a
eu leur roy āciēnemēt ceste prouogative sur les
prebſtres de la cite de Mēphis, de leur pouuoir
par estafier commāder de se tuer deulxmes-
mes, et dē substituer en leur lieu tel que bō luy
fēbloit. Ilz croyēt q̄ soit vng dieu imortel, et es-
tre celluy q̄ est facteur, & domiāteur de tou-
tes choses, dauātage ilz croyēt q̄ ē soit vng au-
tre mortel, lequel ilz disent leur estre icōgnu.
Ilz ōt leur roy en peille reuerēce que leur dieu,
enſēble celluy q̄ mieulx a merite de la chose
publique. Tel a este au cōmēcemēt, et p̄ quel-
que tēps leſtat de Lethiopie: telles ōt este leurs
cerimonies & manieres de viure. Toutesfois
Marc Anthoine ſabellique (duquel nous auōs
pris la plus grāde ptie des choses que no^r reci-
tōs et reciterōs cy apres) diēt auoir ētēdu des

Nouvel-
les facons
de viure
des Ethio-
piens.

b.ij.

Description de la prouince Daphricque

Preteian
roy des
Ethiopiés

Certaine
obseruati
on de sa
ciete des
princes &
grãdz sei
gneurs de
Ethiopie:

Indigenes, & gés venuz de ce pays, que le roy Dethiopie que nous appellons Preteian, ou Prebstre Iehan, quilz appellēt Giam, cest adire puissant: est si grãd seigneur, quil tiēt soubz son royaulme soixante & deux autres roys, & que les chefs de lesglise de son royaulme se gouernent tous par luy, & que de luy sont impetrez les benefices, ce que le pape de Rōme a octroye tousiours a la nomination des royx: toutes fois que ledict Preteian nest pas prebstre, ne initie aux sainctes ordres. Il y a soubz son royaulme vng grand nombre darceuesques, & chascun diceulx a soubz sa iurisdiction pour le moins vingt euesques. Dict oultre que les princes, & autres gens constituez en dignite, font porter la croix deuant eulx, quant ilz vont en public, ensemble vng vaisseau dor remply de terre, affin que par ceste representation ilz soient admonestez par lung de ses deulx obiectz de leur condition mortelle, & par lautre de la passion de nostre Seigneur. leurs prebstres espousent femmes, affin den auoir lignee, toutesfois icelles mortes il leur est interdict den prendre dautres. Leurs temples, & esglises sont de belle grandeur, & plus riches que les nostres, tous esleuez en voultres.

Ilz ont plusieurs conuentz de diuerses or-

dres de religion, comme de sainct Anthoine
sainct Dominique, sainct Macaire, & sainct
Augustin, & ne sont vestuz d'habituz daucune
certaine couleur, ains de telle qui leur est per
mis prendre par leur superieur: ou abbe.

Ilz ont grāde deuotion apres celle quilz doib
uēt a Dieu, enuers la Vierge Marie, & enuers
sainct Thomas, qui fust appelle didymus. Et
ont pour tout asseure que leur roy quilz appel
lent Giam est descendu de Daud, duquel ilz
estimēt la generation auoir cōtinue par tant
de siecles iusques a present. Et nest ledict Roy
noir comme la plus part des Ethiopiens, ains
est de couleur, & habitude de corps blāche. La

Garama
ville royale de ce pays est appellee Garama: ville capi
talle de
Ethiopie.

laquelle nest enclose de murailles, ains est seu
lemēt edifiee dung grand nōbre de tentes, &
pauillōs disposez par ordre, garnyz de tapisse
rie tissue de soye, pourpre, & veloux. Le roy p
vne coustūe anciēne ne se tiēt iamais en mai
sons, ne en clostures de murailles par espace de
plus de deux heures, & iugēt q̄ ce soit vne cho
se deshōneste, & effeminee: ou bien obseruent

Puissance
de Prete-
rian roy
des Ethio
piens.

ceste facō defaire pour loy. Il peult mettre en
bataille vng milliō dhōmes, ciq cēs elephātz,
& auec ce vng grād nōbre de cheuaulx, & de
chameaulx, & encores ce, a occasion dūg bien
petit trouble aduenu en ses affaires, dauātaige

b.iiij.

Description de la prouince Daphricque

Balfames
& Tan-
quaz,

Punition
des crimes
entre les
Ethiopiens

Habitz
des Ethio-
piens.

il a par tout le pays plusieurs lignees a sa soul-
de, & ceulx qui en descendent sont marquez
dune croix, laquelle leur est imprimee dūg fer
chault, en quelque lieu apparent dessus eulx.
Ilz vsent en guerre de iauelines, hallectretz, &
testieres. Lestat de la plus grande dignite est
celluy de prebstrise. Le secōd degre de digni-
te, est defere aulx sages, quilz appellent Balsa-
mes, & Tanquaz. Ilz deferent aussi grande-
ment a innocence, & preudhomic, & mettent
ces deux vertuz au premier lieu de sagesse. Le
tiers degre de reputation est attribue a lestat
de noblesse, apres lequel ensuyuent ceulx qui
sont couchez en lestat du prince. Les iuges di-
sent leur aduiz quant il est question de mort
dhōme, & lēuoyēt par escript au gouuerneur
de la ville quilz appellēt Lycomegia: lequel re-
presente la personne du roy. Ilz nont aucunes
loix redigees par escript, ains iugēt selon quil
leur semble estre bon, & equitable. Celluy qui
est par eulx conuaincu dadultere, il paye par
forme damēde la quarātiesme partie de ses bi-
ens. Quāt a la fēme qui en est attaincte, la cor-
rection en est delaissee a ceulx de la maison
dōt elle est yssue, & a ceulx qui y sentent leur
hōneur interesse. Les ioyaulx des fēmes sont
dor, duquel ceste nation abunde, les hōmes, &
fēmes portent habitz de soye, enrichiz de per-

les, & trainnēt leurs habitz iusques a leurs piedz: & ont māches, & ne sont ouuertz par derriere, ne par deuāt, et vsent de toutes couleurs, en habitz, excepte couleur noire: a cause quelle leur signifie dueil, lequel ilz ont acoustume de porter quarāte iours apres que quelquung de leurs amys est trespasse. Aulx plus magnifiques ilz seruēt en leurs yssues de table d'chairs crues, lesquelles ilz detrechēt pprement, & apres les auoir saupoudrees despices, en māgēt de grand appetit. Il nacoustrēt ne parēt aucunemēt les laines, tous sont vestuz de lin, ou de foye. Ilz ont diuers lāgages entre eulx, & sappliquēt a cultiuer les terres, & a nourrir bestail, & ont deulx saisons de mestiuēs, et deulx estez lan. Toutes les natiōs de Libye qui sont depuis ce pays de Ethiopie, ou des Indes, iusques en occidēt, suyēt lerreur de Mahomet, & viuēt quasi tous dune mesme facon que les Barbares qui sont maintenant en Egypte, & Maures. font appelez Maures, a cause des frequentes courses des Maures, lesquels nont moins greue ce pays de Libye, que les Sarrazins en ces malheureulx tēps que si grādes mutatiōs aduindrent en ce mōde, & que les anciēnes modes, loix, & creance, furent par toutes nations presque quant & leurs noms changees.

b.iiij.

Description de la prouince Daphricque

¶ De Legypte & anciennes modes des
Egyptiens. Chap.v.

Egypte
premiere
ment ap-
pellee Aeria.

Citez an-
ciennes &
nouuelles
du pays
Degypte.

Inūdatiō
du Nile.



Gypte, est vng pays en Aphricque ou (selon le iugement daucuns) prochain de Aphricque, & est ce pays ainsi nomme du nom dung frere de Danaus, lequel auoit nom Egyptus, & estoit auparauant appelle Aeria. Ce pays, comme Pline recite en son cinqiesme liure du couste de lorient est contigu a la mer rouge, & region Palestine: vers occident au pays de Cyrene, et au residu de Laphricque. Il sestend depuis le midy iusques en Ethiopie, du couste de septentrion a la mer Degypte. Il y a eu autresfoys de grosses villes, cōme Thebes, Abydos, Alexandrie, Babylōe, & Memphis, aujourdhuy il ya Damiete, & le Caire, auquel est la residence du Souldan. En Egypte ce dict Platon iamais on ne voit pluoir, & neanmoins est la terre rendue fertile par linundation du Nile, qui se depart en telle sorte, qui la faict en forme dung triangle, pour laquelle figure ressemblant a vne lettre grecque appellee delta, est aussi ce pays appelle Delta, par plusieurs. Linundation du Nile aduiant tous les ans apres le solstice de leste. aucuns pour le circuit q̄ faict ledict Nile a letour de ce pays, ont iuge

que cestoit vne isle. Quant est des Egyptiens, ilz ont este premiers iueteurs des nōs des douze dieux, & cōmencerent a eriger tēples, autelz, ymages, & grauoiet en pierres figures de diuerses bestes. Lesquelles choses nous demōstrent assez quilz sont yssus des Ethiopiēs, lesquelz ont este inuenteurs de toutes ces choses comme dit Diodore Sicilien. Leurs femmes anciennement ont eu de coustume de se mesler du train de marchandise, de tenir hostelleries, & traffiquer. Ce pendant les hommes s'addonnoient a faire toilles, & porter fardeaux sur leurs testes, que les femmes ne portēt sinō sur leurs espaulles. Oultre ce les femmes fouloient faire leur eaue debout, & les hōmes tournez cōtre terre, & courbez. Elles faisoiet leurs necessitez en leurs maisons, & banquetoiēt en public. Iamais femme nestoit dedee au seruice daucun dieu. Et au regard des hommes lesquelz se y addonnoient, Leur coustume estoit deulx assembler avec leur prelat qui estoit estat deu de pere a filz. Les enfans masles de ce pays ne estoient contrainctz de nourrir leurs peres, & meres: ains y estoiet tenues les filles. Plusieurs du tēps passe, la mort de quelcū aduenāt auoiet acoustume de se faire tondre leurs cheueulx, & laissoient venir la barbe grande. Les Egyptiens au contraire

Industrie
des fem-
mes egyptiennes.

Effemina-
tion des
hommes
en egypte

Description de la prouince Daphricque
laissoient venir leurs cheueulx grans, & abatoient leurs barbes. Ilz poitriffoient la paste pour faire pains, a tout le pied, & mangeoient la fange de leurs mains. Ce leur a este vne facon particuliere, & a ceulx qui sont descenduz deulx (comme ont recite les Grecz) de se circūcire leurs membres honteux. Ilz dressent leurs lettres a prendre de la dextre a la fenestre. Les hommes estoiet vestuz de doubles habitz, les femmes nestoient vestues sinon dung seul habit. Ilz auoient deux vsages de lettres, lung estoit pour les prebstres, & lautre pour le populaire: toutesfois ilz tenoient tous les deux des Ethiopiens. Les prebstres de trois iours lung, auoient de coustume de se faire abatre tout le poil de leur corps, de paour quil y eust quelque ordure sur eulx en sacrifiant: & auoient coustumierement habitz de lin, blanchiz proprement, & ont ceste opiniō que par leur mundicite ilz sont circunciz, tellement que trop plus se estudiēt a estre neetz, que a estre aornez & vestuz richement. Ilz ne portent robes que de lin & souliers de ionctz. Iamais ne sement febues, ains leur sont defendues par leurs loix, comme reputans ce fruiēt immunde. Ilz lauēt tous les iours deaue froide, trois fois le iour, & deux la nuit. Ilz ne mangeoiet iamais les testes du bestail quilz sacrifioient,

Cerimonies des
prebstres
Degypte.

les iugeans mauldictes, par les execrations par eulx faictes durant leurs sacrifices, toutesfois lesdictz prebstres les vendoient aux marchans estrangiers, & si aucun ne se trouuoit pour les achepter, ilz les iectoient dedens le Nile. Tous les sacrifices des Egyptiens se font de beufz qui nont encores seruy, de veaulx & vaches nestoit permis de sacrifier, parce que telles bestes estoient dediees a Isis leur idole. Ilz viuoient de certain manger fait de moulture de seigle, & buuoient certaine boisson faicte dorge, car en ce pays la n'y a aucunes vignes. Ilz mangeoient pareillement de quelques poissons partie cruz & seichez au soleil, partie reservez en saloires. Quelques fois aussi mangeoient des oyseaulx cruz, quilz auoient salez, & oultre les riches en leurs banquetz presentoiēt des cailles, & canars. Quāt ilz se trouuoient plusieurs a quelque souper, lūg dētre eulx tiroit de sa bougette vne image de la mort, faicte de boys, ou de paincture, ou tiffue, longue dune couldee ou de deux, & en la monstrant a vng chascun disoit. Boy & faitz grād chere. tu seras tel apres ta mort. Si les plus ieunes rencontroient vng plus vieil, ilz luy faisoient place, & se detournoient ou se leuoient quant & les plus anciens, & en ce ressembloient aux Lacedemoniens. Silz se rē

Description de la prouince Daphricque
 controient en leur chemin ilz sentreadoroient
 en baissant la main iusques au genoul. Ilz
 ont comme a este dit robes de lin, bordees au
 droict des genoulx, & les appellent Casilires
 par dessus lesquelz ilz portent autres habitz
 blancs plus courtz. Ilz ne portent aucuns ha-
 bitz de laine, & ne se font iamais éterrer en
 telz habitz. Et pource que tous ceulx qui an-
 ciennement ont excelle en scauoir, & qui ont
 estably sur aucuns peuples certaines loix, & fa-
 cons de viure, alloient premierement aux E-
 gyptiens pour apprendre leur scauoir & do-
 ctrine, en laquelle ilz passoient tous autres,
 comme firent Orpheus le poete, Homere, Mu-
 seus, Melampodes, Dedalus, Lycurgus Lace-
 demonien. Peu apres Solon Dathenes, Platō
 philosophe, Pythagoras le Samien, & son di-
 sciple Salinosis, Eudox⁹ Mathematicien, De-
 mocritus Abderite, Inopides natif de lisle de
 Chios, Moyse lhebrieu, & plusieurs autres, ai-
 si que les prebstres Egyptiens se glorifient a-
 uoir trouue en leurs liures, pourtant me sem-
 ble estre tresconuenable, de me arrester plus
 longuement sur leurs facons de faire, & ma-
 niere de viure, affin de congnoistre que cest
 que les dessusdictz ont prins deulx, & com-
 munique a dautres nations. Car ainsi que dit
 Beroalde, sur le liure que Apulcie a escript

Philoso-
 phes & an-
 ciens legis-
 lateurs ont
 voulu en-
 tendre la
 science des
 Egyptiens.

de lasne dor, beacoup de noz facons de faire
 ont este prinſes, & tyrees des cerimonies des
 Egyptiens, comme de prendre habitz de lin-
 ge, de porter couronne par gēs degliſe, de fai-
 re les aultelz quarrez, de celebrer proceſſions
 & chanter de muſique, dadorer de faire prie-
 res, & pluſieurs autres choſes. Les royx Degy-
 pte (ſelon que recite Diodore Sicilien, au ſe-
 cond liure) ne faiſoient cōme les autres prin-
 ces de leur temps, leſquelz auoient leur vou-
 loir pour loy, & viuoient deſordonneement,
 mais tant en leur viure ſuyuoient lordonnā-
 ce des loix. Ilz nauoient aucuns ſerfz, ou eſcla-
 ues natifz, ou quilz euſſent achaptez, en leur
 maiſon: ains eſtoient deputez a leur ſeruice
 les enfans des nobles maiſons, tant des preb-
 ſtres, que dautres, & deuoient auoir vingt ans
 paffe, & eſtoient choiſſyz entre eulx, ceulx
 qui eſtoient les plus ſcauans, affin que le prin-
 ce meu de la preſence de telz ſeruiteurs (leſ-
 quelz il auoit cōtinuellemēt pres de ſa perſō-
 ne) ne prīt fātaſie de faire autres actes, que de
 vertu: car les princes ne font de eulxmeſmes
 choſes de reprehension, ſinon quilz ayent gēs
 aupres de leurs perſonnes, qui ſe dedient a cō-
 plaire a leur couuoitiſe. Ilz auoient certaines
 heures inſtituees tant la nuit que le iour, auſ-
 quelles le prince entendoit aux affaires a luy

Esliſte des
 ſeruiteurs
 de la mai-
 ſon du pri-
 ce regnāe
 ancienne-
 ment en
 Egypte.

Description de la prouince Daphricque

Diligence
des royx
Degypte.

Instructiō
des royx
Degypte,

commis de par leurs loix. A son leuer luy cō-
uenoit recepuoir toutes les missiues a luy ad-
dressantes, affin quen cōgnoissant ce questoit
besoing de faire les affaires se despeschassent
en temps & lieu, & par bonne conduicte. Cela
fait il se lauoit le corps, en presence de pluri-
eurs gens de sorte, puis prenoit vne robe pre-
cieuse pour sacrifier aux dieux. Cestoit la cou-
stume que le plusgrand prelat des prebstres,
apres que les bestes estoient amenees pres de
l'autel pour sacrifier, priaist dieu a haulte voix
le roy estant pres de luy, & tout le peuple y as-
sistant, & se faisoit en partie telle priere pour
la sante & prosperite du roy gardant iustice
a ses subiectz. En apres estoient recitees par le
menu les vertuz & excellences dudit prince,
comme sa deuotion enuers les dieux, humani-
te & douceur enuers les hommes, sa debon-
nairete, iustice, magnanimite, verite de ses pa-
rolles, liberalite, modestie, clemēce enuers les
delinquens. En apres estoient detestez to^r mal-
faicteurs, & en deschargeant le roy de tout
blasme, mettoient les faultes faucune en y a-
uoit sur ses officiers. Ces solennitez parache-
uees, le prelat enhortoit le roy a se bien cōdui-
re, & selon le vouloir des dieux, & faire nō se-
lon laduiz de gens de petite cōduicte, ains se-
lon que vertu & hōneur luy conseillerait. A-

pres le sacrifice fait, qui estoit dung thoreau, le prelat recitoit des sainctz liures quelques actes de vertu, faietz p leurs predecesseurs pour admonnester le roy de regner a lexemple di ceulx, bien & iustement. Leurs anciennes loix nestoient seulemēt faictes pour le faict de la iustice, & finances, mais aussi pour la conduite & gouvernement dung chascun, en tous actes, cōe au māger, dormir, estuuer ou baigner & compagnie de femmes. Leurs viandes nestoient fort exquisēs, & cōmuneement pour tous metz estoiet seruiz dune oye, & de chair de veau. Ilz auoient certaine mesure quilz ne pouoient passer quant estoit question de boire vin, & ce pour euitier ebriete, & glotonnie. En sorte que leur vie estoit biē reiglee, quil sembloit quelle fust ordōnee nō dung legislateur, mais dung medecin bien expert, & estoit vne chose merueilleuse que les Egyptiēs en leur p ticulier, obseruoient si songneusement leurs loix, & nō leur vouloir: mais ēcores est ce chose pl⁹ digne de sesmerueiller, de dire qlz nestoient enclis a accumuler tresors p aucune iniuste & desraisonnable couuoitise, & ne punissoiet aucū p indignatiō ou courroux, tellemēt q leur felicitē estoit dobtēperer a leurs loix, & estimoiet ceulx q les cōtēnoiēt, estre subiectz a maītes passiōs, en suyuant leurs voluptez dau

Regime
des Egy-
ptiens en
leur boire
& māger.

Description de la prouince Daphricque

tāt q̄lz cōgnoissoiēt leurs faultes, & neanmoīs
par amour defriglee, ou par haine, ou p̄ quel-
ques autres couuoitises de leur esprit, estoient
contrainctz de faire choses, quilz congnois-
sent estre illicites : ou au contraire, ceulx qui
se gouernent par conseil & prudence, ne se
fouruoient iamais. Les roix donques vsans
enuers leurs subiectz dune telle iustice, gai-
gnoient de telle sorte lamour dung chascun,
que non seulement les prebstres : mais aussi,
tous Egyptiens auoient plus grande sollicitu-
de de la sante de leur roy, que de leurs fēmes,
enfants, ou autres seigneurs particuliers. Et
quant vng tel roy estoit decede, tous dune cō-
mune tristesse le pleuroiēt, & mettoient leurs
habitz en pieces, fermoient les eglises, & ces-
soient de tous actes publiques, & festiuitez so-
lennelles, p̄ l'espace de soixante & douze iours
Pendāt lequel tēps ilz souilloient leurs chefz
de fange, ayans manteaulx ceinctz au dessus
des mammelles, & en tel habit enuiron cent,
ou deux centz, que hommes que femmes al-
loient par les rues deux fois le iour, & chan-
toiēt par forme Dhymnes, les vertuz de leur
roy decede, & ne mangeoient viandes cuictez
de quelques bestes que ce fussent, & sabstenoī-
ent de vin, & de toutes autres delices tant en
boire quen meuger, ilz ne vsoiēt aussi daucūns

Dueil des
Egyptiēs
au trespas
de leur
roy.

baings ny vnguentz, & ne se couchoient en
lictz, ne auoient semblablement aucunes cō-
pagnies ou plaisirs de leurs femmes, & me-
noient tel dueil, que si leurs enfans feussent
mortz. Pendant ce temps ilz fouloient appre-
ster ce qui estoit necessaire a la sepulture, &
au dernier iour enfermoient le corps dedens
vng cercueil, deuant l'entree du sepulchre. En
ce lieu estoit leu selon la coustume ancienne
vng registre de ce que le roy auoit fait en son
viuant, & estoit permis a vng chascun de lac-
cuser: & au contraire les prebistres assistās lou-
oient les biensfaictz du trepasse. Vng grand
nombre de peuple se trouuoiet a ces funeraill-
les: les vngs pour extoller les merites, les au-
tres pour blasmer les faultes, & demenoient
vng grand bruit. Et de ce est maintesfois ad-
ueni que plusieurs roix par lempeschement
du peuple, auroient este priuez de lhonneur de
sepulchre, & a ceste craincte icite les roix De
gypte, a viure iustement, craignans dencou-
rir apres leur mort lire ppetuelle de leur peu-
ple, & tel estoit lestat des roix de ce pais. Tou-
te Legypte estoit diuisee en plusieurs gouuer-
nemens, chascun desquelz par vng mot grec,
estoit appelle nomos, & sur chascun estoit cō-
stitue vng gouverneur, lequel auoit la charge
de toutes choses. Le reueni du royaume estoit

Reueni
Degypte.

c

Description de la prouince Daphricque

diuise en trois parties, desquelles la premiere estoit departie entre les prebstres de leur loy, ausquelz ilz deferent grandement, tant pour l'administration quilz ont de leurs sacrifices, que pour leur scauoir, duquel ilz endoctrinēt les autres. Ilz emploient celle part aux choses necessaires pour leurs sacrifices & a leur entretenemēt: & ne souffrent que les ministres de leurs dieux soient en indigence, ou quil manque & defaille quelque chose a leurs sacrifices, ioinct que lessuidictz prebstres subuiennēt grandement a leur roy, comme en luy predictant les choses a aduenir, tant par la science Dastrologie, que par le sort de leurs sacrifices. Dauantage ilz recitent des liures quilz appellent sainctz, les faitz des predecesseurs roix, par lesquelz ilz congnoissent ce qui leur est le plus expedient. Et ne sont en petit nombre comme vng ou deux, telles gens qui se dediēt aux sacrifices, cōme en grece, ou bien souuent ne se trouue que vne femme qui y entende, ains sen meslent plusieurs, lesquelz laissent ce ste charge par succession a leurs enfans. To⁹ sont francz, & ont le second lieu d'auctorite apres le roy. ¶ La seconde portion du reuenue de ce pays est au roy, lequel l'employe a ses affaires, tāt de la guerre que de sa maisō, & a exercer liberalite enuers les gens de bien & de

Auctorite
des preb-
stres de gy
pte.

vertu. De ce aduient que le populaire est grãdement charge d'impoltz. ¶ La tierce partie reuiert aux gens de guerre, a celle fin quilz ayent meilleur vouloir de sexposer en perilz & dangiers pour la defense du pays. Leur police consiste en trois manieres de gens, cest a sauoir laboureurs, pasteurs & artisans. Les laboureurs acheptent & prennent a petit pris des prebstres, ou du roy, ou des gens de guerre, quelques lieux aux champs, & vacquēt toute leur vie a leur labour, & de ce aduient quilz sentendent mieulx a labourer les terres, que toutes autres nations. & ont ceste idustrie trāsmis de peres a filz. Sēlbablemēt les pasteurs des peres a filz retiēēt la maniere de nourrir bestail, & nōt autre vacatiō quelcōque. Les arts & sciēces ont pareillemēt este grãdemēt augmentees p les artisans Degypte, p ce quilz ne se entremettoient des affaires de la chose publique, & nexercoient aucū mestier fors celluy auquel ilz estoient appelez, & qui leur estoit permis de faire p leurs loix, ou qlz auoient retenu de leurs peres, & ne se trouuoit aucūe ēuie de la part de celuy q enseignoit, ne dissensiō être eulx, ilz ne iugeoient p temerite, d'autāt qlz tenoient que choses q estoient cōduictes posemēt & p maturite, estoient de grãde cōmodite, pour la cōseruatiō de la societe & vie hūaine, ilz ne

Trois di-
uerfes ma-
nieres de
gens en
Egypte.

Description de la prouince Daphricque

Officiers
de la iusti
ce Degyp
te choiſy
es villes
principal
es.

trouuoient aucun meilleur moien pour em-
pescher toutes meschâcetez, que de pugnir les
malfaisans, & secourir les affligez : & au re-
gard depescher que iustice ne feust faicte des
crimes & delictz par intercessiõ damys, ou p
argent, ne leur sēbloit nestre autre chose que
confusion de la vie humaine:parquoy es plus
grosses villes comme en Heliopole, en Mem-
phis & Thebes, estoient esleuz & choſiz gens
de bien quon cōmettoit pour iuger toutes cau-
ses, & nestoit en rien moindre leur assemblee
a celle des Areopagites Dathenes, ou au Senat
des Lacedemoniens: qui fuerent deux assem-
blees de iuges long temps depuis instituees.
Ilz sassembloient iusques au nombre de tren-
te, & esliſoient quelcuns des plus apparēs den-
tre eulx, pour presider : & encores leur estoit
baillevng autre superieur par ceulx de la cite.
Le roy leur donnoit a tous leur viure, mais
aux chefz plus honorablement que aux infe-
rieurs. Et auoient leurs chefz ou presidens des
susdictz vne chaine dor pēdue a leur col, a la
quelle estoit attachee vne image bien garnie
de pierreries, ceste chaine estoit appelee veri-
te, tellement que par ce president en decidant
les causes estoit proposee ceste chainne repre-
sentatiue de verite, ensemble les loix conte-
nues en huit liures estoiet apportees au meil

lieu dentre eulx. Cestoit la coustume que la
 cufateur regardast par escript ses causes dac-
 cusation, & de specifier par le menu le crime
 en la forme & maniere quil auoit este cōmis,
 de descripre aussi la qualite & estimation du
 dommage (si de dōmage fait a autruy estoit
 question). Au defendeur estoit baille temps
 pour respondre aux cas quon luy imputoit, &
 pour se purger, ou en soubstenant le faict, ou
 lattenuant, ou en le nyant du tout. De rechef
 on donnoit audience a laccusateur pour ren-
 dre sa replique, & a laccuse pour y respondre
 Et iusques a ce que finablement apres auoir e-
 ste ouyz par deux fois, leur differēt estoit mis
 en deliberation, & icelle faicte, le president en
 tournant limage vers la partie la plus verita-
 ble, prononceoit le iugement, telle estoit leur
 coustume de iuger.

La forme
 de pronō
 cer iuge-
 mens ob-
 seruee par
 les iuges
 Degypte.

¶ Puis que nous sommes tombez sur ce pas-
 sage, ce ne sera sans propos, si no⁹ recitōs quel
 que chose des anciennes loix des Egyptiens, a
 fin que on congnoisse en quoy elles pourroiet
 estre trouuez meilleures que les autres, ou pl⁹
 vtilles. Premièrement les pariures estoient pu-
 gniz corporellement, comme delinquans dou-
 blement, tant en ce quilz auoient mesprise
 la religion des dieux, que en ce quilz auoient
 viole la foy enuers les hommes, laquelle nest

Pugnitiō
 des pariu-
 res.

Description de la prouince Daphricque

Officiers
de la iusti
ce Degyp
te choizy
es villes
principal
les.

trouuoient aucun meilleur moien pour em-
pescher toutes meschâcetez, que de pugnir les
malfaisans, & secourir les affligez : & au re-
gard depescher que iustice ne feust faicte des
crimes & delictz par intercessiõ damys, ou p
argent. ne leur sēbloit nestre autre chose que
confusion de la vie humaine: parquoy es plus
grosses villes comme en Heliopole, en Mem-
phis & Thebes, estoient esleuz & choiziz gens
de bien quon cōmettoit pour iuger toutes cau-
ses, & nestoit en rien moindre leur assemblee
a celle des Areopagites Dathenes, ou au Senat
des Lacedemoniens: qui fuerent deux assem-
blees de iuges long temps depuis instituees.
Ilz sassembloient iusques au nombre de tren-
te, & eslisoient quelcuns des plus apparés den-
tre eulx, pour presider : & encores leur estoit
baillevng autre superieur par ceulx de la cite.
Le roy leur donnoit a tous leur viure, mais
aux chefz plus honorablement que aux infe-
rieurs. Et auoient leurs chefz ou presidens des-
susdictz vne chaine dor pēdue a leur col, a la
quelle estoit attachee vne image bien garnie
de pierreries, ceste chaine estoit appelee veri-
te, tellement que par ce president en decidant
les causes estoit proposee ceste chainne repre-
sentatiue de verite, ensemble les loix conte-
nues en huiet liures estoiet apportees au meil

lieu dentre eulx. Cestoit la coustume que la
 cufateur regardast par escript ses causes dac-
 cusation, & de specifier par le menu le crime
 en la forme & maniere quil auoit este cōmis,
 de descripre aussi la qualite & estimation du
 dommage (si de dōmage fait a autruy estoit
 question). Au defendeur estoit baille temps
 pour respondre aux cas quon luy imputoit, &
 pour se purger, ou en soubstenant le faict, ou
 lattenuant, ou en le nyant du tout. De rechef
 on donnoit audience a laccusateur pour ren-
 dre sa replique, & a laccuse pour y respondre
 Et iusques a ce que finablement apres auoir e-
 ste ouyz par deux fois, leur differēt estoit mis
 en deliberation, & icelle faicte, le president en
 tournant limage vers la partie la plus verita-
 ble, prononceoit le iugement, telle estoit leur
 coustume de iuger.

La forme
 de pronō
 cer iuge-
 mens ob-
 seruee par
 les iuges
 Degypte.

¶ Puis que nous sommes tombez sur ce pas-
 sage, ce ne sera sans propos, si no⁹ recitōs quel
 que chose des anciennes loix des Egyptiens, a
 fin que on congnoisse en quoy elles pourroiet
 estre trouuez meilleures que les autres, ou pl⁹
 vtilles. Premièrement les pariures estoient pu-
 gniz corporellement, comme delinquans dou-
 blement, tant en ce quilz auoient mesprise
 la religion des dieux, que en ce quilz auoient
 viole la foy enuers les hommes, laquelle nest

Pugnitiō
 des pariur
 res.

Description de la prouince Daphricque

autre chose que vng vray bien de societe humaine. Celuy qui en son chemin rencontroit quelque personne poursuyue par les brigantz, & ne le secouroit en ayant le pouoir, estoit tenu pour coupable de linconuenient a ce personnage aduenue: se il ne luy pouoit donner secours, il estoit tenu de declairer a iustice ceste fortune, & se porter accusateur contre les brigandz. La peine de celuy qui contreuenoit a ceste loy, estoit d'endurer certain nombre de coups de verges, & de ne manger ne boire aucunement l'espace de trois iours entiers. ¶ Le faulx accusateur estoit puny comme calūnia

Loix des
egypties.

teur. Tous egyptiens estoient tenuz de porter par escript leurs noms, & l'estat duquel ilz estoient au gouuerneur du pays, celuy qui en cest endroict estoit trouue, menteur, ou gaignant sa vie par voie illicite, il estoit puny de mort. Celuy qui a son escient tuoit vng autre homme de france ou seruile condition, estoit iuge a mort, & n'auoient tant esgard en ce leurs loix a la condition de loccis, que au courage & mauuais vouloir du delinquent, tellement que par la ilz retiroient les personnes de mal faire a toutes gens, de quelque basse condition quilz fussent, & les plus grantz personnages & gés d'estat en estoient en plus grande seurete.

Les peres qui tueoiēt leurs enfāns estoient mis a mort, ains estoient seulement par trois iours & trois nuitz, tenuz continuellement assister pres du mort, accōpaignez de vng certain nombre de sergens. Et leur raison de imposer a ce crime si petite peine estoit, parce que ilz iugeoient que celuy ne deuoit perdre la vie, qui lauoit ostee a celuy a qui il lauoit donnee, & quil luy estoit assez destre afflige par continuelle repentance. & douleur que il recepuoit pour son mal faict: & par ce moyen leur sembloit que les autres peres estoient assez diuertiz de commettre telz cas.

¶ Il y auoit vne peine exquise contre les par-
ricides, lesquelz ilz detrenchoiēt de certains
rouseaulx bien aguz, puis les faisoient brus-
ler dessus vng grant taz ou moussseau despi-
nes & arronces, & estimoient parricide estre
le plus grand crime que vng homme eust peu
commettre, de mettre a mort celuy duquel il
tenoit la vie. ¶ Si vne femme enceinte estoit
attaincte de quelque crime dont elle fust con-
demnee a la mort, on attēdoit quelle fust de-
liuree de lēfant, de paour que celuy qui en riē
ne auoit delinque feust puny quant & le de-
linquant, ou que dung delict se ensuyuent
deux punytions. ¶ Celuy qui en bataillant

Peine cō-
tre les par-
ricides,
cest a dire
contre
ceulx qui
auoiēt tue
pere ou
mere.

Description de la prouince Daphricque

Pugnitiō
des gēs de
guerre des
obeyflans
a leur ca-
pitaine.

auoit laisse les rencz, ou nauoit obey au capi-
taine nestoit puny de mort, ains encouroit no-
te d'infamie: laquelle il luy estoit loysible effa-
cer par quelque acte de proesse & vertu, p le-
quel il estoit remis en son entier honneur.

Ceste loy acoustumoit les hommes a estimer
ce deshonneur a vne grande pugnition, & pi-
re que de mort. A ceulx q auoient reuele aux
ennemys les secretz de la chose publique, es-
toit la langue coupee. Aux rōgneurs de mō-
noye, ou forgeurs de faulse, ou qui en change-
oient le poix ou marque, ou qui y grauoient
ou effacoient quelque escripture, a ceulx pa-
reillement qui contrefaisoient cedulles, estoi-
ent les deux poings coupez: affin que la partie
de leurs corps par laquelle ilz auoient delin-
que, en portast la peine tant que le delinquēt
viuroit: & que les autres y prinslent exemple
Il y auoit aussi certaines grosses peines, cōtre
les femmes delinquentes. A celluy qui auoit
pris a force vne femme de franche conditiō,
estoit coupe le membre, p ce que en vng mau-
uais acte il auoit cōmis trois crimes, cest quil
auoit vilance la femme de franche conditiō,
secondement il auoit commis force & violē-
ce, tiercement il auoit empesche procreation
des enfans, a tout le moins confuz le sang, &
parentage, si aucuns puis apres en estoiet en-

gendrez. Celluy qui estoit conuaincu dadulte
re, souffroit qu'on luy fist mille playes & cica
trices en son corps: & au regard de la femme
on luy coupoit le nez: la voulant par ce moy-
en priver de la partie de son visaige, par la
perte de laquelle elle perdoit quant & quant
toute beaulte. On trouue es auteurs, que Boc
choris fust inuenteur des loix gardees par les
Egyptiens, concernantes les negociacions hu
meines. Par icelles entre autres choses est or
donne que d'argent preste dont ny a cedulle,
ne recongnissance, que le serment soit defe-
re au debteur, ayans ceste opinion, que ce ser-
mant soit de grande efficace, & vertu. Car
d'autant que gens qui sont promptz a iurer, ne
sont gueres creuz, leurs sembloit estre grand
chose de n'estre contrainctz a venir iurer a
tous propos: de paour de perdre la reputation
d'homme de bien: ioinct que ce legislateur vou-
loit constituer quasi toute vertu en loyaulte,
pour mieulx accoustumer les hommes a preu
dhomie, & les rendre dignes destre creuz a
leur parolle. Dauantage il trouuoit bien rai-
sonnable que le creancier, lequel en prestant
nauoit faict difficulte de retenir pour toute
seurete la foy de son debteur, sen voulüst du
tout rapporter a icelle, Il deffendit de nexiger
aucunes vsures excedantes le double du sort

Boccho-
ris legis-
lateur de
Egyptiës

Description de la province Daphricque

principal, ne voulut aussi que aucun peult obliger son corps pour debte personnelle : iugeant quil suffisoit dauoir les biens obligez, sans ce que les corps fussent a autres assubgetyz, que au serui ce de la chose publique, mesmes trouuoit estre chose repugnante, que les gens de guerre, lesquelz exposoient leurs personnes en infiniz dangers, pour le salut de la chose publique, fussent menez en prison, bien souuent pour debtes vsuraires. Et semble que ceste loy aye este transferee par Solon aux Atheniens, & lapella Sifatee par laquelle, il ne permist que le corps dunc citoyen fust detenu en prison pour aucunes vsures. Oultre les loix dessudictes, auoient Egyptiens vne loy particuliere touchant les larrons : Par laquelle estoit ordonne que tousceulx qui auroient emble quelque chose, estoient tenez de porter leur larrecin au grand prebtre, & luy bailloient leur nom par escript, semblablement celluy auquel auoit este fait le larrecin, se retiroit par deuers le grand prebtre, & luy declaroit ce quil auoit perdu, ensemble le iour & heure, que luy estoit fait le larrecin, & par ce moyen recouuroit la chose perdue: en payant toutesfois au larron la valeur de la quarte partie de la chose emblee. A faire telle loy auroit este meu le legislateur, considerant que du tout empescher les

Loy Sifatee de Solon pour le fait des vsures.

larrecins ce luy feroit chose impossible, et que
 par tant il estoit plus expedient de trouuer le
 moyē par lequel les seigneurs des choses des
 robes ne perdissent du tout les choses qu'on
 leur embloit. L'estat de mariage nest vniforme
 entre les Egyptiens, par ce que les preb-
 tres ne peuuent prendre que vne femme en
 mariage, les autres en espousent autant quilz
 en peuēt entretenir. Iamais ne reputent vng
 enfant illegitime, iacoit quil soit engēdre d'une
 femme esclauē, par ce quilz iugent que a
 l'homme seul soit lenfant deu, & que la fem-
 me qui le porte en son ventre ne luy sert que
 de nourriture, & lieu pour se augmenter &
 viure. Ilz nourrissent leurs enfans tant aisee-
 ment que a merueilles, & ne leur donnent au-
 tre chose a manger, que racines, ionctz & cou-
 tons de chouz, quilz font cuire, & mollifier
 entre deux cendres, ou brassiller sur les char-
 bons, quelquefois les leur baillent a manger
 tous cruz. Ilz sont la pluspart tous nudz
 pour la grande temperature de ceste regi-
 on. Toute la despence que font les peres
 pour leurs enfans, & iusques a ce quilz soient
 deuenuz en aage, ne passē point vingt drach-
 mes. Les prebstres enseignoient leurs enfans
 en leurs sainctes lettres, & autres concernan-
 tes leurs sciences, mesmement les instruisoiet

Drachme
 estoit vne
 espee de
 monoye
 valāt trois
 sols six de-
 niers selō
 la suppu-
 tation de
 Bude en
 son cinq-
 iefme li-
 ure de As-
 se & parti-
 bus eius.

Description de la prouince Daphricque
en Geometrie, & Arithmetique. Ilz ne sappli
quoiēt gueres a l'exercice de la lucte, ne a l'art
de Musique, ayantz ceste opinion que la lucte
soit pernicieuse pour les ieunes enfans, & la
Musique inutile, comme nengendrant de soy
que toute effeminatiō. Leur maniere de gua-
rir maladies estoit de commander quilz fis-
sent diete, ou quilz se prouoquassent a vomis-
sement car puy (ainsi quilz disent) que tou-
tes maladies procedent de superfluite de viā-
des, partant on ne scauroit trouuer meilleurs
moyens de guarison, que les deux dessusdictz.
Gens de guerre ou pelerins ne despendoient
rien en medecins ou barbiers par ce quil y a-
uoit medecins entretenuz aulx despens de la
chose publique pour leur secourir, & auoient
certaines theoriques de medecine a eulx de-
laissees par leurs predecesseurs, & redigees en
quelques liures quilz appelloient sainctz. Si
aucun en obseruant les maximes cōtenues en
ces liures nauoit peu guarir vng patient, il es-
toit exēpt par leurs loix de toute coulpe; mais
sil auoit plus ordonne, ou autrement que ne
portoient lesdictes maximes & que le patient
vint a mourir, cestuy medecin estoit condem-
ne a mourir. Et sestoit fonde le legislateur en
ce qui luy sembloit vne chose estrange de cuy-
der inuenter vne meilleure maniere de gua-

rir, que celle qui auroit este long temps vſitee,
& ſoubz couleur de nouuelle experience, vou-
loir hazarder la vie dune perſonne. Les Egy-
ptiēs par deſſus toutes aultres natiōs, ont eſte
ſubiectz a idolatrie: meſmes entre autres cho-
ſes, ont adore non ſeulement beſtes viues, mais
auſſi des beſtes mortes, comme vng chat, vng
chien, vng icneumon, vng eſperuier, enſem-
ble des Ibides, des Crocodiles, & loups. Et nōt
eu aucune conſuſion en eulx meſmes, deſtre ſi
oultrageuſement idolatres ains ſen glorifioiēt,
& leur ſembloit que par telz moiens ilz fai-
ſoient choſes grandement a la louēge, & hō-
neur des dieux. Et avec ymages de telles beſ-
tes alloient par les villes & contrees, mōſtrās
de loing quelles beſtes ſeſtoiēt, & les adoroit
vng chaſcun. Et quāt vne dicelles eſtoit mor-
te, ilz lenſepueliſſoiēt dung linceux, & la ſal-
loient, ce pendant faiſoient maintz gemiſſe-
mentz, & frapoient leurs poiētrines, & apres
quilz auoiēt ehuyllēe ladicte beſte, dhuille de
Cedre, & autres vnguentz: affin de plus ſon-
gneuſement la garder ilz la enterroient en
quelque lieu a ce dedie. Si aucun a ſon eſcient
tuoit vne de ces beſtes, il eſtoit condēmie a
mort, excepte que ſi ceſtoit vng chat, ou ibis,
qui auoiēt eſte tuez, en ce cas la commune
ſe ruoit deſſus, & neſtoit laiſſe quil neuſt re-

Description de la prouince Daphricque

ceu plusieurs tourmentz, sans autrement luy
faire son proces. Pour ceste crainte quicôques
veoit vne de ces deux bestes morte, sen tenoit
loing & lamētoit, pour monstrier que la beste
nestoit morte par sa faulte, & estoient ces bes-
tes songneusement nourries es enuirs de
leurs temples, par gens dauthorite, lesquels
leur donnoient a menger de la fleur de fari-
ne destrempee avec du laiçt, & oultre ce des
oyes, tant bouillyes, que routyes: & ce ordina-
irement par chascun iour. A celles bestes les-
quelles ne māgeoient que chairs crues, ilz dô-
noient des oyseaulx, & y faisoient grosse des-
pēce, & ne menoiet moindre dueil a leur mort,
que a celle de leurs ppres enfā: aussi leur don-
noiet bien souuēt sepulture plus sumptueuse
que leurs biēs ne pouuoient porter, tellement
que du regne de Ptolemee lagus, aduint que
vng beuf en la ville de Mēphis mourut de vi-
eillesse, et cousta la sepulture de ce beuf a cel-
luy qui auoit la charge de le nourrir, oultre ce
quil auoit de reste de ce quō luy bailloit ordi-
nairemēt pour la nourriture dicelluy beuf, qui
montoit a vne grosse somme de deniers, lasō-
me de cinquante talentz dargent: lesquels il
emprunta dudiçt roy Ptolemee. Ces choses
sembleront possible a quelqung merueilleu-
ses, mais encores plus se merueillera dentēdre

Vng talēt
dor mon-
noye At-
tique va-
loit six cēs
escuz, vng
dargent
soixante
mines At-
tiques la
mine cent
drachmes,
la drach-
me trois
solz six de-
niers: le ta-
lent He-
braique
ou Eyp-
tien valoit
vng quart
plus que
l'attique.

la sumptuosité des Egyptiës a la sepulture du ne personne trespassee: Car ceste chose aduenant, tous parentz & amys du trespassee sen alloient par les rues ayantz leurs testes fouillees de fange, & lamentans iusques a ce que le corps fust iuhume, ce pendant ne se lauoient point, & ne beuuoient point de vin, ne mengeoient pareillement aucunes viandes exquisés, & ne prenoient robes precieuses & riches. Ilz auoient trois sortes de tûbeaulx, lunc sorte estoit sumptueuse, lautre de mediocre coust. La tierce estoit de petite despence. Pour la premiere ilz employent vng talent dargent, pour la secõde vingt mines, pour la tierce vne petite & incertaine somme de deniers. Ceulx qui se mesloient de faire funerailles, auoient ce mestier de ligne, & portoient a ceulx de la parente du trespassee, lestat par escript de toute la despence qui se y faisoit, & apres que le marche estoit arreste, le corps estoit mis entre leurs mains, pour linhumer selon le pris accorde. En premier lieu apres que le corps leur estoit liure, celluy qui conduisoit le mystere desdictes funerailles faisoit autant de marques vers les entrailles, comme il conuenoit faire dincisions vers le couste gaulche, en apres linciseur incisoit dune pierre Ethiopique autant de fois quil luy estoit

Sepul-
res des E-
gyptiens.

Description de la prouince Daphricque
commande , puyz se retiroit subitement ;
par ce quil estoit poursuiuy par les assistens
auec pierres , & maledictions , par ce quilz
iugeoient y auoir quelque haine enraci-
nee en celuy , qui entamoit le corps du tres-
passe leur amy . Ceulx qui auoient la charge
de ouurir & enbaulmer le corps (quilz appel-
loient faleurs) estoient en honneur , & reputa-
tion , par ce que les prebstres les acōpaignoiet
en allant au temple . Ces officiers enuironoiet
le corps , & ce pendant lung dentre eulx , par
lendroiect ou auoient este faictes les incisions
tiroit toutes les entrailles du corps , excepte ce
qui tenoit aux rains , & icelles tirees vng au-
tre les lauoit de vin de Phenicie , ensemble
de maintes bōnes odeurs . Ce faict oingnoiet
tout le corps , premierement de Cedre , puyz
dautres precieulx vnguētz , par l'espace de trē-
te iours cōtinuelz . Puis de rechef le couuroiet
de myrrhe , & cinnamome , & autres espiceri-
es , pour non seulement garder le corps long
temps : mais aussi affin de le faire rendre bon-
ne senteur . Apres auoir en telle sorte accom-
tre ce corps , ilz le liuroient aux parentz . On
veoit en ce corps encores les parties de l'hom-
me entieres , mesmes les sourcilz , & poit des
paupieres en leur entier , tellemēt quon eust iu-
ge ce corps nestre dung hōme mort , ains d'ung

endormy. Auant que inhumer cōcorps, les parentz denonceoiēt aulx iuges et amis du trespasse, le iour de la sepulture: en leur disant que le trespasse debuoit passer la mare: les iuges assistans iusques au nombre de quarante, estoient assis pardela la mare, dessus sieges desquelz estoit a demy enuironne ce lieu: & en forme de rondeur: en apres estoit tiree la nauire a ce appareillee par ceulx ausquelz en estoit la charge commise, lors auant qu'on mist le corps en son tumbau estoit a chascun permis'accuser le trespasse, & sil estoit trouue auoir mal vescu, les iuges par leur sentēce iugeoiēt que sepulchre luy seroit denye: & si aucū estoit trouue faulx accusateur, il estoit griefue mēt puny: Si nul ne se trouuoit pour accuser, ou que le trespasse se trouuoit calūnieusemēt accuse, les parentz finissoient leur dueil, & se mettoient a faire recit de ses louenges, sans faire mention de sa genealogie (comme font les Grecz: car Egyptiens se reputent tous esgallement nobles) mais commençoient a faire recit de la ieunesse & vie quil auroit menee durant icelle, & bonne doctrine quil auoit aprise: de la venoient a raconter les gestes par icelluy faictz en aage dhomme, & entre autres choses magnifioient sa bonte, sa deuotion enuers les Dieux, sa iustice, preudhō-
d.j.

Louenges
funebres
des, Egp
tiens.

Description de la prouince Daphricque

mie, & autres vertus . Et en inuoquant les esperitz infernaulx , les requeroient de vouloir mettre le defunct au renc des bons , ausquelles prieres toute l'assemblee applaudissoit , & en extollant la gloire du trespasse , luy adiugeoient lieu es enfers , entre les bienheurez , pour y estre a ppetuite . Cela paracheue chascun se mettoit a inhumér son parét, les vngs en leurs tumbeaulx, ceulx qui nen auoient aucuns, les inhumoient en la plus forte , & plus espesse muraille de leur maison : dedens laquelle ilz esleuoient vng monument . Ceulx ausquelz estoit sepulture denyee, ou pour forfaitz, ou pour debtes dusures, estoient remenez en leurs maisons sans aucunement leur estre dedie monument ou sepulchre , iusques a ce que leurs successeurs par richesses a eulx aduenues, acqtassent les debtes de leurs predecesseurs: & lors estoient inhumez honnorablement, & auoient ceste coustume de liurer en gaigne aulx creanciers les corps mors de leurs debteurs. Ceulx qui ne les rachepoiēt encourroient grand blasme, et infamie, silz estoient de leur parente , tellement que le filz n'ayant rachepé son pere estoit luy mesmes priue de lhonneur de sepulture. Non sans cause aucun se esmerueillera de ceulx qui ont ordonne telles choses , lesquelz nont pas seulement don-

ne ordre aulx affaires des viuantz, mais aussi ont este curieux de pourueoir a lhonneur des trespassez, tant auoient grand zele a ren-ger la vie des hommes a bonnes meurs par telz exemples. Certes les Grez lesquelz par fables, & dictons des poetes, excedantz toute verite, ont parle du guerdon des bons, & tourment des mauuais, nont sceu tant faire de pouuoir tirer les hommes a vertu, ains a tout leurs comptes ont este mesprisez par les mauuais. Au contraire les Egyptiens non point par fables, mais visiblement, & a loeil, ont attribue louenge aux bons, & tourment aux meschans. Et par ce moyen se incitoient tous les iours les vngs les autres, a faire choses utiles & honnestes pour le repoz de ceste vie: dautant quilz veoient vng chascun selon ses demerites recepuoir loyer tel quil meritoit. Et ainsi se reigloit chascun a vertu. Il fault doncques estimer celles loix estre tres bonnes, par lesquelles les hommes acquierent non richesse, mais sagesse. Icy ferons fin de parler des Egyptiens, & viendrons a parler des autres peuples Daphricque.

Compara-
raison des
Grecz &
Egypties.

Description de la prouince Daphricque
Des pœnes, ou punitiens, & autres peuples de Aphricque. Chap.vj.



Adrimachides.

Nasamoniens.

Ly a plusieurs, & diuerses nations être les pœnes, ou punitiens: les Adrimachides tirēt deuers Egypte, & tiēnēt des facons de faire des Egyptiens: toutesfois ilz portent habitz a la mode des Puniciens: leurs femmes portent vne chaisne darain, & ne rongnent iamais leurs cheueulx, chascun deulx mange les poulx quilz peult prandre sur soy. Ilz presentēt seulz entre les autres peuples de ce pays les filles fiācees a leur roy, pour les depuceller, ou laquelle que bon luy semble dentre elles. Les Nasamoniens qui sont autres peuples, & tresmauuais, sont la pluspart courfaires & larrons sur mer, & se ruent sur les nauires arrestees aux Syrtes: en este laissent leur bestail au lōg de la riue de la mer, & descēdēt en vng certain lieu pour cueillir le fruiēt des palmes, desquelles y a en cest endroict grāde quātite, & de tresbelles. Celles quilz ont cueillies auparauant quelles fussent meures, ilz les seichent au soleil, & les font meurir: puy les auallent dedās du laiēt. Ilz ont tous plusieurs femmes a vng chascun dentre eulx, & ont compagnie de leurdictes femmes au premier

lieu ou il leur en prent enuie, sans auoir hon-
te quelconques pour la presence dautrui, &
en ce sont aux dessudiectz peuples sembla-
bles les Messagethes, lesquelz ont vne manie-
re de faire dauantaige: cest quil mettent leur
baston au deuant deulx. Cest aussi la coustu-
me des Nasamoniens: que quant aucun den-
tre eulx prend femme, lespousee est tenue se
presenter a tous ceulx du festin, & se abandō-
ner a eulx pour en faire a leur plaisir: & en est
quitte celluy qui en a la compagnie en luy
faisant quelque present, quilz ont volentiers
apporte a ceste fin quant & eulx. Ilz vsent
de certains iuremens & de sort, ceulx dentre
eulx qui ont este iustes, & de saincte vie, ont
ceste reputation que apres leur mort ceulx du
pays inuoquent leurs noms en faisant quel-
ques sermens ou sort, & en iurant touchent
sur les sepulchres des dessudiectz: se transpor-
tent aussi pour faire leur sort, & diuination
sur les sepulchres de leurs ancestres, et apres y
auoir faict leur oraison: ilz sendorment des-
sus, & diuinent, et coniecturent de ce qui leur
doibt aduenir, sur ce quilz ont premier songe
en dormant. La forme quilz ont de sentre-
promettre quelque chose les vngs aux aul-
tres, est de se presenter lung a laultre a boire,
en signe de leur promesse, & le cas aduenant

Message-
thes.

Maniere
desort ob-
seruee par
les Nasa-
moniens.

d.iiij.

Description de la prouince Daphricque

Garamantes.

Macz ou
maetes.

Guidans.

Machlyès

Aufes.

quilz nayent que boire prennent de la poul-
dre en terre, laquelle ilz leichent de leur lan-
gue. Il y a vne autre maniere de gens en ceste
Region quon appelle Garamantes, lesquelz
fuyent toute traffique & frequentation des
autres nations, & nont aucun vfaige darmu-
res: mesmes ne se osent deffendre contre les
autres qui les assaillent. Ilz habitent au dela
des Nasamoniens, vers occident en la coste
de la mer. A ces peuples cōfinent autres, quon
appelle Macz: lesquelz se font raser les che-
ueulx du sommet de la teste: et au meillu laif-
sent croistre leurs cheueulx en rond. Leurs
voysins sont les Guidās lesquelz pour la guer-
re quilz font incessammēt contre les Autru-
ces, se armēt seulement de peaulx. Leurs fem-
mes en leurs habitz ont plusieurs gectz, ou
bordures de fourreures ou peaulx: dont la rai-
son est (comme on escript) par ce que de cha-
scun homme, duquel elles ont eu la compai-
gnie, elles prennent par maniere de present
vng bord de vestement: tellement que celle
qui en a le plus est reputeē la plus honnora-
ble, comme estant aymee de plusieurs. Les
Machlyēs qui sont autres peuples de ce pays
habitent es maraiz, appelez maraiz Triton-
nides, ilz portent perruques seulement au
derriere de la teste. Les Aufes au contraire,

qui sont autres gens habitans en ceste region, portent perruques seulement sur le deuant de leurs testes. Les pucelles de ce pays par chascun an ont acoustume de se partir en deulx bendes, & combattre les vnes contre les autres a coups de baston, & de pierres: & disent que ceste facon de faire, a par elles este de tout temps obseruee en lhonneur de la deesse Minerue: celles qui a force de coups & playes, sont contrainctes de laisser & quitter le champ, sont reputees par celles qui tiennent fort & resistent, indignes du tiltre & honneur de pucelles. Au contraire celle qui se sera portee la plus hardye est finablement ornee, selon que toutes ensemble peuuent le mieulx aduiser: & dauantaige elle est armee darmeures a la mode de Grece, & porte vng cabasset en forme de creste sur la teste, a la mode & facon de Corinthe, apres quelles l'ont parree en ceste sorte elles la mettēt sur vng chariot, & l'accompaignent alentour de leurs maraiz. Ces peuples derniers ont leurs femmes communes entre eulx: & font leur sensualite ne plus ne moins que les bestes. Si tost que vne de leurs femmes a eu enfant, & quelle la nourry quelque temps, & iusques a ce quil aye quelques forces, celluy dentre eulx en est repute le pere, avec lequel la femme l'au-

d.iiij.

Description de la prouince Daphricque

ra delaisse pour viure, & demeurer, & fault entendre que de trois moys en trois moys, les hommes s'assemblent avec les femmes, & lors la mere liure son enfant a tel quil luy plaist.

Atlantes

Les autres peuples de ceste region quon appelle Atlantes a cause quilz habitent es environs du mont Atlas, sont Anonymes, cestadi re sans aucun nom particulier. Ilz detestent le soleil passant, & luy improperent infinies execrations, par ce quil est si ardent quil les brusle, ensemble leur region, ilz ne mangent aucunes chairs de bestes, & nont aucun repoz de dormir.

Pastori-
ciens.

Les autres peuples Daphricque, quon appelle Pastoriciens, viuent de chairs, & laietaiges: toutesfois ne mangent de chair de vache, non plus que les Egyptiens, lesquelz ne nourrissent aucunes vaches: ne les femmes du pays de Cyrene: lesquelles ont en horreur de battre les vaches: & ce a cause, & en reuerence de la Deesse, ou leur Idole Isis: quilz adorent en Egypte, & en lhonneur delaquelle ilz obseruent certains iours de ieusnes, & de festes. Les femmes des Barcees qui sont autres peuples de ceste region ont autre obseruation: car elles ne mangent de chair de vache ne de porc, & incontinent que leurs enfans ont attainct laage de quatre ou cinq ans, ilz leur bruslent les veines de la teste,

aucunes leur bruslent les veines des temples,
& ce du seing de laine toute bruslante, & en-
flambee, quilz leur mettent sur le chef, a cel-
le fin que lhumidite & pituite descendate du
cerueau, & autres parties du chef ne leur nuy-
se aucunement: & par ce moyen se dyent es-
tre plus sains, & en meilleure disposition de
leurs personnes. Leur maniere de sacrifier est
telle, cest que apres auoir coupe loreille dune
brebis, quilz presentent en signe de reddition
de graces des premiers fruietz qui leur sot ad-
uenuz par chascun an, ilz iectent ladicte oreil
sur le toict de leur maison: ce fait ilz tortent le
col a leur brebis. Ilz ne font aucuns sacrifices
sinon au soleil, & a la lune. Ilz ensepulturent
leurs trespassez comme les grecz, excepte les
Nasamoniens, lesquelz aduisans vng dentre
eulx rendre lame le leuent, & font asseoir, &
ce de paour quil ne rende lame tout couche,
sur le doz, leurs tabernacles sont construietz
douziers attachez a gros arbres, comme a des
lentisques, & se tournent a telz ventz que lon
veult. Les Maxiens portent cheueulx du coste
dextre de la teste, & rasent ceulx du couste se-
nestre: ilz paingnent leurs corps de paincture
rouge, & se dyent estre descenduz des Troies
Les femmes des zabiques, qui sont autres peu-
ples confins aux Maxiens, conduisent, & gou-

Maxiens.

zabiques

Description de la prouince Daphricque

uernent les chariotz de leurs hommes, allans
zigantz, en bataille. Les zigantz, qui sont autre peuple
de ceste nation, ayans grãde quãtite de mous-
ches a miel, que les hõmes de ce pays par leur
industrie scauent tresbien garder & multipli-
er, sont tous painctz de paincture rouge, & se
nourrissent de cinges dont il ya grande abun-
dãce en ce pays, mesmemẽt es lieux pl^u mōtu-
eux. Toutes ses natiõs du pays de Libye viuẽt
dune vie estrange & sauuage, & sont la plus-
part du temps au soleil a descouuert, ayãs peu-
de difference en maniere de viure entre eulx
& les bestes : & ne font prouision de quelques
necessitez que ce soit, & vsent pour tous ha-
bitz de quelques peaulx de cheureulx. Les
plus puissans dentre eulx nont aucunes citez
subiectes a eulx : mais bien quelques tours au
long des eues, dedens lesquelles ilz amassent
toutes choses a eulx necessaires. Ilz font par
chascun an faire serment a leurs subiectz de
obeyssance, & de ce monster amys des alliez
& de persecuter les rebelles, cõme voleurs &
brigandz du pays. Leurs bastons de guerre
sont propres a leurs meurs, & naturel, car dau-
tant que ilz sont allaigres de corps, & leur pa-
ys la pluspart plat, ilz ne vsent despees, dagues
ou semblables bastons, ains ilz portent trois
dardz, avec quelque quantite de pierres quilz

amassēt dedens panetieres & bouges de cuyr
& eulx estans garnys de telz bastons, tant en
assaillant quen faisant retraicte, sefforcent a
grandement endommager leurs ennemys, &
a ce se rendent dextres par long exercice & v
sage. Ilz ne tiennent aucune foy ne loy enuers
les estrangers. Les Troglodytes (lesquelz sont
appelez par les Grecz pasteurs, par ce que ilz ^{Troglodytes.}
se nourryssent de bestail) sont peuples de ceste
region en Ethiopie, lesquelz s'assemblent par
contrees: chascune desquelles cōstitue sur soy
vng roy. Ilz ont fēmes & enfans cōmūs, exce
pte le roy qui a sa femme & ses enfans a part.
Incontinent que la royne sa femme s'appro
che pour le visiter, le roy pour toute magnifi
cence luy faiēt present de quelque quātite de
bestail. Durant la saison des ventz Ethesiens,
(qui ont leur cours pendant les iours canicu
laires) il tombe en ce pays grande quātite de
pluyes. Ilz se nourryssent communement to^r
de sang de bestes, & de laiēt meslez ensemble,
& cuytz lung parmy lautre, Et quant leurs pa
sturages sont steriles, a cause de lardeur du so
leil, ilz cerchēt les lieux marescageux, & nōt
aucun stimulate de guerroyer les vngs contre
les autres, sinon pour en demourer seigneurs.
Ilz tuent leurs vieilles brebis, & celles qui par
quelques maladies ne se peuuent soubstenir,
& sen nourryssent en tous temps.

Description de la prouince Daphricque

Ilz ne donnent aucuns certains nōs a leurs enfans, & reputēt les brebis & taureaulx leur peres & meres, dautāt que dicelles bestes ilz prennent leur nourriture ordinaire. Le commun peuple a acoustume duser pour boisson du ius d'ung arbre appelle palieur. Les plus riches fōt pressurer vne certaine espee de fleur, la liqueur de laquelle leur sert de boisson, ayant goust approchent aux pires vins nouueaux de ce pays. Ilz menent leurs tropeaulx de region en autre, de paour quil ne leur enuie de demourer continuellemēt en vne mesme regiō. Ilz ont tout le corps nud, excepte nature, que ilz cachent de peaulx. Les susdictz Troglodytes sont a lexemple des Egyptiens circonciz, hors mis ceulx qui sont boyteux qui en sont exemptz. Ceulx dentre les Troglodytes quon nōme Megauares, portent pour toutes armes vng pauoy de cuyr de boeuf non parē, & vne masse garnie de poinctes de fer, les autres vng arc, & vne demy picque. Ilz nont aucune sollicitude de edifier tumbeaux, ou sepulchres, & au lieu de ce ilz liēt doufier ou de menuz coutrōs de l'arbre de Palieur, le corps dūg trespasse, & luy font ployer le corps, tant que la teste se rend iusques au bas des iambes, puis apres le mettent en quelque hault lieu, & le couurēt de pierres quil luy ruent sus, en ce riant de ce

Megauares.

trespasse, & apres quil ont tout couuert de pierres, ilz mettent au dessus vne corne de chiefure, & en telle sorte le laissent, sans en auoir autre compassion. Ilz bataillent les vngs contre les autres, non par ire, ou ambition (cōme souloient faire les Grecz) ains pour gaigner la commodite des pasturages. & en leurs batailles ilz iectoient en premier lieu, les vngs contre les autres vng grant nombre de pierres, & iusques a ce que dune part ou dautre fussēt naurez, en apres par grande dexterite tiroient de larc, dung couste & dautre, tant quil sen ensuyuoit grāde boucherie & effusion de sang, & nestoit mise fin a telles batailles sinon par les plus anciennes femmes, lesquelles en grande seurete (par ce que on ne leur faisoit dung couste ne dautre aucun desplaisir) se mettoient entre les deux assemblees, & en telle sorte faisoient de partir le conflict. Ceulx qui par vieillesse ne pouuoient suyure, & conduire les tropeaux, estoient attachez par le col aux queues des taureaux, & en telle sorte mouroient estranglez, en sorte que celuy qui tardoit trop a mourir reputoit quon luy faisoit vng grand bien de luy auācer sa vie, & de ce en requeroit le plus sain. Ilz auancoient en telle sorte la mort a ceulx qui auoient fiebures, ou quelques maladies incurables. Et iugeoient en eulx mesmes, que vne

Cruaulte
des Tro-
glodytes.
enuers les
vieilles
gens.

Description de la prouince Daphricque

des plus grâdes malices que sceust lhôme auoir estoit daimer a viure, lors qlz neust-sceu faire aucune chose proufitable en ce monde. Herodote escript que les Troglodytes creusēt cauernes pour y habiter, sans auoir aucunes couuoitise de richesses, & que de eulxmesmes ilz saddonnent a paouurete, se glorifiās seulement en vne espece de pierre precieuse, que no⁹ appellō Exaonthalite. Ilz viuēt de chairs de serpens, & nont aucun certain langage, aīs ont vne maniere de bruyre. Il ya vne autre maniere de gens en Ethiopie, estant par dela Egypte, quon appelle Rizophages, lesquelz uiuent de racines de roseaulx, quilz fouillent es enuirs de leurs pays, & les pilent de pierres, iusques a ce quelles deuiennent molles en les arroufant deauues: & apres les auoir amollies ilz en font des tourteaulx grandz cōme la paulme de la main en forme dune tuille, & apres les auoir fait seicher au soleil ilz les māgent, & nont autre viande en toute leur vie. Ce māger leur est tresagreable, & en ont en tresgrāde abūdance, par ce que iamais ne baillent les vngs cōtre les autres: toutesfois ilz ont souuent guerre contre les lyons, lesquelz sortent du desert, & courēt iusques en ce pays pour auoir de lumbrage, & pour deuorer les pl⁹ petites bestes sauages: & en faisant telles

Rizophages.

courses deuorēt plusieurs desdictz Ethiopiēs,
a la fortie de leurs maraiz. Et a long tēps que
ceste nation eust este defaictē p les lyōs, neut
este que nature y a pourueu, & leur a dōne se
cours p sa puidence. Car des lētree des iours
caniculaires vne grāde multitude dune espe-
ce de papillōs volēt en ce pays sans y estre a-
menez p vent quelcōque: ceste espece de peti-
tes bestes ne nuyt aucunemēt aux hōmes les
quelz se retirent es maraiz, & ce pēdant tant
p murmure que p morsure cōtraignent les ly-
ons de se retirer. A ceste natiō de Rizophages
sōt cōfins les Ilophages & Spmatophages, dōt ^{Ilophages}
les derniers nōmez viuēt de graines q tōbent ^{& Sperma}
en este des arbres. Le reste du tēps amassent ^{tophages.}
vne espece dherbe laquelle croist es lieulxvm
brageux, & dicelle viuent en tēps de famine.
Quant aux Ilophages, ilz se retirēt avec leurs
fēmes & enfans, es lieux chāpestres, & mōtēt
aux arbres, & en abatēt les brāches les pl^r foi-
bles, & sy habituēt si biē qlz saultēt darbre en
arbre, ne plus ne moins que oyseaulx, & se tiē-
nent dessus petites branches sans aucun dan-
gier: & sil aduiēt que les brāches ployēt soubz
le faiz de leur corps, ilz se y tiennent de leurs
mains, & si de leurs mains ne si peuuent tenir
& quil leur soit force de tumber a terre: enco-
res est ce sans dangier, a cause de la souplesse

Description de la prouince Daphricque

& agile de leurs corps, & ce pendant viuent des plus tédres rameaulx des arbres, lesquelz ilz rongent & sen repaissent. Ce sont gēs qui sōt tousiours nudz, & ont leurs femmes & enfans tout en commun. Ilz combattent les vngs cōtre les autres, pour gagner les meilleurs endroitz, & les mieulx garniz darbres, & nusēt en leurs combatz sinon de leuiez & bastōs de bois, & ceulx qui sont vaincuz demeurēt serfz des vainqueurs. Ilz meurent le plus souuent de faim, par ce que apres quilz ont perdu la veue (qui leur aduient souuent par cas fortuittz, en saultant darbre en arbre) ilz ne peuuent plus amasser ce dont ilz ont acoustume de viure.

Cynæti-
ens.

Le circuit de ceste nation est habitee par autres Ethiopiens, quon appelle Cynæciens, qui sont en petit nombre & differentz a la vie des autres: car dautāt quilz habitent en pays de forest, & malaise, nayāt que bien peu de fontaines, ilz sont contrainctz de dormir sur les arbres pour la craincte quilz ont des bestes sauuaiges. Ilz vōt de grand matin chercher les ruisseaulx des fontaines, & se cachēt entre les brāches des arbres. Et sur la chaleur du iour les boeufz sauuaiges, leopardz & aultres bestes, courēt a grāde multitude aux eaues pour boire & se refreischir, & prennent tant deaue les bestes dessusdictes, quelles en deuiennent en-

flees, & appesanties: Et lors ces Ethiopiens descendent de leurs arbres, & assaillent fierement, tāt avec bastons bruslez par le bout, que avec dardz & pierres icelles bestes, tāt qlz en abatēt & tuēt quelques vnes, qlz departent entre eulx. Aduient aussi quelque fois, que les bestes sauuages ont laduantage, & en tuēt quelcun dentre eulx, toutesfois le plus souuent ilz en viennent a bout (quelque puissance que ayent lesdictes bestes) & ce par leur art, & industrie. Et aduenant le cas que ilz n'ayent peu prédre aucune beste pour leur viure, en ce cas ilz prennēt les peaulx de celles quilz ont mangees, & apres en auoir oste le poil, ilz les mouillent & mettēt trēper: puis les font cuyre a petit feu, ce fait les distribuent entre eulx, & s'en substantent. Ilz duysent leurs ieunes enfans a tirer a certain but, & ne donnent a manger fors a ceulx qui y ont frappe, dont aduient quilz sont bons archiers, & dextres a ruer pierres. Il ya en ceste regiō vne autre espeece de gēs, qu'on appelle Acridophages, habitās pres le desert, & sont de plus petite stature que les autres, maigres & noirs a merueilles. Au printemps le vent de zephyrus, & le vent Licyque amenēt du desert en ce pays vng nombre infiny de locustes grandes a merueilles, & ayās ailles dune hydeuse couleur, & figure.

Acridophages.

Description de Laphricque

Ceste maniere de Ethiopiens a ce duiſte & acouſtumeẽ, fait vng grant amaz de bois, fueil les, & autre ſemblable matiere, en vne grande & longue vallee, & la ſaiſon venue, que les ſuf diſtes beſtes par les ventz ia nõmez ſont chaf ſees du deſert, & amenees en ſi grande abun dance, que il ſemble que ce ſoient nuees qui paſſent par deſſus ceste vallee, lhors ceste ma niere de gens meſt le feu dedens ceſtuy amaz couuert dherbe, que ilz ont au parauant faul chee en ce meſme lieu & vallee. De ce feu fort ſi grande fumee que leſdiſtes locuſtes en vo lant par deſſus ſont eſtoufees, & tombent mor tes vng peu par dela lediſt val: & ce en ſi grã de abundance, quelles fourniffent, & ſeruent de nourriture largement a tout ce peuple, par ce quilz ont grande quantite de ſel en ceste re gion dont ilz les ſallent, & les gardent par ce moyen longuement, & leur eſt ceste viande ſi gratieufe a leur appetit, quen toute leur vie ne mangent autre choſe, tellemẽt quilz ne nour riſſent beſtail en leur pays, & nõt aucuns poiſ ſons, par ce quilz ſont eſlongnez de la mer, & des grandes riuieres, en ſorte quilz nont autre moyen du ſubſtãter leur vie. Ilz ſont al laigres du coprs, & agiles a la courſe, toutef fois ilz ne viuent longuement, tellement que les plus aagez dentre eulx ne viuent plus de

quarante ans . ¶ Leur fin nest seulement pit-
teuse, mais aussi incroyable, car eulx venuz en
aage il se engendre en leurs corps, vne manie-
re de poulx ayâs petites ailles de diuerse cou-
leur, & dune hydeuse facon & espeece.

Piteuse fin
des Acridophages

Ceste vermine leur mange premierement le
ventre, puis la poictrine, & peu a peu leur mi-
ne & consume tout le corps . Celuy qui est af-
sailly de ceste maladie, se sent en premier lieu
esmeu dune gratelle, & tellement luy brusle
le corps, quil est cōtrainct de se gratter, & par
trop se grater, il sen ensuyt en la personne af-
fligee, vng sentement de douleur nouuelle, a-
uec vng allegemēt de la premiere tout en vng
instāt. Peu apres de telle emotion procede af-
fluēce de sang, q sort de toutes partz du corps
du poure patient, & fait yssir quāt & soy vne
infinie multitude da ladicte vermine: & de ce
sempire si fort la douleur & commence ceste
miserable personne sentir vne si extreme dou-
leur en soy, que il se defigure & desmēbre tout
le corps: & de ce de rechief recommēce vne si
grande affluence de sang & de vermine, que
impossible seroit de y remedier aucunement:
tellement que soit par faulte de lair de ceste
region, ou par leur nourriture, ilz finissent
tous miserablement & piteusement leurs vies.

Description de la prouince Daphricque

Cynnami
mes ou
sauuages.

Les extremitez de Laphricque vers la coste du midy, s'ot habiteez par vne maniere de gēs que les Grecz appellent Cynniamimes, autrement appelez p les Barbares sauuages, portās grandes barbes: & nourrissent pour leur garde & seurete, grand nombre de chiens: car depuis la my este iusques a la my yuer, il entre en ce pays vne grāde multitude de boeufz du pays des Indes, & ne scet on dou procede ceste affluence, sinon que ce soit par ce que les susdictz boeufz sont contrainctz de fuyr de leur region en ce pays, pour la fureur & crainte des autres bestes sauuages, ou par l'instinct de nature, qui a engendre maintes autres choses dignes d'auSSI grande admiration. Et par ce que les hommes de ce pays deulxmesmes ne peuent resister a vne si grande quantite de bestes suruenantes: ilz sont contrainctz d'auoir quant & eulx si grande multitude de chiens. par la course & ayde desquelz ilz arrestēt & prennent vne grande quantite des boeufz dessusdictz, desquelz ilz en mangent vne partie, & sellent le reste pour leur prouision.

Ictyopha
ges.

Ilz mangent pareillemēt plusieurs autres bestes quilz prennent a la course de leurs chiēs. Oultre & par dela les peuples dessusdictz habitent vers le midy, autres peuples que on appelle Ictyophages, lesquelz encores que ilz ay

ent visages dhommes, neantmoins ne different en riens aux autres bestes en leur maniere de viure, & habitent au dessoubz des Troglydites, en la grand mer Arabic. ¶ Ce sont gens merueilleusement barbares: il sont nudz en tout tēps, ilz ont femmes & enfans en cōmun, & tout ainsi que bestes brutes, ne sentēt ces gens aucune volupte ou passion en eulx, si non au pris que leur corps se sent biē ou mal: & nont autre discretiō entre turpitude & hōnestete. Ilz habitent es riuages de la mer. au long des leuees, & hault pays: auquel se trouue quelques endroictz ayans profondes cauer-
nes, & quelques destours de valles de grande longueur, esquelles ya maintes fous-
sées estroictes dentree, & de mal aysee saillye, tellement que par ce qui ensuyt, on pourroit iuger ce pays auoir este fait par nature de ceste fa-
con, pour & a lusaige de ces Ictyophages, que ainsi soit, ilz font grant amaz de pierres des-
quelles ilz bouschent toutes les entrees de ces destours & valles, & leur sert telle inuentiō de retz pour arrester les poissōs de la mer, par ce que au moien du flot de la mer, aduenant par chascun iour enuiron lheure de midy, tous les lieux circonuoyfins sont enuiron-
nez de eaues, qui y croissent en si grāde abun-
dance quelles couurent tout le pays, & ame-

Description de Laphricque

nent vne infinie quantite de poissons lesquelz
sefcartent ca & la pour querir leur pasture, tāt
que finablement au retour de la mer que leaue
se escoule entre les monceaux de pierres, les
poissons demeurent a sec, & sont amassez par
les habitans de ce pays lesquelz y accourent a
uec leurs femmes & enfans, & les amassent
pour leur prouision. Et quant ilz les veulent
appareiller pour les manger, ilz les mettēt des
sus des pierres tournees vers le midy, & ardā
tes de la chaleur du soleil, & apres auoir lais
se leurs poissons quelques temps sur vng cou
ste, le tournent sur lautre, & apres quilz leurs
semblent assez routyz, ilz en tyrent toute la
chair, & la mettēt dedēs vne pierre creuse, qui
leur sert de mortier, & pilent dedens icelle a
uec ladiete chair de la graine de Palieure, &
mixturennēt si bien ces deux especes quilz en
font vne viande gracieuse a manger, laquel
le ilz font endurcy au soleil, apres lauoir as
semblee en forme de tuilles languettes, & en
vsent pour toute nourriture avec grāde ioye,
& en grande abundance, & leur sert ceste viā
de en lieu de prouision de bledz. Et quāt il ad
vient que le flot de la mer se tient long temps
sans appetisser, & que au moien de ce leur est
ostee laissance & commodite de pescher, tant
quilz en endurent famine, lhors ilz amassent

des escailles de mer, grandes a merueilles, lesquelles ilz brisent avec pierres, & se nourrissent de la chair quilz trouuent dedens, laquelle approche de goust aux ouyftres de mer. Et encores quil aduiene que ceste maniere de viure leur soit ostee pour la continuelle tempeste des ventz: ilz reprennent les os & harestes quilz ont amassees, des poissons par eulx mangez, & en mangent & rongent les plus tendres, & les plus fraisches, & brisent & amollissent les plus dures auant que de les manger. Ilz prennent leur repas en grand ioye, comme iay par cy deuant recite, & par chantz discordans se font chere les vngs aux autres. En apres chascun deulx pour le soing de auoir lignee, se retire avecques la femme la premiere trouuee, sans ce quilz ayent autre sollicitude par toute leur vie, au moyen de laffluence du manger qui leur est propre, & quilz ont quasi en main. Et apres auoir este lespace de quatre ou cinq iours entiers ententifz a ceste maniere de viure, ilz partent le sixiesme en assemblee, pour trouuer fontaines pour boire, en leur chemin crient ensemble tous dung son dissonant, tellement que on ne iugeroit leurs voix approcher au chant des hommes, mais plustost aut hulees & bruits de vne grande multitude de boeufz, ou autres bestes brutes.

Description de la prouince Daphricque

Si tost que ilz sont arriuez aux fontaines, ilz prennent de leue en si grande abundance, que a peine sen peuuēt ilz retourner, tellement que ce iour se reposent sans aucune chose māger, & ne sont ce pendant moins estourdyz que filz estoient yures. Le iour ensuyuant ilz sen retournent prendre des poissons & passent en telle sorte leur vie sans estre (que biē peu) malades. & ce dautant quilz ne vsent que du ne viande, ilz ne viuent toutesfois si longuement comme on fait par deca. Leur naturel ne sextēd a autre bien, sinon a ressaïsier la fain & nest couuoiteux daucune volupte que puisse lhomme perceuoir en autres choses.

Peuples
habitans
par dela
la mer A-
rabie,

¶ Telles sont les meurs, & facōs de viure, de ceulx qui habitent es enuironz de la grande mer Arabic. Quant est de ceulx qui habitent par dela icelle mer, ilz sont dune vie trop pl^e digne de admiration: veu que iamais ne boient, & que de leur nature ilz sont sans aucune passion desperit. Ilz sont tant eslongnez de la terre habitable, quon les pourroit iuger cōme deiectez en ces lieux la par fortune, comme en quelque desert: ilz māgent poissons de my cruz, non que ie vueille dire que cela leur face passer lenuie de boire, mais par ce que ilz sont sauuages iusques la, quilz se veullent contenter de la viāde qlz ont trouuee la premiere

Ilz reputent estre grande felicity de sabste-
nir des choses desquelles la deffailence leur
tourneroit a tristesse. Dauantaige on recite
quilz sont de si belle patiēce, que si aucun leur
donne vng coup despee, ilz endurent vng tel
oultrage, & si ne sen daignent remuer ne chā-
ger de contenance, ains regardent constam-
ment celluy qui les outrage, sans luy en mō-
strer vng seul signe de courroux, ou d'implo-
ration de pitie. Ilz signifient par signes tout
leur vouloir, par ce quilz nont aucun langai-
ge. Dauātaige tous dung accord, ne charchēt
que paix, & ne font aucun dommaige aux es-
trangiers, & combien que ceste facon de vi-
ure soit esmerueillable si est ce quilz ont de-
puis le temps passe iusques a presēt tousiours
continue en ceste vie & meurs, ou par acous-
tumance, ou par vne necessite quilz auoient
de sentretenir en cest estat pour durer. Ilz ont
autres habitations que nont les autres Icthyo-
phages: aucuns dentreulx sont logez es cauer-
nes ourans deuers septentrion, esquelles ilz
sont garentyz de lardeur du soleil, tant au
moyen du vent fraiz qui leur dōne de ce cou-
ste dedās leurs loges, que au moyen de lum-
brage, & fault entendre que les cauernes de
ce pays lesquelles ont leurs gueulles tournees
vers le midy, sont ardantes comme fournai-

Description de la prouince Daphricque
Ceste Isle est fort grande, et porte plusieurs ar-
bres fructuers commodes pour la nou-
riture des habitans dicelle. Il se y
nourrist pareillement gran-
de quantite de chief-
ures & moutons,
qui seruent
beaucoup a ceulx du pays.
Il ny croist aucuns fro-
mentz.


Fin du premier liure.

En suit le Second liure contenant la de-
scription de la prouince Dasie.

De l'Asie deuxiesme

me partie du monde, et des plus celebres nations estans en icelle.

Chapitre Premier.



ASIE EST VNE aultre des trois parties de la terre: ainsi appelée du nom d'une fille de Ocean & de Tethys nommée Asia femme de Iapetus, et mere de Prometheus, ou bien selon laduis des aultres du nom de Asius, filz de Maneus roy de Lidye. Elle s'estend de puy le Midy & Orient iusques en Septentrion. Ces fins & limites du coste de L'occident, sont les deux riuieres dont l'une est appelée le Nile, & l'autre Tanais, avec la mer Euxine, & partie de la mer Mediterranee. Par toutes les trois aultres parties est enuironnée de la mer Oceane, que lon appelle deuers Lorient mer Eoe au iourdhuy mer de Leuant, et deuers le midy est appelée mer indicque: & deuers le Septentrion mer Scithyque. Le mont Le mont Taurus. Taurus la separe iustement en deux: par ce

Description de Lasie

quil s'estend depuis Lorient iusques en Occident, tellement que des deux parties dont il fait la separatiō lune est du couste du Midy: & l'autre du couste de Septentrion & dicelles parties de lasie lune est appellee par les Grecz Lasie itérieure, et l'autre asie exterieure. Cestuy mont a en plusieurs endroitz trois mil stades de largeur & a telle lōgueur que toute Lasie, cest assauoir de quarante cinq mille stades a prēdre depuis la coste de la mer qui est au dela de lisle de rhodes iusques aux extremitēz des Indes, & de Scythie, qui tirēt deuers Lorient. Et se diuise icelluy mont en plusieurs parties ayans diuers noms, dōt les aulcunes sont de plus grand circuit que les autres. Quant est de la terre cōprinse soubz la partie de Lasie on lestime aussi grande & aussi spatieuse que toute Laphricque & Europe ensemble. La temperature du ciel & fertilitē de ceste regiō fōt quelle nourrist toutes especes d'animaulx. Elle est distincte de plusieurs prouinces ou regiōs. Du couste de Laphricque est Arabie qui est vne region laquelle est entre Egypte & Iudee & se diuise en trois comme recite Pline. Lune est appellee Arabie Petree, qui se cōfine a la prouince de Syrie, du couste de Septentrion & Occident: & deuers Lorient a celle mesme prouince se confme l'autre partie Dara-

Lasie aussi grande que Leurope & Laphricque.

Arabie.

bie quō dict Arabie la deserte. Du coste du mi
dy est lautre partie, quō appelle Arabie lheu-
reuse, les aulcuns y cōprenēt Panchaie & Sa-
bee. Larabie est ainsi appellee du nom de Ara-
bus filz de Apollo & de Babylone. Quant est
des Arabes ilz tiennnent vng pays long & Arabus,
large & ont diuerses manieres de viure & de
cerimonies les vngs dentre les aultres, toutes-
foys en ce conuiennent tous, quilz laissent ve-
nir leurs cheueulx longs, & portēt mitres sur
leurs chefz & la portēt tous dune mesme ma-
niere de ligature, & quant a la barbe les aul- Lesmanie
res de vi-
ure des A
rabes.
cuns la rasent le plus pres de la chair q̄l peu-
uent. Quant est des sciences & artz il nen ti-
ennnent escolles comme nous aultres, & nen
faiēt aulcung dentre eulx particuliere profes-
sion, mais il viuent selon quilz ont este in-
struictz par leurs peres. Celluy qui est le plus
ancien dentre eulx a le gouuernement & pu-
issance par dessus tous aultres, & possèdent
toutes choses par communaulte entre les li-
gnees, mesme iouyssent des femmes en com-
mun, tellement que le premier dētre eulx qui
entre en la maison et a laisse a lhuys son bas-
ton il a le premier la compaignie de la fem-
me commune, & au regard de la nuit elle la
doibt au plus ancien dentre eulx, & en telle
sorte sestimēt tous freres les vngs des aultres,

Description de la prouince Dasie

Estrange
espece da
dultere.

En Ara-
bie nont
aucuns che-
uaux &
en lieu de
ce ont des
chame-
aux.

La sepul-
ture des
roys des
Arabes.

& ont compaignie de leurs meres & seurs tāt
font brutaulx. Ladultere est puny par mort et
est celluy reputé adultere qui a eu cōpaignie
daultre femme que de son sang & parentage,
tous ceulx qui sont nez en la famille sont re-
putez legitimes maryz. Ilz fassemblent souuē
tesfois iusques au nombre de trente, entre les
quelz sen trouue deux scauans en musique,
& se seruent les parens mutuellement. Leurs
villes & bourgades encores quil ne soient en-
closes a foussez & murailles ne laissent a es-
tre en grande tranquillite. Ilz vsent de huil-
le de Sisame ayans avec ce vne heureuse abū-
dance de toutes choses. Leurs brebis ont toy-
son merueilleusemēt blāche, leurs boeufz sōt
de grāde stature. Ilz nont aucuns cheuaux,
les chameaux dont ilz ont grande abundan-
ce leur en sōt passer lēuie. Ilz ont lor et largēt,
ensemble vne infinite despiceries particulie-
rement plusque toutes aultres regions. Le cui-
ure, le fer, facons dabillemens, le pourpre, le sa-
frā, & tailleures en pierres, & menuiseries sōt
apportees en ceste region de ailleurs. Ilz nont
aucune sollicitude des corps morts: & quāt au
corps de leurs roys trespassez, ilz les enterrēt
en vng fumier. Ilz gardent leur foy & pmes-
se sus tous aultres & quant il veulent quelque
chose pmettre par leur foy vng tiers, se meēt

entre les deux contrahantz, et frappe la paulme de sa main, a laquelle il faict que les plusgrans doigtz des contrahantz approuchent, & apres auoir prins vng petit poil du vestement dung chascung desdictz contrahantz, tainct icelluy du sang de sa paulme & en disperse sur sept pierres qui sont premierement preparez a ce, au meillieu des cōtrahantz & en faisant ceste insperison inuocque le dieu Dionysius & Vrania. Ce faict icelluy mediateur faict promettre lung des contrahantz qui est oblige par laccord de se rendre & ester deuant certain iuge qui luy nomme, soit que icelluy contrahant lequel demeure oblige soit du pays ou quil soit estrangier. Et telle forme de fidelite est trouuee honeste & obseruee entre ceulx qui font quelque nouvelle amytie ou alliance. Ilz font feu de sarmens & iauelles de l'arbre de myrrhe, de la fumee duquel boys encourent souuentefois maladies incurables: sinon quil y remediaissent par certaine espee de parfung & fumigation, quilz font de storax quilz bruslent. La canelle est recueillie par les prebstres de leur loy, apres auoir tue des bestes pour faire sacrifice, & apres qui les ont sacrifiees ilz ont ceste facon de faire, de ne amasser ladicte canelle sinon entre le soleil leuant & soleil couchant. Cel-

La maniere de passer contractz des Arabes.

Le feu des Arabes.

La maniere de recueillir la canelle.

Description de Lasie

La manie
re de viure
des O-
phiopha-
yes.
Des No-
mades.

Debes.

La riches-
se des De-
bes.

luy dentre eulx qui a le plus de authorite di-
uise & departist les monceaux de canelle du
ne hasche qui est a cest vsaige : & en est pre-
mierement reserue vng faisceau en lhonneur
du soleil , & sil est iustement & esgallement
diuise ilz estiment que de lardeur des rayons
du soleil, il prent feu & se brusle de luy mes-
mes. Il y a vne maniere de gens entre les A-
rabes viuans dune fort estrange nourriture,
& nont aulcune sollicitude de nourriture de
corps ou de lentendement , & sont appelez
Ophiophages par ce quil vsent de serpens en
leur mager pl⁹ q daultre chose. Les Nomades
se seruēt fort de Chameaulx tant a ce cōbatre
cōtre leurs ennemys q pour porter loing char-
ges de marchandises et viuēt de laiēt, & de
chairs. La riuere q court par leur regiō a plu-
sieurs arenes dor quil naffinēt tant sont igno-
rans. Vne aultre maniere de gens y a en Ara-
bie quon appelle, Debes gens q se addōnent a
faire pasturaiges, & a cultiuer les terres, & a-
bundent en or & treuuent entre les motes de
terre de lor en rōdeur & grosseur dune noix:
dedens lequel ilz enchassent pierres precieu-
ses, & en font des carquantz fort beaulx &
sumptueux a veoir: & en aornēt leurs mains,
& leurs colz. Ilz vendent lor aux estrangiers
& nations circonuoyfines: & en baillent trois

liures pour vne de cuiure ou darain en contreschange, & deulx d'argent pour vne d'autre metal, tant pour la petite estime quil font de lor, que a cause de leuure quilz ont des marchandises quilz en retournent.

Leurs prouchains voisins, se sont les Sabees: Les Sabees riches en en cens myrrhe & canelle.
 lesquelz sont riches au moyen de Lencens, Myrrhe, & Canelle dont ilz abudent: & d'auantage quelques vngs ont escript que dedens les fins & limites de ceste region croist le Baulsme. Il y a aussi en ce pays des Palmes & rouseaulx qui sont de tres bonne & excellente odeur. Ilz se trouue aux racines des arbres de ceste region vne sorte de serpens de la longueur de la paulme de la main, ayantz mortelle morsure. Serpens es racies des arbres en Sabee. La grande odeur des arbres & plantes croissans en ce pays, engendre vng estonnement & stupidite de sens aux habitans de ce pays, pour aquoy obuier ilz vsent d'une espee de fumigation quilz fõt d'une espee de croie & de poil de la barbe dũg bouc. Le pouoir du roy des Sabees.
 Au Roy seul appartient de iuger tous differrentz. La pluspart des Sabees sont laboureurs des terres, les autres saddõnent a amasser espieries, & vont en marchandise en Ethiopie et passent la mer avec petites barques toutes couuertes de cuyr, ilz vsent de canelle & Casie q fõt especes darbres odoriferãs pour entretenir

Description de Lasie

La ville
de Saba.
La forme
de eslire
roys.

La riches
se des
roys de
Saba.

leur feu. La ville capitale de ceste cōtree qu'on appelle Saba, est assise sur vne mōtaigne: leurs roys sōt esleuz par la faueur du peuple qui en distribuent lhōneur a ceulx qui sont de ligne en laquelle se sont trouuez royx auparauāt auoir este esleuz. Ilz ont en fantasie par vne ancienne opinion que sil sortēt hors de leur maison royalle, ilz seroient lapidez, & au moyen de ce nosent iamais sortir hors de leur maison. En la dicte ville de Saba ou est leur maison royalle, ilz ont tableaux & potz ouurez et figurez dor & dargent de diuerses sortes. Ilz ont semblablement lietz & grandes chaires ayantz piedz dargent massifz: & le reste de leurs vtenfilles dune merueilleuse, & quasi incroyable sumptuosite. Dauantaige leurs galleries sont garnyes & appuyees de grandes colonnes ayāt les extremities enrichies de testes & medailles dor, & dargent. Les planchez & portes sont garnies de lampes & vaisseaulx dor & dargent, garniz de pierreries: par lesquelles se peult assez congnoistre la sumptuosite & richesse de la maison, tant resplēdisent, les vnes pour la belle facon de lor, & dargent: les aultres pour la diuersite des pierreries, qui y sont, aussi il y a quelque sorte de planchez lambricez de dentz delephans mis en ouuraige, & daultres matieres de grande

richesse, & de grand pris & estimation. Et en icelle felicité ont tousiours continue, les peuples dessudictz, & ont tousiours este exemptz dune couuoytise de posseder par rapine les choses estrangieres: ce qui a destruiet les aultres nations. Les Garreens qui sont aultres peuples Darabie, nexcedēt en richesses a ceulx desquelz cy dessus auons faict mention, parce que tous leurs meubles & vtenfiles de maison consistent en or & argent: ioinctz que les entrees de leurs maisons, paroyz, & couuertes sont construietes diuoyre.

Des Garreens.

Les Nabatheens sont moins magnifiques que les autres, & ont vng merueilleux soing & industrie a acquerir richesses, & encores plus grande a les conseruer. Celluy dentre eulx qui laisse diminuer son bien, encourt note dinfamie: & celluy qui laugmente y acquiert credit & augmentation dhonneur.

Des Nabathees.

Les Arabes ont acoustume de vser en guerre de lespee, arc, lance, fonde, & dung voulge ou besague. Les Sarrafins qui sont vne maniere de gens cruelz & pires que nulle peste, prendrent origine de ce pays, tellement quil est vraysemblable que au iourdhuy la pluspart des Arabes sont au iourdhuy Sarrafins: combien que encores au iourdhuy les aulcungs retiennent leur ancien nom mesmes ceulx

Sarrafins descēduz Darabie.

Description de Lasie

qui habitent a lentour du pays de Egypte, les
quelz viuent de courses & rapines quilz font
sans aulcune craincte destre surpris se
confiantz en la celerite de leurs
Chameaulx.

¶ Du pays de Panchaie & maniere de
viure des Panchaiens. Chap. ij.

Trois vil
les de re-
nom en
Panchaie.



Fertilité
dencés en
Panchaie.

Anchaie est vne region en A-
rabie que Diodore Sicilié dict
estre vne Isle ayant deulx cens
stades de largeur, dict oultre
quen icelle y a trois villes de re-
nom, lune appelee Dalida, laultre Hyracida,
& laultre Oceanida. Ceste region est tres fruc-
tueuse fors es lieux ou elle est sablonneuse, el-
le apporte entre aultres choses grande quan-
tite de vins & de encēs: lequel croist par chaf-
cung an en si grande abundāce quil peult suf-
fire a tous les sacrifices qui se font par tout le
monde, elle porte semblablement grand quā-
tite de myrrhe, & despiceries de diuerses bon-
nes odeurs, que les Panchaiens amassent, &
vendent aux marchās de Arabie: lesquelz les
reuendent a aultres pour les trāsporter en Sy-
rie: Phœnicie, & Egypte pour: puis de ces pays
estre trāsportees par tout le reste du monde.

Les Panchaiens vsent en guerre de chariotz a la mode des anciens, & diuisent lestat de leur royaume en trois. Au premier sont cō-
 prins les prebstres de leur loy avec les manou-
 uriers. Au second sont les gens de labour. Au
 tiers sont les gens de guerre avec lesquelz sōt
 cōprins les pasteurs. Les prebstres gouuernent
 par dessus les aultres, & decidēt tous differētz
 qui suruiennent tant entre particuliers, que
 aux affaires de la chose publique: fors seule-
 ment quant il est question de iuger quelquun
 a mort. Les laboureurs apres auoir cueilly les
 fruietz de la terre, les meētent en commung.
 Ceulx dentre eulx qui sont trouuez les meil-
 leurs laboureurs sont deputez iusques au nō-
 bre de dix par la deliberation des prebstres, et
 a la req̃ste & priere des aultres laboureurs, &
 ce, pour distribuer les fruietz a vng chascun.
 Les pasteurs sōt tenuz de faire diligence d'ap-
 porter en public les choses cōcernātes les sacri-
 fices, et aultres choses qui se destaillet a nom-
 bre et poix, & nōt rien pticulier être eulx fors
 leurs maisons et iadrins, & quant est des tri-
 butz & aultres choses tout est mis entre les
 mains des prebstres, lesquelz les distribuēt es-
 gallement a vng chascun selon sa necessite,
 & quant a eulx il en prēnent double part du
 consentement des deux aultres estatz.

Lestat du
 royaume
 de Pan-
 chaie.

f.iiij.

Description de Lasie.

Diners &
exquis ha-
bitz des
Pāchaiés.

Ilz vsent de fins habillemens par ce que les laines de leurs tropeaulx sont trop plus fines que nulles autres. Et vsent indifferemment tant hōmes que femmes de dorures & portēt chaisnes en leur col brasselletz en leurs braz, & aneaulx dor aux oreilles a la mode des Per ses, & chaussent leurs piedz de souliers de diuerfes couleurs & estrange facon. Aux gens de guerre est delaissee la deffence du pays. Au regard des prebstres, ilz viuent en plus grans delices que les autres, menans vne vie magnifique, & sumptueuse & neantmoins chaste & honneste: ilz portent longues aulbes de lin fort deliees et delicates, & quelques vngs portent robes tyssues des plus fines laines. Ilz couurent leurs chefz de mitres faictes dorfauerie, & vsent dune sorte de souliers de diuerfes couleurs & faictz dung industrieux ouuraige, & vsent de tous aornemens dor, comme les femmes, fors & excepte les aornemens des oreilles.

Leur principale charge est de seruir aux dieux, desquelz ilz recitent les gestes en leurs hymnes & musique. Et se disent estre descēduz de Iupiter, disans icelluy estre venu en leur pays de Panchaie, lors que conuersant avec les hommes, il gouuernoit Lempire de tout le monde.

¶ Ce pays est remply dor, d'argent, darain, estain & fer: tous lesquelz metaulx est defendu de transporter ailleurs. Aussi il n'est permis aux prebstres, yssir hors leurs temples & lieux sacrez: tellement que celuy dentre eulx qui seroit trouue ailleurs, peult estre mis a mort sans dangier dencourir aucune peine. Subiectio
des preb-
stres de pā
chaie, Ilz gardent curieusement les dons que lon a anciennement donnez au temple en lhonneur des dieux, & sont les portes diceluy temple dung ouurage riche a merueilles, construites dor, argent & yuoire. Le siege ou est limage de leur dieu, a six couldees de longueur & quatre de largeur, & est tout dor, dung ouurage magnifique, & plaisant a veoir. Semblablement la table de leur dieu, est de pareil le grādeur, ouurage & richesse, & est pres lasfiette de lymage de leur dieu. Le temple est edifie de pierre blanche, appuye de plusieurs grandz pilliers, taillez a ouurage, & contient deulx arpens de longueur, & autāt de largeur & est iceluy temple enrichy de plusieurs belles grandes statues, & a lentour ont les prebstres leurs maisons, & tout ce qui est de terre deux cens stades a la ronde est repute sainct, & le reuenu qui en prouiēt dedie & applique aux sacrifices des dieux.

Description de Lasie

¶ Du pays Dassyrie & maniere de viure
des Assyriens. Chapitre. iij.

Assur filz
de Sen.



La fertili
te Dassy-
rie.

Syrie est vne region en Asie, aïsi appellee du nom de Assur filz de Sen, cōme dit saint Augustin. Au iourdhuy est appellee Syrie, & se confîne deuers Orient aux Indes, & a vne partie de Medie, & deuers Loccident au fleuve Tygris, deuers le midy au pays de Susiane, & deuers Septentrion au mont Caucasus. Il ne pleut que bien peu en Assyrie: tellemēt que tous les fromētz qui se cueillent en ce pays viennent au moyē des riuieres, dont les terres de ce pays sont arrousees, non par inundation naturelle desdictes riuieres, cōme aduiēt en Egypte, ains par l'industrie & labour des habitās de ce pays. Et ce nōobstāt est ledit pais ē si fertile que cōmunemēt les terres rendēt au ducētuplé, ce que lon ya seme, & aux meilleures au tricentuplé & ont les fueilles de lherbe du froment & orge quatre doigz de large, & y croissent le Mil & Sisame en forme darbres. Toutes lesquelles proprietiez Herodote a assez froidemēt descriptes, encores quilz luy fussent manifestes, cōme les estimant quasi incroyables a ceulx q ne les auroiēt veues. Ilz se nourriēt du fruiēt

de palmes, duquel ilz font miel & vin, Les bateaulx dont ilz vsent sur leurs riuieres sont rondz & en forme de rondelles ou boucliers, sans estre distictz de proue ou poupe, & sament lessudictz bateaulx Darmenie, ou ilz les construisent de bois de saulx, & les doublent par dehors de cuyr. Les Assyriens sont vestuz de deux vestemens, lung de lin trainnant iusques aux piedz & lautre estat semblablement de lin, & neantmoins plus court, & sur iceulx mettēt vne aulbe blāche, & vsent de chausseures de piedz a lāciēne mode de la ville de thebes. Ilz tiēnent leurs perruques lōgues, & couurēt leurs chefz de mitres, & ne sortēt de leur maisō quilz ne soiēt pfumez dōguentz precieulx. Ilz ont vng signet a cacheter & vng sceptre de riche ouurage. au bout duquel ilz font mettre vne figure dune rose, ou dung lys : & leur seroit chose indecente den porter sās aucune figure. Entre les loix dōt ceste natiō avse me semble estre vne chose digne de memoire Cest que les vierges qui estoiet en aage destre mariees, estoiet par chascū an mises en vete a ceulx q en vouloiēt prēdre a mariage, & exposoit on en vete premierēt les belles. Et au regard des mois belles dont les hōmes neuseucure, encore quō les leur eust dōnees pour neant, estoient mariees de la vente des belles.

Habit
des Assy-
riens.

Sceptre
des Assy-
riens.

Description de Lasie

Statut de
Véise tou
chant les
filles ex-
posees par
pere ou
mere des
leur en-
fance.

Herodote tesmoigne que ceste obseruation a
este anciēnemēt gardee par les Venitiēs peu-
ples habitans en la couste de la mer Illyrique
& que de ce il estoit certain par cōmune renō-
mee. Anthoine Sabellique dict quil nest au-
tremēt assure si ceste facon y a este obseruee
ou nō, & neanmois afferme pour certain que
la cite de Venise (de laquelle les richesses tant
en mer que sur terre sōt assez notoires) entre
autres beaulx statutz de ceste cite il est obser-
ue, que les paouures filles exposees par pere
ou mere des leur enfance ou naissance, sont en-
treenues aux despens publiques, & songneu-
sement instituees & aprinses a quelque mani-
ere de bien viure, iusques a ce quilz soient en
aage pour estre mariees, & celles qui sōt trou-
uees les plus belles & les mieulx aprinses, sont
baillees en mariage a ceulx qui pour reschap-
per de maladie ou dung gros dāgier ont fait
veu den prédre: & les demādent pour saqcter
de leurs veuz. Les autres regardans a la seule
beaulte & chastete les prennent sans dot, &
leur sont deliurees, moyennant que ce soient
gens qui puissent bien & honorablement trai-
cter celles quilz ont prises, & encores que ne
sen trouuast aucun qui les vouldist auoir sans
dot, on les marie a argent, & en ce on a esgart
a bailler plus pour les moins belles, & moins

d'argent pour les plus belles, comme les pl⁹ aysees a pouueoir : & nē demeure poit d'autāt quelles sont toutes istituees & apprinses a louable & vertueux exercice. Il ya vne autre & plus notable loy entre les Babyloniēs peuples dudit pays Dassyrie, & plus vtile. Cest que au commencement, & auant quilz eussent aucun vsage de medecins, il fust introduict que ce- luy qui se trouueroit malade, eust a se conseil- ler de ceulx qui auoiēt eu pareille maladie, & fait experience de quelque medecine propre pour y recouurer sante. Le trouue es autres au- theurs q^lz auoient coustume de faire mettre tous les malades en vng lieu publique, auquel estoient tenuz p^r loy expresse se trouuer ceulx qui autre fois auoient eu maladie: lesquelz es- toient tenuz de circuir & visiter ceulx qui y estoient amenez, & leur enseigner le moyen p^r lequel ilz estimoient auoir recouuert sante, ilz couuroient les trespassez de miel, & auoiēt pa- reille obseruation de mener dueil au trespas- sement de leurs prochains que les Egyptiens. Quant le mary auoit eu compagnie de nuit avec sa femme ilz n'osoient tous deux rien tou- cher, pl⁹ tost quilz ne se fussent lauez. Et auoi- ent les femmes Babyloniennes anciennemēt coustume pour quelque deuotiō quilz portoi- ent a la deesse Venus, de donner vne compa-

Loy des
Babyloni
ens pour
subuenir
aux gens
malades.

Obserua-
tion des
gens ma-
riez du pa-
ys de Babi-
lone.

Description de Lasie

La priuau
te des fem
mee de Ba
bylœe en
uers les es
trangiers.

 gnie & coucher avec leurs hostes estrangiers
 & s'assembloient & preparoient par grãde ce-
 rimonie, & luy venoient faire la reuerence ay-
 ant chascun equelque indice en forme de cou-
 rône sur leur chef, pour estre cõgneues les v-
 nes dentre les autres. Si tost quelles festoient
 presentees a luy il mettoit sur le genoil de cel-
 le dont il vouloit auoir la cõpagnie autãt dar-
 gent que bõ luy sembloit, & ce fait la retyroit
 vng peu loing du tẽple, & en apres retournoit
 la dame faire vng present au temple de la de-
 esse Venus de l'argent quelle auoit receu. Il y
 a eu entre les Assyriens aucunes familles qui
 ne viuoient sinon de poissons, quilz faisoient
 seicher au soleil, & apres les piloient dedens
 mortiers, & diceulx faisoient farine, laquelle
 puis apres ilz detrẽpoiẽt dedẽs de leaue, & en
 faisoient paste laquelle ilz faisoĩẽt puis apres
 cuyre, en sorte que cela leur seruoit de pain.
 Ilz auoient entre eulx trois sortes de princi-
 paultez. Lune de ceulx qui auoient passe leur
 aage au fait des armes, lautre des nobles, la ti-
 erce des anciens: oultre ce ilz auoĩẽt vng roy.
 Aussi entre les Assyriens y a vne maniere de
 gens qui s'appelloient Magi, autrement Chal-
 dees, qui estoĩẽt dediez au seruice des dieux cõ-
 cõme les prebstres Degypte, & s'appliquoient
 a philosophie toute leur vie, & a la cõgnoissã

Nourritu
re de paste
faicte de
chair de
poisson.

Trois es-
tatz des
Assyriens

Chaldees

ce dastrologie & p pgnosticatiōs & hymnes
 diuertissoit les maulx a aduenir sur le peuple
 & faisoiet aduenir tout bien, & interpretoiet
 les songes, & ne apprenoiet des estrāgiers tel
 les sciēces cōe les grecz, mais y estoiet iſtruitz
 p leurs parēs q leur laissoiet ce biē cōme chose
 hereditaire, & dautāt pl^o cōprenoiet les ieu- Scauoir
 nes gēs que la sollicitude daprēdre leur estoit des Chal
 cōtinuelle, & quilz estoiet veillez p leurs parēs dees fer-
 & nestoit ce qlz apprenoiet variable & doub me & sta
 teux, cōe il aduenoit aux grecz, acoustumez de ble.
 auoir diuerses & repugnātes opiniōs des cau-
 ses de toutes choses, mesmes des cōmēcemēs
 & fins dicelles, mais ceulx cy au cōtraire dūg
 cōmū cōsentemēt disoiet que le monde estoit
 sans fin & cōmēcemēt, & que lordre de toutes
 choses se cōduysoit p diuine puidence que les
 planettes & corps celestes ne prenoiet mouue
 mēt deulx mesmes ais tout se gouuernoit par
 certaine destinee dune volūte diuine. Ilz entē
 doiēt le cours des astres p lexperiēce qlz en a-
 uoiēt faicte, & p ceste sciēce predisoiet aux au-
 tres les choses a venir, & attribuoiet grās ver-
 tuz aux planettes, mesmes a la planette de Sa Observa-
 turne. Et au regard du soleil, ilz lōt tousiours tion des
 grandement reuere, comme celuy auquel ilz Chaldees
 estimoient estre grande vertu. Et quant aux touchant
 planettes de Mars, Venus, Mercure & Iupiter les Planet
tes.

Description de Lasie

Ilz en auoient le discours en grande obseruation, par ce que chascun diceulx ayāt son propre & particulier cours, demonstroiet les choses futures, & les tenoient comme pour interpretes, & messagiers de ce que dieu auoit dispose. Et se estoient si bien persuadez de ces choses que ilz appelloient ces quatre planettes d'ung mesme nom les Mercurus. Oultre ce par les ventz, pluyes, chaleurs de temps, comettes, eclipses de Soleil ou de Lune, ouuertures que la terre faisoit de soy mesmes, & par autres plusieurs signes predisoient aulx hommes les choses salutaires & pernicieuses. Ilz ymagineoient avec ce quil y auoit d'autres astres subiectz aulx dessusdictz, dont les aucuns disoient auoir leurs courz en ce pole & Hemisphere, & les autres en lautre & opposite partie. D'auantage ilz songerēt sur ce pareille erreur que les Egyptiēs, douze dieux, & a chascun desquelz ilz attribuerēt vng mois en lan, & vng signe au zodiaque. Sur tout ilz predisoient aulx rois les fortunes qui leur deuoient aduenir, come a Alexandre le grand, auquel ilz predirēt quil auroit la victoire quāt il fust question de donner la bataille contre Darius. Ilz predirēt semblablement a Hyrcanor Seleucus & autres successeurs D'alexandre: & encores aux Romains plusieurs choses vrayes, ainsi que si-

nabement est aduenü. Ilz comptent oultre les
doux signes du zodiacque vingt & quatre au-
tres signes, desquelz ilz en mettent douze du
couste du Midy, & ceulx qui apparoissoient
disoient seruir pour les viuans, les autres non
apparentz, disoient estre pource qui adue-
noit aux trespassez. Toutes lesquelles fan-
tasies ont este par les Chaldees donnees a en-
tendre aux mortelz, ensemble plusieurs autres
songes: comme quant ilz voulurent persuader
quilz auoient congnoissance des choses adue-
nues quarante trois mille ans au parauant la
venue de Alexādre: en quoy ilz mentoient im-
pudement, sinon que quelcun voulsist

L'impudē-
te mente-
rie des Ba-
byloniēs.

interpreter & compter les ans
pour les mois, comme
les Egyptiens ont
faict.

¶ Du pays de Iudee, & de la ma-
niere de viure, loix & statutz d'
Iuifz.

Chapitre quatriesme.

Description de Lasie



Alesthine, quon dit autremēt Iudee, est vne particuliere prouïce, comprinsē soubz Lassyrie, situee entre le pays de Cœlosyrie & Arabie Petree. Deuers

L'occident est enuironnee de la mer Egyptiaque, deuers Lorient du fleuve Iordain.

La ferti-
te & riches-
se du pais
de palesti-
ne.

Ceste terre par les liures de la Bible, lesquelz Iosephe a ensuyui, est appellee la terre Canaā & est abundante en plusieurs richesses, & fertile en bledz, plaisāte en eaues, singuliere pour le baulsme qui y prouïet, & est situee au meil lieu du monde, dont aduient quelle nest persecutee de grandes froidures, ne bruslee par trop grandes chaleurs. A cause de laquelle tēperature des elementz & ciel de ceste region, Les Israelites ou Hebrieux, qui sont gens de lōgue & ancienne memoire, ayantz gouuerne & acquis bruiēt sur terre, & q ont des le tēps de la creation de l'homme eu la congnoissance de vng seul vray dieu: seul par eulx adore, & qui ont retenu le langaige dont premierement l'homme a vse. Ilz misrēt en leur puissance & domination ceste terre par la cōduicte de Iosue, leur tresexcellent & tresuailant capitaine, & ce quarante ans apres auoir este mis hors la terre Degypte, & descōfirent

La terre
de Palesti-
ne cōque-
ste par
les Israeli-
tes ou Iu-
ifz.

Iosue,

trente & vng roix regnans en ce pays, disans que cestoit celle terre que dieu auoit promise aux patriarches Abrahā, Isaac & Iacob, leurs peres. De laquelle voulant exprimer la fertilité disoit, que ceste terre rendoit cōme a fontaines & ruisseaulx lait & miel.

¶ Les Israelites ou Hebrieux, viuent selon les loix, lesquelles ont este establies par Moysse, leur premier gouuerneur: combien que plusieurs siecles au parauant Moysse, encores quilz neussent aucune loy redigee par escript, ilz ne ayent delaisse a viure saintement & religieusement, ayans la congnoissance de verite par diuines reuelations, & vertu & dexterite desperit. Et par ce que lincomparable theologien & legislateur Moysse entendoit bien que vne communaulte si grande, ne pouuoit longuement se entretenir en son entier sans estre regie par bones loix, ne astraincte a certaine religion enuers le seigneur dieu.

¶ Pour ceste cause, & apres auoir icite son peuple a ensuyure vertu, par le guerdō quil auoit fait aux hommes vertueux, & a fuyr vice par la peine quil auoit executee sur les vicieulx. Premieremēt oultre les dix chefz, & cōmādemētz quil apporta en deux tables du mōt de Sina, il establit plusieurs autres loix & statutz

Loix redigees par escript & establies par Moysse, sur le peuple de Israel.

Description de Lasie

Ieunes en-
fans doi-
uent estre
de bonne
heure in-
struictz a
la foy.

Peine des
blasphé-
mateurs,

Et par ce quil en ya si grand nombre que icel
les assemblees tiendroiēt vng liure a part, par
tant ie ne reciteray que les plus notables, &
quant aux autres ie men remettray a ce quen
a dit Iosephe, & les liures de la Bible. Premie-
rement il ordōna que les enfans des leur ieu-
ne aage fussent instruietz en la loy cōme con-
tenante tous bons enseignemens. Que celuy
qui blasphemeroit le nom de dieu, fust pendu
& demourast sans sepulture. Que rien ne fust
depute au temple de ce qui se trouueroit acqs
par fornication. Il establist en chascune cite
sept personnages les plus excellens en iustice
& prudence, ausquelz il donna authorite de
iuger tous differentz suruenans, appelle avec
eulx deux leuitiques: & si aucune difficulte sur-
uenoit en la chose qui se offroit a iuger, il vou-
loit quelle fust decidee par laduis & cōseil du
grand & plus ancien prebstre de la loy. Il ne
voulust foy estre adiouxtee a vng tesmoing
seul, aïs voulust quil y eust deux pour le mois,
pour y estre adiouxtee foy: & encores ce moy-
ennant quilz fussent sans reprouche. Il ne vou-
lust que vne femme fust admise en tesmoin-
gnage, ne vng homme de seruile condition:
cestuicy luy estāt suspect par sa paouurete for-
tuite, lautre par sa legierete. Aussi il defendist
que aucun fruiet fust cueilly dung arbre, sinō

quatre ans apres auoir este plante, & que des-
lors on commenceast a en payer la disme. Et
voulust que des fruietz cueilliz apres la disme
paice, quelque chose en fust distribuee aux p-
chains parens, & aux hostes estrangiers, & que
ce qui resteroit seroit a celuy qui lauroit plan-
te ou seme. Il ne voulust que aucune semen-
ce fust mise en terre sinon quelle fust necte, &
sans autre diuers grai, iugeant en luy que la ter-
re ne amendé de assembler en elle semences
de diuerses especes. Il defendist que les passans
fussent empeschez d'entrer es terres d'autrui
pour cueillir du fruit autant quil leur en es-
toit besoing pour leur presente necessite, &
voulust que ou les passans sen tiendroient es-
tranges par craincte, quilz fussent inuitez a en
prendre. Il defendist de prédre a mariage les
filles qui sestoient publiquement exposees, ou
celles qui estoient ia espousees par autres, &
si ordonna que vne fille impudique qui auroit
este prinse en mariage comme estant pucelle
fust lapidee ou bruslee viue, si elle estoit trou-
uee autre que vierge, ou auoir commis folle
de son corps. Et si aucun auoit eu la cōpagnie
dune fille fiācée a autrui, & que la faulte fust
du commun consentement des deux delin-
quantz, tous deux deuoient estre mis a mort,
& si c'estoit par force, celuy qui lauoit faicte

Peine des
filles im-
pudiques.

Description de Lasie

en souffroit seul la peine. Il voulust que celle qui auroit este delaissee p son mary sans enfãs fust espousee p le frere du defũct, affin que les lignees fussent perpetuees: & ou il en seroit refusant, voulust quil alleguast iustes causes de son refus, deuãt les iuges par luy establyz, lesquelz ayantz trouue cause iuste & raisonnable, luy dõnoient conge de se marier ailleurs.

Dueil de
xxx. iours Il ne voulust que le dueil daucun trespasse durast plus de trente iours, estimant ce temps estre assez long a vng homme sage pour mettre fin a ses pleurs & ennuy.

Peine des
enfans in
marieus en
uers leurs
peres &
meres. ¶ Celuy filz qui disoit iũre a ses pere ou mere, estoit pendu hors la ville. Et voulut que les ennemys ou aduersaires, mis a mort par son peuple en fait de gnerre, fussent inhumez & mis en terre. Et ordonna que vng creancier ne eust a tenir le gaige prins dung paoure debteur plus longuement que par l'espace de vng iour entier, & si le debteur ne pouoit satisfaire vouloit quil se mist au seruice de son creancier, iusques a ce que par ses seruices il eust satisfait enuers luy. Et si quelcun acheptoit vng serf de sa nation, vouloit quil luy donnast liberte six ans apres. Si quelcun auoit trouue or ou argent, luy estoit enioinct de le faire publier par le crieur publicque.

¶ Il ordonna que celuy qui trouueroit vne

beste esgaree de quelque tropeau: que il eust a la ramener a son tropeau, ou en print la garde, iusques a ce que le seigneur la vint querir. Il defendit a tous en general, de ne acheter poysons, ne den composer, & que celuy Peines des empoisonneurs. qui seroit attainct & conuaincu de auoir presente poison a autruy, fust cōtrainct de la prendre & en vser enuers soy mesmes. Que celuy qui auroit fait perdre loeil a autruy fust puny de la perte du sien. Que le taureau par lequel aucun homme auroit este tue, fust accable de pierres & mis a mort, & defences faictes de nen manger la chair. Que vne chose baillee en garde, fust aussi songneusement gardee, cōme vne chose sainte. Il ne permist que le filz eust a souffrir en son corps ne en ses biēs, pour la faulte du pere, ne pareillement le pere pour la faulte de son filz. Et telles estoient les loix de Moysse quant a lestat des citez habitees par son peuple.

Quant au faict de la guerre, il voulut que les choses prinſes par force sur son peuple par nations estranges, ou par aucun de sa nation Loix de Moysse pour le fait de la guerre. fussent premierement que y venir par force, repetees & requises par ambassades, ou par heraultz, & que ou cas que ceulx qui auroient faict la prinſe, seroient refusans les rēdre, lors

Description de Lasie.

Esliste des
chefz de
guerre.

Exemple
de grande
honneste
en fait de
guerre.

que iustement la guerre leur fust denoncee: & puis dresse. Et quāt a la cōduicte de la guerre il voulust quelle fust commise a celuy qui excelleroit les autres en valeur, prouesse & prudence, & que les gens de guerre fussent choysiz entre tous les plus fortz & plus puissans de tout le peuple, & se il aduenoit quil fust question de assieger leur ennemy, defendist que on neust a toucher aux arbres portās fruietz, disant que les arbres endommagez par quelcun pourroient iustement dire ininiure a celuy qui les endommage, si parler pouuoient.

Il ordōna que to^r rebelles fussent mis a mort, les autres ennemys qui se voudroient rendre fussent tributaires & subiectz a subsides & impositions. Il ne permist que en temps de guerre vne femme touchast a vng oustil, bastō, ou autre chose dont lhomme se peult seruir: ne semblablement que vng homme touchast a aucune chose seruant a la femme. Et defendist a tous Israelites de māger ne vser en leur viure de sang de bestes quelzconques.

¶ Il ordonna que les ladres, & ceulx qui souffrent flux de semence genitale fussent chafsez dehors des villes & citez, & semblablement les femmes pendant leur moys, & iusques a leur mal estanche,

Il voulut semblablement que ceulx en la maison desquelz y auroit aulcun trespasse se absentassent de la ville l'espace de sept iours. Pareillement il ordonna que le prebstre eust a sacrifier deux ouailles au temple pour celluy qui de nuict auroit souffert flux de semence lequel se debuoit premierement lauer en eau froide, voulut aussi que pareil sacrifice fust faict pour celluy qui auroit eu compaignie de sa femme les iours qui luy seroit defendu. Il estoit defendu a vne femme acouchee d'ung enfant masle d'entrer au temple si non quarante iours apres lenfantement, & a celle qui auroit accouche d'une fille estoit defendu le temple pour quatre vîgtz iours. Celluy qui auoit soupçon que sa femme ne fust chaste debuoit offrir au temple vng torteau de farine dorge, & en apres debuoit presenter sa femme au portes du temple laquelle estoit interrogée par le prebstre par son serment, si elle auoit vescu chastement: & apres le serment par elle faict si elle c'estoit pariuree soudain luy aduenoit vng desnonemēt du hault de la cuisse dextre: avec vne putrefaction de ventre & mouroit en ceste sorte, si elle n'estoit pariure & auoit affirme auoir vescu chastemēt, elle apportoit son fruit dedens dix mois, sans aulcune douleur ou bleceure de son ventre, & en apres le

Remede
pour les
Iuifz qui
entroïent
en ialou-
sie & suspi-
cion de
leurs fem-
mes.

Description de Lasie

Punition
des adul-
teres ince-
stueulx &
Sodomi-
tes.

Cantique
institute
par Moy-
se.

prebstre effacoit le nom de la femme quil auoit au parauant escript en parchemin, & dōnoit a boire a la femme adiuree. Il voulut que tous adulteres, incestueux & souillez de Sodomie fussent puniz par mort, aussi il defendit a tous prebstres nayans leurs membres sains, & entiers dapproucher a lautel : vouloit neantmoins que telz fussent alimentez des saintes oblatiōs, que toute terre possedee par les Iuifz fust delaissee en repoz de sept ās en sept ans. Que toute terre portāt fruiēt de soy mesmes fust de cinquante ans en cinquante vne fois commune tant a ceulx du pays : que aux forains & estrāgiers: que les creāciers eussent en ce temps a donner respit a leurs debteurs, ou les tenir quittes pour partie, que les serfz aussi fussent mis en liberte, que les terres vendues a vil pris fussent rendues a ceulx qui les auoient alienees. Telles institutiōs tant pour le tēps de paix, que pour le temps de guerre, dōna Moyse peu auparauāt quil allast de vie a trespas. Aussi il institua vng Cātique & priere solennelle, en la louenge de ceulx qui garderoiēt sainctemēt, & inuiolablemēt ces loix & statutz, & aucōtraire espouentables imprecations & maledictiōs cōtre ceulx qui les trāfgresseroient. Finablemēt il fist iurer le peuple de obseruer a ppetuite les loix tāt diuines que

humaines, par luy establies: & que les infrac-
 teurs nen demeurassēt impuniz. Et par ce sus
 toutes autres natiōs, les Israelites ont este fort
 religieux, & addōnes a cerimonies. Il me sem-
 ble bon de reciter leur maniere de sacrifier. Et
 fault entendre que au commencement les Iu-
 ifz ont vse de deux manieres & especes de
 sacrifices, dōt le premier estoit holocauste, par
 eulx appelle, & estoit celebre par les princi-
 paultx de ceste nation: & failloit que en fai-
 sant ce sacrifice soit que ce fust vng boeuf, ou
 vng aigneau, quon voulsist sacrifier, ou au-
 tre beste, que icelle ne fust plus aagee-dung an:
 le prestre arrousoit le bort de lautel, du sang
 de la beste qui estoit sacrifiee, & puy apres,
 despecoit par mēbres ladicte beste, & la brus-
 loit sus lautel. Les gens de plus bas estat fai-
 soiet sacrifices de bestes aagees audessus dung
 an: & apres en auoir espendu le sang sus lau-
 tel: mettoient dedens le feu les reins, gresse &
 entrailles, la poictrine, les genoillieres dextres
 demouroiet aux prebstres, & le reste debuoit
 estre consumme & mange dedēs deux iours
 apres, par ceulx qui faisoient le sacrifice.
 Ceulx qui estoient les plus paouures: estoient
 tenuz doffrir deux coulombes, ou deux teur-
 terelles, dont lune estoit sacrifiee & lautre
 demouroit pour les prebstres.

Sacrifices
des Iuifz
plus opu-
lents.

Holocau-
ste.

Sacrifice
des Iuifz
de medio-
cre estat.

Sacrifice
de Iuifz
de basse
conditiō.

¶ Description de Lasie

Celluy qui faisoit quelque delict par imprudence debuoit pour appaiser lire de dieu faire oblation dune ouaille nayant que vng an, ou dun bouc. Celluy qui se fetoit coupable daulcun crime occulte debuoit sacrifier selon que estoit ordonne par la loy vng mouton. Les prestres se nourrissoient au temple de chairs de toutes ses bestes, & fault noter que tant au publiques que aux particuliers sacrifices on appliquoit de la farine au sacrifice dū aigneau vne certaine mesure au sacrifice dū bellier, double mesure, & au sacrifice dū taureau trois mesures, aussi auoit on coustume de arroser les sacrifices de huile, tous les iours vne fois le matin & vne fois deuers le soir estoit la coustume de sacrifier vng aigneau. Au iour du sabbath qui estoit le septiesme de la semaine & estoit par eulx sanctifie par le commandement de leur loy. Ilz sacrifioient doubles sacrifices. Au premier iour de chascun mois ilz auoient de coustume de faire vng sacrifice de deux boeufz, sept aigneaulx, vng belier, & vng bouc pour expier leur crimes.

Le iour
du Sabbath

Loblatiō
du grand
prestre
de la loy.

Oultre ce il adioustoient deux boucs lun desquelz estoit mis hors du temple & seruoit pour les pechez de la multitude: laultre estoit portee es faulbourgs & estoit bruslee en sa laine. Le grand prestre de la loy pour acomplir ces sa

crifices donnoit vng taureau & vng belier. Ilz ont eu en obseruation aultres sacrifices en certains iours avec aultre sorte de cerimoni- es, cōme au quinzième iour du mois que les Macedoniens appelloient Hypperueretheus. & en la saison de automne auoient accoustu- me de dresser tentes & pauillons: & durant le temps de telz iours feriez presenter certains & prefix holocaustes: les sacrificateurs portās rameaulx de myrrhe, saulx, palmes, & peschi- ers. Au mois Xanthique (aultremēt dict par nous mois d'apuril) par lequel se commen- coit l'année, enuiron la pleine lune: & le soleil passant par le signe du belier faisoient le sacri- fice de l'agneau mystique: par ce que enuiron ce temps ilz estoient sortiz de Egypte. Aussi obseruoient certains iours de festes des Azi- mes ainsi appelez, par ce que pendāt ce tēps ilz vsoient de pain sans leuain, pendant les- quelz iours & par chascun diceulx: ilz brus- loient en leurs sacrifices deulx taureaulx, vng belier, & sept agneaux, & en signe de lire de Dieu appaisée sur les pechez du peuple on y adioustoit vng bouc. La seconde sorte de sa- crifice des azimes estoit a l'entree des nouue- aux fructz & grains qu'on presentoit au tem- ple avec certaine mesure de huille avec vng agneau pour holocauste. Aussi ilz auoient

Les iuifz
cōmēcoi-
ent l'année
au mois
Dauril.

Feste des
Azimes.

Par le
bouc es-
toit repre-
sente le
peche.

Description de Lasie

A farthan
ou quin-
quagesime,

Diuerſite
de opiniōs
entre les
auteurs
Gentitz
& les au-
teurs ec-
clesiaſti-
ques ſou-
chant l'hy-
ſtoire de
Moyſe &
des Iuiſz.

Opinion
de Corne-
lie Taci-
te.

certainſ iours pendant leſquelz ilz obſer-
uoient la feſte de Penthecoſte quilz appel-
loient Aſarthan, ceſt adire, quinquageſime,
pédāt lequel tēps ilz faiſoiēt oblation de pa-
ins avec leuain & ſacrifioient pour leur Holo-
cauſte deux ou ailles, deux veaux, deux beli-
ers, et poureffacer leurs pechez deux boucz.
Quant eſt de l'hyſtoire des Iuiſz & de leur
chef, Moyſe. Les auteurs eccleſiaſtiques
ſont daultre opinion que les Ethniques. Et
que ainſi ſoit Cornelle Tacite, au vingt &
vniefme liure de ces diurnalles, ſans attribuer
la tranſmigration que feiſrent les Iſraeli-
tes de Egypte en Iudee a la volonte diuine,
ains a neceſſite: dict que en vng temps ad-
uint vne maniere de galle en Egypte, & or-
de gratelle. Le roy Bocchoris fuſt contrainct
de demander ſecours au temple de Iupiter
Hammon, & alhors Luy fuſt dict & reſpon-
du par les oracles dicelluy temple, quil luy cō-
uenoit purger ſon royaulme de ceſte gēt deſ-
plaiſante aux dieux et lenuoyerviure ailleurs.
ce quil feiſt, & a la fin apres que vne infinie
multitude de gens malades de ceſte galle &
gratelle ſe ſeroit assemblee en vng lieu dont
les aucuns eſtoient du tout deſconfortez, ſeſ-
leua lung dentre eulx nomme Moyſe: lequel
les ānima, & gaigna ſi bien qui leur dōna tel-

le persuasiō quilz ne debuoiēt croire ne a dieu,
ne a homme fors a luy, & en ceste sorte prin-
drent chemin selon que fortune les auroit
conduictz, & pendant leur voyage neurent
plus grand trauail, que a endurer la soyf qui
leur conuint endurer: tant que finablement
estant la pluspart deuenuz a neant, et de faict
seroient peritz se neust este quilz aduiserent
vng tropeau de asnes sauuaiges, lesquels a-
pres auoir prins leur pasture tirerent deuers
vng rocher tout vmbrageux a cause de la
forest estant a lentour, auquel lieu ayans
trouue a boire: furent institues par le subdict
Moyse en loix & cerimonies toutes contrai-
res a celles des aultres mortelz: en sorte que
tout ce que enuers les aultres gentilz estoit
trouue sainct & religieux, il le reputoiēt pro-
phane, & tout ce qui estoit aux autres nati-
ons illicite & defendu il leur estoit licite &
permis: Ilz misrent au lieux les plus sainctz
de leur temple leffigie de lasne par lequel ilz
auoient trouue le lieu ou ilz auoient estan-
che leur soif: et auoient este mis en bōne voye
& seur chemin pour paruenir au pays & li-
eux ou ilz ont depuis demoure, & oultre tu-
ent vng belier en mocquerie & trufferie de
Iupiter Hāmon. Aussi ilz sacrifiet vng boeuf-
par contennemēt des Egyptiēs q ladorent, &

Description de Lasie

Pour
quoy cest
que les iu
ifz sabsti
ennent
de porc.

Les iuifx
hayneux
euers tou
tes autres
nations &
être eulx
grās amis

L'opinio
de Tacite
touchant
la circun
cision des
Iuifz.

I'appellent le dieu Apis. Ilz sabstiennēt de por
ceaulx pour euitier la galle & lepre a laquelle
ceste beste est subiecte. Ilz sabstiennēt de tout
oeuure le septiesme iour, par ce que cest celluy
auquel il vindrent au dessus de leurs labeurs,
& a occasion de ce prēnent plaisir a oysuette
de six ans en six ans, & passent la septiesme
annee sans riens faire. Les aucuns disent que
cest en lhonneur de Saturnus a cause des ieuf
nes & famines par eulx endurees. Il ne vsent
de leuain en leur pains. Ces cerimonies ainsi
entre eulx introduictes sont par eulx soubste
nues de grād couraige, par ce que entre eulx
ilz ont vne charite, & foy inuiolable, & con
tre toutes aultres nations vne hayne capital
le. Quant a leur maniere de viure il ne banc
quetent les vngs avec les autres & couchent
tous apart les vngs des aultres: & sont fort en
clins a paillardise, & combien quil substien
nent des femmes estrangieres: toutesfois rien
ne leur est quant a ce vice illicite entre eulx:
& affin quilz se cōgneussent d'être les autres
nations, il se circoncisoient leurs membres.
La premiere chose quilz se persuadēt, cest de
contēner les dieux. Ilz sont d'opinion que les
ames de ceulx qui perissent en bataille: ou par
punition de quelque crime sont eternelles: et
pretendent tous a parueuir ou au ciel, ou aux

enfers selon leurs demerites. Au contraire les Egyptiens adorent plusieurs bestes & effigies faictes douuraiges de mains. Les Iuifz adorent desperit & comprénent le dieu par eulx adore en leur entendement & congnoissance: & estiment tous hommes prophanes qui faingnent les ymages des dieux a lespece des hommes. Telles choses & plusieurs aultres recite Cornelie tacite & Troge Pompee en son trentesixiesme liure. Il y a trois sectes de Iuifz ayans facon de viure toute diuerse a la commune. Dont lune est des Pharisiens lautre des Essenienis, & la tierce des Sadducees. Les Pharisiens sont dune vie austere, & chetifue, interpretās a leur sens les traditions de Moyse. Ilz portoient des indices painctz de cartes en leurs frons & bras fenestres, dedēs lesquelz les dix commandemens de la loy estoient escriptz. Par ceste facon de faire ilz pēsoient satisfaire au commandement de Dieu, par lequel leur estoit enioinct dauoir lesdictz commandemens imprimez en leurs frontz, & en leurs mains. Et sappelloient ces signacles phylateries qui signifie gardeloix. Les Pharisiens aussi auoient coustume de porter plus grādz bordeures de robes, & y coufoient des espines a celle fin que la piqueure dicelles leur feist souuenir des commandemens de la loy.

Egyptiēs
idolâtres.

Trois sec
tes entre
les Iuifz.

Vie des
Pharisiēs.

Phylacte-
ries.

Description de Lasie

Ilz attribuoient toutes choses a Dieu & a pre-
destination quilz appelloient Emarmeni. Bi-
en vray est quil confessoient que linclination
& deliberation de lhomme luy aydoient a
faire ou mespriser les choses iustes, toutesfois
que en toutes choses ladicte destinee ou E-
marmeni aydoit a lhomme & icelle disoient
consister en lagitation des corps celestes, ilz
nestoient iamais contrarians en opinion a-
uec leurs anciens & maistres, ilz attendoiet.
le iugement de Dieu a la fin de ce monde, &
tenoient les ames des hommes estre perpetu-
elles & incorruptibles, & que les ames seule-
ment des bien viuans estoient transfuses de
corps en autres iusques au iour de la Resur-
rection & iugement, & quant aux ames des
mal viuans quelles estoient enuoyees en pri-
sons perpetuelles, & par ce quilz estoiet dault-
tre facon de viure que les aultres pour, ceste
cause estoient appelez Pharisiens. Les Saddu-
cees nyoient quil y eust vne Emarmeni, ou
destinee disans que Dieu congnoissoit toutes
choses & quil estoit en larbitre de lhomme
de faire bié ou mal, & quant aux trespassez ilz
estoient dopinion que apres ceste vie ilz es-
toient sans aucune ioye ou tourment. Ilz ny-
oient la resurrection des mortz, & iugeoient
que les ames perissoient quant & le corps, &

Pharisi-
ens pour-
quoy ainsi
appelez.

Opinion
des Saddu-
cees,

ne croyent quil y eust aulcūns anges, ilz recep-
 uoient feullement les cinq liures de Moyse.
 Ilz estoient gens trop seueres & bien peu cō-
 municatifz entre eulx, au moyen de quoy sat-
 tribuerent le nom de Sadducees cest a dire iu-
 stes. Au regard des Esseniens, ilz viuoient du
 tout cōme moines & sabstenoient de maria-
 ge, & de toutes compaignies de femmes, non
 point en horreur de lestat de mariage, ou par
 enuie de laisser perir le genre humain, aīs par
 craincte de la legierete & intemperance des
 femmes lesquelles ilz estimoient sans aulcu-
 ne foy enuers leurs maryz. Ilz metoient tout
 leur bien en commun, & tournoient a deshō-
 neur tout vsage dōguētz, & destuues, ou baïgs,
 & au contraire ilz tournoient a hōneur vng
 contēnement dune nettete de la personne, &
 leur suffisoit auoir leurs vestemens blancs. Ilz
 nauoiēt aucune particuliere ville pour eulx:
 mais en chascune ville du pays auoient quel-
 que habitatiō, deuāt le soleil leue ne parloiēt
 aucunemēt de choses mōdaines, ains prioïēt
 Dieu que le soleil se leuast. En apres chascun
 mettoit la main a quelque oeuvre iusques a
 cinq heures, quil se lauoïēt leurs corps en ea-
 ues: & puis prenoiēt leur reffectiō en grād silē-
 ce. Il nestoit pmis être eulx iurer, et estimoïēt
 q̄ce nestoit moïdre delict q̄ de soy piurer. Ilz

Sadduce
es pour
quoy ap-
pellez.

Vie des
Esseniens

pourquoy
les Esseni-
ens sabste-
noient de
mariages.

Abstinen-
ce de iu-
rer entre
les Esseni-
ens.

h.ij.

Description de Lasie

Cerimo-
nies des
Esseniés.

ne recepuoiēt aulcū en leur secte, que pmiere
mēt il ne leust esprouuee par vng an étier, &
ap̃s laoir receu, ilz estoiet deux ās a lespro-
uer, & cōgnoistre ses meurs, & ou ilz le trou-
uoiet en peche, il le chassoiet hors d̃ leur cōpai-
gnie, & luy enioingnoient de ne manger que
herbaiges, & en telle sorte faire penitence ius-
ques au dernier article de sa vie. Quant ilz se
trouuoiet assis dix, nul dētre eust neust osé par-
ler sās le cōge des neufz aultres. Ilz se gardoiet
de cracher deuant eulx, ou a couste dextre, &
obseruoient si songneufemēt le sabbat, que ce
iour la ilz nōsoiet mesmes faire leurs necessi-
tez de nature. Ilz portoient vng pic de boys
duquel ilz creusoient la terre en quelque lieu
le plus secret pour faire leur necessitez & se
cachoient de tous coustez de leurs robes lon-
gues craignans de faire chose qui peust estre
tournee a contemnement de la clarte diuine.
& incontinent combloient icelle fousse.
Ilz viuoient longuement a cause de leur sim-
plicité de vie : & mangeoient la pluspart du
temps des fruietz de palmes.
Ilz nusoient aucunement dor, ou argent mon-
noye. Et estimoient la plus heureuse mort
celle qui aduenoit a l'homme pour zele de lu-
stice. Disoient oultre que les ames estoient
crees des le commencement, & que chascune

Opiniōs
des Esse-
niens.

en son temps prenoit vng corps, que celles qui seroient issues de leurs corps en estat de bonte, & de innocence alloient viure de la la mer Oceane en certain lieu ou ilz ont iouyssance, de toutes delices, & quant aux ames qui par-toient de leurs corps en estat de vice, ilz disoient que leur destinee estoit vers Orient, en lieux inhabitables au moyen des tempestes & froidures dicelluy, Aulcuns dentre eulx pre-disoient les choses a venir aulcuns se mari-oient, & neanmoins nauoient cōpaignies de leurs femmes que bien peu, de paour que si du tout il sen abstenoient ilz donnassent occasi-on aux aultres hommes de laisser perir tout le monde. Au iourdhuyl le pays de Syrie est habite par des Grecz que lon appelle Gri-phons, & encores par les Iacobites, Nestori-ens & Sarrafins, entre lesquelz y a deux sor-tes & especes de gens viuans en la loy de Ie-su Christ, qui sont les Syriens, & Marouins, les Syriens font leurs oblations, & seruices a la mode des Grecz, & ont vng temps a este recongneu leglise Romaine.

Les Marouins ont mesmes opinions de nos-tre loy que les Iacobites: Ilz ont vne mesme langue, & forme de lettres que les Arabes.

Les gens que nous auons dict viure soubz la foy & profession de Iesu-Christ habitent vers

h. iij.

Description de Lasie

le mont Lybanus. Les Sarrafins tiennent le pays de Hierusalem & saddonent a la guerre, & au labourage les Syriens ne sapplicquēt a rien. Les Marouins sont en petit nombre, mais sont gens courageux en bataille.

Du pays de Medie & facons de faire des Mediens. Chap.v.

m Edie est vne region en Asie, au moyen dūg filz de Medee & Egeus roy Dathenes ainsi appellee, le quel auoit nom Medus & les peuples a cause de ce appelez Medi-

ens comme recite Solin: Ou selon Iosephe du nom de Medeus filz de Iaphet. Ceste region selon la description de Ptolemee du coste de Septentrion prent fin en la mer Hyrcanie, du couste de Loccidēt sestend iusques en Armenie la grande, & Assyrie, du midy, au pays de Perside: deuers Lorient est separee de montaignes dauec le pays des Parthes, & de Hyrcanie. Linclination pricipalle des Medois est a bien scauoir picquer vng cheual, & a biē tirer de larc: & sont si dextres a ses deux manieres dexercices, quō pourroit iuger que ce leur est vne industrie particuliere par sus les autres nations. Ilz ont tousiours grandemēt de-

Les Medois ou Medois dextres a picquer cheualx & a tirer de larc,

Lobeiffance des Me-

feré a leurs roys, les Perſes ont aprins de eulx a porter certains aornemés de teſtes et chap-
peaux rondz, & veſtemens a manches, & ce
du temps que les Perſes les reduyrent ſoubz
leur Empire. Les roys des Medois auoiét pre-
mierement ceſte prerogatiue de auoir pluſi-
eurs femmes, ce que finalement le vulgaire
vſurpa, tellemét quil eſtoit deſédú den auoir
moins que ſept. Semblablemét les femmes re-
putoient vne choſe honneſte dauoir pluſieurs
mariz, tellement que celle eſtoit eſtimee mal
heureuſe qui en auoit moins que cinq.

dois en-
uers leurs
roys.

Les Medois fót ſemblables cerimonies en fai-
ſant quelques alliances avec aultres peuples,
que ſouloient faire les Grecz, & font ſortir a-
uec ce du ſág de leurs braz aux édroictz des ef-
paules, & ſe leſchent le ſang les vngs des aul-
tres ceulx qui traictent la paix, ou alliance.

Cerimo-
nies obser-
uees par
les Me-
dois en
faifant
quelques
alliances.

Ceſte region eſt fort ſterile meſmes du cou-
ſte de Septentrion, en ſorte quilz ſont
contrainctz de faire des torteaux

Medie pa-
ys ſterile.

de peſches quilz fót ſeicher

& du pain damandes,

& font breu

uage de

racines dherbes & mangent

chairs de beſtes ſaul-

uaiges.

h.iiij.

Description de Lasse.

De Parthie & maniere de viure des
Parthes. Chap.vj.

Parthes
en langue
Scythic-
que vault
autant cō
me bāniz
en nostre
languaige.



Parthes
ont soubs
tenu les
forces des
Romains

Arthie a retenu ce nom, des Parthes iadis peuples de Scythie, qui furent banniz et chafsez de leurs pays & prindrent ceste terre demblee: elle a deuers le midy le pais de Caramanie: deuers Septentrion Hyrcanie & de loccident la Medie, deuers Orient le pays de Arie. Ceste region a force forestz & est montueuse, & a ceste occasion ny croist aucuns bledz. Ceste nation du regne des Assyriens & Medois, estoit sans renom tellement que apres que Lempire fust obtenu par les Perses ilz furent exposez a leur proie & suyuirēt la fortune des Medois: finablement a este ce pays subgect aux Macedoniēs iusques a ce que par successiō de tēps est adueni que par la vertu de ceste nation, & bōnes fortunes qui luy sōt aduenues, elle na seullemēt eu Lēpire sur les nations cir- couoyfines, mais aussi estāt assaillie des Romains lors quilz auoient combatu tout le reste du mōde, les auroit vaincuz & grādemēt affoibliz. Pline nōbre quatorze royaulmes subgectz aux Parthes Troge leur attribue Lēpire de tout loriēt, cōme ayās ceste portion obtenue par partaige faict de Lempire de tout

le monde entre eulx & les Romains. Ladmi-
 nistration de leur empire apres quilz se seroi-
 ent mis hors de lobeyssance des Macedoniës,
 fut par eulx commise aux roix, lesquelz tous
 furent nommez Arsaces, du nom de celuy qui
 regna le premier. Apres la maïeste royalle
 obtenoit le populaire authorite, duquel estoient
 choïsez capitaines en temps de guerre, &
 administrateurs de choses publiques en tēps
 de paix. Leur languaige est compose de celuy
 des Scythes & Medois participāt de lung &
 de lautre. Leur vestement au commencement
 estoit a la mode des Scythes, desquelz ilz es-
 toient descenduz, cest assauoir rude & austere
 & apres quilz fuerent en regne saccoustrerēt
 plus precieusement, a la facon des Medois. Ilz
 retiennēt quant aux armes & bastōs de guer-
 re, la mode & vsance du pays de Scythie, du-
 quel ilz sont premierement descenduz. Et a-
 massent vne armee non totalement de gens
 de franche cōdition, ains la pluspart de serfs
 & esclaves, desquelz le nombre croist de iour
 en iour, au moyen quil nest permis a aucū de
 donner liberte a son serf, en sorte que la plus-
 part nayssent en ce pays de seruile condition:
 Desquelz les seigneurs nont moindre soing,
 que si sestoient leurs propres enfans, tellemēt
 quilz les duysent a picquer vng cheual, & a ty

Les roix
des Par-
thes nom-
mez Arsa-
ces.

Habille-
mens des
Parthes.

Les batail-
les de Par-
thes.

Description de Lasie

rer de larc par grande industrie. Et est tenu
vng chascun dentre eulx selon ses facultez, en
uoyer au roy vne quantite de gens a cheual,
toutesfois & quantes quil veult faire guerre,
& le plus grant nombre que faire se peult, tel
lemēt que Anthoni⁹ assaillant lessuidictz Par
thes, trouua contre luy cinquante mille hom
mes de cheual, entre lesquelz sen trouua seul
lement treze cens de franche condition. Ilz
ne sont duietz a batailler de fronc a fronc, &
encores moins a assieger villes, ou les prendre
dassault, ains consiste toute leur facō de batail
ler en course de cheual, soit en assaillāt ou en
fuyant, & bien souuent faingnent fuyr, a celle
fin de surprēdre en desarroy ceulx q les pour
suyuent. Ilz ne vsent pour aduertir de donner
lassault ou de se mettre en bataille, ou a faire
la retraicte, de trōpettes ou clairōs, mais seul
lement de tabourins, & ne peuenēt soubstenir
la bataille par lōgue espace de temps, Et se ilz
estoiēt aussi courageux a resister & tenir, cō
me ilz sont impetueux a assaillir, ilz seroient
inuincibles, mais bien souuent ilz delaissent
la bataille lors quelle est le pl⁹ esmeue, & sou
dain la recōmencēt, & se rassemblent de leurs
fuyttes, en sorte que bien souuent aduient, que
quant on les pense auoir vaincuz, cest lheure
a laquelle suruiēt le plus de dangier.
Les halecretz de leurs gensdarmes sont gar-

niz de plumars, comme aussi les harnois & bardes de leurs cheuaulx, & ne souloient le temps passé vser dor ou dargent, sinon pour aornement de leurs armes. Ilz prennent chascū plusieurs femmes, affin de vser de diuersité en leur luxure, & n'ya entre eulx aucun crime plus griefuemēt vège, que de adultere: & pour ceste cause defendent a leurs femmes nō seulement la frequentation des hommes, mais aussi tous banquetz. Les aucuns du nombre desquelz ē Strabo, recitēt qlz prestēt leurs fēmes, & les baillēt a mariage a leurs amys, afin que ilz puissent recouurer lignee. Ilz ne viennent d'autres chairs que de celles que ilz prennent a la chasse, & en tout tēps sōt a cheual, soit ql soit questiō daller en guerre, en bāquetz ou en marchandise, ou plemēter ensemble, tellement quilz font tous leurs affaires tāt publiques que particuliers, estātz tousiours a cheual toutesfois il ya entre les deux cōditiōs de gēs de ce pais ceste differēce, car ceulx q sont de seruile cōdition, sont ordinairement a pied, & accompagnent ceulx de franche conditiō q sont a cheual. Ilz nont autre sepulture, sinon celle que leur delaissent les chiēs & oyseaulx, ausquelz sont exposez les corps mortz en ce pays. Et apres que les ossemens sont tous desnuez, ilz les couurent de terre.

Parthes
prennent
plusieurs
fēmes en
mariage.

Nourritu
re des par
thes.

Differēce
entre les
Parthes de
france cō
dition &
les serfs.

Description de Lasie

Meurs des
parthes.

Ilz ont en grande sollicitude leur religion & adoration des dieux. Ilz sont dung esprit superbe, seditieux, caut & affette, & dyent que le propre dūg homme cest destre difficile, & in-traitable, & dune femme destre courtoise, & benigne. Tousiours ōt quelque nouveau trouble, ou de par les estrangiers ou par eulx mesmes. Et sont de leur naturel de peu de parolle & trop plus promptz a executer que a dire. Et ne font grant bruyt des fortunes a eulx aduenues, soient bonnes ou mauuaises. Ilz obeyf sent a leurs superieurs, plus par craincte, que p honnestete. Dauantage, ilz sont merueilleuse mēt subiectz a paillardise, peu subiectz a leur bouche, & ne gardent aucunement leur foy & promesse, sinon dautant quilz cognoissent q̄ leur est expedient.

¶ Des Perses, & de leurs manieres de viure, cerimonies, & statutz.

Chapitre septiesme.



Perse est vne region Oriētalle, ainsi appelee du nō dung filz de Iupiter, & Danae, nomme Perse du nom duquel la ville capitalle de tout le pays, quon dit Persepolis, & les peuples de ce pays ōt este

appelez Perses. Ceste region selon la description de Ptolomee en son cinquesme liure. Du couste de Septentrion est bornee du pays des Medois: Du couste de deuers Loccident, du pays de Susiane. Deuers Orient, des deux Caramanies. Du midy dune partie de la grant mer Persique. Les villes ancienues de ce pays estoient Axime, Persepolis, & Diospolis. Les Perses croyent que le ciel fust le dieu Iupiter. Lidolatrie des Perses. Ilz adoroient principalement le Soleil, quilz appellét Mitra, ilz reuerét la lune, Ven^e, la terre leaue & les vètz, Ilz n'auoient aucuns autelz ne images, ains faisoient leurs sacrifices en plain iour, & en lieu hault & descouuert, & auec imprecations mettoient la beste quilz vouloient sacrifier au lieu a ce dedye, & ne faisoient autres oblations a leurs dieux fors du sang de leur bestes sacrifices, ayās ceste opiniō que leurs dieux ne demandent autre chose, aucunes bestes toutefois ont quelques fois este par eulx sacrifiees, desquelles ilz offroient les entrailles: & les mettoient sur le feu du sacrifice. Ilz ne font iamais sacrifice sans feu, qlz fōt de boys sans escorce, dedēs lequel iectēt du sain & de lhuile, & ne lallument par soufler: mais par euētoires, & ou aucun souffloit, ou mettoit Peine des violateurs des sacrifices, quelque beste morte, ou de la fange sur le feu, il estoit puny de mort. Les Perses ne se bai-

Description de Lasie

gnent iamais en riuiere, & ny pissent, & ny ie
ctēt charōgne ne crachēt, & ne la font bouil-
lir sur le feu: mais portēt grande reuerence a
leau. Ilz approuchēt le lōg dung lac ou dune
fontaine quant ilz veulent sacrifier, & font
vne fouffe, dedēs laquelle ilz tuent lhostie, &
prennent garde songneusement quil nentre
vne seule goutte de sang dedēs leau, comme
si cela aduenant tous leurs sacrifices estoient
souillez, & apres auoir despece la beste que ilz
veullēt sacrifier, ilz la mettēt dessus du meur-
tre, & du laurier, & en ceste sorte sont mises
sur le feu fait de petitz sarmentz ou iauelles, p
leurs sages & prebstres, quilz appellēt Mages,
& en faisant quelques imprecatiōs, ilz arrou-
sent leurs sacrifices de huile, & ne adressent
leurs imprecatiōs a leau, ne au feu, mais a la
terre: & dure ce mystere lōgue espace de tēps,
pendāt lequel ilz tiennēt en leurs mains cha-
cun vng fesseau de menues bruyeres. Ilz creēt
leurs roix & les choysissent en vne certaine
famille, celui qui ne leur obeyt, on luy trēche
la teste & les braz, & est delaisse sans sepultu-
re. Policritus recite que les roix de Perse, font
leurs palays es montaignes, & leans cachent
tous les tresors & tributz quilz peuuent amaf-
ser, & les delaisent en tesmoignage de bien a
uoir administre leur royaulme, & prennēt les
fusdictz roix de leurs subiectz assis au lōg de

Tribut rē
du aux
Roix de
Perse,

la mer, pour tribut argēt, & des autres, ce que leur terre apporte, cōme tainctures, espiceries laines & bestail. Il ne leur est permis de faire mettre vng hōme a mort pour vne seule cause. Et semblablement leur est entre eulx defendu de exercer aucun acte de cruaulte enuers leurs subiectz. Ilz prēnēt en mariage chascun plusieurs femmes, & nourrissent plusieurs cōcubines pour multiplier leur lignee. Les roix pposent loier a ceulx q aurōt engendre plusieurs enfans en vng an. Les enfans ne sont presentez a leurs peres, qlz nayēt cinq ans, aīs sōt nourriz a part p les fēmes, a celle fi que sil aduenoit qlz mourussent leurs peres nen prissēt ennuy. Ilz celebriēt leurs nopces enuiron le noctial du printēps. L'epouse ne mangeoit le iour de ses nopces que vne pōme ou de la mouelle dūg chameau. Depuis le cinqiesme an de leur aage iusquēs au vingtquatriesme, ilz aprenoient a picquer vng cheual & tyrer de larc, & sur toutes chose a estre trouuez veritables en parolle. leurs precepteurs sōt dune grāde hōnestete de vie qui leur apprenēt a reciter fables avec louenges de leurs dieux, quilz chātēt de viue voix seulement pour les istituer a biē viure. Ilz s'assemblēt tous en vng lieu, au son de vng clairō ou trompe, pour apprēdre les choses dessusdictes. Et leur demādent leurs maistres compte de ce qlz ont aprins en ieunesse.

Equinoctiū vernū
quant au
printemps
les iours
sont aussi
grans que
les nuietz

Description de Lasie

Tournois
& iouſtes
des ieunes
gẽtilz hõ
mes de
Perſe.

Quant il eſt queſtion de faire quelque tour-
noy, ilz eſliſent vng filz de quelque ſeigneur,
quilz ſuyuent tous. Le champ du tournoy con-
tient pour le moins trẽte ſtades. Ilz ſendurciſ-
ſent au froit, & chault a trauerſer les torrẽtz.
Ilz ſont la pluſpart du tẽps armez, & ſi ne chã-
gent de veſtemens, encorẽs quilz ſoient trem-
pez en eaue. Ilz ſe rẽpaiſſẽt enſẽble aux chãps
& viuent de fruietz de Terebinte, de glandz,
& poyres ſauuaiges. Et aprẽs leurs tournoys,
viuẽt de pain tresdur. Ilz vſent de creſſon ale-
nois et ſel, & mãgent leurs chairs, tãt en boul-
ly quen routy, & ne boiuent quẽ de leaue. Ilz
vſẽt a la chaſſe de dardz & fleches, & de cour-
ſes de cheuaulx, les aucuns de fondes, Deuant
le Midy, ilz plantent arbres & fouillent raci-
nes. Ilz forgẽt armures. Ilz ſont toilles de lin,
ou de retz. Ilz prennẽt plaisir de aorner leurs
enfãs, de dorures, Ilz ont des rubys dõt ilz fõt
grande eſtime, & par ce ne les permettent eſ-
tre appliquez a aucun corps mort, comme auſ-
ſi ilz ne ſont le feu en reuerence de ceſtuy ele-
ment. Depuis laage de vıgt ans, iuſques au cin-
quãtiẽſme ilz ſuyuent les armes. Ilz ne ſe meſ-
lent aucunement de la police, ne daucun fait
de marchandife. Ilz vſent en guerre de boucli-
ers faietz a la forme dũg poiſſon quõ appel-
le Rhombus: & oultre ont la trouſſe pleine de

flesches. Ilz portent vne maniere de baston^s de guerre quilz appellent Sagariz, & des poignars & chappeaulx, a la facon des Albanois Ilz portent hallectretz ayantz le deuant fait a escailles. Les princes portent vne maniere de cotte darmes en trois doubles, & vne casaque a longues manches, longue iusques au genoil, doublee de blanc par dedens, & par dehors taincte de quelque autre couleur. Et en este portēt leur habit tout de pourpre, & en hyuer de diuerses couleurs. Et leurs dyadesmes semblables aux mitres des sages du pays que ilz appellent Mages. Le commun peuple porte doubles vestemens longz iusques au meilli eu des greues, & se couurēt la teste dung linage delie quilz enuironnent en plusieurs doubles. Leurs lietz & vaiselles sōt dor & dargēt. Ilz ne consultent iamais de leurs grandz affaires sinon en beuuant & mangeant, disans telle deliberation estre plus seure que si la faisoient estans sobres. Les gens de congnoissance & de mesme condition ne se rencontrent en leur chemin sans se baiser lung lautre. Ceulx qui sont de bas estat se aggenouillent & prosternent deuant les seigneurs, ilz ensepulturēt les defunctz apres les auoir enduietz de cire, ne font toutesfois telles sepulturee a leurs sages, quilz appellēt Mages, lesquelz ilz

Accoustre
mētz des
princes de
Perse en
temps de
guerre.

Courtoisie des Per
ses les vns
enuers les
autres.

Description de Lasie

Cerimo-
nie obser-
nee par
les Perſes
en preſen-
ce de leur
roy.

laiſſent manger aux oyſeaulx. Ilz ont compa-
gnie avecques leurs meres par vne ancienne
facon de faire. Telz ſont les Perſes & de telle
maniere de viure. Herodote en recite quel-
ques autres dignes de recit: entre autres cho-
ſes, quilz eſtiment vng grand forfait de rire,
ou cracher deuant leur roy. Ilz ſe moquent
des Grecz, leſquelz ſe perſuadoient que les di-
eux eſtoient procreez des hommes: diſoient
oultre quil neſtoit permis dire aucune choſe,
qui ne fuſt de faire. Auſſi eſtimoient eſtre vne
hôte dauoir quelque choſe de lautruy, & met-
toient au deſſus de toutes hontes menſonge.
Ilz ne mettoiēt en terre les defunctz, plus toſt
que les chiens ou oyſeaulx y euſſent beſōgne
de leur bec, ou de leurs dentz, & faiſoient vne
choſe que les autres natiōs ont touſiours tour-
ne a infamie: ceſtaſſauoir quant vng pere tō-
boit en paouurete, il prostituoit ſa fille a vng
chaſcun, ce que les Babylonienſ auoient ſem-
blablemēt couſtume de fai. Auiourdhuy les
Perſes ſurmōtez par les ſarraſins, & infectez
de lincenſee loy de Mahomet, viuent ſans au-
cun renom. Et combien que le temps paſſe ilz
ayent eſte addōnez aux armes & gouuerne lē
pire de tout Lorient, auiourdhuy ſe ſont deſa-
couſtumez des armes, & ūt perdu la gloire ac-
quiſe du temps paſſe.

Du pays Dindie, & estranges ceremonies & manieres de viure
des Indes.

Chapitre huytiesme.

INdie est vne region en Orient faisant vne des extremittez de Lasie, & est ceste region si grande, que aucuns dyent quelle sculle faire la tierce partie du monde. Pomponne Mele recite que la mer, de laquelle ce pais est circuit est si grande que cest autant que peuuent gagner de pays les mariniers, encores ayans vêt a gre, par l'espace de quarante iours. & a retenu ce nom d'ung fleuve duquel elle est terminee deuers loccident, lequel se appelle Indus. Elle commence a estre environnee de la mer Indique, & de la se estend iusques au Soleil leuant, & du couste de Septentrion, se confine au mont de Caucasus. Il ya en ce pays plusieurs nations, & plusieurs villes. Et selon que aucuns auteurs dyent iusques au nombre de cinq mille, ce qui est assez vray semblable, veu que ces peuples iamais ne sortirent hors de leur pays. Les plus renommées riuieres de ceste region sont Ganges, Indus, & Hypanis,

Grandeur
du pays
des Indes.

Ind^e fleuve
en Indie

L'esté de
de L'Inde

Riuieres
des Indes

Description de Lasie

desquelles la plus grande est la riuere de Ganges. Ceste terre est a cause du vent zephirus fort tēperée & tressaine, & porte fruietz deux fois lan. Au lieu de temps & saison dhyuer ilz ont le cours & saison de ventz Ethesies. Ilz ne ont aucuns vins sinon que daucuns estiment que en Musicanie y en prouienne. Du couste de Midy y croist le Narde, la canelle, le poiure & autres cannes despiceries comme faiet en Arabie & Ethiopie. Elle pduict seulle Lebene les Perroquetz & la licorne. Il se y trouue quantite & abundance de dyamans, escarboucles, perles & autres pierres precieuses. Et a cause de la felicite de ceste region. Les habitants souuent viuent laage de six vingtz ans, comme les Musicaniens, les autres viuent pl⁹ longuement comme les Seres.

Lebene:
perro-
quetz & li
cornes viē
nent seule
ment des
Indes.
Sola India
nigrū fert
ebenum,
dit le poe
te.

Indiens
noirs des
le ventre
de leur me
re.

Tous les Indiens portent longue perruque, la laquelle ilz paignent de iaulne ou de couleur perse, leurs plus riches aornemens sont pierres precieuses. Ilz vsent de grandes diuersitez dhabitz. Les vngs sont vestuz de couuertures de laine, les autres de couuertures de lin, les autres sont tous nudz, excepte leurs parties hōteuses. les autres ont des escorces quilz adaptent a leurs corps, & sen enuironnent. Ilz sont tous noirs, & se engendrent telz dedens le ventre de leur mere, & est la semence,

de laquelle ilz font engendrez noire, comme est celle des Ethiopiens. Ilz sont de grande & puissante stature, Ilz viuēt de peu, mesme quāt ilz sont en expedition de guerre, & nayment grāt bagage avec eulx. Ilz sont exquis en leur equipage, comme iay recite, & se gardent de estre trouuez en larrecins. Ilz vsent de loix nō redigees par escript, par ce quilz nōt cōgnoissance des lettres, ains retiennent tout par memoire, & a cause de leur bōte & simplicité de vie, toutes choses leur viennent a bien. Ilz ne boient vin sinon en leurs sacrifices, & font vng breuuage de ryz mixtionne avec de lor- ge, & est leur māger la pluspart du temps ryz destrempe. Et peult on assez congnoistre la le galite qui est en leurs loix & contractz, en ce quilz ne saddonnent a proces, & nōt aucunes loix touchāt les choses baillees en garde, & nōt affaire de tesmoing ou de seel, ains ad iouxtent foy les vngz aux autres, & laissent le plus souuēt la maison sans aucune garde, qui sont tous indices de grande syncerite & honestete de vie. Toutesfois ilz ōt dautres facōs que biē peu ensuyuroiēt ou approuueroiēt, cōe de viure & prēdre leur repas to^r solitaires, & a diuerfes heures les vngs que les autres. Qui sont choses plus cōuenables a la societe & vie ciuile. Ilz se nettoient le corps, & gratent des-

Indiēs ne
boiuent vin
sinon en
faisant
leurs sacri-
fices.

Preudho-
mie des
Indiens,

Description de Lasie

Les indiés
curieux
de beaulte
& nettete

Sacrifices
des indiés

trilles, & estiment que cela face a la sante. Et puis se polissent leur chair avec de Lebene. Ilz font petite despense en sepulchres & funeraillies des defunctz, & s'ot par trop songneux en parcure de leurs corps: car ilz portēt de lor & pierres precieufes sur leurs vestementz (qui sont de toile fort deslyee) & autres aornemēs quilz portent avec eulx: tellement que ayans ceste curiosite destre trouuez beaulx, ilz font toutes choses qui leur semblēt estre duifables pour embellir leurs faces. Ilz mettent verite entre les grandes vertuz. Ilz ne deferent aucunement aux anciens & plus aagez, sinōdau tant quilz se trouuent plus prudēs que les autres. Ilz prennent plusieurs femmes en mariage, aux parentz desquelles ilz baillent pour le priz dicelles deux boeufz, & en prennent les vnes pour auoir lignee & plaisir, les autres pour en estre obeyz, & si leurs maryz ne leur enioingnent de viure pudiquemēt. Il leur est permis de se pourueoir & auoir la cōpagnie du premier trouue. Pendant que les Indiens samusent a sacrifier, il n'ya aucun dentre eulx qui ose porter couronne, & ne presentēt encēs ou liqueur aux dieux, & ne coupent la gorge aux bestes quilz veullent sacrifier, ains les estranglēt, de paour de presenter vne chose qui ne soit entiere. A celuy qui est trouue en men

longe ilz coupēt les ioinctures des extremittez
des doigz. Celuy q̄ auoit fait perdre a autrui
quelque ptie ou membre de son corps nestoit
seulemēt puny de la perte de mesme partie ou
mēbre en soy, ains auec cela ou luy coupoit la
main. Au regard de ceulx q̄ ont rendu quel-
que manouurier ou artisan ipotēt de ses mē-
bres, on leur fait perdre la vie. Si quelque fem-
me peult tuer leur roy pēdāt quil seroit trou-
ue yure, elle a tel guerdon quelle est cōioincte
par mariage auec celuy q̄ succede au royaume
Le roy est traicte p̄ femmes quil achepte, les-
q̄lles se dōnēt de garde que aucū ne luy malfa-
ce. Et au regard des gēs de guerre ql a quāt &
soy, ilz se tiennēt hors les portes du lieu ou il
habite. Les enfans du roy succedēt au royaul-
me. Le roy de iour nōse prēdre sō repos, & de
nuict est contraint de chāger de liēt de heure
en heure, & ce pour euitier toutes trahisōs. En
tēps de guerre, si le roy nest au camp, il se mō-
stre souuēt au peuple, & se presente au lieu ou
il iuge leurs differētz, & escoute vng chascun.
Il sort aussi pour se recreer & se faire grater &
estriller le corps, auquel seruice sont deputez
trois. Et pendāt quō lestrille, il se p̄nte pour es-
couter vng chascun. Il sort semblablement
quant il est question de faire sacrifices, tierce-
ment quāt il est questiō de aller a la chasse, il

Peine des
mensongi-
ers & mur-
triers.

Estat d
roy des in-
diens.

Description de Lasie.

fort accompaigne d'ung grand nōbre de femmes, menans vng bruyt de demy insensees.

Les hommes de sa garde demeurēt tousiours dehors, & si quelcun entre au dedens en la compagnie des femmes il en pert la vie. Il a tabourins & sonnettes qui vont au deuant de luy, Quant il chasse en parc cloz, il est accompaigne de deux ou trois fēmes armees, & quāt il chasse en plains chāps, il est monte sur vng elephant, & tyre de larc, & les fēmes sont mōtees les vnes sur cheuaulx, les autres sur elephans, les aucunes en chariotz, comme aussi elles sont equippees en guerre, car elles y sont tresexercitees, & en ce different grandement a celles de nostre pays.

Femmes
du pays
des Indes
dextres a
la guerre.

¶ Dauantaige les autheurs recitent que les Indiens adorēt Iupiter, avec ce surnom de pluuiial, & le fleue Ganges, & autres dieux qui leurs sont peculiers en ce pays. Et quant leur roy se laue les cheueulx, quilz font de grandes festes & solemnitez, & sentredonnent les vngs aux autres de grandz dons : & se manifestent leurs tresors & richesses.

Le pays
des Indes
habite par
sept manieres
de gens.

¶ Tous les Indiens ont este le temps passe diuisez en sept manieres de gens. Desquelz les premiers estoient les philosophes, qui estoient en plus petit nōbre que les autres, & estoient en plus grant credit & auctorite enuers le roy

Ceulx cy estoient exēptz de tous oeuvres manuelz, & nauoient aucun commandemēt sur les autres, ne les autres sur eulx : & prenoient dung chascū dequoy faire sacrifice aux dieux, & pour mettre en sepulture les deffunctz, cōme estans les plus agreables aux dieux: & cōgnoissans (selō lestime quon en faisoit) tout ce qui se faisoit es enfers. Pour ces raisons on leur faisoit plusieurs dons & honneurs, & auf si ilz font de grans seruices aux Indiens . Car des l'entree de l'annee ilz s'assemblent tous, & predifēt au peuple les seicheresses, pluyes, vētz & maladies , & plusieurs aultres choses , desquelles la congnoissance est cause que le roy & tout le peuple se pouruoient tant pour euitter les maulx a aduenir , que pour faire leur prouffit des biens attēduz, & les recueillir. Et si aucū des philosophes est trouue nauoir predict selon verite, il luy est enioinct pour toute peine se taire a tout iamais. La seconde sorte de gens de ce pays est des laboureurs des champs , qui sont en plus grand nombre que les autres , & sont exemptz de aller en guerre ou faire aultre oeuvre fors leur labourage. Ilz ne sont aucunement molestez par les ennemis , d'autant que leur oeuvre redonde au prouffit des deux parties & les laissent sans leur faire aucun dommaige , estant donques

Philosophes des
indiēs en
authorite

Description de Lasie

Tout le
pays des
Indiens
rend tri-
but au roy

lessudiectz laboureurs deliurez de toute fasche
rie & craincte, cultiuent la terre en si bone di-
ligence quilz aydēt a labūdāce des biēs qui y p
uiēēt. Ilz viuēt aux chāps avec leurs fēmes, et
enfans, et ne frequētēt les villes aulcunement,
paient neantmoins tribut au roy, par ce que
tout le pays des Indes est tributaire au roy, &
que nul ne peult tenir aulcunes possēssiōs sans
en payer tribut. Ilz payēt oultre le tribut, la cīq
iesme partie des fruietz a leurs roys. La tier-
ce maniere de gēs sont pasteurs de toutes for-
tes de bestes de norriture, lesquelz ne demeu-
rēt es villes ne bourgades, ains vsent de peti-
tes maisons chāpestres, & saddōnēt a la chas-
se & a tendre retz aux bestes sauuaiges: & ga-
rātissent le pays de bestes & oyseaux sauuai-
ges: tellemēt que par ceste exercitation ilz rē-
dent le pays des Indes, fructueux & accessi-
ble, lequel autrement seroit rēply de bestes &
oyseaux, nuyfans aux grains semez en terre.
La quatriesme sorte de gēs est des manouuri-
ers & artisans, dōt les aucūs sapplicquēt a for-
ger armes, les autres a forger harnois de la-
bouraige, & les autres a diueres autres manie-
res de necessitez. Ceulx cy ne sont seulement
francz de tribut, mais oultre ce prennent des
grains de la maison du roy. Au cinquesme es-
tat sōt les gēs de guerre, q sōt en plus grād nō

Franchise
des Arti-
sā & ma-
nouuriers
du pays
des Indes.

bre après les laboureurs: lesquelz s'exercitēt aux armes, et se rēdre adroictz sur cheuaulx et elephās au faict de la guerre, & viuēt aux despēs du roy. Le sixiesme ordre est des Ephores q'ōt ^{Ephores.} la charge de faire rapport au roy de toutes choses qui se fōt es pays des Indes. Au septiesme estat d'gēs, sōt ceulx q' cōsultēt des affaires publicques, & sōt en plus petit nōbre que tous les autres, & neātmoins passent tous autres en noblesse de lignee, et en prudēce. Tellemēt que de ce nōbre sōt esleuz les cōseilliers du roy, & les gouuerneurs de la chose publicque, et sont appelez pour disposer des affaires de cōsequēce, & esquelz suruiēt quelque difficulte: de ce nōbre aussi sont choisiz lieutenāns du roy au faict de la guerre, & principaulx chefz apres luy. Or estant toute la police du pays des Indes distribuee en telles sortes de gens que cy dessus auōs recite: il est avec ce defendu qu'un hōme de lūg des estatz & cōditiōs dessudiētes puisse prēdre fēme nee en autre estat & cōdition, & semblablement de changer destat, & qualite, tellemēt quil nest licite a vng gēdar-me s'addōner au labouraige, ne a vng manouurier s'addōner a Philosophie. Il y a aussi certains grās p̄sonaiges être les Indiēs q' les defendēt des iniures des estrāgiers, et ōt charge deuoier medecis aux malades, d'ihumer defūctz

Description de Lasie

Es Indes
ny a aul-
cuns gens
ferfz.

& deliurēt largēt qui leurs ont trouue au plus prouchains parens. Ilz y a pareillement iuges qui cōgnoissent de leurs controuersies, & punissent diligemment les delinquētz. Ilz nont aucuns gens entre eulx de seruile condition par ce quilz ont vne loy par laquelle leur est defendu de tenir aucun en seruitude: tellement quilz mettēt vng chascun en pareil honneur et liberte, saccoustumans par ceste maniere a ne vouloir preceder les autres en prerogative dhonneur, et a ne faire tort a autrui: & estimēt auoir tres bien par ce institue leur vie, & auoir pourueu aux calamitez suruenantes aux personnes: disans aussi que cestoit vne chose folle que les loix fussent establies esgallement pour vng chascun, & que les personnes fussent de diuerse cōdition. Oultre ce es pays des Indes y a diuerses nations differētes en formes de visage, & en langaige a cause de la longueur du pays, & fault entēdre quilz ne viuent tous selon que cy dessus a este descript, mais que aucuns y a qui viuent de plus estrāge maniere, aucuns de ceulx qui habitēt plus pres de lorient saddōnent a estre pasteurs, aucuns non, les aultres habitēt es riuieres marescageuses & se nourrissēt de poisson cru quilz amassent dedens nacelles faictes de tuyaulx de cannes, et font leursdictes nacelles de boys

Especies
Dindiens
qui ne mā
gēt que
poissons
cruz,

de cannes quilz coupēt pres des deux neufz,
& les entreouurent. Ceste sorte Dindiens
font vestemens de ioncs quilz coupent le lōg
des riuieres, & les assemblent en maniere de
nates & applicquent sur eulx, en facon de co-
letz ou haubergeons. Ceulx que iay dict sad-
donner aux pasturages, et habiter le plus pres
dorient, sont voyfins de ceulx cy, & sappellēt
Pades, on diēt quilz viuēt de chairs crues. Et
ont ceste maniere de faire que quant lung, ou
lune dentre eulx commence a se trouuer ma-
lade, ses plus familiers le tuent, ayās ceste opi-
nion, que si longuemēt le laissoient languir,
il leur pourroit causer quelque corruption de
corps en eulx mesmes, & encores quil seffor-
ce de faire le sain, & de leur persuader quilz
est sain, neanmoins ne delaisent a le tuer: &
ce faict font vng repas ensemble: ilz exercent
pareille cruaulte a la plus chere femme que
eust le deffunct, encores quelle ne soit malade.
Ilz tuent semblablement ceulx qui deuiennēt
aagez, & iceulx tuez repaissent ensemble. Et
pour ces deux causes sen trouuēt biē peu entre
eulx qui paruiennent a vieillesse. Il y a enco-
res des Indiens qui ont ceste maniere de vi-
ure qui ne tuent aulcune beste, ne sement aul-
cuns grains, & nedifient aucunes maisons, &
viuent dherbaiges. Il croist en leur pays vne

Pades pe-
ples en
Inde.

Cruaulte
des Pades

Description de Lasie

Gymno-
sophistes
philoso-
phes es
Indes.

Brachma
nes peu-
ples des
Indes.

petite graine en forme de mil, venāt de la bō
te de la terre, encloz de soymesmes, & le quel,
ilz font cuire avec son escorce & le mangent.
Celluy dentre eux qui tumbé en maladie se
retire en vng lieu desert, & la se couche sās ce
que aucun prēgne la sollicitude de le traicter
ou penser, ou ensepuelir apres sa mort. Tous
les Indiens dessudictz ont cōpaignie des fem-
mes en public & ne differēt en locuure de na-
ture aux bestes brutes. Ilz ont en ce pays vne
maniere de Philosophes quon appelle Gym-
nosophistes, lesquelz comme descript Petrar-
que habitoient es plus vmbrageuses & solitai-
res parties de ceste region, & estoient nudz se-
lon que leur nom assez le denote, lesquelz en
ceste sollicitude Philosophoient ca & la disp-
sez, & estoient depuis le Soleil leuant, iusques
au Soleil couchant constans en vng lieu, ayās
leurs yeux incessammēt fichez a contempler
le Soleil, & en la contemplation de ceste ron-
deur ymaginoient quelques secretz, & apres
quilz sestoient long tēps appuyez sus vng pied,
sappuyoient sur lautre, sans sentir aucune ar-
deur des sabblōs & terre ardāte soubz leurs pi-
edz, au moyen de lardeur du Soleil, et portoient
patiēment chaleurs du soleil, ou froidures des
neiges quelles qui leur aduissent. Entre les In-
des sont nōbrez les Brachmanes, lesquelz (ain

si que leur roy Didymus a escript au roy Ale
 xandre de Macedoine, q auoit estrepris de met-
 tre ce pays en son obeyssance) viuēt dune pu
 rite, & simplicité de vie, & ne s'addōnent a au
 cune sensualite ou volupte, ilz nappetēt autre
 chose, sinō ce qui leur est necessaire pour sub-
 stāter leur nature, en sorte quil ne sont curi-
 eulx en viādes, & nen vōt querir es pays loāig
 tains, mais se cōtentent de ce que la terre leur
 apporte sans aucune industrie ou labourage,
 & sōt leurs nourritures saines, de quoy aduiēt
 quilz ne scauēt q cest que de maladies, aīs vi-
 uent en cōtinuelle sante & se scauēt passer de
 secours les vngs des autres, par ce quil vivent
 tous dune commune facon de viure : & nont
 aucune occasion de cōcepuoir enuie les vngs
 cōtre les autres, par ce quilz, sōt tous esgaulx,
 & ny a point de plus grand seigneur lun que
 lautre, ains sōt tous riches par vng mutuel cō
 tētemēt & equalite de paouurete. Ilz nōt aul-
 cū lieu deputez a administration de iustice,
 par ce quil ne font aucune chose de reprehen-
 sion, ou subiecte a amendement. Ilz nont au-
 cunes loix, par ce quilz sont ignorans de tout
 malefice, leur seule loy est de ne cōtreuenir a
 la raison & equite naturelle. Ilz sexercitēt en
 tel labour par lequel on ne les puisse iuger de
 diez a auarice, ains fuyans seullement oyssiue.

Simplici-
 te de vie
 des Brach-
 manes.

Description de Lasie

Couuoys-
ise peste
tres cruel
le de lespe
rit.

Ilz ne saddōnent a luxure iusques a en encou-
rir debilitation de mēbres. Et viuent ne plus
ne moins que si ilz auoient toutes choses en
main, dautant que ilz nont souhait daulcune
chose, sachans tresbien que cest vne tres cruel
le peste que couuoysise veu quelle rēd paou-
ures ceulx quelle detiēt, daultāt quilz ne met-
tent iamais fin a en accumuler, & tāt plus en
ont & plus leur en deffault. Ceste nation se
chauffe de la chaleur du soleil, se reffreischist
de la roussee du ciel, passe sa soif aux riuages,
& ruyssieux & prent son repos, & sommeil a
mesme terre. Ilz ne sont interrompuz en leur
sommeil par ennuiēt, ou sollicitude, leurs en-
tendemens ne sont trauallez de diuersites de
pensees ou entreprinse, & nentreprennent a
dominer sus leurs semblables, tellement quil
ny a aucun entre eulx plus serf lun que lau-
tre, fors quilz scauēt tres bien assubgectir leur
corps a leurs esperitz. Ilz ne font entamer pi-
erres, ou rochiers par feu pour faire leurs ba-
stimens, & nassemblent chaulx, sable ne bric-
que pour edifier, ains habitent es lieux quilz
ont creusez, ou en cauernes de rochiers, et mō-
taignes ilz ne craignent leans aucuns bru-
iēt ou tempestes de ventz : & se y estiment
estre plus seurement, & mieulx garentiz de
pluye ou autres dāgiers, que sil estoiet couuers

de quelque couuerture de maison que ce soit,
 & leur seruent leurs cauernes en deux sortes,
 cest que quant ilz viuent, ilz en font leur ha-
 bitation & quant ilz se meurent elles leur ser-
 uent de monumetz & sepulchres. Ilz ne vsent
 d'aucuns precieux habitz, ains se couurent de
 quelques ioncs assemblez, ou a le mieulx pré-
 dre leur simplicité & innocence leur est vng
 vray vestement & couuerture. Leurs femmes
 ne scauent que cest que de se farder pour cō-
 plaire, ains sont trouuees belles telles que natu-
 re les a faictes sans ce quilz ayent aucune in-
 dustrie pour ertychir leur beaulté & grace na-
 turelle. Et ne sont prinsees par les hommes pour
 aucun plaisir charnel, mais seulement pour a-
 uoir lignee. Ilz n'entreprennent aucunes guer-
 res, ains entretiennent paix par bōté de meurs,
 & non par force. Et ne font pompes funebres
 les parens, aux trespassemens les vngs des au-
 tres, & ne se edifient des sepulchres magnifi-
 ques les vngs aux autres, et ne mettent iceulx
 en cercueil sumptueux, & aornez de pierreri-
 es, estimant que ceste sumptuosité leur cause
 plus dennuy, que de soulas ou hōneur. Oultre
 ce les Brachmanes sōt exēptz de pestilēce, nō
 plus ne moins que des autres maladies, & ce
 a cause quil ne infectent l'air par aucunes im-
 mundicitez, ains s'accōmodēt eux & leur natu-

Brachma-
 nes ne cō-
 struisent
 aucuns se-
 pulchres en
 lhonneur
 de leurs
 parēs tres-
 passez.

k.j.

Description de Lasie

Contempla
tion des
Brachma
nes.

Iugement
des Brach
manestou
chant les
sacrifices
des bestes

re aux vicissitudes et mutatiōs des tēps, & ele
mentz sans en abuser. La bōne reigle de viure
quilz tiēnēt leur sert de medecine, car p icelle
nō seullemāt ilz remediēt aux maladies adue
nues, ains obuient a celles aduenir, ilz saddō
nēt a la lecture des actes du tēps passé, & qnt
sen trouue aucun digne de rīsee il se mectent
a plourer. Et ne prennent plaisir a lire fables,
cōme plusieurs font, ains se delectent en la cō
templation de la cōposition des oueutres que
Dieu a faictes en creāt ce mōde, & choses na
turelles cōtenues en icelluy. Ilz ne saddōnēt a
aller par mer pour faict quelcōques de mar
chādise. Et nōt aucū art ou sciēce de rhetori
que, ains vsent tous dun simple lāgaige, & cō
mun a tous, & leur suffist que leur parler soit
sans fiction. Ilz nōt aucunes frequentatiōs de
marchez, ou lieux dediez a decider plaiēt &
pces, ne aucūs lieux pticulieremēt dediez a ap
prēdre quelques sciēces, p ce qlz estimēt que
les diuersitez de telz lieux ou escolles, ēgēdrēt
diuersite dopiniōs, et doctrines īstables et in
certaīes. Lune ptie diceulx cōstituēt leur vraie
felicite en hōnestete de vie, les autres en volu
pte quilz fōdēt en ceste liberte. Ilz ne tuēt au
cunes brebis pour faire sacrifices a Dieu, iuge
ans que dieu ne prêt engre le sacrifice que lhō
me luy presente ayāt mains sanglātes: & quil

prêt plus de plaisir a vng sacrifice, ou adoration quon luy peult exhiber sans faire sang, mesmemēt q̄nt on le peult appaiser p polle de priere et oraison, p ce que lhōme a ceste ppriete de pler cōune avec dieu, & que ptāt quil se rēd bening voiāt lhōme vser enuers luy dune ppriete p laquelle il approche le plus de dieu.

Autre nation y a au pays des Indes quon dict

les Catheies, lesquelz prēnēt en mariage chascun

hōme plusieurs fēmes, lesquelles apres le

trespas de leurs maryz se presentēt toutes deuāt

certain iuges de grāde austerite, et la debatēt

chascūe dētre elles affin destre trouuee celle qui

mieulx auroit traicte sō mary: lissue de ce debat est tel,

que celle qui aura este trouuee la mieulx aymee,

& mieulx auoir traicte son mary, se habille des pl^{rs} riches habillemēs q̄lle

peult, apres mōte p grāde gayete de cuer, cōc en

faisant son triūphe de la victoire, sur vng amaz

de bois assēble pour mettre en cēdres le corps de sō

mary, au lōg duq̄l se couche en le baissant, & ēbrassant

se laisse brusler sans rien craindre. Les autres fēmes

suruiuātes passent le reste de leur vie, nō sans note,

et reproche. Leurs enfans de leur ieune aage ne sōt

delaissez en gouuernement a leurs peres & meres,

mais sōt baillez en garde a gēs q̄ ōt charge de les

entretenir de p la chose publiq̄, lesquelz ōt

Grand tesmoingnage d'auoir

tie des fēmes

meilleurs

leurs ma-

rys.

k.ij.

Catheies
peuples
des Indes.

Fēmes de
Catheies.

Grand tes
moingna
ge d'auoir
tie des fē
mes meille
leurs ma-
rys.

Description de Lasie

charge de arregarde a l'habitude de corps d'i
ceulx enfans, & si ilz en trouuēt aucuns de de
bile complexion, ou tardifz desprit, ou nayās
fante de leurs mēbres, ilz leur est enioinct de
les occire. Et en faisant leurs mariages ont es
gard a la beaute, & nō aux richesses, & a auoir
lignee, & nō pour y prēdre leur plaisir char
nel. Aulcuns des Indies ont vne facon de fai
re que quāt vng dētre eulx par paouurete ne
peult mettre sa fille en mariage lors quelle est
en aage, il la cōduict avec trōpetes et clairons
de guerre au lieu où cōmūemēt se fōt leurs as
semblees, & apres que le peuple sest amassē a
son de trōpe la fille se presente a celluy ieune
homme quil la veult contempler, & premie
rement se monstre toute nue par derriere, pu
is se descouure par deuāt, & apres auoir gai
gne lamour de quelqung elle est de luy em
menee, & prinse en mariage. Megastenes reci
te quil y a quelques habitans es montaignes
des Indes ayans testes semblables a celles des
chiens, & ongles dune merueilleuse defense,
faifans leurs vestemēs de peaux de bestes, nap
prochās aucunemēt en leur parler a voix hu
maine, ains a vne maniere de aboy & asprete
de voix. Ceulx qui habitēt a la source de Gan
ges nōt besoing daulcune viāde pour leur vi
ure, & viuēt de lodeur des pōmes des bois &

Gens mō
strueux es
montai
gnes des
Indes.

Felicitē
du pays
ou est la
source de
Ganges.

forestz de ce pays, & quāt ilz vōt quelque peu loing de leur terre, il portēt de ce fruiēt, et a ce mesme vsaige quāt & eulx, & si il leur aduiēt de sentir quelque odeur mauuaise il rendent en linstant lesperit. Et de fait on trouue par escript quil sen est trouue de ceste sorte en larmee Dalexādre, au retour de la cōqueste quil feist de ce pays. Nous lisons sēblablemēt que au pays des Indes y a gens qui de leur nature nōt que vng oeil. Et encores daultres ayātz si grādes oreilles quelles leur tūbent iusques au piedz, et sur lesquelles ou lūe dicelles il se peuuent appuyer & reposer si bon leur semble, & encores si nerueuses & si dures quil en dera cinēt les arbres, dauātaige on en trouue nayās de nature q̄ vng seul pied de si grāde largeur, que se voulās garentir de lardeur du soleil ne se font que coucher en terre sur leurs rains et leuer leur piedz cōtre mōt, & a ce moyen ont vmbrage a suffisance. On liēt dedēs lautheur Clesias quil y a fēmes en ce pays lesquelles nē gēdrent & napportent enfās que vne foys en leur vie, & si tost que leurs enfans sont hors du vêtre leurs cheueulx deuiēnt tous blācs. Et outre dict icelluy autheur quil y a vne autre māiere de gēs en ce pays, ayās les cheueulx tous blācs en leur ieunesse, lesquels leur deuiēnt noirs en leur vieillesse, et avec ce viuēt pl⁹

k.iiij.

Description de Lasie

l'ogement que nous ne viuons en ce pays. Et dauantaige il tesmoigne quil y a fēmes en ce pays qui portent enfā des laage de cinq ans, & ne viuent que huit ans. Dict outre quil y a des hōmes sans testes, ayās leurs yeulx dedās leurs espaules. Et encores oultre ceulx que no⁹ auōs cy dessus recite y auoir autres gēs aiantz testes semblables a celles des chiens.

Autres se treuuent en ce pays de celle forme & figure de teste, ayās le corps tout couuert de poil fort rude, faisant de leur voix vng bruit & cry espouventable. Toutefois nous faisons recit des choses dessusdictes et autres semblables le plus brief que faire pouuōs, par ce quil fault vne grande credulite auant que on y puisse adiouter foy, veu que ceulx qui saddon- nent a lire les escriptz daultroy a grād peine peuuent recepuoir les choses dōt on leur fait recit ēcores qlz les voyēt q̄si deuāt leurs yeulx.

Ceulx qui habitent auiourdhuy en icelle ptie des Indes qui est entre le pays de Gedrosie & la riuere quon appelle Inde, sont appelez Cathaïs, et ce pays est au moyen de leur denomination appelee le pays de Cathain. Ceste maniere de gēs est semblable aux Scythes & different grādement en meurs aux autres Indiens, (si ce que Armene Aitōe en recite est vray) Il dit quilz sōt merueilleusement igenieux, et

Cathains
peuples
des Indes
tenās des
facōs des
Scythes.

se vātent que le reste de tous les mortelz sont
aveuglez, ou ne voyent que dūg oeil, et q̄ eulx
seulz voyent parfaictemēt des deux yeulx. Et
a la verite ilz sōt gēs de grād esperit, mais en
cores est leur arrogāce, & vāterie plus grāde.
Ilz se sōt psuadez quilz passent tous les viuās
en sciences et idustrie. Quant a leur habitude
de corps ilz sōt blācs, et ōt les yeulx petitz, &
nōt aucune barbe, & vsent de lettres sembla-
bles quāt a la quadrature aux lettres Romaines.
Et ont diuerſes manieres de supstitiōs, & Cathains
folles ydolatries être eulx, & sans cōgnoissāce
de la vraie foy, et religiō. Les vngs adorent
le soleil, les autres la lune, et les autres vng y-
mage de fōte, aucūs vng boeuf, tāt que p ceste
diuerſe forme dydolatrie y a vne infinite de
supstitiōs semees entre eulx. Ilz nōt aucūe foy
ne loy escripte. Et cōbien qlz soient gens de
artifice en leurs ouurages, toutesſois ilz nont
aucune cōgnoissāce des choses diuines. Ilz sōt
fort craintifz a la mort, toutesſois ilz menent
guerres quelques fois, et ce plus par prudēce,
et astuce, que par force. Ilz vsent de flesches en
guerre, et de quelques maniere de dartz, de fa-
con aux autres natiōs inusitee. Ilz ōt en vsage
vne monnoie faicte dunē espece de papier en
forme q̄ree, & est marquee de limage de leur
roy: & si il aduient quelle soit effacee p lōgue
k.iiij.

Cathains
idolarrres.

Description de Lasie.

vsage, ilz la chāgent avec vne autre marquee
recētemēt en la maisō du roy. Leurs meubles
& vtēcilles de leurs maisons sont dor et dar-
gēt, & autres metaulx. Lhuile est en ce pays
fort precieuse & y est tresrare & sen oingnēt
les roys en lieu dautres vnguētz. Or finy le p-
pos des Indies nous traicterons des Scythes,
cōme estans les plus prouchains des Indiens.

¶ De Scythie & estrange maniere de
viure des Scythes, Chap.ix.



Cythie est vne region septētrio-
nalle, selō lopinion de Herodote
ainsi appellee du nom dūg filz de
Hercules, lequel auoit nom Scy-
tha:ou cōme recite Berosē du nō quelque au-
tre, qui naquist en ce pays, & y fust enfante p
Araxe lancienne fēme de Noe. Les Scythes au
commēcement possedoient bien peu de pays,
toutesfoys en peu de tēps par force et prudēce,
se fōt grādement estēduz, apres auoir mis en
leur obeissāce plusieurs regiōs, tellemēt quilz
ont acquis grād renō, & ēpire. Ceste natiō es-
toit premieremēt mesprisee pour le petit nō-
bre dicelle, & ce arresta au long de la riuierē
Araxes, & si habitua facillemēt, par ce quelle
nestoit aulcunemēt redoubtee. Aduint quelle
eust vng roy belliqueux, et excellēt, par la cō-
duicte duql les Scythes estēdirēt leurs limites

Acroisse-
ment des
Scythes.

& subiuguerent tout le pays môtueux iusques au mont Caucasus, & tout le plat pays iusques a la mer Oceane, & lac meotide, & écores en autres estendues iusques a la riuere de Tanaïs: le lōg de laquelle Scythie sextēd dune merueilleuse longueur iusques en Orient, & est diuisee par le meillieu en deux, & en fait la separation le mont Imaus: tellement quon fait description de deux Scythies, dōt lune est de la le mont Imaus, lautre deca. Les Scythes ne furent oncques mis en obeysance dautre empire. Ilz chasserēt Darius roy de Perse de leur pays: ilz defirent le roy Cyrus & tout son est, Ilz desconfirent aussi le lieutenant de larmee du roy Alexandre, & toute sa compagnie. Ilz ont seulement ouy le renom des batailles Romaines, mais ne les ont experimentees.

Le mont
Imaus se-
pare tou-
te la Scy-
thie.

Ce sont gens endurcys au labour & au fait de guerre, & de grande force de corps. Ilz nestoi-ent le temps passé aucunement separez, par ce quilz ne semployoient a labourer la terre, ne a edifier aucunes maisons, ains estoient vagabondz & errans par lieux champestres & desertz, chassans deuāt eulx quelques troupeaux de moutōs, ou autre bestail: & mettoiēt leurs femmes & enfans dedens des chariotz, & nauoient aucunes loix, ains gardoiēt iustice mutuellement entre eulx, & ne estimoient entre

Description de Lasie

Anciennes
manieres
de viure
des Scy-
thes,

Cruaulte
des Scy-
thes,

eulx aucun plus grief crime que de larrecin,
dautant que tout leur bien estoit tousiours a
descouuert. Ilz n'ont aucun vsage dor ou argēt.
Leur plus vsitee viāde estoit laiēt & miel, ilz
sarmoient contre le froit de peaulx de bestes
sauuaiges. Ilz nauoient aucun vsage de veste-
mens de laine. Et tellement viuoient la plus-
part des Scythes. Toutesfois aucuns dentre
eulx differoient aucunement de ceste manie-
re de viure, par ce que en aucuns endroiētz s'ont
grandemēt separez & eslongnez les vngs des
autres, ce qui causoit quelque particularite en
leur māiere de viure, pquoy apres auoir encōr
quelque peu traicte de leurs cōmunes meurs,
no⁹ traicterōs des pticulieres daucuns dentre
eulx. La pluspart des Scythes prennent plai-
sir a respandre le sang humain. Si le Scythe
prend vng hōme en guerre, il en boit le sang.
Il est tenu de presenter a son roy, les testes de
tous ceulx q' a tuez en guerre: autrement ne p-
ticiperoit & nauroit rien au butin ou pillage
quil auroit fait. Il trenche la teste de celuy q'
a occis en ceste māiere, il la coupe en cerne au
droiēt des oreilles, & separe la peau dauec le
chef, q' luy cōuiēt presenter, & apres q' a icel-
le peau acoustree & paree cōme on fait dune
peau de bocuf, il en fait vne māiere d' seruiet-
te quil il noue a la bride de son cheual, & dau

tant plus que vng Scythe a de telle facon de seruiettes, d'autāt est il pl^r estime. Plusieurs ya q de te telz cuyrs des corps humains se aydent & les coufent ensemble, & en fōt vestemētz. Les autres escorchēt les maīs dextres avec les ongles de ceulx qlz ont tuez en guerre, & en couurēt les trousses ou estuyz de leurs flesches. Les autres escorchēt le corps entier, & en portent la peau estēdue avec bastōs sur leurs cheuaulx. Quant aux testes qlz trēchēt en la maniere que dessus a este dit, ilz les couurēt p de hors de cuyr nō pare, & au regard de ceulx q sont les pl^r riches ilz les couurēt dor p dedēs, & sen seruēt pour boire: & les presentent aux estrāgiers, ceulx dentre eulx q sōt les pl^r apparentz, & leur recitēt cōme se sont les chefz de ceulx qlz ont vaincu en fait de guerre, & estiment ceste maniere de faire estre vng vray acte de pueſſe. Les princes de ce pays cōuiēt chaſcū vne fois lan leurs subiectz a boire du vī, ql presentent dedens vne tace, & ny sont receuz finō ceulx q ont occis quelque ennemy, & nen oseroit taster celuy q nauroit fait aucune pueſſe, aīs luy cōuient se retyrer & se asseoir a pt, & sās que on face de luy cas ou estime, & tournent ce recullement a grant vitupere, a celuy qui a tue plusieurs ennemys, est presente du vin en deux coupes.

Largeſſe
des prin-
ces de Scy-
thie.

Description de Lasie

Idolatrie
des Scy-
thes.

Enfãs des
Scythes
seuffrent
pour le
peche de
leurs pe-
res,

Ilz adorent les creatures qui ensuyuent pour dieux & deesses. Premièrement Vesta, puis Jupiter & la terre, disans la terre estre l'espouse de Jupiter. En apres adorent Apollo, Ven^{us}, Mars & Hercules. Toutes fois ilz ne edifient a aucun dentre eulx autelz ou simulacres, fors que a Mars, auquel ilz sacrifient de cent prisoniers lung: aux autres ilz sacrifient des moutons ou cheuaulx: ilz ne font aucune estime de porcs, & ne les seuffrent viure en leur pays. Ceulx qui par commandement du roy, sont puniz de mort, perdent quant & eulx leur lignee, parce que tous leurs enfans masles sont mis a mort. Les femelles demeurent sauues. Les Scythes voulans faire alliance avec quelques gens que se soit, ont obserue ceste maniere de faire. Ilz mettent du vin dedens vne grande coupe de terre avec lequel il meslent du sang des deputez a faire l'alliance, lesquels se picquent en quelque partie du corps tant quil en sort du sang, En apres ilz trempent dedens ceste coupe leur glaive, fleches, leur hache, & vng dard. Et ce fait ilz font plusieurs imprecations contre ceulx qui voudront enfreindre l'alliance, puis apres boient dedens ceste coupe, non seulement ceulx qui traittent l'alliance, mais aussi ceulx de leur compagnie, qui sont constituez en quelque grande dignite. Les sepulchres de

leurs roix sont en la terre des Scythes, que on appelle par vng particulier nom Gerres, qui habitēt a l'endroit ou la riuierē Boristenes cōmence a porter bastiaux. Si tost que le roy a rendu lesperit ilz font vne grāde fouille en forme quarree, & la dedēs enduyent le corps de cire, luy ouurent le ventre & le nettoient, & puis le rēplyssent de filer & de graine de aniz & de asche, & de pfunctz, & le recousent, puis le mettent dedens vng chariot, & le conduysent en vne des contrees de leur empire, en laquelle on luy fait vne pareille pōpe. Et au regard des Scythes qui accompagnēt le roy en sa vie, ilz se fendent les oreilles, se rougnēt les cheueulx, se incisent leurs braz, & se percēt la main fenestre de leurs flesches. Du secōd lieu ou luy sont faictes funerailles, le corps est mené en vne autre prouince de son empire, en laquelle il est receu, & sont ceulx qui l'ont admené reconduitz iusques au lieu duquel ilz estoient premierement partiz. Et apres l'auoir porté par toutes les cōtrees subiectes a ce royaume, ilz le delaisent a icelle natiō laquelle est la plus loingtaine, & faisant vne des extremitez des terres de leur royaume, & aux sepulchres destinez. Ces derniers peuples, luy font vng liēt dedēs son sepulchre, sur lequel ilz le mettent & fichent alentour de luy plusieurs

Sepulture
& pōpes
funebres
des roys
de Scythie

Description de Lasie

voulges, sur lesquelz ilz font vng tabernacle de bois, par dessus lequel ilz mettent vng poile, & apres quilz ont estranglé dedens le mesme sepulchre, vne des plus cheres concubines vng des seruiteurs de chambre, vng des cuysiniers, vng des seruiteurs de table, vng laquaiz vng eschancó, avec ce vng des cheuaulx du defunct: ilz mettent dedens le sepulchre quelques bouteilles dor, ensemble de toutes fortes de biens prouenans en leurs pays, & telle est la sepulture de leur roy: & lan reuolu ilz prennent tous les seruiteurs du defunct. Et fault entēdre que tous les Scythes qui sont appelez au seruice du roy, sont de franchise condition, & que nul ny est appelle qui soit de seruite condition, de ces seruiteurs icy apres quilz en ont suffoque cinquante, & pareil nombre de excellentz cheuaulx, & leur ont oste les entailles, & apres auoir fait de grandes couuertes a létour du sepulchre du roy, de peaulx assemblees. & icelles tēdues en lair en forme de voulte, ilz arrengeēt les cheuaulx suffoquez & les seruiteurs dessus, & les dressent en telle sorte, que a les veoir de loing on iugeroit que se feroient gens de cheual, & de la garde du roy: telle est la sepulture de leurs roys.

Sepulture
des parti-
culiers.

¶ Les particuliers, ont entre eulx vne autre maniere de sepulture: car aduenāt le deces de

quelcun de entre eulx, les plus prochains parentz, mettēt le corps du trespasse dedens vng chariot, & le pourmenent de maison en maison, chez leurs amys, par lesquelz ilz sont receuz avec bancquetz, ensemble tous ceulx qui les accompaignent. Et apres lauoir mene ca & la, par l'espace de quarante iours entiers.

Ilz l'ensepulturent apres luy auoir vuyde toutes la teste, & plōgee en leaue, & couchent sur le corps trois busches de boys, vis a vis lune de l'autre, au long desquelles ilz attachent des feutres de laine: & assemblent boys & laine plus iustemēt que faire le peuuēt, puis le mettēt au meillieu dicelles busches en vng vaisseau en forme de nasselle, dedens lequel ilz iectent des pierres ayantz vne lueur de feu.

Les hommes de Scythie ne se baignent ne s'uent iamais. Les femmes en se lauāt ont quelque pierre rude, de laquelle ilz se nettoient le corps, & quāt la peau a force destriller leur est enleuee, ilz se couurent & enuelopent dedens du boys de cypres, de cedre & autre arbre duquel prouient l'encēs, & se couurent le visaige de vnguentz. Ceste obseruatiō les rēd de gratieuse odeur, & leur visaige cler & neēt apres q'l se sōt le iour ensuyuant lauees. Ilz ont acoustume de faire leurs sermēs de par le throsne royal & si quelcun se trouue estre pariure par

Maniere
de estuues
des fēmes
de Scythie

Description de Lasie

Massage-
thes.

les diuinateurs, qui en fōt l'expériēce par quel
que verges de saulle. Il est sur le champ mis a
mort, & sont tous ses biens cōfisquezz, & appli-
quez a ceulx qui ont verifie le piure. Les mas-
sagethes, qui sont peuples subiectz aux roix
de Scythie, habitans en Asie, par dela la mer
Caspie, que aucuns appellent mer de Abacuc,
sont du tout en habitz & en viure semblables
aux vrayz Scythes, de ce aduint que aucuns les
ont prins pour Scythes. Ilz sont quasi inuici-
bles, tant sont dextres a la guerre, soit a pied,
ou a cheual. Ilz ont vne maniere despee quilz
appellent Sangaris, ilz portent baudrier a ou-
urage dor: portent semblablement certains a-
ornementz dor, tant sur leurs chefz, que au
droit des aysselles, ilz armēt le deuant de leurs
cheualx darmures dor, & garnissent les bar-
des & frain de leurs cheualx dor. Ilz nōt au-
tres poinctes a leurs demy picques ne a leurs
dardz sinon de cuyure, par ce quilz nont au-
cun vsage de fer ou argent en leurs pays. Cha-
scun dentre eulx se contente dune femme, en
quoy ilz different a tous les autres peuples
de Scythie. Toutesfois & quātes que quelcun
a enuie dauoir compaignie dune femme il at-
tache sa troussē a son chariot, & prēt son plai-
sir sans aucune honte ou craincte destre regar-
de. On ne scauroit iuger iusques a quel temps

ilz peuuent estendre leur vie par le cours de nature: car si tost que lung dentre eulx est deuenu fort vieil, les parens & amys le sacrifiet, & en font routyr la chair, de laquelle ilz mangent, tout ne plus ne moins que d'autre chair: au banquet quilz font en lhonneur de celuy quilz ont mis a mort, & leur semble que ceste mort est la plus heureuse. Ilz ne mägēt ceulx qui sont mortz par maladie, ains les enterrēt, & les reputent estre frustrez dung grant biē: de ce quilz ne sont imolez comme les autres. Ilz ne sement aucuns grains, ilz se nourryssēt de moutons, & de poissons que la riuierē Araxes leur depart largement. Ilz boiuent force laiēt. Entre toutes les creatures que les autres payens adoroiet pour dieux, ceulx icy ne adorent que le Soleil, auquel ilz sacrifient cheualx, comme estant entre les bestes dont ilz fōt nourriture, celle qui passe toutes les autres a la course, d'autant que le Soleil passe tous autres astres en vistesse. Les Seres q̄ sont autres

Massaget
tes mägēt
chairs hu
maines.

Seres.

Description de Lasie

Seres peu
ples de
grāde trās
quillite.

fois vōt en marchādise en ce pays, & passent
seulement la premiere riuere diceluy, au riuā
ge de laquelle ilz trouuent la marchādise des
Seres exposee, de laquelle ilz cōgnoissent & a
percoyuēt le pris par certains indices, sans ce
que pour en cōuenir il soit besoing de parler
ausditz Seres. Il ne sest iamais trouue quen ce
pays hōme ou femme ayent este reprins p iu-
stice cōme larron, ne cōme adultere, tellemēt
que la craincte quilz ont de trāsgresser leurs
loix, surmonte leur naturelle inclination. Ilz
habitent au commencement de la terre, & a
cause de leur chastete & nettete de vie, ilz ne
sōt affligez ne par vermine, ne p gresles ou pe
stilence. Lhōme na cōpaignie de sa femme de
puis quelle est enceinte, ne pēdāt quelle se pur
ge. Ilz ne māgent aucunes chairs de bestes or
des, & ne font aucūs sacrifices, & se iugēt chaf
cun en soymesmes, & viuent selō iustice, par
quoy ne sont chastiez de plaies qui nous sont
enuoyees pour noz pechez, tellemēt que apres
auoir longuement vescu sans aucune maladie
finablement par extremite de vieillesse finis
sent leur vie. Les Tauroscythes, qui sont ain
si appelez au moyen du mōt Taurus, le long
duquel ilz habitēt, sacrifēt a la vierge Iphige
nie tous ceulx quilz trouuent perilz en la mer
& tous les Grecz qui abordent a leur port, &

font ce sacrifice en ceste maniere, apres auoir
faict quelques prieres, ilz dōnent vng coup de
masse sur le chef de celuy quilz veullēt sacri
fier, precipitent le reste du corps du hault dūg
rocher iusques en bas: car leur temple est situe
au hault dung rocher. ilz fichent la teste cōtre
vne croix. Aucuns sont bien daccord de ce
que ilz ont coustume de ficher la teste a v
ne croix, mais nyent que ilz precipitent ou
iectent du hault en bas du rocher le reste du
corps, ains dyent q̄ les Tauroscythes lenterreēt
Lidole ou maling esperit auquel ilz fōt ce sa
crifice, cōe ilz dyent est Iphigenia fille du roy
Agamennō. Silz prēnēt quelque ennemy, ilz
luy trenchēt la teste, & la portent en leur mai
son & la mettent au pl^o hault lieu, mesme biē
souuent sur leur cheminee, & les mettēt en ce
hault lieu p̄ ce quilz estimēt que cela leur sert
pour la garde de la maison. Ilz ne viuent que
de proye & butin de guerre. Au contraire les
Agathyr̄ses sōt gēs fort ppres & pl^o humains
& portēt aornemēs dor, & ont cōpagnie avec
les fēmes, sās que aucune soit pl^o pticuliere a
lūg que a lautre, a celle fin que to^o se reputent
freres & alliez les vngs des autres, & ne susci
tent aucunes enuyes ou factions les vngs con
tre les autres, & au reste approachēt a la facon
& maniere de viure des Thraces.

Diuerses
opinions
touchāt le
sacrifice
des tauro
scythes.

Iphigenia
fille du
Roy Aga
mēnō de
laquelle
Euripides
a fait tra
gœdie, &
de Iphige
nia est fai
cte mētiō
par home
re & au
tres qui ōt
escript de
la guerre
de Troye

Agathir
ses piēti
que Aga
thirsi dict
le poete.

Neuriens

Description de Lasie

Antropo
phages
Scythes vi
uans de
chairs hu
maines.

Budins.

Les Neuriens sōt vrays Scythes en meurs, ilz furent leste precedēt la bataille contre le roy Dari⁹ cōtrainctz laisser leur terre a cause des serpentz qui sengendrèrent en ceste saison la en leur pays. Ilz se psuadent & osent affermer par leur fermēt, que par aucūs iours en lan ilz sōt trāsmuez en loups, & peu apres retournēt a leur premiere forme. Les Antropophages, cestadire ceulx de Scythie, lesquelz viuent de chairs humaines, ont les pl⁹ estranges manieres de viure que to⁹ les autres. Ilz ne sont subiectz a aucunes loix, & saddōnent a nourryr bestail, & portent leur vestemēt a la mode de Scythie, toutesfois nen parlēt le lāgaige, ains ont differente parolle. Les Melāchleniēs ont tous habit noir, & a ceste cause sont appelez Melanchleni, & nya que eulx qui soient subiectz aux loix, & facon de faire de Scythie q ayent coustume de viure ordinairement de chair humaine. Vne autre maniere de gēs ya en Scythie quon appelle Budins, qui sont en grāt nōbre & sont fort roux, & ont les yeulx de la couleur du ciel, & ont ville capitalle en leur pays quō appelle Gelone. Ilz font des sacrifices de trois ās en trois ans au dieu Bacch⁹ & celebrēt les Bacchanales, les Galoniens sōt descenduz dune cōpagnie de Grecz q furent chassez de leurs pays, & se habituerēt en ceste

terre, tellemēt que leur lāgaige aujourdhuyp
 ticipie de la lāgue grecque & de la Scythique.
 Toutesfois les habitāns de Gelone sont diffé-
 rentz en maniere de viure aux autres Budins
 Les Budins ont prins origine en ce pays, ptāt
 en tiēnēt en ce qlz saddōnent a nourrir du be-
 stail & māgent des poulx. Les Geloniēs au cō-
 traire saddōnēt a labourer les terres, au moy-
 en dequoy viuent de froment & sappliquent
 a faire iardinages, tellement quil nya aucune
 semblance entre eulx & les Budins soit en re-
 gard, ou en forme de visage, toute leur region
 est abundante en arbres. Ilz prennent dedens
 vng grāt lac qui est ē ce pays des loutres, bieu-
 res, ou Castors & autres bestes, des peaulx des-
 quelles ilz font hocquetons, & sen couurent
 Les Lyrces viuent de ce que ilz prennēt a la
 chasse, leur maniere de chasser est telle, ilz mō-
 tent es arbres dont le pays est plain, & espyēt
 les bestes sauuaiges ayās au pied de l'arbre leur
 chien & cheual duyt a se coucher sur le vêtre
 pour pl⁹ subitemēt mōter dessus si tost que lūg
 dentre eulx a appceu de l'arbre vne beste sau-
 uaige, & luy a dōne vng coup de flesche, soub-
 dain descend & puis mōte sur son cheual & la
 poursuyt avec son chien. Les Argyppees viuent
 aux piedz d' treshaultes mōtagnes, & sōt chau-
 ues de nature tāt masles que femelles, & ōt le

Lyrces
 peuples de
 Scythie.

Argyp-
 pees.

Description de Lasie

nez camuz & lōg mentō, & ōt vne voix différente a toutes voix humaines. Ilz sont vestuz a la mode Scythique, & vivent de fruiēt, & ne font aucunes nourrytures, au moyen dequoy en ont bien peu en ce pays en tēps dyuer. Ilz couchent to^r soubz les arbres lesquelz ilz couurēt dune couuerture blāche, & en tēps deste les descouurēt. Les autres natiōs ne leur nuyent en acune maniere, & sōt reputez cōme sacrez & sanctifiez, & ne tiēnent aucune chose des armes. Qui pl^o est ilz mettēt fin aux differrentz de leurs voyfins. Et celuy q se fuyt, & se retyre deuers eulx nest offense de psonne.

Les Issedoines ont ceste facō de faire, que quāt
Issedoinet le pere de quelcū est decede, to^r les prouchais parens se assemblēt & amenēt des moutōs & les tuent & en font sacrifices, & apres les auoir mis en pieces, ilz mettent pareillemēt le corps du trespasse en pieces, & le meslent avec les autres chairs, & en sont seruiz & festoyez p le filz du trespasse, p lequel ilz sont cōuiez a ce banquet. Et au regard du chef du trespasse, ilz en enleuent la peau & le nettoient, puis lenchassent en or, & en vsent en lieu dūg image & luy celebrent tous les ans certaius sacrifices & cerimonies, & ainsi fait le pere au filz, & le filz au pere: tout ainsi que les grecz celebrent le iour de la natiuite de leurs pdecesseurs.

Telle a este le tēps passé la maniere de viure des Scythes lesquelz depuis ont este vaincuz p les Tartares, desquelz ilz ont aprins la maniere de viure, & retenu le nom des Tartares.

¶ De tartarie & du gouuernement & puissance des Tartares.

Chapitre x.

Tartarie est autremēt appelée Mōgal cōme descript Vicent lhistorial. Elle est situee en celle ptie de la terre en laquelle Oriēt se cōioiēt avec Septentriō. Elle estoit le tēps passé vers Oriēt cōfine aux Cathéans & Solāges. Deuers Occidēt aux Naymās Deuers le Midy aux farrazins, & vers Septentriō a la mer Oceane. Et est appelée Tartarie au moyē dūe riuiera laquelle trauese ce pays quō appelle Tartar. Cest vng pays fort montueux, & encor ou il ya plat pais la terre ē glaire & sablōneuse, & nestoit quelle est en quelques endroiētz arrousee de riuieres, dōt ya bien peu en ce pais, elle seroit toute sterile, pour ceste cause elle est fort deserte & inhabitee, & nya en ce pays villes ne bourgades, fors vne quō appelle Cracuris, & ya si grāde faulte de boys qlz sōt cōtrainētz faire feu de fiant de beufz: & de tel feu faire cuyre leur viāde. L'air & ciel y est merueilleusemēt intempere, & y sont les tōnoirres & fouldres si horribles en este, que les hommes en meurent de frayeur.

Scythes vaincuz par les tartares sont au iourdhuy compris sous le nō des Tartares.

Tartarie pourquoy ainsi appelée.

Cracuris ville de Tartarie.

Description de Lasie.

Tartarie
pays inté
pere & de
vng air &
ciel incon
stant.

La chaleur y estât en vigueur en vng instant les froidures viennent, & si grande abondance de neiges, & si grâtz vêtz, que les gēs de cheual sont cōtrainctz sarrester, & que les hōmes de pied en sont abbatuz a terre, les arbres desracinnez, & plusieurs autres dōmages faiçtz aux habitās de ce pays. En yuer il ny pleūt ia mais, en este souuentes fois: mais cest a si petite q̄rite deaue, que a grāt peine la terre en deuient moiçte. Ce pays est merueilleusement abūdant en chameaulx, boeufz & autres bestes Il ya si grāde multitude de bestes cheualines, que a peine ē ya il autāt ē tout le reste du mōde. Il y auoit au cōmēcemēt quatre natiōs q̄ y habitoiēt. La p̄miere estoit appelle Iecchamōgal, q̄ vault a dire cōe le grāt peuple mōgal, l'autre estoit dict Sumongal, cest adire le peuple Mōgal habitēt le lōg des eaues, & ceulx cy au moyen du fleue Tartar le lōg duquel ilz habitoiēt, sappelloiēt Tartares des ce tēps la. La troisieme sappelloit Merchat, la q̄rte Metrit Tous auoiēt vne mesme stature de corps, & mesme lāgage. Ilz estoient au cōmēcemēt fort sauuages, sans aucūes loix ou institutiō de vie & nourrisent bestail, sans aucun renom entre les peuples cōprins dessoubz Scythie, & faisoient certain tribut aux nations voyśines, toutesfois peu a peu, ilz se sont multipliez en si

grand nombre, quilz se sont diuisez en plusieurs bendes, & estoit chascune bende gouvernee par vng certain chef de guerre, tellement que tous estoient gouvernez par ducz, ou chefs de guerre, paioient neanmoins tribut aux Naimans peuples a eulx prouchains voyfins: iusques a ce que Canguista par reuelatiō de quel que oracle, auroit este par eulx esleu & accepté a roy: lequel incontinent quil eust le gouuernement de tout, abolist en premier lieu toute adoration & honneur quilz auoient acoustume faire aux esperitz malings: & commanda par son ordonnance que tous eussent a adorer linfiniement bon, & grand seul Dieu, par la prouidēce duquel ilz voulut quon estimast quil auoit este esleu roy. Feist puis apres vne aultre ordonnāce, par laquelle tous ceulx qui pouuoient porter armes fussent prestz ou seroit le roy a vng certain iour, auquel ilz se presenteroient deuant leur roy, et lors ordōna toute son armee en dixiniers, qui estoient subiectz au centeniers, & centeniers subiectz aux capitaines de mil hōmes, & les capitaines de mil, aux capitaines de dix mil. Ce faict pour experimenter lauctorite quil auoit sur son peuple, il commanda que les enfans des sept gouuerneurs qui auoient auant son regne la superintendēce (comme auons dict cy dessus) fus-

Canguista le premier roy des Tartares.

Loix de Canguista.

Description de Lasie

Conque-
stes faictes
par Can-
guista.

Le roy de
Tartarie
se dict em-
pereur de
Lorient.

Tartares
difformes.

sent tuez de la main de leurs peres: & fust son commandement execute, non obstant quil fust cruel, et inhumain. Et ce tāt pour la crainte que lessuidictz gouverneurs auoient de irriter le peuple, que de paour doffencer Dieu, par ce que tous croioient que la bonte diuine auoit inspire ce nouueau regne: tant que les desobeyssans a leur roy eussēt este reputez desobeyssans a Dieu. Canguista doncques se cōfiant en ceste authorite, subiugua en premier lieu les Scythes ses voyfins. Et passant oultre, batailla dung si grand heur, & felicitē contre les nations estranges, depuis le pays de Scythie, iusques en Orient, & depuis Orient, iusques a la mer Mediterranee, et encores au dela quil mist toutes natiōs, peuples, & royaulmes en son obeyssance: tellement que nō sans cause auiourdhuy le roy des Tartares sattribue en ces escriptz tiltre dēpereur de Lorient. Les Tartares sont difformes par dessus toutes aultres gens, & ont le corps le plus communēmēt de petite stature, ayātz groz yeulx, et enleuez hors de teste, tous cachez de leurs paupieres, tellement qlz les ont bien peu ouuertz. Ilz ont leurs visages larges & sans barbe, fors seullemēt vng peu de poil quilz ōt en la leure de dessus, & au menton, & sont gresles par le corps. Ilz ōt leurs testes raises p dessus depuis

vng oreille en lautre en tirant sur le front, & portent cheueulx au reste de la teste: desquelz ilz font deulx cordes cōme les fēmes de ce pays, & les lient chascune derriere les oreilles, & sōt rez en ceste sorte, nō seullemēt les Tartares, aīs toutes gēs habitās en leur pays. Quāt a eulx ilz sōt dextres et legiers, bōs gēs d'armes a cheual, mal dextres a pied. Ilz sont tous mōtez, mesmes les gēs dētre eulx de moindre cōdition, & deussēt ilz estre mōtez sur boeufz, soiēt hōmes ou fēmes. Ilz vsēt d' cheuaulx ongres. Ilz ērichissēt les mortz de leurs cheuaulx dor, d'argēt, & de pierreries. Et estimēt que ce soit vne chose magnifique de mettre aux colz de leurs cheuaulx petites clochettes. Ilz ont vne parolle fort rude, & de grand bruiēt, & vng chant ressemblant a vles des loups.

Ilz choquent leurs testes en beuent, & boient fort souuent, & iusques a en deuenir yures, & tournent yurongnerie a hōneur. Ilz ne habitent en villes ne bourgades, ains a la mode des anciens Scythes habitent dedens pa-uillōs, & tentes, par ce que tous sont pasteurs, ou la pluspart. En yuer ilz se tiennent es platx pays, & en este ilz charchent es montaignes les pays les meilleurs a pasturages: & y habitent. Ilz font leurs habitacles & demourances en façon de tentes, ou douziers, ou de

Tartares
grans beu-
ueurs.

Description de Lasie

Recreati
on des
Tartares.

Lidola-
trie des
Tartares.

menuiserie, & font au meillieu vne fenestre pour auoir clarte, & pour faire yssir la fumee. Ilz font leur feu au meillieu de la maison, a le tour duquel sont arrangez leurs femmes, & enfans. Les hommes prennent plaisir a la lucte, & a la chasse, et y sont fort duietz. Ilz sont armez de toutes pieces quant ilz veulent chasser. Si tost quilz voient vne beste saulage, ilz lenuironnent, & abbatent de flesches. Ilz n'ont vfaige de pain ne de farine, & nont aucunes nappes, ne seruiettes. Ilz croient en vng seul dieu facteur, & ceateur de toutes choses tant visibles, que inuisibles toutesfois nont aucunes cerimonies, ou manieres de ladorer, ains adorēt quelques ymages faictes a ouurage de foye, ayant forme humaine quilz tendent des deux costez de leurs pauillons, ausquelles ilz prient quilz soient gardes de leurs bestail, & font a iceulx ymages maint honneur, & reuerence. En premier lieu ilz leur font presens de laiēt de toutes leurs bestes, & leur fōt part de tout ce quilz doibuent boire, ou manger, de toutes bestes quilz tuent, ilz en mettent le cuer dedens vng gobelet, & le laissent dedens vne nuit entiere, le font cuire & le mangēt. Ilz adorent pareillement le Soleil, & luy font sacrifices, semblablement a la lune, et aux quatre elementz. Ilz adorent aussi tressainctement

leur Roy Cham quilz estiment estre filz de Dieu, & en font si grande estime, quilz nestiment aucun roy en ce mōde plus digne que luy de ce nom de roy. Ce peuple avec ce, faict si peu de conte des autres hōmes quilz les reculent, & chassent tous dentre eulx, & estimēt quilz passent to⁹ les autres en bōte, & prudence. Ilz saddonent a enchantemens & interpretatiōs de songes, pour lesquelz interpreter ilz ont entre eulx des diuineurs, lesquelz fōt semblant den entēdre la verite par les Idoles, par la bouche desquelz ilz pensent que Dieu parle a eulx, parquoy ne font rien sans le conseil des oracles, ou responce dessudictz enchanteurs. Ilz obseruent les temps & lunes, toutefois nobseruēt vng iour plus curieusement que lautre ne plus reueremmēt. Ilz sont si auares, & si tenans, que si aucung de eulx sapperoit de quelque chose dont ilz aye enuie, sil ne la peult auoir du bon gre de celluy auquel la chose appartient il la luy oste: sinon qui soit de leur nation, disans que cela leur est loysible par les ordonnances de leurs roys Chaam, & Canguista: par lesquelles est pmis a tous Tartares, ou seruiteurs de Tartares trouuans en leur chemin homme, ou femme non ayant sauf conduict de leur roy, de le pouuoir vendiquer, & le retenir & lappliquer a son vsage,

Reuerēce
& hōneur
que les
Tartares
portent a
leur roy.

Tartares
auarici-
eulx &
couuo-
yeux,

Description de Lasie

Tartares
vsuriers.

Tartares
sales.

Cruaulte
des tarta-
res.

comme chose a luy appartenant. Ilz prestent argent a tous qui en ont affaire, & ce soubz grosse & intolerable vsure, prenans de dix deniers vng de prouffit pour le moys et encores multiplient vsure sur vsure. Ilz chargent tant de tribuz, & de exactiōs sur les peuples a eulx subgectz, quilz nest memoire que aucuns en ayent impose de si grandz: tousiours couuoient quelque chose de lautrui, & iamais nen font recompense. Ilz donnent aucune aulmosne neātmoins, & en ce sont reputez liberaulx qui ne chassent les suruenās pēdant quilz sont a boire & māger, ains les inuitent, & leur de partēt de leurs biēs. Leur māger est tressalle, quāt ny auroit que ce poīt quilz māgent sans nappes, & seruiettes: & si ne lauēt iamais leurs mains, & ne se nettoiet iamais leurs corps, ou vestemēs, & ne māgēt, & ne font iamais pain & ne vsēt de herbes, ne autres especes de graīs ne de poix, ou febues, ains vsent seullemēt en leur māger de chairs de toutes bestes, mesmes de chiēs, chatz, cheuaulx, & groz ratz. Et pour manifester leur cruaulte a vng chascun, & le desir de veger: Ilz routissent quelques foys les corps des enemyz par eulx pris en guerre, & apres qlz se sōt assemblez en grād nōbre pour en māger, ilz les despecēt avec les dētz, & les māgēt, et auparauēt boiuēt le sang qlz en ont

recueilly dedès des tasses. Ilz vsēt en leurs autres breuuaiges de laiēt de iumēt. Il ne croist poinēt de vin en leur pays, ains en boyuēt par grād ēuie cōme toutes autres natiōs, mesmes de celluy quon ameine, en ce pays des autres regiōs. Ilz se māgēt les poulx de la teste & autres pties du corps, les vngs aux autres, & sen tredisent aīsi feray a noz ēnemyz. Ilz estimēt estre vng grand peche si on laisse pdre q̄lque chose de leur boire, ou māger, pquoy ne gettēt les os des chairs p eulx māgees aux chiēs, plus tost q̄lz en ayēt oste la moile. Ilz ne māgēt ia mais aucune beste tāt sōt auares, q̄lle ne soit empiree p quelque mutilatiō de mēbre, ou p vieillesse, ou autre lāgueur. Ilz viuēt de peu, le mati ilz boiuēt vng ou deux gobeletz de lait, et le reste du iour biē souuēt ne boiuent, & ne māgēt autre chose. Les hōmes, et fēmes en ce pays sōt quasi habillez dūg mesme habit, fors que les hōmes couurēt leurs chefz de mitres biē peu pfūdes, plates pdeuāt, & pderriere ayans queue de la longueur de la paulme de la main, et de peille largeur: et acelle fin q̄lle ne sorte de la teste pour q̄lque vēt q̄l face, il consent audroiēt des oreilles quelques bandeaux passant pdesloubz le mētō, et en ce moyē demeurēt leursdictes mitres. Les fēmes ōt vng atour en forme dūg panier dūg pied de long,

Tartares
viuent de
peu.

Habit
des Tar-
tates.

Description de Lasie

ayant le hault bout plat & mouffe, ne plus ne moins que vng fons de vaisseau, tout couuert de soye de diuerses couleurs, ou de plumes de pan & enrichy dor, & de pierreries : & auegard du reste du corps, ilz sont habillez tant hommes que femmes selon leur portee, & richesses les plus riches de soye, & de pourpre. Leurs hocquetôs se ouurent par le coste fenestre, & par ce coste se vestêt, & se despouillêt, & se ferment par quatre ou cint boutôs: leurs vestemens deste communement sont noirs, & leurs vestemens de lyuer, et temps de pluie blancs : & ne leur tumbent leurs habitz plus bas que les genoulx. Aulx vestemēs de peaulx dont ilz vsent la plus part ne mettent le poil par dedens, comme nous faisons en noz fourreures, ains mettent le cuir par dedens & le poil par dehors, affin que leur habit soit trouue plus beau. Les filles nō mariees ne sont differentes en habit aux femmes, ne lhabit des femmes different si non en bien peu de lhabit des hommes, mesmes les filles & femmes de ce pays ont vng vray port, & cōtenance dhōmes: & vsent toutes de haultz de chausses.

Armeures
des Tar-
tares,

Quant ilz vont en guerre aucuns sarmēt le braz (quilz ôt coustumieremēt nud) de pieces de fer attachees a courraies, les vnes aux autres, aucuns armēt leurs braz de cuir en dou-

ble, & sen courent pareillement la teste. Ilz ne saydent aucunement de pauoys, & encores en y a bien peu qui saydent de lances, ne d'autres bastons longs. Ilz saydent despees longues de la lōgueur du braz, courbes dung costē & croches, a celle fin quilz en puisset nuyre tant auz ennemyz qui se presentent deuāt eulx, que contre ceulx qui les assaillent en costoyant. Ilz sont bons gensdarmes a cheual et fort dextres a tirer de larc. Et est celluy dentre eulx repute le plus vaillant qui oberist son gneusement a ce que son capitaine luy commande. Ilz bataillent sans estre stipendiez, & sont merueilleusement ingenieux en faict de guerre, ou a mettre quelque entreprinse a execution. Les chefs de larmee nentrent en bataille, ains se tiennent loing des coups & sescrient & donnent couraige, a leurs gens, & prennent diligemment garde a tout, ilz mēnent leur femmes, & enfans & quelques foys des fātōsmes quilz attachēt sur des cheuaulx, & les mēnent en leur ost, a celle fin de plus espouenter leurs ennemys, & leur faire plus grand monstre. Et nest leur maniere de fouir (quant il leur est besoing & vtile, ou necessaire de prendre la fuitte) honteuse, en aucune maniere. Quant ilz veulent tirer de larc ilz ostēt leurs armeures de leurs braz, et en a-

Tartares
quant est
besoing
de four
fuyent en
bō ordre.

m.j.

Description de Lasie

pres tirēt flesches de si grande puissance, quil
ny a si puissante armeure quilz ne percent.
Ilz donnent la bataille par bendes, se retirent
aussi en troupe, & ce pendant ne delaissent a
naurer grandemēt les ennemys qui les pour
suiuent, tant que quelques fois les reduisent a
petit nombre, et ce fait se presentent a eulx, et
bien souuent obtiennent la victoire en lin-
stant quon les pense auoir vaincuz. Quāt ilz
enuahissent aucūz pays, il se diuisent en plusi-
eurs armees, & lenuironnent de toutes pars,
a celle fin que on ne leur puisse resister en to⁹
endroitz, & que nul ne leur puisse eschapper.
En ceste sorte ont souuentefois victoire, de-
laquelle ilz vsent dune grande fierte, par ce
quilz ne espargnēt aucun, ains tuent tous ieu-
nes, & vieulx, hommes, & femmes, les manou-
uriers seullement exceptez, lesquels ilz reser-
uent pour besongner de leur mestier.

Tartares
ne tuent
manouuri-
ers ou ar-
tisans pris
en guerre.

Ilz departent par centeines les captifz pour
les tuer & occire. Et a vng chascung de leur
serfz en baillent dix ou moins, selon le nom-
bre de leurs prisonniers. Et apres les auoir to⁹
mis a mort comme pourceaux ou la plus grā
de partie de chascun millier lun est par eulx
pendu par les piedz & a vng poteau au meil-
leu des occiz, & lattachent en telle sorte quilz
semble qui veullent parler avec ses compai-

gnons comme si leur faisoit remonstrances. Aucuns diceulx Tartares apres auoir faiçt grād tuerie fussent les playes toutes freisches, & se remplissent du sang qui en yssit. Ilz ne gardent iamais leur foy a quelque homme que se soit, & qui plus est exercent la cruaulte dessusdicte, & encores plus grande enuers ceulx qui se rendent a eulx. Ilz forcent les ieunes femmes selon qui les trouuent, & emmenent les plus belles, & les contraignent de seruir en vne extreme necessite. Et sont tresimpudiques car combien quilz ayent autant de femmes quilz en veulent, & quilz en peuuent entretenir, & que nul degre de consanguinite nempesche leur mariage, si ce nest entre la mere, la fille ou la seur. Toutefois il s'ot Tartares Sodomites. Si ilz prennent vne femme en mariage, ilz ne la tiennent pour femme & nen prennent aucun dot sinõ & iusques a ce quelle luy ayt apporte vng enfāt, parquoy ilz peuuent repudier vne sterile, & en prendre vne autre en son lieu et a leur appetit.

Desloy-
aulte des
Tartares.

Tartares
Sodomites.

Et est vne chose digne de grande admiration que combien que plusieurs soient a vng mesme mary, toutefois elles nont ne noyses ne debatz entre elles, combien que tousiours en y ait vne plus estimee, & plus aymee que ne sont toutes les autres.

m.ij.

Description de Lasse

Adulteres
puniz de
mort.

Supersti-
tio des tar-
tares,

Elles ont chascune leur lieu apart en la mai-
son, & chascune sa compaignie, & enfans a-
part, & gardent songneusement leurs loix de
mariage, car sy hōme ou femme est trouue en
adultere, ilz sont puniz de mort par la loy. Si
le pays est sans guerre, les hommes s'addon-
nent aux nourritures de bestail, et sexercent a
la chasse, & a la lucte sās autre chose faire, ilz
donnent la charge de tout ce qui reste a faire
a leurs femmes, comme de donner ordre aux
viures & habillemens. Ceste nation est mer-
ueilleusement superstitieuse, ilz reputent vng
grand forfait, & scādale de mettre vng couf-
teau dedens le feu, ou de len attoucher, ou de
tirer la chair du pot avec vng cousteau. Ilz ne
coupent de congee, ou autre semblable ferre-
ment aucune chose pres du feu, de paour de
le violer en aucune maniere, par ce quilz re-
uerent fort le feu, & estiment que toutes cho-
ses se doibuent purifier par feu, ilz se gardent
songneusement de sappuyer sur leur fouetz
desquelz ilz touchent leurs cheuaulx, au lieu
de se seruir desperons, & encores font grand
scrupule de toucher leurs fleches de leur fou-
et. Ilz ne font aucun dōmaige aux ieunes oy-
seaulx, & ne touchent leurs cheuaulx de la
bride, ne cassent vng os dung autre os. Ilz ne
gapillent iamaiz leur manger, ne leur breu-

uage, mesme si cest du laiçt, nul ne faiçt son
 eaue es lieux ou ilz se peuuent assembler, & si
 quelquun par arrogance la y faisoit, il estoit
 occiz infalliblement. Et quant ilz sont con-
 trainçtz de faire leur necessitez, il fault quilz
 purgent le pauillon, ou tãte ou ilz ont este, en-
 semble toutes choses contenues dedens icelle
 tente, & ce faiçt ladicte purgatiõ en telle ma-
 niere, ilz font deux feuz distans lung de lau-
 tre de trois pas, entre lesquels ilz fichent en
 terre & pres de chascun des deux feux, deux
 voulges, au hault desquelz ilz attachèt vne pe-
 tite corde toute couuerte dherbe de senegre,
 & font passer entre les deux voulges comme
 dessoubz vne porte toutes choses quil veullèt
 purifier. Et y a deux femmes chascune a vng
 bout, lesquelles iectent de leaue par dessus &
 murmurent quelques motz de charmerie.

Maniere
 de purifi-
 er des ob-
 seruee par
 les Tarta-
 res.

Iamais vng estranger, de quelque condition
 quil soit ne se presente deuãt leur roy, qui ne
 soit premierement passe par ceste purgation,
 quelques grands & pressifz affaires quil ayèt.
 Celluy qui hurte du pied a la marche de lhu-
 ys de la tante, ou pauillon ou est le roy, ou de
 quelque grand duc, il est mis incontinent a
 mort. Dauantaige si quelquung a mis en sa
 bouche quelque morceau de viande quil ne
 puisse aualler, ou quil soit contrainçt de vo-

m. iij.

Description de Lasie

mir. Ilz s'assemblent soudain vng grand nombre & font vne fouffe soubz la place, dedès laquelle ilz iettent celluy qui auroit fait tel vomissement, & le tuent trescruellement.

Il y a encores autres actes, quilz estiment estre pechez irremissibles, & touteffois ilz font bien peu de compte de tuer vng homme, enuahir les terres d'autrui, raurir & emporter biens, & generalmente ne font aucun compte des commandemens de Dieu.

Tartares
esperent
vng secōd
monde &
vne secon
de vie.

Ilz estiment que apres leur vie, ilz yront en vng autre monde (lequel ne scauent touteffois descripre, ne determiner) & en iceluy esperent yceulx auoir le loz, & la remuneratiō de bonnes oeures quilz estiment faire en cestuicy. Quant aucun dentre eulx cōmence a se trouuer malade, et approcher de la mort, ilz fichent vng voulge au deuant du tabernacle ou il gist, affin que les passans soient admonestez de ne y entrer, car ce signe leur signifie ceste defence.

Et apres que aucun est mort toute sa lignee, femmes, & serfz s'assemblent & portēt le tref passe bien secretement en quelque lieu hors leurs tentes, & apres auoir fait vne fouffe assez longue, & assez large, dedès icelle ilz font vng pauillon, & audit pauillon apprestent vne table bien garnie de viandes, pres de laquelle

le corps du deffunct est par eulx assis & vestu de ses plus precieux habillemens, & apres la- uoir mis en telle sorte le couurent tout de ter- re, & comblēt la fousse apres auoir enterre a- uec le deffunct son cheual de chariot, & son cheual de guerre, tout enharnasche. Les plus riches eslisent vng de leurs seruiteurs durant leur vie, auquel font vne marque de quelque fer chault a celle fin que apres sa mort on le leur choisisse pour lenterrer avec luy, & qui le puisse recongnoiste pour sen seruir en lau- tre mōde, ou ilz sattent a aller apres sa mort. En apres les amys du deffunct prennent en- cores vng autre cheual, & le tuent, & en man- gent la chair, & remplissent la peau de foing, & la cousent, puis apres lenleuent sur quatre pilliers dessus le sepulchre du deffunct, & en memoire de luy: les femmes en bruslēt les os pour la satisfaction de lame du deffunct.

Les plus opulenz de ce pays font autrement de la peau du cheual, car ilz la coupent, & en font vne lōgue & fort menue ceinture, de la- quelle ilz environnēt tāt quilz peuuent de ter- re a lentour du sepulchre et disent que le de- funct aura autant de terre en lautre monde que leur ceinture en peult environner.

Et finissent leur dueil couroux & funerailles au trēteiesme iour apres la mort du deffunct.

m.iiij.

Sepulture
des Tarta
res.

Description de Lasie

mir. Ilz s'assemblent soudain vng grand nombre & font vne fouille soubz la place, dedès laquelle ilz iettent celluy qui auroit fait tel vomissement, & le tuent trescruellement.

Il y a encores autres actes, quilz estiment estre pechez irremissibles, & touteffois ilz font bien peu de compte de tuer vng homme, enuahir les terres d'autrui, raurir & emporter biens, & generalmente ne font aucun compte des commandemens de Dieu.

Tartares
esperent
vng secōd
monde &
vne secon
de vie.

Ilz estiment que apres leur vie, ilz yront en vng autre monde (lequel ne scauent touteffois descripre, ne determiner) & en iceluy esperent yceulx auoir le loz, & la remuneration de bonnes oeuvres quilz estiment faire en cestuicy. Quant aucun dentre eulx cōmence a se trouuer malade, et approcher de la mort, ilz fichent vng voulgé au deuant du tabernacle ou il gist, affin que les passans soient admonestez de ne y entrer, car ce signe leur signifie ceste defence.

Et apres que aucun est mort toute sa lignee, femmes, & serfz s'assemblent & portēt le tref passe bien secretement en quelque lieu hors leurs tentes, & apres auoir fait vne fouille assez longue, & assez large, dedès icelle ilz font vng pauillon, & audit pauillon apprestent vne table bien garnie de viandes, pres de laquelle

le corps du deffunct est par eulx assis & vestu de ses plus precieux habillemens, & apres la- uoir mis en telle sorte le couurent tout de ter re, & comblēt la fousse apres auoir enterre a- uec le deffunct son cheual de chariot, & son cheual de guerre, tout enharnasche. Les plus riches eslisent vng de leurs seruiteurs durant leur vie, auquel font vne marque de quelque fer chault a celle fin que apres sa mort on le leur choisisse pour lenterrer avec luy, & qui le puisse recongnoiste pour sen seruir en lau- tre mōde, ou ilz sattent a aller apres sa mort. En apres les amys du deffunct prennent en- cores vng autre cheual, & le tuent, & en man- gent la chair, & remplissent la peau de foing, & la cousent, puis apres lenleuent sur quatre pilliers dessus le sepulchre du deffunct, & en memoire de luy: les femmes en bruslēt les os pour la satisfaction de lame du deffunct. Les plus opulentz de ce pays font autrement de la peau du cheual, car ilz la coupent, & en font vne lōgue & fort menue ceinture, de la- quelle ilz enuironnēt tāt quilz peuuent de ter re a lentour du sepulchre et disent que le def- funct aura autant de terre en lautre monde que leur ceinture en peult enuironner. Et finissent leur dueil couroux & funerailles au trēteiesme iour apres la mort du deffunct.

Sepulture
des Tarta
res.

m.iiij.

Description de Lasie.

Aucuns Tartares se disent Chrestiens, & neantmoins sont de tresmauuaise vie & conuersatiō, & engressent leurs Peres & Meres, quāt ilz sont venuz sur leur vieil aage, & ce a celle fin de les faire plustost mourir: & apres quilz sont mortz, ilz les bruslent, & en amassent songneusement les cendres, lesquelles ilz gardent comme quelque chose precieuse, & de celles saupouldrent par vng chascun iour leur chairs, & viandes.

Pompes
des Tartares
au coronemēt
de leur
Prince.

Et par ce que ce seroit vne chose ennuyeuse, & fascheuse de descrire au long la pompe, triumphe & solennite que les Tartares gardent & obseruent quant il est question de coronner vng nouveau roy: ie le redigeray en peu de parolles.

Tous les Princes Ducz & Barons, & tout le peuple de ce pays s'assemblent en vng certain lieu, en plain champ, & a ce dedie, & la mettent en vng trosne dor celluy auquel est escheue la coronne, ou par succession, ou par election, & se prosternent & presentent deuant luy, sescrians tous a haulte voix, & disent telles ou semblables parolles. Nous te priōs, vou-lōs, et te cōmādon, q̄ tu domines sur nous. Et il respōd. si ainsi le voulez, il est necessaire que soyiez prestz de faire tout ce que ie commanderay, de venir quāt ie vous appelleray daller

ou ie vous enuoieray. De mettre sans difficul
te a mort, celuy que ie commanderay estre oc
cis, & mettre tout le gouuernement du roya
me entre noz mains, & de vous en fier a nous
Après quilz ont respondu que ainsi le veullēt
il leur dit. Partant doncques la parolle de ma
bouche, ce sera doresnauant mon glaue. A
quoy tous donnent faueur & consentement.
Ce fait les princes le prennent dedēs son tros
ne, & le font asseoir fort bas en terre, sur vng
drap, & vsent enuers luy de telles remonstrā
ces. Regarde en hault, & recongnois dieu, re
garde pareillement le siege de tes piedz, si tu
administres bien, tu auras toutes choses a sou
hait, & si tu ē fais mal tō deuoir, tu seras si hu
milie, & desnue de tous biens, que mesmes ce
que tu as soubz tes piedz ne te demourera. Ce
ste remonstrance faicte ilz mettēt au pres de
luy sa plus chere femme, & les esleuent tous
deux, les saluantz de tiltre dempereur, & im
peratrice des Tartares. Peu de tēps apres luy
sont enuoyez presens de toutes les nations de
son empire. Semblablemēt luy sont mis entre
mains les biens & tresors de son predecesseur
desquelz il fait sa largesse & liberalite enuers
les princes du pays, & retient le reste pour luy
& en telle sorte se despart l'assemblee. Tout
est en sa main & puissance, tellement que nul

Note ce
passage

Description de La sie

Inscriptiō
monnoye
et seel du
roy de tar
tarie.

Puissance
du roy de
Tartarie

des tartares noseroit dire cela est mien ou cela
appartiēt a vng tel. Nul nepeult demourer en
aucune partie de ce pays, fors en celle qui luy
est assignee: lempereur assigne aux princes
leurs statiōs, les princes au capitaines de mil
hommes, les capitaines aux centeniers, les cē-
teniers aux disiniers, & les disiniers au reste du
peuple. Le coing du roy & son seel sōt iscriptz
de telz ou semblables motz. Dieu au ciel, et
Chuichuth Cham en terre, la fortitude de di-
eu, & empereurs de to^s humains. Il a cinq gros
ses & puissantes armees, & a chascune armee
son lieutenant, & par telle puissance vient a-
bout de ceulx qui luy resistent. Il ne recoit a
parlamenteur aucuns ambassadeurs de strange
nation quilz ne luy facent quelque present, et
encores leur conuient se purger eulx et leurs
dons, par la purgation que les femmes ont a-
coustume de faire selon que nous auōs cy des-
sus recite. Et ne leur donne respōse si non par
persōnes interposees, lesquelz ce pendant quil
parle se tiennent a genoulx quelques grās sei-
guez quilz soiēt, & sont tenuz dentendre si
diligēment a ses parolles, quilz nen oseroiēt
trāsmuer vng mot pour vng aultre, Car il nest
loisible a aucun transmuier les parolles de
leur roy ne de cōtreuenir en facon que ce soit
a son dire. Il ne boyt iamais en public, ne pa-

reillement aulcun prince de Tartarie, que au parauāt on ne luy dōne quelque chant de musique, ou que on ne sonne de la harpe. Les plus opulenz dētre eulx quant ilz vont a cheual font au deuāt de eulx porter quelque couuerture au bout dune demy picque, & ce pour leur seruir dumbrage, ce que pareillement ont acoustume leurs femmes. Telles estoient les manieres de viure il y a enuiron deux cēs ans, et telles leurs cerimonies. Les Georgiēs q fu- Georgiēs rēt enuiriō ce tēps la vaincuz par les Tartares estoient chrestiens, & viuoient selon lesglise de grece, & estoiet prochains aux Perses, leur pays et seigneurie se estendoit depuis le pays de Inde, iusques au mont Caspie, et estoient distinguez en dixhuyt Eueschez, & oultre ce auoient vng Catholicque, ou aultrement vng euesque par deslus les aultres, lequel leur estoit en lieu de patriarche. Ilz estoient au cōmencement subiectz au patriarche de Constantinoble, & estoient gens de guerre, & auoient la teste raise: les gens desglise en rondeur: & les laiz en quadrature.

Aulcunes de leurs fēmes estoiet dextres a cheual: et iusques a seruir en faict de guerre.

Les Georgians auant que donner la bataille aux ennemis, & pour la donner de plus grād

Description de Lasie

courage, auoient coustume boire vne gourde ou flasquette toute pleine de vin. Les gēs de glise ne faisoient difficulte prester a vsure, & commettre symonie, & estoient en vng contuiel discord & hayne avec les Armeniens.

Armeniens

Et fault entendre que les Armeniens estoient pareillement Chrestiens, au parauant que les Tartares les eussent reduitz avec les Georgiens en leur obeysance: toutesfois discordoiet en plusieurs articles a la foy, & obseruatiō de la vraye & catholique eglise. Ilz ne obseruoient la feste de la natiuite de nostre seigneur, ne aucunes festes ou vigiles, ne pareillement les quatre temps. Ilz ne ieusnoiēt la vigile de Pasques, disans que nostre seigneur estoit resuscite enuiron lheure du soir, & depuis Pasques iusques a la Pentecouste auoient acoustume de manger chairs chascun samedy de la sepmaine. Ilz ieusnoient de grande abstinence, car depuis la septuagesime ilz cōmēceoiet leur Careme, & le quatriesme & sixiesme iours de la sepmaine ieusnoiēt si estroictemēt quilz ne mangeoient aucūs poissons, & ne vsoient de huylle ne de vin, en facon quelconque: se estimantz plus pecher de boire vin en iceulx iours, que celuy qui en iceulx iours cōmettoit fornication en quelque bordeau. Ilz sabstenoient au iour du lundy de toutes vian

des, au iour de mardy & iendy māgeoiēt vne fois le iour seulement, les iours du mercredy & vendredy ne mangeoient rien du tout, & au iours de samedy & dimenche mangeoient chairs, & se nourrissoient plus curieusement que de coustume. Durant tout le temps de la septuagesime ilz ne chantoient messe, fors les iours du samedy & du dimenche, ne semblablementes iours du samedy pour toute l'ānee disans que par cela estoit viole leur ieusne.

Ilz recepuoient a la communion les enfans a agez au de ssus de deux mois, ilz ne mettoient de leaue en leurs calices, & se abstenoiēt de lieures, ours, corneilles & autres bestes, comme faisoient les Grecz a limitation des Iuifz. Ilz celebroiēt la messe en calices de voirre & de boys, & les aucuns sans aornemens ne habitz presbyteraulx. Aucū celebroident estantz seulement vestuz de lhaube dung diacre, ou soub diacre. Ilz saddonnent tous tāt ecclesiastiques

Armeniēs
& Geor-
giens vsu-
riers.

que seculiers a estre vsuriers, comme faisoiet les Georgiens. Les prebstres oultre ce saddonnent a art magique & necromācie, & estoiet pl⁹ promptz a boire que les layz. Et prenoiēt femmes, toutesfois apres la mort dung des deux conioinctz estoit defendu au suruiuant, de se remarier. Les euesques donnoiēt conge de delaisser vne femme trouuee en adultere,

Description de Lasie

& en prandre vng aultre. Ilz nauoient aucun article ou instruction touchant le feu de purgatoire. Et si n'yeoiēt dune grāde obstination que en Iesuchrist y eust deulx natures. Tellement que les Georgiens leur ennemis recitēt trente articles, esquelz lesditz Armeniēs erroient en la foy:

Caramanie estoit
anciēne-
mēt appel-
le Cilicie

Lycaonie
Iconice ei-
te.

Cadardocre.

Cesaree

Isturie,

Seleucie.

Lycie au-
d'hui ap-
pelle Bri-
quie.

Ionie au-
iourd'hui
pays de

Quisque.

Ephese,
Baphlago-
nie.

Germano-
polis.

Lenech.

Trapezō-
de.

¶ Du pays de Turquie, et de la maniere de viure loix & coustumes des Turcs. Chapitre. xj.



A terre qu'on appelle auioird'hui Turquie, du couste deuers Orient a Aarmenie la maieur, et s'estēd le long de la mer de Caramanie, de uers Septentrion est terminee de la mer Euxine. Ait on l'appelle Turquia en latin, les aultres Turcia, plusieurs nations y sont comprises. Et premierement le pays de lycaonie, ouq̄l est la ville de Iconie: qui est la capitale ville de tout le pays. Le pays de Cappadoce, auquel est Cesaree Isaurie, ouque est la ville de Seleucie. Le pays de lycie (quon dict auioird'hui Briquie) Le pays de Ionie, quon appelle auioird'hui le pays de Quisque, ouquel est la cite de Ephese.

Le pays de Paphlagonie, ouquel est assise la

ville appellee Germanopolis, Le pays de Le-
nech, ou est la cite de Trapezonde.

Toutes lesquelles prouinces, sont aujourdhuy
appellees Turquie, & nest ce pays habite par
vne seule maniere de gēs, ains avec les Turcs
y a Grecz, Armeniens, Sarrazins, Iacobitains,
Nestoriens, Iuifz, & Chrestiens, viuās la plus-
part selon les loix, & traditions que le Pseude
prophete mahomet establist sus les Sarrazins
natiō Arabicq en lā de grace, six cens et vingt
neuf. Lediēt Mahomet par aucuns est repute De maho
met.
natif de Perse, par aultres Darabie, & naquist
dun pere payen & ydolatre, & dune mere is-
maelite, laquelle partant estoit scauante en la
loy Hebraique, et taschoient tant le pere
que la mere a apprendre a leur enfant chascun
sa loy, ce qui le rendist perplex, y voyāt diuer-
site entre si prouchains : parquoy apres auoir
en son ieune aage aprins tant la loy des payēs,
que des Hebrieux, napprouua ne lune ne lau-
tre, quant il commença a se congnoistre, ains
estant dun esprit vif, & caut, frequenta avec
les vrais Chrestiens longue espace de temps,
et ce pēdāt inuēta vne chose trespnicieuse au
gēre humain, faisāt sō mal pūfit des deux loix
Hebraiq et Chrestienne. Il disoit q les hebrieux
faisoiēt meschāment de vouloir nier q nostre
seigñr iesuchrist fust ne dune vierge veu q les

Description de Lasie

Opinion
des Maho-
metistes
touchant
le sepul-
chre de no-
stre sei-
gneur.

prophetes gens de grande sainctete de vie & inspirez de lesperit de dieu lauoient long tēps auāt predict. Et au cōtraire disoit que les Chrestiens croient follement que nostre seigneur Iesuchrist le trefaime de dieu & nay dune vierge aye volu souffrir tourment ou opprobres de la main des iuifz. Martin Segonius nou-montain recite les choses qui ensnyuent, touchant lopinion que les Sarrazins & turcz ont du sepulchre de nostre seigneur. Il dit que les susdictz, se mocquēt des Christiens, de ce que ilz reuerent cedit sepulchre, non quilz ne confessent biē que nostre seigneur a este vng trefgrāt pphete, inspire de dieu, totallemēt sans aucune macule de nature humaine, & quil viendra iuger tout le mōde: nyēt toutesfois que son vray sepulchre puisse estre frequente parce que son corps comme estant compose par oeuvre du sainct esperit, estoit (ainsi quilz disent) impassible. Telles choses recite Segoni^r & autres que les Mahometistes impropèrent aux gens de la loy Christienne. Apres que ce pseudoprophete auroit infecte les gens de sa nation de ses mauuaises persuasiōs, il redigea vne loy particuliere par escript. Et a ce que p^r hommes de bon iugement ny fut contreuenir pour laduenir, & quelle ne fust abolye, cōme orde & pestilentieuse, il ordonna que tous in-

fracteurs dicelle, & qui disputeroit a lencontre fussent puniz de mort, & ainsi est porte par son Alcoran. Par laquelle ordonnance il a assez demonstre que sa loy nestoit syncere, veu quil ne vouloit quelle fust discutee, ains vouloit que le secret dicelle fust tenu couuert & cache, comme quelque grād mystere. Il say de en la compesant dung Sergius moine tenant lheresie de Nestorius Et acelle fin quelle fust plus attraiante, il y mesla de toutes sortes quelques peu. En premier il trouua qui luy estoit besoing de louer grandement nostre seigneur Iesuchrist, & le mettre par dessus toute excellence humaine, maintenant lapellāt verbe diuin, maintenant esperit, & ame de Dieu, le tesmoingner nay de la vierge Marie, et icel le louer grādemēt, approuuer les miracles cōtenuz es Euāgilles: et en tout ce qlz contiēnēt: entāt qlz ne cōtredisēt a son Alcoran: & en ce quil y trouuoit repugnāce, disoit q̄ les Euāgilles auoiēt este deprauees par les disciples des Apostres, & quil failloit les restituer par sō Alcoran, par telz moyēs attirāt peu a peu la cōmune de ceulx q̄ estoient chresties, se voulut faire baptiser p̄ ledict Sergi⁹. Ce faict pour gagner les sectes pticulieres, nya la trinite avec les Sabelliēs mist seullemēt deux p̄sones en la la dininite selō lerreur de manicheens, nya le

Alcoran
de maho-
met.

Sergius
moine cō-
paignon
de maho-
met & Ne-
storien.

Accord de
mahomet
avec tou-
tes sectes
danciens
heretiques

n.j.

Description de Lasie

galite du pere & du filz avec Hunomi⁹, dist q^e le faict esperit estoit creature selon lerreur de Macedoni⁹. Avec les Nicolaites pmist de pouoir prēdre plusieurs fēmes en mariage, & encores cela faisoit il pour gagner ceulx qui tenoiēt le vieil testamēt, cōbien quil le assēurast estre depraue en plusieurs endroitz, & a toutes ses erreurs dōna vng lustre & vng apast p lequel les hōmes se laissēt facillemēt gagner, parce ql leur laissoit la bride auallee a luxure, & toutes sortes de voluptez. Ceste peste auroit peu a peu pris cours sur infinies natiōs, tellement que auourd'hui ce qui est demeure en la vraye foy est en biē petit nōbre, si no⁹ cōsidērōs ceulx q^e en ont este alienez p la loy de Mahomet. Et est cecy assez ayse a entēdre, veu q^e en Europe to⁹ ne sōt chresties, ains y en a vne grāde ptie de Mahometistes, & en Asie & Aphrique tiennēt presq^e to⁹ la loy de Mahomet. Les sarrazis lesquels premieremēt receurēt li pietē et follie de ce Pseudopphete habitoiēt en celle ptie de Arabie, q^e est appellee Petree, en celluy endroict ou elle sextēd deuers le pays de Iudee, et dautre couste deuers Egypte, & estoient appelez Sarracis du nō dūg lieu pchain aux Nabathees quō appelloit Sarrac, ou biē se lō leur opiniō, du nō de Sara femme de Abrahā de laquelle ilz se disent successeurs, & cōsequē-

Sa racins
pourquoy
appelez

mēt seulz heritiers entre to^r les mortelz des p^rmesses. Aulcū dētre eulx s'addōnēt a nourrir bestail et a labourer les terres, toutesfois la pluspart s'appliquoiēt au faict de la guerre. Au moyen dequoy furent a la fouldē de lēpereur Heraclius, quāt il alla batailler cōtre les perfes, cōtre lesquelz ayās obtenu victoie, ne tint cōpte de satisfaire aususdict Sarracins, ains les frustra de ce quil leur estoit deu. Dequoy indignez, par la suasion & conduicte de mahomet enuahirent le pays de Syrie, et prindrēt la cite de Damaz, en laquelle ilz se renforcērēt & de gens & de munitiōs, tant quilz descendirent en Egypte, & la misrent en leur obeysance, cōme peu apres ilz firent du pays de Perse, & aux citez Dāthiochie & de Ierusalem, et tellemēt se augmētoit leur renō puissāce et force, quō nestimoit poinct ql y eust aucune natiō pour leur resister, et en cest instāt, les turcs, q estoiet gēs cruelz & fiers, descenduz de Scythie, lesq^{lz} auoiēt este chassez des mōtaignes caspies, p^r leurs circōuoiis, cōmēcerēt a entrer en Asie la mineur p^r la descēte du mōt caucas^{us}, et dela enuahirēt les pays darmenie, medie et Perse q^{lz} misrent to^r en leur obeysāce. Or les Sarracins voulans defendre le pays par eulx cōquestez, estoiet allez au deuāt des turcs pour leur cuider resister, toutesfois parce q^{lz} se

Conque-
stes des sar-
racins a la
persuasiō
de Maho-
met.

Descente
des Turcs.

Description de Lasie

trouerēt les pl⁹ foibles, ilz furēt mis en ceste ne-
cessite de les laisser regner en la Perside avec
eulx, moyēnāt qlz tiēdroiēt la loy de Mahō-
met: tellemēt quō ne scauroit dire laquelle des
deux natiōs y auroit eu pl⁹ de dōmage, ou les
Sarrazis lesq^{ls} pdirēt vne ptie de leur empire,
ou les turcs, q^{ls} furēt si lasches de se laisser infe-
cter de ceste pestifere doctrine, pour cōuoytise
deregner. viuās dōcqs tāt Sarrazins: que Turcs
soubz vne mesme loy sallierēt si biē que les sar-
razins quelqs fois estoiet appelez turcs, et les
turcs prins pour Sarrazis sās, y mettre diffé-
ce: et dura ceste cōmunaulte de nōs par aucun
tēps. Toutefois aujourd'hui le nom des Turcs
est demeure en sō entier, et lautre a este aboly.

Ordonnā
ces des gēs
de cheual
du pays de
Turquie.

Thymar-
cins.

Senfaque
aucuns di-
sent Sania-
que,

Il ya plusieurs diuersitez entre les gēs d'armes a
cheual de Turquie. Les vngs sōt appelez Thy-
marcins, cest a dire gēdarmes de la soulde du
prince, & sōt en nōbre octante mil. Ceulx cy
ont de biē faictz du price places, villages, cha-
steaulx, chascū selō ql merite, et tiēnēt ces biē
faictz en lieu de soulde, et sōt tenuz dobeyr au
Sēfaque cest adire au gouuerneur de la prouin-
ce en laq^{lle} leurs places leur sōt assignees. Ilz sōt
ordinairement diuisez en deux armees, Lune
des gēs de guerre et gouuerneurs de lasie: lau-
tre des gouuerneurs, et gēs de guerre de la par-
tie de lēpire des turcs estāt en Europe, et sōt les

deux armées soubz la cōduicte d'autres grans
gouverneurs quilz appellēt en leur lāgue Bas-
satz, Il y a vne autre sorte de gēs de guerre quō Bassatz,
appelle Aconizes fatalles, lesquelz ne sōt a la
soulde daucun, & precedent l'armée en pillant
tout ce qlz rencōtrēt, & doibuēt la cinquiesme
ptie du butin au roy des turcs, & sont en nōbre
quarāte mille hōes. La troisieme ordōnāce de
gens darmes sōt les Charippes, Spahiglās, & Charip-
Soluphtares. Les plus excellētz dētre eulx sōt pes.
les Charippes, anobliz de tiltre de cheualiers Spahiglās
acōpaignans leur roy en to^r endroiēt, et sont Soluphta
iusques au nōbre de huyt cēs, et sōt esleuz en- res.
tre les gens de guerre du pays de Persē & de
Scythie. Ilz sōt de grans faictz darmes en pre
sence de leur roy, quant il en est besoing. Les
Spahiglās & Soluphtares sōt ceulx qui de leur
jeune aage ont serui le prince en sa lubricite,
& quāt ilz sōt deuenuz grandz prennent fem-
mes selon quil plaist au prince, et apres estre
enrichiz au moyen du dot de leurs femmes
ensēble des gaiges qlz ont du prince, luy seruēt
le pl^r cōmunemēt dābassadeurs, & le costoiēt
a dextre et a fenestre quāt il marche: de ce nō
bre icy sōt esleuz et prins gouverneurs de vil-
les et autres officiers, ilz sōt treze cens en nō-
bre. Il y a sēblablement trois diuerses sortes de
gēs de pied, Les ianifaires sōt ceulx q ont este
Ordōnan
ces des gēs
de pied de
Turquie.
Ianifaires.

n. iij.

Description de Lasie.

Turcs
vrais gens
de guerre.

Celluy
qui a es-
cript l'hy-
stoire tur-
cique dict
que de-
puis que
les turcs
ont vain-
cu le Soul-
dan et gai-
gne plu-
sieurs batail-
les contre
les perses
quilz ont
este & s'ont
tresmagni-
fiques en
habitz et
en har-
noys de
leurs che-
uaulx.

ne sensuiue quelque tumulte . Tellement que
aujourd'hui ou peut dire q'il ny a g'es mieulx
obseruans les vraies ordonnances de guerre
que s'ont les turcs: en sorte q'il ne se fault esmer-
veiller de ce q' leur regne a depuis deux c's ans
enca este celluy q' le plus a prospere, et encores
peult on iuger pour l'aduenir ceste natiõ estre
inuicible, sinon que par quelque pestilẽce ex-
treme, ou dissension entre eulx ilz soiẽt aneã-
tis, l'habit dont les gẽdarmes s'ont vestuz est tres
propre, et ne cõtient aucune dissolution. Ilz ne
sont curieux a enrichir les selles & freins de
leurs cheuaulx. Ilz n'ont acoustume de porter
halecretz sinon quãt il cõuient batailler, et s'ont
porter leurs harnois quant et le bagaige . Ilz
ne vsent d'enseignes, ains en lieu de ce ont les
ducx deuant eulx quelque lance , a la poincte
de laquelle y a liurees de diuerses couleurs,
par la diuersite desquelles chascun gendarme
peult recõnoistre s'õ capitaine. Ilz ont toutes-
fois fifres et tabours pour sonner a leurs as-
saulx, retraictes , et autres assẽblees. La guer-
re finie toute l'armee doibt estre presentee au
grã cõtreroleur, qui est vne des plus grãdes et
pl'õ honorables charges, lequel a charge de sca-
uoir le nõbre et qualite de ceulx q'sont demeurez
en bataille, affin q' on en mette d'autres en leur
place. En to' leurs bãquetz et assẽblees ilz priẽt

pour les gens de guerre, & principalement pour ceulx qui s'ot mortz en bataille, pour l'honneur ou defense du pays, les reputas bien heurieux destre mortz non en leurs maisons avec pleurs, & gemissemes de leurs femmes & enfans, ains au meillieu de leurs ennemys, a la tēpeste, & meslee de piques, & hallebardes. Ilz redigent par escript les victoires de leurs ancestres, & les mettēt en chant, estimantz que cela serue grandement a esleuer les couraiges des gens de guerre. Toutes leurs maisons & edifices, sont de charpenterie & de terre communement, & en y a bien peu de pierre comme les maisons des grand seigneurs, leurs estuues & temples, combien que entre le commun peuple sen trouue daucuns si opulenz, que vng seul a le pouuoir de souldoier & equipper vne armee, mais loccasion qui les faict si peu sumptueux en edifices est par ce que se sont gens vivantz & se contentantz de peu. craingnans a faire choses sumptueuses, prenans en patience & quasi a plaisir, ceste parcimonie, & mechaniquete. Pour ceste cause aussi ilz fuyēt toutes painctures, & ont en si grand horreur toute taillerie dymaiges, quilz tiennent les Chresties pour idolatres de ce quilz en vsent. Ilz nusent de cachetz a cacheter lettres, encores que ce soient lettres du prince,

Grād contreroleur des guerres en turquie.

Le cōmun peuple de Turquie peu sumptueux en edifices.

Les Chrestiens.

Description de Lasie

Turcs ne
se seruent
de clo-
ches.

ains y adiouxent foy si tost quilz entendent le nom, ou quilz congnoissent le stile, ou escripture de celluy qui escript. Ilz n'usent aucune ment de cloches, & ne permettent que les Chrestiens qui habitent entre eulx s'en seruēt. Ilz ne iouent iamais pour argent, ou pour chose de quelque valeur, & disent iniures & villanies a ceulx quilz trouuent iouans a telz ieux. Nul d'être eulx de quelque auctorite ou condition quil soit, se sient sur banc, ou aultre siege, ains se sient a mesme terre cōme font les enfans, & ce avec vne tresdecence maniere, & contenance, & composition de leurs personnes et habillemēs. La table sur laquelle ilz prennent leur repas est le plus cōmunement de cuyr de boeuf ou de cerf nō pare, & estant encores avec le poil, & est ronde, & a de largeur quatre ou cinq espās, & a plusieurs plis & a chascun ply vne boucle de fer cousue, & par dedēs chascune boucle passent vne courraie, laquelle ilz laschent & ferment comme vne bourse, iamais n'entrent en leur maison, ne en leur eglise, ou aultre lieu auquel il se fault asseoir, sans premierement oster leurs souliers, parquoy vsent d'une sorte de souliers quilz peuuent aisement prendre & laisser qnt bon leur semble. Les places ou ilz ont coustume de se asseoir en leur maison ou esglise, sōt

couuertes de grosses m^{at}es de laine, ou de nates de ioncs, quelque fois a cause de lhumidite ou immudicite du lieu leur place est planchee dais. Les vestem^{en}ts t^{an}t dh^{om}es que de f^{em}mes, sont fort l^{on}gs & larges, et ouuers par deuant, a celle fin que plus h^{on}estem^{en}t en se baissant ilz puissent faire leurs necessitez de nature et se cacher. Ilz se don^{ne}nt gr^{at}dem^{en}t de garde de nestre tournez deuers le midy en icelles faisant, par ce quilz tourn^{en}t leurs visaiges deuers le midy qu^{an}t ilz veul^{en}t faire leurs oraisons. Se don^{ne}nt aussi gr^{at}dem^{en}t de garde que les parties h^{ote}uses de leurs corps ne soi^{en}t apperceues par aucun en fais^{an}t leurs necessitez. Ilz font leur eaue est^{at}s accropiz c^{om}e en ce pays les f^{em}mes, tellem^{en}t q^{ue} si aucun estoit trouue pisant debout se seroit pour le reputer fol, ou heretique. Ilz sabsti^{en}ent de boire du vin, c^{om}e estant lentretenem^{en}t de tout peche & immudicite, & ce par la loy de Mahomet, neantmoins ilz mangent des raisins & boyuent du moust. Il leur est defendu semblablement de m^{an}ger chair ou sang de porceau, ne daultres bestes qui seroient mortes de soy mesmes, ilz m^{an}g^{en}t de toutes autres vi^{an}des, ilz ont en peille reuer^{en}ce le iour du vedredy, q^{ue} nous au^{on}s le dimanche, ou les Iuifz le Sabbath. En chascune de leurs villes, ilz ont vne p^{ri}ncipalle esglise en

Vin, chair
de porc, et
autres choses
par la
loy de mahomet
interdies.

Description de Lasie

laquelle le iour du vendredy, s'assemblent to⁹ apres midy, & apres auoir faict vne oraison solennellement, ilz oyent vne predication. Et confessent tous quilz est vng seul Dieu, nayāt aucun semblable ou esgal a luy, duquel disent estre le grand prophete leur Mahōmet. Tous Mahumetistes ou Sarrazins, sōt tenuz de faire oraison cinq foys le iour, leurs faces tournees deuers le midy, & deuant que y vacquer se nectoier toutes leurs parties de leur corps depuis les piedz iusques a se lauer les cheueulx de leurs testes, & principalement quāt ilz ont este avec leurs femmes, ou quilz ont faict leurs necessitez, sinon quilz soient malades, ou cheminans par pays: silz ont faulte deaue pour se lauer, ou nectoier (ce que toutesfois a grād peine peult aduēir, par ce quilz ont baings & estuues en grand nombre, par toutes leurs villes) toutesfois ceste necessite aduenāt de soy nectoier es lieux ou ilz se trouueroit faulte deaue, ilz se nestoient de la poul dre de terre fresche & necte. celluy q est souille, ou immunde de quelque immundicite, se garde le plus quil peult que psonne ne parle a luy, ou quō le voye. Ilz ieusnēt par chascū an vng moys & vne sepmaine entiere, tresef troictement, & ne mangent de iour pendant ce temps, & ne boyuent aucunement, & nont

Cerimonies des Turcs.

Ieufne des Turcs

aucune cōpaignie de leurs femmes . Et apres
Soleil couche, & iusques a l'aulbe du iour esuy
uant, prēnent deux repas, & s'addonnent a lu-
bricite, & gourmandise, tant quilz leur plaist.
En la fin du ieusne, et le soixātiesme iour en-
suyuant, ilz celebrent leur Pasche, en comme-
moration du mouton qui fut mōstre a Abra-
ham pour le sacrifier au lieu de son filz, & en
souuenance d'une nuit entre autres, en laquel-
le ilz disent que leur Alcoran leur fust euoye
du ciel. Tous Sarrazins sont tenuz de aller v-
ne foys lan au temple qui est au lieu qu'on ap-
pelle Mecha, partie affin de recongnoistre &
refreschir la professiō quilz ōt faicte en leur
loy & partie affin de faire les annuelz hon-
neurs a Mahomet, duquel le sepulchre se trou-
ue dedens ce temple. Les Sarrazins ne con-
traignent personne a regnier sa loy, & ne p-
suadent a aucun de suyure la leur, combien
que leur Alcoran cōmande quilz ayent a pse-
cuer les aduersaires de leur loy, & tuer les p-
phetes & docteurs a icelle contraires, de ce
aduient que au pays de Turquie habitent gēs
de diuerses sectes, viuans en diuerses cerimo-
nies, & manieres de sacrifices, selon la diuersi-
te de leurs loyx. Les prebstres des turcs ne dif-
ferēt gueres dauec les autres manieres de gēs,
non plus que leur esglises ne different gueres

Pasche
des Turcs

Sepulchre
de Mahō
met.

Description de Lasie

Prebſtres
de Tur-
quie.

Immuni-
te des preb-
ſtres de
Turquie.

dauec les maisons des particuliers. Il leur ſuf-
fiſt de ſcauoir Lalcoran , avec la maniere de
faire oraiſon enuers Dieu, & leurs cerimoni-
es. Ilz ne ſaddonnent point a la contemplati-
ue, ne aux eſtudes des lettres, par ce quilz n'ont
aucun ſoing de leurs eſglises, ne de linſtructi-
on des ames, & encores moins des choſes ſa-
crees , & dediees au temple , comme de aul-
tez, ou autres aornemēs deſglises ains ſaddon-
nent du tout a lentretenement de leurs fem-
mes, enfans, & aultres leurs domestiques, a la
griculture, marchandise, & a la chaſſe, & au-
tres ſemblables occupations, par leſquelles ilz
gaignent leur vie ne plus ne moins que le
ſimple populaire. Ilz ne leur eſt rien defendu.
Ilz ſont francs de toutes exactions, & de tou-
te ſeruitute , & ſont grādemēt hōnorez d'ung
chaſcun d'autant quilz ſcauent les cerimonies
de leur loy , & quilz ont la preeminence en
leurs eſglises , & enſeignent la loy aux au-
tres. Il y a en Turquie pluſieurs eſcolles publi-
ques , eſquelles on apprend les loix que leurs
roys ont eſtablies , pour le faiēt de ladmini-
ſtration de la choſe publique, & diceulx lieux
les vngs apres y auoir frequente ſont prins
pour gouverner & exercer les offices de la
choſe publique . Les aultres pour le faiēt de
leurs eglises . Les Turcs ont auſſi entre eulx

plusieurs gens de religion, les aucuns vont de
villaigne en village, & se retirent es forestz, &
lieux desertz, sans conuerſer ou frequenter a-
uec quelque maniere de gens que ce ſoit. Au-
cūns viuent es villes, & recoyuēt les eſtrāgiers
pour loger ſeulement, par ce quilz nōt dequoy
les nourrir, car eulx meſmes viuent d'aulmoſ-
nes. Les autres cheminent par les riuies, et por-
tent dedens de grantz barilz de leue bonne
& franche, de laquelle ilz preſentent a boire
a vng chaſcun qui leur en demande. Pour le-
quel bienfaict ſi on leur preſente quelque cho-
ſe ilz le prēnent, autrement nen prennēt rien.
Et ont en leurs dictz, faictz, meurs & geſtes, ſi
grande apparence de ſainctete, quon les iuge
roit pluſtoſt anges, que hommes. Et portent
chaſcū vne certaine enſeigne par laquelle on
peult cōgnoiſtre de quelle ſecte il eſt. Les Sar-
razins ou Turcs ſōt grāſ iuſticiers: qui eſpand
le ſang humain eſt puny par eulx de meſme
peine. Celluy qui eſt trouue en adultere eſt
ſans delay lapide avec celle qui luy a dōne cō-
ſentement. Auſſi eſt introduicte certaine pei-
ne cōtre les paillardz et eſt celluy q eſt trouue
en fait de fornication tenu de endurer huit
cēs coups de foit. Vng larrō pour la pmiere &
ſecōde fois q eſt trouue en ſon larrecin eſt pu-
ny de ſemblable peine, pour la tierce, on luy

Diuerſes
ſectes de
religiō en-
tre les
Turcs.

Sarrazins
ou Turcs
grans iu-
ſticiers.

Description de Lasie

Inquisi-
teurs de la
loy en
Turquie.

Turcs pré-
nent plu-
sieurs fem-
mes en
mariage.

coupe la main, et pour la quarte le pied. Celuy qui porte quelque dommage a autrui, est tenu de satisfaire selon lestimatiō qui est faicte du dommage. En matiere dheritaiges le demandeur est tenu de prouuer son dire par tesmoins & le defendeur qui luy denie se purger par sermēt. Ilz ne recoiuent aucun a porter tesmoignage, sinon quil soit de grande foy, & auctorite, & tel que on luy voulsist adiouxter foy, encore quon nen print le sermēt. Ilz ont aussi par leurs pays des inquisiteurs establiz, qui punissent de telle note dinfamie ceulx quilz trouuent negligens a dire les oraisons auxquelles ilz sōt tenuz. Cest qui leur pēdēt au col vng certain petit tableau, avec plusieurs queues de regnars, & les pourmenēt en telle forte par toute la cite, sans les laisser iusques a ce quilz soiēt racheptez dune certaine somme dargent. Il nest permis a aucun qui soit venu sur aage de viure sans estre marie. Et peuuent chascū prédre quatre femmes par loyal mariage, & sans distinction de leurs parentes avec les estrangieres, moyennant que ce ne soient leurs meres ou seurs, & avec ce peuuent tenir autant de concubines quilz en peuuent nourrir. Et leur succedent tant les enfans nez en loyal mariage, que les enfans de leurs concubines: et esgallemēt entre eulx,

fors en ce que deux filles ne prennent non plus que vng seul filz. Ilz ne nourrissent leurs femmes ensemble en vne maison, ains pour euitier les noyses & debatz, les nourrissent en diuerfes citez. Et ont les hommes liberte de les repudier, & de les reprédre iusques a trois fois. Et si elles estâtes repudiees estoient conioinctes avec aultruy, elles peuent demeurer avec celuy quelles auroient recouuert, sans estre tenues de retourner si bon ne leur semble, elles sont fort honnestes en habitz, & portēt mitres sur leurs chefs, & par dessus portent voiles de lin, dont ilz environnent leur mitre dune decente maniere: & leur pend vne des extremittez de leur voile du coste fenestre, ou coste droict de leur teste. De laquelle extremité si elles veulent aller hors leur maison, ou en lieu auquel ilz puissent rencontrer des hommes, ilz se cachent entierement leur visaige, fors et excepte leurs yeulx. Et ne se ose iamais la femme dung Sarrazin, presenter en vng lieu ou il y ait compaignie dhommes, de aller au marche, vendre ou achapter quelque chose cest vne chose prohibee a toute femme. En leur grande eglise elles ont vng lieu eslongne de la congregation des hommes, & si bien ferme que nul ne peult regarder dedes, ne y entrer. Et encores ny entrent pas toutes,

Habitx es
facons de
faire des
femes de
Turque.

Description de Lasse

Honneste
te entre
gens mari
ez en Tur
quie.

ains seulement les femmes des gens d'au-
rite, & ce vne fois la sepmaine seulement a
l'heure de midy, & au iour du vendredy quilz
fassamblent (comme dict est icy deuant) pour
faire leur oraison solennelle. Et est vne chose
si rare de veoir parler en public vng homme
avec vne femme, que si on y demouroit vng an
entier a grand peine sen pourroit on apparce-
voir vne fois. Cest vne chose quilz ont en hor-
reur, de veoir vng homme assis pres dune fe-
me, en lieu ouuert, ou de la mener a cheual.

Les hommes mariez ne font aucune chere,
ne caresse a leur femmes en presence d'aultruy,
iamais ne se courroucēt a elles, par ce que les
hommes retiennent leur grauite, & auctorite
enuers leurs femmes, & les femmes leur hu-
milite, & reuerence enuers les hommes.

Les grans seigneurs, qui nont bien souuent
leurs femmes quant & eulx, & leurs laissent
pour leur garde des Eunuches, lesquelz les
gardēt si songneusement quilz est du tout im-
possible a tout homme, de pouuoir parler a el-
les, ou de les pouuoir entretenir fors a leur
mary. Oultre les Sarrazins adiouxent tant
de foy a Mahomet, & a ses loix, quilz osent
promettre a ceulx qui les gardent, & asseurer
vne eternelle beatitude, quilz constituent en
vng Paradis de delices, vng iardin environ-

ne deaues doulces & delectables: situe en vne pure, & temperee region du ciel, dedens lequel disent toutes choses leur venir a souhait, comme toutes sortes de viandes delicates, de vestemens de pourpre & de soye, pucelles belles a plaisir, avec abundance de vaisselle dor & d'argent, des anges qui leur versent a boire dedens tasses dor du lait, dedens tasses d'argent du vin a grand largesse. Au contraire a ceulx qui contiennent les loix de Mahomet, leur promettent vng enfer, & damnation eternelle. Dauantage ilz se persuadent que

Paradis
songe par
les Tures
& Sarra-
zins en a-
bundance
de toutes
delices
chairnel-
les.

quelques pechez que aye com-
mis vng homme qui part
de monde, quil
est saulue

moy-
ennant quil croie en Dieu,
& en la loy de Mahomet.

Des Chrestiens, & de leur origine,
& institution.

Chap. xij.

o.ij.

Description de Lasie



Ostre seigneur IesuChrist vray
& eternal filz de Dieu le pere
omnipotent, secōde persone de
la saincte, Indiuide, esgalle, &
perpetuelle Trinite, par vng in-
comprehensibile, & au precedent siecle cache
conseil, et mystere de puy mil cinq cēs vingt
ans fust conceu par operation du sainct Espe-
rit & nasquist de la vierge Marie au pays de
Iudee, en la ligne de Daud, & ce pour radref-
fer, les paouures, et miserables hōmes, lesquelz
par le peche de Eue, & Adam leurs premiers
parentz & desobeyssance, estoient en voye de
perdition, & ruine, & chassez par tous les pre-
cedens siecles, du pays celeste auql il les vou-
loit reduire, pour reparer la ruine des anges
quil auroit precipitez auparauant, pour la-
quelle supplier nous estions principalement
mis sur terre. Depuys le trentiesme an de son
aage, iusques au trentequatriesme, quil fust
par lenuie des Iuifz pendu en larbre de la
croix, ilz visita tout le pays de Iudee, & enhor-
ta tant Iuifz, que les Gentilz de se conuertir
de lancienne loy de Moyse & adoration dete-
stable des idoles a prādre sa nouuelle, & sain-
cte doctrine. Il yeust plusieurs qui le voulurēt
suiure, quil appella ses disciples, être lesquelz,
il en esleust douze, ausqlz il sapparut apres

sa mort, selon qui leur auoit predict, & lors leur en chargea d' luy seruir d'apostres, ou d'ambassades par tout le monde, pour dire & annoncer a toutes nations ce quil auoient veu. & aprins, Symon Pierre, auquel long temps auparauant ceste commission, il auoit delaisse le gouuernement, & principaulte de son esglise, pour icelluy exercer apres foy: vint premierement en Anthiochie, apres la perception du saint esperit receue par les douze dessudiectz, lesquelz allerent annoncer leuangelille en certaines regions, & les autres en autres, selon que a chascun auroit este enioinct, doncques en ceste cite ledict Symon Pierre auroit constitue le principal siege de la primitiue esglise, & depuis y auroit celebre vng concile, assemblez avec luy les autres apostres, lesquelz souuentefois estoient venuz en icelle ville le visiter, auquel entre autres choses fust establi, que ceulx seroient appelez Chrestiens qui voudroient viure selon la sainte doctrine & foy de Iesuchrist. En apres fust le principal siege transfere en la cite de Rome, en laquelle ledict saint Pierre & ses successeurs ont a grand soing & vigilance, entretenu & instruit le peuple nouuellement rendu Chretien, & a ce moyen estant encores rude, & plus difficile a instruction, & lauroient peu

Saint Pierre apostre.

Chrestiens premierement appelez en antiochie ceulx qui croient en Iesuchrist

o.iiij.

Description de L asie

Police de
leiglise ro
maine.

En ce pas
saige fault
excuser
lauthour
qui deuise
de la ma-
thiere qui
soffre a
plaisir &
doibt vng
chascū en
tēdre que
les sainctz
apostres
ne feisrēt
leurs sta-
tutz que
par la con-
duite du
sainctz es-
perit.

a peu cōferme par vne bonne cōduicte & po-
lice recueillie tant de la loy de Moyse laquel-
le nostre seigneur Iesuchrist nestoit venu sinō
pour accomplir, que pareillement des statutz,
& loix Romaines, Grecques, & Egyptiennes,
& dautres diuerses loix & statutz de diuerses
nations, tant concernans le faict de la police,
que touchant la religion et cerimonies, et sur
tout de la tressalutaire doctrine, de Iesuchrist,
et par linspiration du sainct esperit. Ayans
donques entrepris ceste police, et voyās que
non seulement entre les Hebrieux, dont ilz
estoint descenduz: mais aussi entre les Ro-
mains y auoit distinctiō dētre les magistratz
seculiers, et les magistratz de leur religiō, avec
vne trespelle ordonnance et diuision des di-
gnitez & degrez de preeminēce dun chascun,
Comme par exemple voyans vng Empereur
de Rōme monarq de luniuersel mōde, les cō-
sulz, les patrices les senateurs p laduis desqz
tout se gouernoit, et encores particulieremēt
es autres pays voyans y auoir Roys, Ducz,
Contes, Gouverneurs, Capitaines, Lieutenans
Mareschaulx, protecteurs de la cōmune, Pre-
uostz, Portenseignes, Centeniers, Dixsiniers,
Quarteniers, duumuiratz, Tresoriers, Esche-
uins, Portiers, Notaires, Lecteurs, et autres plu-
sieurs estatz de gens, tant dhommes que de

femmes. Et quant es temples des dieux, voy-
ans pareillemēt a Rome le premier quon di-
soit le roy des sacrifices, les archiflames &
protoflames. Les flames, & sacrificateurs, en-
tre les Hebrieux vng grand prebstre de la
loy, ayant autres prebstres soubz luy, des Leui-
tes, des Natineans, des gardes de la lumiere,
estant en leglise, des exorcistes, Portiers, &
Chantres. Entre les Grecs ayant veu des ca-
pitaines de mil hommes, quilz appellent Chi-
lairches, Centeniers, Cinquanteniers, Dixi-
siniers, & Caps desquadre. Par dessus tous
lesquelz y auoit plusieurs autres manieres,
viuans dune vie de religion. Comme les Sad-
ducees, Essenes, & Pharisees, entre les He-
brieulx. Les Saliens, Diales, & les Vesta-
les, entre les Romains. Les Apostres con-
sentirent que Sainct Pierre, & ceulx qui luy
succederoient en leglise Romaine fussent a
tousioursmais denommez Papes, comme le
voulant appeller pere des peres.

Les noms
de digni-
tez des
prebstres
de la loy
qui estoient
a Rô-
me aupara-
uāt que
Chrestiens
y fussent.

Leuesque vniuersel apostolicque, & tref-
sainct, & encores que a leglise vniuerselle le
pape de Romme presidast, comme faict Lem-
pereur de Romme a luniuersel monde.

Pape qua-
si pere des
peres.

Que a limitation des cōsulz, qui estoient deux
en nombre, fussent creez quatre patriarches,

Patriar-
ches.

Description de Lasie.

Cardi-
naulx.

Primatz

Arceuef-
ques.

Euesques

Suffragãs.

Preuoftz.

Archepre-
bftres.

vng en Conftantinoble, vng aultre en Anthio-
chie, lautre en Alexandrie, et le quart en Hie-
rufalem, & que a lexemple des fenateurs fuf-
fent erigez Cardinaulx, & cōme les roys fub-
gectz a lēpire Romain: auoiēt pour le moins
foubz eulz trois ducz, ainfi erigerent des pri-
matz, pour auoir la fuperintendence par def-
fus trois Arceuefques, faifant comparaifon
des ducz aux Arceuefques, par ce que tout
ainfi que les ducz font pardeffus plusieurs cō-
tes, auffi les Arceuefques ou Metropolitains
furent deputez par deffus les Euesques, Les E-
uesques a lexēple des contes par deffus les fuf-
fragãs, ou vicaires, des euesques, que nous pou-
uons comparer aux gouuerneurs, & a limita-
tion des preuoftz furent erigees dignitez pre-
uoftales es eueschez & esglifes collegiales.

Les Archeprebftres a lexemple des capitai-
nes de guerre, a lexemple des protecteurs du
populaire les Chancelliers des esglifes cathe-
dralles, les archediacres des baillyfz, les doy-
ens a limitation des centeniers, les curez des
difiniers, les autres prebftres a limitation des
aduocatz, les diacres des Escheuïs, les foubdia-
cres a lexēple des quartēiers, & les exorciftes
des duumuiratz, les hofitaires representoient
les recepueurs, les chātres & lecteurs, les huyf-
fiers, les acolythes les efcripuaïs et chaufecires,

Et furent tous appelez clerks, dune diction grecque clericos, qui vault autant a dire comme portion separee, parce quilz estoient prins et trieuz du peuple pour peculierement seruir a Dieu. Toutesfois entre les susdictz quon appelloit clerks y auoit sept degrez de preeminence que le pape de Rome a quant il faiet sacrifier solennellemēt. Cest assauoir vng de lestat de Euesque, vng Prebstre, vng Diacre, vng Soubdiacre, & vng Acolythe, vng Chātre, vng Exorciste. A chascun desquelz ilz attribuerent certain estat, & charge en lesglise. Comme a leuesque de distribuer les ordres aux autres clerks, bailler lhabit aux filles voulans entrer en religion, & leur donner sa benediction, consacrer les euesques, donner tonsures, confirmer, dedier les esglises, deposer & degrader les prebstres, celebrer le Senne, faire le crespine, consacrer les calices, & a ornemēs des esglises, & faire autres choses que peuēt faire pareillement simples prebstres, comme instituer en la foy quon dict catechiser, baptiser, cōsacrer lhostie, & la communier au peuple, donner absolution des pechez aux penitens, & chastier les desobeyssā & mutins, annoncer leuangille, porter corōne au sommet de la teste de largeur de quatre doiēt, & ne tenir leur barbes, ou cheuculx longs, estre cha-

Pourquoy
appelez
clerks.

Estat dun
Euesque,

Description de Lasie

stes toute leur vie, commander aux prebstres inferieurs prendre leur refection seullement de ce qui leur est presente, tāt par dismes que par oblations & abandonner tous negoces, & affaires seculiers, estre decētemēt habillez & dung marcher simple, & de telle conuersatiō, par laquelle on puisse iuger quil ne tend que a seruir dieu & son esglise, & a vacquer diligēment a la lecture de lescripture saincte, affin quilz ayent parfaicte cōgnoissance des choses qui conceruent la religion chrestienne, en laquelle ilz sont tenuz enseigner & instituer les autres. Il ya des couuentz de religieuses persōnes tant dhommes que de femmes en grand nōbre. Cōme de lordre de sainct Benoit, de lordre de sainct Dominicque, de sainct Francois, sainct Augustin, sainct Bernard, sainct Anthoine, de sainct Iehan, des Chartreux, de ceulx de lordre de Premonstre, des Carmes, des Cisterciens & innumerables aultres ordres, a toutes lesquelles selon la reigle quilz se sont prescriptes, est designe certain habit, & certaine reigle de viure, avec ce vng veu general de chastete, pauurete, & obediēce perpetuelle, & viuent la pluspart dune vie solitaire, parquoy sont appelez moynes, cest a dire solitaires, les aucuns sont subiectz a abbez, les autres a prieurs, & sont tāt seullement

Diuerses
ordres de
religion.

Moines
cest adire
solitaires.

subiectz aux Euesques, ou au Pape de Rome. Ilz vsent tous dūg froc, cōbien quil soit de diuerse couleur, et sabstiennēt en certain tēps en lan plus que les autres de menger chair. Les euesques voulās faire le sacre, ont quinze aornementz prins dedens la loy de Moyse en exēple dune perfection de toutes vert⁹ qui doit estre entre eulx, les Sādalles qui son espece de pantoufles, leur aube, leur chasuble, leur ceinture blanche, lestolle, le manipule, leur tunique, leur chape, leurs gandz & aneaulx aux doiēt, leur castule, leur seruiette blāche, leur rochet, mitre, croce, & vne chaire, pres de lautel sur lequel ilz celebrent, entre lesquelz aornemens y en a neuf quilz ont communs avec les prebstres inferieurs, cest assauoir la chape, le surpeliz, laube, la ceinture, lestolle, le manipule & la castule. Par dessus tous lesquelz aornemens les Papes de Rome par la donnaison de Cōstātin, portent tous les aornemens que souloient porter les Emperours de Rome, cest assauoir leur habit interieur estant de foye blanche, le manteau descarlatte, le sceptre, & la couronne ou diademe: desquelz aornemens il est accoustre solennellement aux grans festes, & en cest habit se prepare pour hōnestemēt celebrer le

Ornemēs
Pontifi-
ciaulx.

Donation
faicte au
pape de
Rome par
lépateur
Cōstātin.

Description de Lasie

diuin seruice, & marche en telz accoustremēs iusques a lautel, estant acōpaigne dung preb-
stre du couste dextre, dūg diacre du fenestre,
& marche deuant luy vng soubdiacre por-
tant vng liure ferme, & deux ministres por-
tans cierges en leurs mains, & vng encenseur.
Si tost quil est approche de lautel laisse sa mi-
tre, & puis aux premieres marches de lau-
tel dict la confession des pechez, avec com-
paignie: & en apres monte deuers lautel, et luy
ouurent les ministres dessudictz le liure estāt
au couste fenestre de lautel, puis le baise, & en
telle sorte paracheue le sacrifice de la messe,
avec les ceremonies acoustumees. Le soubdia-
cre liēt lepistre, le diacre leuāgille, il ē enioinct
tant aux inferieurs que superieurs prebstres,
de dire sept foys le iour louenges a dieu, & cer-
taines oraisons, deuers le soir de dire vespres:
la nuit approchant dire complice, au poinct
du iour dire matines: prime: tierce: sixte: non-
ne: aux autres heures du iour ensuyuans, & ce
sifossible est en lesglise deuant lautel tresde-
uotement estans tournez deuers orient. Ilz ne
souloient dire que loraison dominicale, & le
Symbole des Apostres, cōme auioirdhuy le
simple populaire a encores acoustume de dire
Saint Ierosme a la requeste de Damase pa-
pe, distribua tous les pseaulmes a chascū iour

Seruice
des preb-
stres.

Saint Ie-
rosme pro-
mier au-

de la sepmaine vng certain nōbre, & a chascune heure en auroit adapte, aux vnes plus, aux autres moins. Cestassauoir neuf pseaulmes a dire la nuit, es iours de feste & aux autres iours douze: aux heures du matin cinq: & aux heures du vespre cinq: en toutes les autres heures du iour trois. Ledit saint Ierosme ordonna semblablement la lecon des euangiles & epistres, & autres lecons prinſes tant du vieil que du nouueau testament, que on liſt encores auiourdhuy en lesglise. Damase institua le chant des Antiphones que saint Ambroise euesque de Millā auoit escriptes, et voulut que les prestres estans au cueur les chantassent, en ce respondant lun a lautre, et a chascune Antiphone y adiousta le verset de Gloria patri. &c. Les lecons & hymnes qui se disent particulieremēt a chascune heure furent ordōnez par le concile de tollete & de Agatone. Saint Gregoire, Gelais papes Saint Ambroise, & plusieurs autres saintz peres en diuers temps les vngs apres les autres composerent plusieurs oraisons, Proses, traictez, Alleluia, offertoirs, communions en la messe, Antiphones, versetz, Omelies, quon liſt a chascune heure du iour a la louenge & honneur de Dieu. Le sacre (quon appelle la messe) se commençoit par vne lecon de scripture sainte, pre

theur de
adiouter
les pseaul
mes au ser
uice des
prestres.

Plusieurs
inuentiōs
& institu
tions des
saintz pe
res tou
chant le di
uin serui
ce.

Description de Lasie

mierement quelle fust instituee, & la celebroit
on simplement & sans grande preparation, cō
me encores on faiet le iour du saint samedy
de la vigille de pasques. Celestin pape y adioux
ta lintroite, Elefphore Gloria i excelsis, Saint
hylaire euesque de Poictiers y adiouxta. Et in
terra pax. Symachely institua le chāt, Les salu
tatiōs qui se font sept foys en la messe par Do
minus vobiscū, furēt prinſes du liure de Ruth
& y furent mis par Anaclete & Clement. Ge
lais ordonna toutes choses qui precedent lof
fertoire, selon lordre quon les diēt fors les se
quences, que le Pape Nicolas adiouxta, & le
Symbole des Apostres, que Damase institua
selon le concile de Constantinoble. La predi
cation qui se faiet par le prebſtre aux iours de
feste en celebrant la messe, ou par le Diacre, a
este mise en vsage a limitatiō de Neemias, ou
de Esdras, sans que aucun particulierement en
ayt quelque chose ordonne. En icelle estoit
vng chascun admoneste dautant que tous en
iceulx iours communioient affin dentretenir
vne mutuelle charite & cōcorde entre ceulx q̄
se vouloiēt mal les vngs aux autres, a celle fin q̄
parceussent ce saint sacremēt de lautel, sans
estre souillez daucū vices. Et au moyē de ce
ste anciēne institutiō est encores aujourdhuy
obseruee la cōfessiō publicq̄ des pechez. Oultre

ce on y enseigne tāt du nouveau que du vieil testament, les dix commandemens de la loy, les douze articles de la foy, les sept sacremēs de lesglise, la vie et martyre des saintz les festes de la sepmaine, les vertuz requises en vng bon catholique y sont enseignees, & les vices quil doibt fuyr remonstrez: & toutes autres choses desquelles la congnoissance est necessaire a vng bon chrestien, Gregoire y adioux a loffertoire, Leon les prefaces, le grand et le petit Canon. Gelais les Sāctus, saint Sixte, le Pater noster auroit este prins de dēs leuāgille saīct Matthieu p Gregoire. Marcial disciple de saīct Pierre institua q̄ les eues q̄s dōnassēt la benediction. Innocent voulut q̄ les inferiurs prebstres dōnassēt la paix, Sergi⁹ adioux a Agnus dei, Gregoire la cōmunion, Leon inuenta la closture de la messe, qui se faict par lte missa est. Benedicamus domino, & deo gratias. Les douze articles de la foy Douze articles de la foy. que les Apostres ont voulu que vng chascun creust & confessast sont telz. Le premier quil ya vng Dieu le pere omnipotent fa-cteur du Ciel & de la Terre. Le second que Iesus Christ est son filz vnicque, & vnigenite, & le nostre singulier seigneur. Le tiers quil a este conceu du Sainct Esperit, & nasquist de la vierge & sacree Marie, Le quart quil

Description de Lasie

endura Passion soubz Ponce Pilate, fust cruci-
fie, puis mort & ensepulture. Le cinquiesme
quil descendist aux enfers, puis ressuscita de
mort a vie au tiers iour, Le sixiesme quil mon-
ta es cieulx, & est assis a la dextre de Dieu son
pere omnipotent. Le septiesme quil viendra
de rechef en gloire pour iuger les mors & les
viuās. Le huytiesme quil ya le saint Esperit.
Le neuuiesme quil ya vne sainte & catholi-
que esglise. Le dixiesme quil est vne commu-
nion des saintz, & remission des pechez. Le
vnziesme quil est vne resurrection des corps
humains. Le douziesme quil est vne aultre, &
eternelle vie apres ceste vie mortelle acōplie.
Ordonnerent semblablement les Apostres
que les dix commandemens de dieu fussent
gardez, lesquelz Dieu auoit escriptz & baillez
par Moyse au peuple Israeliticque. Le premier
desquelz est, quil fault croire quest vng seul
Dieu. Le second de n'employer le nom de dieu
en noz humains actes en vain, Le tiers est de
ployer particulièrement vng iour en la sep-
maine cōme font les Iuifz le Sabbath, & nous
le Dymenche, totalement au seruice & hon-
neur de dieu. Le quatriesme de hōnorer pere
& mere & pl⁹ anciēs. Le cinquiesme de ne de-
struire ou mettre a mort son prochain. Le si-
xiesme de ne commettre fornications quel-

Dix com-
mandemēs
de la loy
que vng
bon chre-
stien est te-
nu de gar-
der.

conques . Le septiesme de ne embler lauoir
dautruy, Le huytiesme de ne porter faulx tes-
moignage. Le neuuiesme de ne couuoyter les
biés dautruy . Le dixiesme de ne solliciter ou
pourchasser la fême dautruy. Il y a aussi sept Sept sa-
cremens.
sacremens que les sainctz peres nous ont en-
ioinct de croire , & sont comprins soubz les
cinq derniers articles de la foy . Le premier
est le baptesme, & se ne souloit cōferer le tēps
passé ce sacrement par les institutions Cano-
niques, sinon a personnes tresbien instruićtes
en la foy, fors en cas dextremite, tellemēt que
ceulx qui aspiroient a la reception de ce sacre-
ment quon appelloit Cathecumins estoient Cathecu-
mins
approuuez & experimentez, par sept diuers
examens qui se faisoient en temps de careme,
& en certains iours a ce dediez, & puis ilz re-
cepuoient le baptesme aux sainćtes vigilles,
de Pasques & Pentecouste , ausquelles on cō-
sacre les fōs baptismaulx en toutes parroisses.
Toutesfois par ce que ce sacrement est entre
autres grandemēt necessaire, doubťas que plu-
sieurs decedassent sans lauoir receu, ilz ordō-
nerent par succession de temps, que si tost que
lenfāt seroit nay on luy donnast des parrins,
qui seroient comme pleiges ou tesmoins de
la foy pour ledict enfāt, & par les mains des-
quelz il seroit presente a lentreē de lesglise, &

Description de Lasie

deuant vng prestre a ce depute: qui interro-
gue lenfant auant que le baptiser en premier
si renonce a Sathan, & a toutes se oeures,
& si croit fermement tous les articles de la
foy. Et apres q̄ les parraïs ont ce afferme pour
luy, le prestre par trois fois se tourne vers le
visage de lenfant, & luy ouure la bouche, &
linspire a ce sacrement, puis lexorcise & cate-
chise. En apres y a sept choses acoustumées de
faire auât le paracheuemēt dūg baptisme. Pre-
mierement le prestre met du sel benyst en
la bouche de lēfāt. Secōdemēt il luy humecte
les yeulx, les oreilles & le nez, de terre & de sa
saliue. Tiercement il luy signe du saint cres-
me le doz & lestomac, en forme dune croix.
Quartement il le baptise par trois fois, au
nom de la sainte trinite du pere, du filz, & du
saint esperit, comme aussi tous autres sacre-
mens ce donnent, & le plonge en eue par
trois fois, ou larrouse & iette de leue sur luy
en le signant du signe de la croix. Quintemēt
il prêt de son poulce vng peu de cresseme, puis
luy en fait vne croix au frōc, en apres luy bail-
le vng habit ou cressemeau blāc, finalement luy
met en la main vne chādelle ardante. Par le
cōcile Dagathone les luifz auant que recep-
voir baptisme doibuent demourer neuf moys
cathecmenis, & apprentifz de la foy, doibuēt

aussi ieusner par. xl. iours, & quitter toutes leurs richesses, et mettre to^r leurs serfs en liberte, eslongner deuant eulx les enfans par eulx circoncoiz en la loy de Moyse, parquoy on ne se doibt esmaueiller si ceste nation est si difficile a recepuoir baptesme. La confirmation qui est le second sacremēt se baille seullemēt par leuesque, & en lesglise deuāt vng autel, & a persōnes hors dēfāce, estās si faire se peult a ieun & y est obseruee telle solemnite. Tous ceulx qui doibuent estre cōfirmez se presētēt avec leurs parrains. Leuesque apres auoir dict sur chascun deulx vne oraison, leur marque leurs frons de son poulce & leur faict le signe de la croix avec du crespine quil a a sō poulce, en marquant inuoque le nom du pere du filz & du saint esperit. Les parrains de paour que ceste recente onction sefface subitement ou par negligence ou autrement, ont vng bandeau, duquel ilz luy couurent le fronc de leurs filleux confirmez, & nostent icelluy bandeau iusques au septiesme iour. Et a este a ce saint sacrement tant attribue par les saintz peres, quilz ont permis que leuesque puisse changer le nom de celluy qui est confirme, si celluy quil a receu au saint baptesme luy desplaist. Le tiers sacrement est

Pour
quoy les
lufz ne
se veullēt
faire ba-
ptiser en
la loy de
Iesuchrist
si prōpte-
ment cō-
me autres
gens.

Description de Lasie

la saincte ordre que leuesque seul cōfere, & ce
seulement au moys de Decembre: toutesfois
aujourdhuy y a six tēps dediez a ce. Cest assa-
uoir les quatre temps esquelz furent ieufnes
pour ceste cause instituez, & se confere au sa-
medy de lung desdictz quatre temps, & enco-
res a vng autre samedy quon dist Sitientes, &
lautre samedy est de la vigille de la saincte
feste de Pasques, & ne sont aucuns receuz a se
sacrement sinon les masles, & ceulx qui sont
congneuz estre de telle vie, habitude de corps
vouloir cōforme au seruice de Dieu. Aucuns
nombrent sept sainctes ordres, les autres en
nōbrent neuf, en chascun desquelz les sainctz
peres ont voulu quon estimast quil y eust quel
que speciale ipression de caractere a lame de
celluy qui le recepuoit: & lequel ilz ont vou-
lu par ceste reception estre aucunement re-
pute sainct. Le premier ordre est des chan-
tres, le second des hostiaires ou secretaings, le
tiers des lecteurs, le quart des exorcistes, le
quint des Accolithes, le sixiesme des soubdia-
cres, le septiesme des diacres, le huytiesme des
prebstres, le neufiesme des euesques. Tous les-
quelz officiers ne sōt reputez recepuoir quung
sacrement en recepuant lune desdictes sain-
ctes ordres, & ce a raison de la cause final-
le pour laquelle ilz le recoiuent qui est affin

de consacrer le corps de nostre seigneur . Et a chascun d'être eulx (par le cōcile de Tolette) est diuise & departy sō office en lesglise, & y a aornemens & habitz distinctz. Les secretaings ou hostiaires auoient la charge de garder les esglises, de les ouurir & fermer, & pour ceste cause encores auioirdhuy en les instituant on leur baille vne clef. Aux lecteurs est en charge de lire les lecons du vieil & nouveau testament ensemble les hystoires sainctes. Et a ceste cause leur est baille vng liure en leurs mains. Les Exorcistes ont en charge de conjurer les paoures agitez du diable, & pource leur est baille vng autre liure contenāt la maniere de exorcister. Les Acolythes doibuent preparer les chandeliers, les cierges & burettes, & autres paremens de laultel. Et pour ceste cause leur est baille en leur institution vng chandelier & vng cierge, ensemble les burettes vuides. L'office des soubdiacres est de recepuoir les oblations, et aussi de preparer le calice et la platine, & les presenter pour le sacrifice, & de mettre le vin & eaue dedens les burettes pour les presenter aux diacres a ceste cause leur est baille vng calice vuide, avec des burettes par leuesque qui les ordonne, & de par le diacre luy sont baillez les chopinettes plaines de eaue & de vin avec la seruiette.

Description de L asie

Loffice des Diacres est de prescher la parolle de Dieu a toutes gens , & de ministrer aux prebstres en tous les affaires de lesglise . Partant leur est baille le liure des Euangilles & lestolle en forme dung collier nouee par desoubz lung des coustez . La charge des prebstres est de consacrer le corps de nostre seigneur, prier pour les pecheurs, avec puissance de les reconcilier a nostre seigneur & de leur imposer penitence pour icelle reconciliation impetrer. A ceste cause leur est baille le calice ayant du vin dedens , la platine avec le pain pour consacrer, lestolle tombant sur les deux coustez , & la cassule pour aornemens presbyteraulx. Au regard de ce que on a accoustume de bailler a leuesque pour aornemens il a este cy dessus recite. Il est consacre tant seulement au iour du dimenche enuiron le seruice de Tierce, deuant que on chante leuangille de la grand messe , & luy est enioinct par trois euesques (qui y doibuent assister en ce compris son metropolitain) de mettre les mains & le liure sur la teste . En la primitive esglise, les Euesques estoient en bien peu differentz dentre les autres prebstres, & gouuernoient leur esglise par le commun aduiz & deliberation des autres gens desglise & sans leur aduis ne faisoient aucune en-

treprinse & estoit ceste concorde tresdecete
iusques a ce que dissensions se feroient meues
en lesglise: les vng disans quilz estoient bap-
tisez au nom de Iesuchrist, mais de la main
de Pol, les autres de Apollo, & encores les
autres de Cephas, parquoy pour conseruer
lunion en lesglise & cuitier schismes, les
sainctz peres ordōnerēt que tous ceulx qui se-
roient baptisez fussent dung nom commun
appellez Chrestiens, du non de Iesuchrist,
et que en toutes les prouinces, selon quelles
estoient plus grandes ou plus petites, y eust
vng ou plusieurs des plus approuuez & des
mieulx estimez prebstres, qui a ce tiltre de
Euesque, eussent le gouuernement de leurs
esglises, non selon laduis & discretion des au-
tres inferieurs prebstres de sa prouince, com-
me au precedent, ains par lauthorite & de-
cret de lesglise Romaine & des sainctz con-
ciles. Et alhors commencerent les esglises
par la permission & vouloir des princes Chre-
stiens a estre distinctes par tout le vniuer-
sel monde, en dyoces, les dyoces en
chapitres, les chapitres en parroisses, & fust
cette distinction trouuee si honneste que en-
cores auiourd'hui par toute la chrestiente,
telle ordonnance & institution ancienne se
trouue gardee et obseruee & ce inuolablemēt

Description de Lasie.

on la voit obseruer, tant entre gens desglise que entre gens seculiers, tellement que mesmes le peuple dung petit village se reduict a lobeyssance de son cure, le cure au doye, le doye a leuesq, leuesq a larceuesque, larceuesq au primat ou Patriarche, le primat au legat, le legat au Pape, le Pape au concile, le concile a vng seul dieu. Vng chascun p̄bste deuement ordonne, & selon les clefz & pouuoir de lesglise obseruat & disant certains motz, en intention de consacrer peult du pain de froment consacrer le vray corps, & du vin le vray sang de nostre seigneur Iesuchrist. Nostre seigneur Iesuchrist mesmes en la nuit precedete sa passio celebra ce sacrement avec ses disciples, & en memoire de foy, & linstitua & consacra pour estre a perpetuite celebre & communie. Il est necessaire auoir grand foy entant que touche ce sacrement pour entendre & croire que le pain se trāsmue en corps, & le vin en sang. Secōdement que combien que ce sacrement soit par chascun iour celebre, que neantmoins le corps nen est de rien augmente. Tiercement quil nē est pareillemēt diminue. Quartement, que cō bien que ce sacrement se diuise en plusieurs parties, que neantmoins Iesuchrist est entier en chascune dicelles mesmes aux moindres particules.

Quintement que encores quil soit commu-
nie a vng homme pecheur & infidelle, toutes
fois quil nen est en rien moins precieux. Six
tement que aux mauuais qui le prennent il
apporte la mort, & aux bons la vie eternelle.
Le septiesme poinct que ce corps conuertist
celluy qui le mange en soy, & nō le mangeur.
Le huitiesme, que ce corps mange est au ci-
el en son entier. Le neufiesme, quen vne si peti-
te espee de pain ou de vin, est comprins lin-
comprehensible, immensite de Dieu & hom-
me Iesuchrist. Le dixiesme, que encores quil
soit communie a plusieurs, en plusieurs lieux,
& soubz diuerses especes, toutesfois que ce
nest quung mesme corps. Lonziemesme que la
substance du vin estant muee en vray sang,
& du pain au vray corps de nostre Seigneur
Iesuchrist, que les qualitez naturellement ac-
cidentes a ce pain & vin demeurent. Le dou-
ziesme quil donne douze tresgrandz prou-
fitz a ceulx qui le recoiuent dignement, qui
sont comprins en ce dixain.

Lhostie a charite & amour nous induict.

Les haultais faictz de dieu en meoire reduict.

Les debiles substance & les sains fortifie.

Et la vertu du fort accroist & viuifie.

En vray espoir remet la vaine intention.

Donnant au corps & ame, vraye refection.

Description de Lasie

Et aux paoures mortelz vne vie eternelle.
Lesquelz adieu vnist, & met hors de querelle.
Les confirme en la foy, sensualite chasse.
Et de tous noz pechez remission pourchasse.

E Oultre elle est dune merueilleuse vtilite et salut tant pour les vifz q̄ pour les morts, pour lesquelz elle est speciallement offerte, au sacrifice d̄ par le prebstre, elle est appellee Eucharistie cōmunion, pour ceste cause. Au cōmancement de la foy Chrestienne, cōe encore est obserue cōme lon dict par q̄lques schismaticqs) on cōsacroit vng pain de telle grādeur que estāt mis en morceaulx par le prebstre dedēs vng plat, il pouuoit estre suffisant pour cōier a to⁹ ceulx q̄ fisoiet au diuin seruice, car le tēps passe les Chresties cōioient p chascū iour, & peu apres les iours du dimēche tāt seullemēt, mais dautāt quēcores a ce iour ce sacremēt nestoit dignemēt receu, il a este enioict de le prēdre en lānee trois foys, ou pour le mois vne au tēps de la faicte feste de pasqs, et en to⁹ les articles de dāgier de mort, pour la cōduicte de lame. Par quoy a este ce sacremēt appelle viatique. Vng chascū Chrestie de sain entendemēt, ne doibt prendre ce sacremēt sinon avec la plus grāde preparation de son ame, et de son corps que faire se peult. Le cinqiesme sacremēt est le mariage qui nest autre chose sinon vne cō

iunction legitime de l'homme & de la femme, introduicte par le droit diuin, naturel, et ciuil. Les sainctz peres voulurent quen vng mesme temps ne pourroit vne mesme persone contracter plusieurs mariages, & ordonnerent que ce fust en face de l'esglise, & en public, & non pas clandestinement, & ce dedens l'esglise, ou a l'entree dicelle, avec telle solennite, cestassauoir que vng prestre fust appelle q interrogeast premieremēt l'homme, secondement la femme, si tous deux seroient d'accord de prendre a mariage l'un l'autre, & apres auoir veu leur consentement, ordonnerent que prennant leurs mains dextres, il les alliaſt au nom du pere, & du filz, & du saint Esperit, & ce faict, les enhortast, & leur comandast quil eussent en souuenance de ceste mutuelle alliance, a viure ensemble durant leur vie & ne se laissassent l'un l'autre, quilz eussent a se entre aymer se entre seruir, se porter honneur l'un a l'autre qlz missent peine a auoir lignee, plus q a prendre plaisir a l'oeuvre de la chair, qlz eussent a nourrir & instruire leurs enfans, puis en signe de ce leur baille vng anneau, leur done de leue beneste, et leur presente son estolle et les fait entrer en l'esglise, & les presente deuant l'autel, deuant lequel ilz font leurs prieres, & alhors filz nont encores receu la benediction la leur

Description de Lasie

Note que
l'auteur
en parle
comme a
la mode
de son
pays.

donne. La femme est couuerte dune coiffeu-
re rouge, & dun voile ou linge blanc, sans le-
quel puy apres ne se ose presenter en public,
ou en compaignie dhommes. Ilz ordonnerent
oultre que par douze moyens fust empesche
mariage entre les aulcū, & encores separe ou
contracte seroit, par ces mesmes raisons, &
quelques fois entieremēt dissolu. Comme par
erreur de la personne, par condition interpo-
see, par consanguinite, par vng crime descou-
uert en la personne de lung des deux qui se
veulent prendre par mariage, pour la diuersi-
te de secte, ou loy, pour violence commise en
contractant le mariage, pour la promotion
aux sainctes ordres, pour le premier lieu de
mariage contracte avec quelque autre person-
ne, estant en vie, ou quāt le mariage se feroit
contre honnestete publique, ou quāt y auroit
affinite entre les contractans: ou que lung di-
ceulx se trouuast inhabile a engendrer. Le six-
iesme sacrement de leglise est Penitence, or-
donne par nostre seigneur pour ceulx qui a-
pres le baptesme seroient retournez a peche.
Lhomme chrestien doibt indubitablement
croire, que ce sacrement consiste en quatre
choses, en vraye repentance de ses pechez, en
confession canonique diceulx, absolution, &
satisfaction. Premièrement doibt auoir vne

doleance & contrition non legiere, mais tref-
griefue au profond de son cueur, de ce quil a
de rechef perdu par son peche, son estat din-
nocence & purite, en laquelle il estoit remis
par son baptesme, ou bien par sa derniere &
precedente penitence: & par ceste doleance et
contrition fault quil espere de pouuoir estre
recôcilie a Dieu: puy se doibt cōfesser a quel-
que prudent prebstre hūblement, & de sa pro-
pre bouche, en telle verite comme estimant
estre deuāt Dieu, tous les crimes par lesquelz
il sestime auoir perdu son estat dinnocence,
& auoir encouru lire de Dieu contre foy, &
croire fermement que a cestuy comme vicai-
re de Iesuchrist, est donnee puissance de bail-
ler absolution des pechez par luy confessez.
Finablement luy conuient pour satisfaction
& remede a laduenir, de acomplir non a re-
gret, ains dune allegresse, & grande gaiete de
cueur, tout ce que par iceluy prebstre luy au-
ra este enioinct, & écores quil croie dune foy
ferme & constante que si tost quele prebstre
luy a donne absolution, en linstant il est ab-
soulz. Le dernier sacrement est lextreme vn-
ction qui se faict par huille qui se consacre p
chascun Euesque en son dyocese vne foys en
lannee, comme le crespme, & ce a la cinquiesme
ferie approuchant la feste de Pasque. Et ce

Description de Lasie

ministre par le prebstre, selon le precepte de
sainct Iacques apostre, et selon la constitution
du Pape Felix, qui fust le quatriesme apres. S.
Pierre, a ceulx qui sont en l'article de la mort,
et qui le demādent, ayans passe quatorze ans.
Et y a vne certaine forme de parolles quon y
dict, avec vne frequēte inuocatiō des sainctz,
& ce faict ceste vnctiō, aux membres esquelz
les cinq sens de nature ont le plus de force, &
par lesquelz on estime que la personne mala
de ayt le plus offēse, comme a la bouche, aux
yeulx, aux oreilles, au nez, au mains, & aux pi
edz. Et par ceste vnction (moyennant quelle
soit dignemēt prise) les saincts peres ont vou
lu que on eust ceste esperance & foy, que re
mission fust dōnee non seullemēt des legiers
pechez, mais aussi entiere sante, ou plus doulx
& moins langoreux trespas. Les festes de lan
nee que lessudictz sainctz ont voulu estre ob
seruees, cōmēcēt des laduēt de nostre seigneur
Iesuchrist, que lapostre sainct Pierre voulust
estre ieusne par trois sepmaines, & demye a
uec oraisons solēnelles, auant la feste de la na
tiuite, quil mist en decēbre, et laquelle il ordō
na estre celebree par grāde, ioye, & solennite,
lespace de huiēt iours entiers, ilz diuiserēt lan
en cinquāte & deux sepmaines, les sepmaines
en douze moys et les moys, le pl⁹ cōmūcemēt

Festes de
l'annee.

en tréte iours . Le premier iour de lan, leglise
 faict cōmemoration de la Circōcision, par no
 stre seigneur obseruee, selon la loy de Moyse.
 Le tiers iour ensuyuāt est cōmemoree ladora
 tiō a luy faicte par trois roys, en trois especes
 de presens, puis cōme il fust baptise par saint
 Iehan au fleue de Iordain, auquel lieu il fon
 da quelques commancemens de sa doctrine
 nouuelle. Le secōd iour de Feburier est faicte
 cōmemoration, cōme sa trespure mere (selon
 la loy de ses predecesseurs) lauroit porte au
 temple, selon la purification qui se souloit fai
 re par la loy, en remembrāce de laquelle cho
 se, en ce iour se faict en lesglise vne process
 ion solennelle, avec benediction des cierges.
 Le vingtcinquesme de Mars est reduict en
 memoire Lannunciation qui fust faicte a la
 vierge Marie, touchant le fruct Iesuchrist q̄l
 le debuot apporter & concepuoir, en son ven
 tre par obumbration du saint Esperit, enui
 ron lequel temps voulurēt que eussions a ieuf
 ner quarāte iours, en cōmemoratiō du ieusne
 quil endura quarāte iours, & de la passion &
 mort quil, endura de son bon gre, pour nous
 deliurer de la seruitute du diable. Et oultre a
 este institue que le dernier iour de ce ieusne
 qui aduient le plussouuent a lentre du moys
 Dapuril, fust faicte grand feste en signe de

Resurre
 ction de
 nostre Sei
 gneur,

Description de Lasie

ce que nostre seigneur ayant vaincu la mort, estoit descendu es enfers desquelz ayant subiugue le diable il seroit retourne, & apparu a ses disciples viuant en tresgrand gloire. Au moys de may est fait recit comment en presence de tous ses disciples il monta es cieulx. Auq̃l tēps par linstitution de .S. Memer euesque de Vienne se font processions, & letanies de vne eglise en lautre en May, & quelques foys en luing est faicte solēnite de ce que aux disciples de Iesuchrist seroit apparu le saint esperit a eulx promis, & enuoye des cieulx en forme de langues de feu, & leur donna l'intelligence, & le langaige de toutes nations. Le huiictiesme iour apres ensuyuant est la feste de la sainte Trinite. Le cinquiesme iour d'apres est par lordonnance de Urbain pape sixiesme de ce nom, dedie, & celebre en grande solennite, en commemoration de la derniere Cœne que nostre Seigneur feist avec ses disciples lors que en perpetuelle memoire de soy il presenta a manger aux siens, & institua estre entretenu apres sa mort le tressalutaire sacremēt de son corps, & de son sang, soubz les especes de pain, & de vin. Le quinzieme de Iuillet est faicte cōmemoration de ce que les Apostres, selō quil leur estoit enioinct, douze ans apres Lascēion de nostre seigneur se des-

partirent & sen allerent par luniuersel monde pour prescher Leuangile aux Gentilz. Le trespas de la mere de nostre Seigneur Iesu-christ est celebre le quinzième de Aoust. La Natiuite le huitième de septembre. Et comme elle fust presentee au temple des laage de trois ans. Le vingt & vngiesme de Novembre, est commemoire come elle auroit depuis demeure au seruice de Dieu, iusques en aage destre espousee, le huitième de Decembre, est faicte feste de la Conception de nostre dame, le second iour de Iuillet est faicte commemo-
ration de la Visitatiō, par laquelle passant les mōtaignes de Iudee elle alla veoir sa cousine Elizabeth. Il ya aussi certains iours en lan de diez aux saictz Apostres, a quelques martyrs, confesseurs, & vierges, Come le. xxiiij. de Feb-
urier a saint Mathias, le vingt & cinqiesme Dapiril a saint Marc euangeliste, auquel furent ordōnees par le pape Gregoire les grandes letanies. A saint Philippes & saint Iacques le premier iour de May, A saint Pierre & saint Pol le vingt & neufiesme de Iuing, & le. xxiiij. de ce mesme moys est celebree la natiuite de. S. Iehan baptiste. Au. xxv. de Iuillet est la feste de. S. Iacqs le mineur. Au. xxiiij. Daoust la feste. S. Barthelemy. Au. xxj. de Septembre la feste. S. Matthieu. le. xxviiij. Doctobre
q. j.

Description de Lasie

la feste de .S. Symō. .S. Iude. le dernier de Nouēbre la feste de .S. Andre. le .xxj. de Decembre de .S. Thomas. le .xxvij. de ce mesme moys La feste de .S. Iehā euāgeliste, est le iour prece dēt de .S. Estiēne premier martyr, le subsequēt aux Innocēs. A saint Laurēs le .x. Daoust. A saint George le .xxij. Dapuril. A saint Martin, & saint Nicolas de tous les cōfesseurs, ōt este dediez festes cōme a .S. Martin le .xj. de Nouēbre, & a lautre le .vj. de Decēbre. A sainte Catherine vierge a este dedie le .xxv. de Nouēbre, a Marie Magdalene le .xxij. de Iuillet. Aussi soubz le nom dung seul .S. Michel ange, y a certaine feste a tous les saints Anges, le .xxix. de Septēbre. Et a tous les saints en cōmun le premier de Nouēbre. Oultre vou lūrēt les saints peres que chascun septiesme iour de la sepmaine fust sc̄tisie, cōme le sabath enuers les Iuifz, quilz appellēt le dimēche qlz ordōnerent estre sans aucune oeuvre humaine, & de seruitute, & totallemēt dediee a louē ges diuines, & diuins seruices, auquel les preb stres eussent a enseigner au peuple Leuāgile, et preceptes de la foy, ensemble p̄ quel moyē le peuple puisse appaiser lyre de Dieu, laquelle il auroit encouru es six iours precedēs. Au parauāt de cinq en cinq iours se faisoit pareille feste, ce que auroit este depuis aboly affin quō

estimast que les Chrestiens le feissent a limitation des Payens, qui de cinq en cinq iours faisoient feites, & solennitez a leur dieu Iupiter. Dauantage on fouloit faire tât le iour de dimanche, que le vendredy, deuant que cōmencer la messe vne certaine procession a lētour de l'esglise, a laquelle s'assembloient tât ceulx du peuple que du clerge, & dōnoit lung des prebstres de leue beneiste a vng chascun: depuis Agapite pape trāsmua ceste facō de faire au iour du dimanche: que est faicte cōmemoration de la Resurrection de nostre Seigneur, & reiteeree de huiet iours en huiet iours: auquel iour voulust ladicte pcession estre faicte, en cōmemoration de Lascēion de nostre Seigneur Iesuchrist. Le tēps passe tât le clerge que cōmun peuple auoit de coustume de veiller toutes les nuictz precedētes les festes les plus solēnelies de l'ānee, et de vacquer a louer dieu en l'esglise, toutesfoiſ depuis a cause de plusieurs ēormes scandalles, & crimes qui se cōmettoient, et estoient cachez par les tenebres, & par malitieuses psonnes, ceste maniere de faire auroit este abolie, & en lieu de ce, furent instituez ieusnes le iour precedant la feste, lesquelz retiēnēt encore pour ceste cause nom de vigilles. Ilz y a cinq choses qui sont digne de memoire que les deffunctz ont donne & encharge que les

A quelle
fin se font
processi-
ons.

Pour les
iours de
ieusne pre-
cedēs quel-
que feste
sōt appel-
lez veilles
ou vigilles

q.ij.

Description de Lasie

predecesseurs ont voulu estre recolees en les-
glise depuis le dimenche qu'on dict le dimenche
de la Septuagesime a cause des septante iours q
ensuyuet & desquelz elle faict letree, iusques
a loctau de Pasques: cest assauoir le ieusne de
nostre seigneur Iesuchrist, la passio, la mort, la
sepulture, le peche des premiers parentz, les
grands erreurs de l'humain genre, mesmes ceulx
par lesquelz ilz auroient este destournez de la
cognoissance, & adoratio du vray Dieu, & in-
clinez a labominable adoration des idoles &
des espritz malings. Et pdeffus les choses des-
suidictes, l'hystoire de la griefue, & intolerable
seruitute que le peuple Disrael auroit enduree
soubz Pharaon roy de Egypte, pour laqelle s'ot
leuz es heures canonicques en ce tēps, les li-
ures de Genese & Exode, & tant par gestes, q
par prieres lesglise en ce temps monstre cer-
tais signes de tristesse. De puis loctau de Pas-
ques iusques a loctau de Pentecouste. La re-
surrection & Ascension de nostre seigneur, et
transmission du saint Esperit sont reduictz en
memoire, ensemble toutes hystoires signifi-
catives de la reconciliation du genre humain
faicte a Dieu le pere par son filz Iesuchrist, a-
uec la redemption: & hystoire par laquelle el-
le auroit este prefiguree, comme la restitution
des enfans Disrael en la terre de promission,

parquoy font en ce temps souuent leuz les li-
ures du nouueau testamēt, & toutes choses de
ioye & consolation recitees. De puis loctaue
de Pentecoste, iusques a Laduēt de nostre sei-
gneur par vingt sepmaines & plus, est faicte
cōmemoration de ses miracles, et cōuersation
quil a eu avec le monde, est aussi reduict en
memoire le descours du peleriage q̄ les Chre-
stiens depuis la redēption du genre humain
ont a passer, iusques au dernier iour du iuge-
mēt, de generation en generation. Parquoy
au moyen de la diuersite des inconueniens ac-
cidentz en ceste vie humaine aux paouures
Chresties comme estans en vne mer fort agi-
tee de vents, & en vne nauire qui nest autre
chose que lesglise, en ce temps lesglise nest en
bien grand ioye, nen trop grāde tristesse, ains
affin de se conduire en seurte, & quelle puisse
emporter victoire des aduersitez suruenātes,
elle saddōne a lecōs diuerses, tāt du vieil que
nouveau testament. Depuis le cōmencement
de laduent iusques a la Natiuite de nostre sei-
gneur, est recitee lhystoire du tēps qui a dure
depuis Moyse iusques a laduenemēt du Messi-
as, & mysteres par lesquelz le genre humain
estāt certifie dicelluy futur aduenemēt, tāt par
la loy, que par les pphetes tresaffectueusemēt
desire & attēdu. parquoy ōt ordōne les saictz

Lesglise
cōparce a
vne navi-
re.

q. iij.

Description de L'asie

Peres que les propheties fussent leues en ce tēps,
et ieufnes obseruez, a celle fin que p ces moyēs
lesglise fust mieulx instruiete, et preparee a re
cepuoir le iour de la Natiuite de sō seigneur,
qui est tousiours celebre en la quatriesme sep
maine de l'aduēt & se cōtinue ceste solēnite, et
cōmēoratiō iusques au iour d la septuagesime
cōme estāt representatiue des premiers moyēs
de sō salut. Ilz ne voulurēt q les lieux sainctz,
ou esglises, fussent edifiees sās la pmissiō de le
uesque, et apres auoir la pierre & mathieres a
edifier toutes assemblees, est obserue q la pre
miere pierre soit p luy benciste, et mise au fō
demēt prīcipal, ayāt le signe de la croix, & ad
dressée deuers Oriēt, & q icelle gettee, fust p
mis aux manouuriers de pacheuer ledifice. Il
a este aussi obserue de tout tēps que les esgli
ses fussent en forme dūg corps humain ou du
ne croix. Le cueur auquel seroit le maistre au
tel, et l'assemblee des prebstres et autres chan
tās le seruice diuin seroit en telle sorte que les
faces des hōmes fussent adressees deuers ori
ent, et en rōdeur en cestuy endroit, & plus es
troict que le reste du tēple, ayāt neātmoīs pl⁹
de clairte, a lexēple du chef de lhōme auquel
sōt assis les yeulx, & estāt distingue de quelq
s interualles du reste de lesglise. Aussi est besoīg
q y ayt en lesglise deux tours ausq̄lles fussent

Formes des
tēples de
Chrestie
nte.

mes cloches pour appeller le peuple au serui
ce diuin, tāt de iour que de nuit, le reste de le
difce de lesglise a este acoustume destre faict
en telle sorte, que il aye quelque estēdue, a li
mitation des braz humains, et le surplus de tel
le lōgueur et largeur q̄l semble estre a la figu
re de la lōgueur du corps humain: aussi est be
soing quil y ayt quelque conclaue ou chābre
secrete voutee, qui se faict le plus commune
ment soubz lune des tours, ayant vne porte
tirāt vers le cuer, & sert pour mettre les aor
nemens & aultres vtēfiles de lesglise, & ce ap
pelle ce lieu le sainctuiare. Il a este aussi obser
ue, que les esglises eussent pilliers a double
renc sur lesquelz la voute de lesglise fust ap
puyee, & au bas diceulx fussent autelz appro
priez & appuyez dūg couste, & de lautre fus
sent soustenuz de deux pilliers, & dessoubz y
eust vne petite fenestre pour garder la croix,
ou quelques reliquaires des faictz, aussi doibt
estre chascun autel garny de deulx chandeli
ers, & dūg liure a chanter. Aussi a este obser
ue que es esglises y eust pierres grauees dyma
gerie, tant au dedēs de lesglise, que pardehors,
& lesquelles fussent painctes & enrichies de
diuerses couleurs. Oultre que en chascune par
roisse y eust de quelques pierres creusees, & bi
en taillees, a garder leaue beneiste, pour seruir

q.iiij.

Description de Lasie.

a baptiser ceulx qui auroient a recepuoir le sacremēt de baptesme. Dauātage du couste dextre du grād autel doibt auoir vng saīct repōitoire, auq̄l le sacremēt du corps de nostre seigneur, la saincte huylle pour dōner aux malades, le cresseme pour les p̄sōnes quō vult baptiser, est garde en tout tēps, Oultre a este obserue q̄ au meillieu de leglise y eust vne chaire pour prescher, en laq̄lle le prebstre eust a ēseigner sō peuple, les choses necessaires pour sō salut, le cueur est p̄premet pour le clerge, et le reste de lesglise destine au cōmun peuple, & ēcores y a q̄lque sepātiō entre eulx, p̄ ce que aux hōmes estoit la place deuers le couste dextre, & aux fēmes deuers le couste fenestre, et en ceste assēblee de lesglise, a este obseruee vne grāde hōnestete, tāt en gestes, quē habitz et a este euite sōgneusemēt, q̄l ne se y trouuast q̄lque chose q̄ fust cōtre bōnes meurs, ou cōtre la sincerite de la religion Chrestienne. En la primitiue esglise tāt hōmes q̄ fēmes indifferēmēt portoiet lōgs cheueulx, & le corps la pluspt nudz, & y auoit biē peu d̄ differēce en habitz, être les hōmes et les fēmes. Finablemēt y fust mise q̄lq̄ differēce p̄ sainct Pierre, q̄ ordōna q̄ les fēmes eussent leurs chefz couuertz de quelques voiles ou aornemēs, et que les hōmes portassent cheueulx rongnez, et oultre q̄l y eust quelque

difference des habitz, des hommes avec les habitz des femmes. Plus aupres de lesglise a este obserue quil y eust quelque champ, auquel communement les corps des Chrestiens fussent inhumiez, quilz ont appelle Coemite-
re, que les Euesques ont acoustume de dedier, Coemite
res.
sanctifier, & douer de mesmes franchises & libertez quest douee lesglise. Les sepultures se font diuersement, selon la diuersite des lieux, car en daucuns lieux nest porte, ne faict aucun dueil en vestemens noirs, sinon lespace de sept iours, en autres lieux lespace de neuf iours en lautre lespace de trente ou quarante iours, es autres endroiçtz par lespace de cinquante iours, es autres par vng an entier, & en habitz dessusdictz fôt dire quelques seruices, ausquelz ilz assistent. Par le concile de Tolete a este introduict, que le corps du trespasse apres auoir este arrouse deaue beneyste, & ensepely en vng linceux, fust porte en terre par gens de telle condition que estoit celluy quon portoit, comme si ceust este vng homme desglise, par gens desglise, & vng homme seculier par gēs seculiers, en chātāt quelques oraisons. Et quen apres il fust encēse, & arrouse deaue beneyste par le prebstre, lequel apres auoir dict certaines oraisons, a acoustume de le mettre en sa fosse ou sepulchre, le visage cōtremōt, les piedz


Description de Lasie

tournez deuers le soleil leuant, & le chef de-
uers le soleil occident. Et apres lauoir mis en
son tombeau, luy a acoustume ietter quelque
peu de terre, & apres la fosse comblee, on a de
coustume de marquer le sepulchre en signe
dun chrestien trespasse, de quelque
croix de bois: & icelle aorner de
liarre, cypres, ou laurier
¶ Telles choses se trou-
uent instituees en
la chrestiente.

¶ Fin du liure second.

¶ Sensuyt le Troiesime liure, cōtenāt
la description de Leurope.

Des nations de Leurope les plus renommées. Chapitre premier.



Pres que nous auons parle de Lasie, nous viēdrōs a Leurope ainsi appellee au moyen dune fille de Agenor, roy des Pheni-ciens, laquelle sappelloit Europe, & fust rauie par Iupiter, & par luy emmenee en Crete, Leurope faisant vne tierce partie du monde, est enclose deuers Loccident de la mer Atlanticque, vers Septentrion de la mer Britannique, qui est la coste Dangleterre, & deuers Lorient du fleuve Tanais, lac meotide et mer Pontique: & deuers le midy de la mer mediterrance. Et est yne terre ayāt maintes diuersitez, departissant aux autres parties de la terre & habitans & manieres de viure, parce quelle est toute habitable, fors seullement en vne petite partie ou elle est inhabitee pour la grand froideur, & ce pres les habitans le long du fleuve Tanais, lac Meotide, & Boristeniens lesquelles nations de gens continuellement viuent & font leur demeure dedens chariotz. Le plus froit pays qui soit habitable encestre region, & le plus mōtueux est habite avecques grande difficulte, toutes-

Les bornes de leurope,

Louēge de Leurope.

Description de Leurope.

fois quelque difficulte quil y aye, & rudesse de pays ou de terre, si est ce que elle est mise en vsaige, & appropriee par bons laboureurs & encores q̄ par gens viuans de proye & de pillerie il soit habite, si est il adoulci & est bon pour y auoir faict habiter gens de bon gouvernement. Ce que ensuyuans les Grecz ont habite montaignes & lieux pierreux par grande dexterite, par le moyen de leur prouidence touchant la police, & congnoissance des ars, & autres choses seruans a la conduicte de la vie humaine. Les Romains pareillemr apres auoir conqueste plusieurs nations lesquelles de leur naturel estoient inhumaines, en ces mesmes lieux estranges, froidz, & quasi inaccessibles, ou pour autre difficulte peu, ou nullement habitez, ont allie gens nayantz de eulxmesmes aucune congnoissance d'alliance, ou societe, & ce en les associant, & aliant avec gens dautre sorte & maniere de viure, & par ce moyen ont appris a gens les plus agrestes, & plus durs a viure en ciuilité. Ce que de leurope consiste en plat pays, & a vne naturelle temperature, sert grandement a ceste maniere de allier, & apriuoyer les plus agrestes, car ce qui est en ceste heureuse region, est de foy totalement enclin & entédant a paix: & au contraire ce qui est en la dure & plus

difficile est nourry a guerre & animosité: tellement, que ces deux sortes de gens sentre aydent les vngs aux autres, car les vngs secourēt les autres par armes, & ceulx cy encores sont par les autres secouruz par la communication des fruietz de leur terre, enseignemēt de leurs artz & sciences & instruction de meurs & facons de viure: tellement que ceulx qui seroient defaillantz a secourir les autres tomberoient en peril manifeste. Et nestoit que celle sorte de gens qui est addōnee aux armes estoit dōptee par la multitude des autres, certes ilz auroient lauantage, & a ceste terre vng bien naturel p ce quelle cōsiste & se diuise ptie p montaignes & partie par plat pays, en sorte que ce qui est ne a destruction & guerre est dompte par ceulx du plat pays estans en plus grand nombre, & avec ce aydez par chefs de guerre de meilleure conduicte. Comme est premierement adueni aux Grecz, & depuis aux Macedoniens & Romains. Et partant est ladicte region assez suffisante pour sentretenir soit en temps de paix soit en temps de guerre, par ce quelle nourrist vne grande multitude de gēs addōnez aux armes, & encores plus grande de gens de labour, & autres qui se scauent contenir es clostures des villes. Et encores a ceste excellence quelle apporte de trelbons fruietz &

Richesses
de Leuro
pe.

Description de Leurope:

necessaires pour la vie humaine, & toutes for-
tes de metaulx quon peult mettre en vsage,
bien est vray que quant aux odeurs & encētz
pour les sacrifices, & pierres de grand valeur
quelle les prend ailleurs, & es autres regions,
lesquelles choses touteffois ne rendent de pire
condition & moins heureux, ceulx ausquelz
elles deffaillent, que ceulx qui en ont en abon-
dance mesmemēt que au lieu de ce que les au-
tres regions sont pleines de bestes saulvages,
& nuyſiues ceste region est remplie dune infi-
nite de moutons, & autre bestail de nourritu-
re. Et telle est la nature de luniuerselle Euro-
pe, dont la grece faict la premiere portion de-
uers lorient.

¶ De la Grece & loix establies par
Solon sur les Atheniēs, peu-
ples les plus excellētz
entre les grecz.

Chapitre. ij.

Description de la
Grece,



A Grece est vne region en Euro-
pe ainsi appellee du nō dūg qui
se nōmoit Grecus qui regna en
cestuy pays. Elle cōmēce aux de-
stroictz de Isthmos, tirāt de Se-

ptétrion vers le midy: & du couste de Lorient
 s'extend a l'opposite de la mer Aelgee: & deuers
 Loccidét a la mer Ionicque. Les thermopyles ^{Theomo}
 s'ot au meillieu de la grece, cōme le mōt Apē- ^{pyles.}
 nin au meillieu de Litalie, les mōtaignes dicel
 le cōmécēt depuis leucade & mer de la coste
 occidétalle iusques a l'autre coste opposite a la
 mer de leuāt. On appelle les mōtaignes qui cō
 finēt a loccidét, les mōtz de Oetha: dōt le plus
 hault est appelle Gallidrome, par la vallee du
 quel ya vng chemin pour descēdre en la mer
 Malliaque, seullemēt large de soixāte pas, par
 lequel seul on peult conduire vng armee moy
 ennant quil ny aie empeschement, tout le re-
 sidu desdictz Theomopyles est si hault & si
 difficile & perplex, que aux plus agiles de
 corps est inaccessible, & partant sont lesdi-
 ctes montaignes appellees Pyles, cest a dire
 portes, & thermes, qui vault autant a dire
 comme estuues, pour la chaleur des eaues
 qui y fourdent. Les contrees de Grece les-
 quelles s'extendent vers la coste de la mer s'ot
 Acarnanie, A etolie, Locres, Phocide, Boe-
 tie, Euboie y est presque enclauce.
 Les deux autres contrees qui sont Atticque
 & le Peloponnese s'extendent beaucoup plus
 loing que les dessusdictes en la mer, & si

Description de Leurope.

Louenge
de la cite
Dathenes

Region
Attique.

Cecropie
& Cecro-
pides,

Mopso-
pis,

Athenes
Draco le
gislateur,

ont montaignes d'autre sorte. Du couste quel-
le est opposite a Septentrion, elle prent le pays
de Epire, Perrebie, Magnesie, Theffalie, Phtio-
te, & la mer Malliaque. La cite de Athenes,
quon pouuoit dire la mere des lettres et artz
liberaux & des Philosophes, estoit la plus no-
ble & plus excellente qui fust en toute la Gre-
ce, & estoit situee entre Achaie & Macedoi-
ne, en la region quon appelle Attique, au moy-
en dung filz de Roy nomme Attis qui suc-
ceda a Cecrops au royaulme, lequel Cecrops
edifia Athenes, & de son nom autrement ap-
pellee Cecropia & depuis du nom dung Mop-
sus Mopsopie, & depuis dung nomme Ion filz
de Xutus, ou ainsi que escript Iosephe du nom
dung Ian^o filz de Iaphet Ionie, depuis p Miner-
ue fust appelee Athenes, par ce que les Grecz
nomment minerue Athena. Le premier qui
dona loix par escript aux Atheniens fust Dra-
co, & depuis Solon le Salaminien lequel en
abolist plusieurs dicelluy Draco, pour les gran-
des peines quelles contenoient, par ce que en
toutes les loix q^u Draco auoit establies la peine
(peu dicelles exceptees) estoit de mort, telle-
ment que ceulx qui seulement estoient con-
uaincuz doisiuete estoient pugniz de mort.
Qui auoit cueilly des herbes ou fruietz en la
terre d'autrui estoit pugny de griesue peine

que celuy qui auoit tue pere ou mere. Cestuy
Solon diuisa ladicte cite en trois estat, ayant
consideration a trois degrez de gens: les vngs
estans plus riches, les autres qui le feroient me
diocrement, & dautres qui feroient les moins
riches. Du premier estat furent ceulx qui a-
uoient vaillant cinq cens Medimnes, du secōd
ceulx qui en auoient trois cens, & pouuoient
nourrir cheualx. Du tiers furent ceulx qui a-
uoient autant vaillant, sans pouuoir entrete-
nir cheualx. Diceulx trois estat, estoient
creez magistratz. Le reste de ladicte cite, quon
appelloit Mercenaires excluz, & auoient pou-
voir de faire assemblees & de iuger & vac-
quer a autres charges ou magistratz. Selon
laquelle institution on dict que le roy Ser-
uius tullius a anciennement gouerne la cite
de Rome. Lassemblee desdictz magistratz
annuelz fust cōstituee par luy en Areopage, q
est vng quartier de ladicte ville Dathenes
dōt les aucū estimēt Dracō auoit este le pre-
mier inuenteur. Les aucuns a ce propos di-
sent que voulant Solon oster pour laduenir
toute occasion de sedition & discord ciuil, &
affin que la multitude indiscrete du peuple
ne iugeast a la legiere, dicelles quatre sortes
de gens qui estoient en Athenes, en choisist
quatre cens, qui estoient de chascun cent & a

Solon le
gislateur.

Medim-
ne est vne
mesure an-
cienne se-
blable a
celle que
nous ap-
pellons
vne mine
cōme dict
Mōsieur
Bude en
son. v. li-
ure de
Asse.

Description de Leuopē.

iceulz auroit permis de approuuer ou casser, selon que bõ leur sēbleroit, ce que les Areopagites auroient ordōne. Tellement que par ces deux moyens de mettre fin aux difficultez suruenātes, sēbloit lestat dicelle cite debuoir estre immuable & pouuoir resister a tous troubles, cōme attache a deux fermes & puissātes an cres. Il defendit que les parricides & ceulx q auoient affecte tyrānie fussent receuz aux offices & magistratz: & ne priua seulement les susdictz de ceste prerogatiue de pouuoir aspirer aux magistratz, mais encores ceulx qui aduenant en la cite quelque sedition nauoient faict pour lune ou lautre partie, disant que se- stoit le faict dung mauuais citoyen, apres auoir mis ses biēs en seurete nauoir sollicitude aucūe dūg cōmun affaire. Encores a il estably vne loy pl^e digne dadmiratiō p laq̃lle il a voulu que les fēmes ayās maryz indispoz au faict de la procreation des enfans, choisissent entre les parens de leurs maryz tel que bon leur sēbleroit pour en auoir la compagnie. Il osta les dotz qui se bailloient par peres aux mariages de leurs filles en argent, & pmist seulement que la fēme emportast de la maisō paternelle quelque vaisselle de petit pris: voulāt dōner a cōgnoistre q la societe de mariage ne se debuoit ioindre par argent, ains seullemēt p vne charite enuers les cōmūs enfēs. Aussi defendit

Diuer ses
loix esta
blies par
Solon le-
gislateur.

de mesdire desdefūctz. Si quelquū en lieu faict
ou en iugemēt faisoit iniure a vng citoyē, il e-
stoit en lamēde de cinq drachmes Il pmist de
faire laiz testamētaires nō seullemēt aux parēs
cōe estoit au parauāt pmis, mais aussi aux amis
familiers, & feist que lamytie fust preferee au
parentage, & la faueur & grace a la necessite,
moyēnāt que cela ne se feist p vne demence,
ou p quelque deceptiue psuasiō. Il osta la cou-
stume de plorer la sepulture dūg trespasle. Et
ordonna que le filz ne seroit tenu de admini-
strer ou alimēter sō pere, sinō q l eust este p luy
endoctrine en quelque moyē de viure, Et quāt
a ceulx qui nestoiēt nez en bon & loyal maria-
ge, ne les voulut contraindre nourrir leur pere
ou mere, estimant que ceulx qui ne frequen-
toient que des paillardes, demonstrent assez
par cela quilz ne sestudient a procreer en-
sans, ains seulement a volupte, & partant se
iugēt idignes de auoir secours des enfās q sen
ensuyuroiēt. Il pmist de tuer vng adultere trou-
ue sur le faict. Celuy q auoit force vne vierge
de forte, voulust estre cōdēne en lamende de
dix drachmes. Et osta le droict quon auoit de
vendre sa fille ou sa seur, sinon quelles fussent
trouuees en paillardise. A celuy qui se trou-
uoit vaincu aux tournoys Istmiacques, pro-
posa le pris de cent drachmes, & a celluy qui

Drachme
vne espe-
ce de mō-
noie pe-
sant vne
drachme.

Note cō-
tre les pe-
res nō le-
gitimes.

Description de Leurope.

vainquoit aux Olimpiaques, en adiuger cinq
cēs pour le pris. Il voulust outre q̄ a icelluy qui
apporteroit vng loup quil auroit tue ou prins,
fussent deliurees cinq drachmes des deniers
publicques. Et a celluy qui auroit tue vne lou-
ue voulut estre deliuree vne drachme, ceste sō-
me estant le pris dune brebys, & lautre som-
me le pris dung beuf, par ce que cestoit la cou-
stume des Atheniens de poursuiure les loups
comme grādement nuyfantz au bestail, & la
bourage. Il ordonna que les enfās de ceulx qui
mourroient a la guerre fussent nourriz au de-
spens du public, a celle fin que vng chascun
eust meilleur couraige a bien cōbatre. Ordon-
na semblablement que celluy qui auroit per-
du. les yeulx a la guerre fust nourry du public.
Et encores constitua vne belle ordōnance par
laquelle voulut q̄ les curateurs ne habitassent
avec les meres de leurs pupilles. Et feist defē-
ces que celluy ne fust receu tuteur, auquel a-
pres le deces du mineur la successiō deust adue-
nir. Ne voulut sēblablement que les grauiers
de aneaux retinsent le seel, & marque de la-
neau quilz graueroiēt. A celuy qui arracheroit
vng oeil a autruy voulut quō luy en arrachast
deux. Et defēdist que aucun neust a oster de
quelque lieu ce q̄ ny auoit mis, & voulut lin-
fracteur de ceste loy estre puny de mort. Plus

Sainte
ordonāce
pour les
enfāns de
gēs mou-
rās au ser-
uice de la
chose pu-
blique. -

ordóna que les premiers de la cite qui seroiēt trouuez yures fussēt pugniz de mort. Il voulut que les Atheniēs nō brassent les iours selon le cours de la lune. Il permist qu'on transportast les fruietz hors du pays, fors la cire & le miel. Il ne vouloit que a aucun fust donne droict de citoyen de Athenes, sinō quil sceust quelque mestier & quil fust venu en Athenes avec toute sa famille ou qui eust este bany de son pays a perpetuite. Toutes lesquelles Solon feist insculper en tables de bois, & les appella Axiones et voulut quelles fussēt receues & publies pour estre obseruees, iusques a cēt ans apres la publicatiō dicelles, sachāt que p ce moy en & apres que le peuple les auroit obseruees p si lōgue espace de tēps les obserueroiēt puis apres a tousiourmais, toutesfois Herodote dict ql ne les publia q pour dix ans, dauātage a celle fin q lesdictes loix fussēt en plus grāde reuerēce & mieulx entretenuees, & tout ainsi q les precedētz legistateurs auoient faict, qui souloient attribuer linuention de leurs loix au conseil & inspiration de quelque dieu, comme auoit faict au parauant Draco, il donna a entendre que la deesse Minerue estoit inuentrice de ses loix, & sur la reception & entretenement dicelles feist iurer tāt le peuple que les senateurs sur vne pierre qui estoit en la

Solon attribua linuention de ses loix a la deesse Minerue.

Description de L europe.


place publique. Les Atheniens ne sont la venus pour habiter de pays estrange, mais sont nez & ont prins leur origine en ce mesme lieu, Ilz ont este premiers inuenteurs de l'usage de huilles, laines & de vin, & a ceulx qui auparauant viuoient de gland ont appris a labourer & semer fromentz: & estoit ladicte ville Dathenes comme vng temple de bonnes lettres de eloquence, & de toute bonne discipline politique & ciuile. Et en icelle cite ont este obseruees par aucune espace de temps trois loix a lencontre de femmes, pour appaiser lire de Neptunus, lequel auoit este par elles postpose a Minerve. La premiere que nulle femme se osast ingerer dentrer au senat. Que celles qui estoient descendues de telles fēmes qui auoiēt faict ce iugemēt ne se osassent appeller meres ou matrones. Le tiers que on ne les surnōmast Atheniēnes, mais atticqs. Thucididerecite qlz ont ceste facon densepulturer ceulx qui sont morz en guerre, trois iours auant ilz edifient vng tabernacle auquel on met les ossemens du defunct, & y mettent les plus prochains, tout ce que bon leur semble: & quant est question de les transporter, ceulx du mesme estat que estoit le defunct, & de mesme condition ou du mesme quartier en prennent la charge. Et avec ce est porte vng autre pauillon & liēt

ou il ny a rien dessus, en l'honneur de ceulx qui ont este tuez en guerre, & qui nont este trouuez & ny a difference quant a lenlieuement de ce chariot entre les parens, voyfins & amys, ains y est receu le premier citoyen qui se ingere de ce, & ce pendant les femmes pleurent au sepulchre qui est public, & est pres le monumēt de Callistus, aux faulbourgs, ou est le lieu accoustume pour ensepulturer ceulx qui ont este tuez en guerre, fors ceulx qui furent defaietz a la iournee de Marathō, lesquelz pour la singuliere reputation de leur vertu & hardiesse, ont este ensepulturez au mesme lieu, & chāp de Marathon. Apres ceste sepulture feite, y a vng persōnage de discretion & autorite, qui a charge de la chose publique: lequel prononce vne oraison funebre sur les louenges du defunct: laquelle finie, vng chascū se depart & se obserue ceste forme desepulturer, toutesfois & quantes que la guerre leur, suruiuent.

Sepulture
re des A-
theniens,

La iour-
nee de
Marathō
faicte par
les Athe-
niens,

Description de Leurope.
De Laconie, & meurs des Laco-
niens, autrement dictz
Lacedemoniens.
Chap. iij.



La cite de
Lacede-
mone au-
tremēt di-
cte Spar-
the.

Lycurgus
legisla-
teur.

Aconie est vne Prouince en Pe-
loponnese : autrement appelee
Oebalie ou Lacedemonie, du nō
dūg Lacedemon filz de Iupi-
ter, & de Thaigeta, du nom du
quel a este pareillement appelee la noble, &
puissante cite de Lacedemonie : laquelle fust
par luy ediffiee, et sappelle autremēt Sparthe,
dūg Sparthus, filz de Phoroneus. En ceste ci-
te souloit estre le siege, & habitation royale
de Agamenō. Lycurgus noble philosophe fre-
re du roy Polydeotes, ayant ladministratiō &
soing de sō nepueu filz dūdict Polydeotes, suc-
cessur en ce royaulme, & a ce moyen le gou-
uernemēt de ce royaulme, institua ce pays en
tresbonnes meurs, & disciplines, & y establīst
plusieurs bonnes loix. Combien que aupara-
uant entre tous les peuples de la Grece les La-
cedemoniens seulz fussent mal conditionnez
tant entre eulxmesmes, que enuers les estran-
giers, & sans aucune communication, ou con-
uersation. Lycurgus doncques vertueusemēt
entreprenant ceste reformation de peuples,

abolist tous les anciens statuz, & facons de vi
ure, & au lieu diceulx en establist de plus ci-
uilez, & plus louables. Premièrement il choi-
sist les plus anciens de la chose publique les-
quelz consulteroient avec les roys qui estoient
deux en nombre, ceste eslite de gens estoient
pour moyenner que le peuple par reuolte ne
vlast de cruaulte, ou les princes de absolue pu
issance. Ces anciens estoient vingt & huit, ain-
si que escript Aristote, & se seoient a couste des
deux roys, sur tout pourueoient que lestat &
authorite populaire ne s'esleuast, & semblable
ment que ceulx qui tenoient le royaulme ne
feissent aucun acte de tyrannie, & estoit ne-
cessaire que ce que ordonnoit ceste cōpagnie,
fust manifeste au peuple. Long temps apres
cette institution furent mis sus les Ephores
qui estoit vne aultre cōpagnie de magistratz
& gouuerneurs qui furent adiouxtez a ceste
premiere cōpagnie: quon disoit Oligarchie,
cest adire vne administrattion & gouuerne-
ment dung empire conduict par peu de gens:
& ce au moyen que ladicte compagnie leur
sembloit trop entreprenant, & audacieuse, &
par ceste nouuelle creation de magistratz fu-
rent aucunement restrainctz: toutesfois cela
naduint que cent ans apres la mort de Lycur-
gus: & du regne de Theopompus. La diuision

Ephores
magi-
stratz de
Lacede-
moue,

Description de Leurope.

Oligarchie.

Distribution esgale de toutes les terres du pays de Lacedemonie.

des instituee par ce gouuernement Oligarchique, cest adire de petite compagnie de gens, Dóna occasion au peuple de faire despartir esgallement a vng chascun toutes les terres de Lacedemonie, estimant estre vne decēte chose : que vng citoien passast lautre en prouesse & vertu, & non en richesses, ou affluence, tellementt que de toute la terre dudiect pays, en furent faictes trente neuf mille portions, & cequestoit encloz dedens la ville en neuf mille. Ce que estoit aux chāps estant trois foys plus grand, & dauātage que ce qui estoit en la ville, fust en telle sorte distribue q̄ chascune portion dun hōme apportoit de reuenu, lxx. medymnes, & la portion dune fēme douze, & auoient intention au commencement de faire diuisiō esgale a vng chascun de tous les biens meubles quon possedoit en particulier, mais craignans lesmeute, & voyans que plusieurs commençoient a mal prandre ceste entreprinse, erent lusage total de monnoye dor, & dargent, & au lieu dicelle donnerent cours & vsance a la monnoye bastue & forgee de fer, & par ce moyen osterent occasion de desrober le fer ardant dont ilz feirent monnoye et feirēt trēper et estaindre dedens vinaigre, a ce que il fust plus doulx & plus mol, & par tant inutile a toute autre oeuvre, & ar-

tifice . Ilz chasserent tous les artz & sciences hors de leur pays , & au regard des artisans, ilz se chassoient assez de eulx mesmes , depuis que l'usage de lor neust plus de cours , & que la monnoye de fer ne leur pouuoit plus seruir & que les estrangiers ne la vouloient plus prendre & la refusoient du tout . Et peu apres voulans mettre hors toutes delices , & luxe instituerent publiques conuiues , & repues , affin que tant le pauvre cōme le riche fussent a vne mesme table , & esgallement se substentassent tous dune mesme viande . Et pour euitier & fuir que ceulx qui auoient acoustume de tenir table friande, ne se trouuassent contens & repuz en particulier, auant que de venir au disner publique . Il estoit permis de reprendre celuy qui ne faisoit bonne chere, ou ne mangeoit de bon appetit , a ce banquet comme despensier, & gourmant, par laquelle institution fust entierement annichille & aboly tout le luxe & delices anciennes. De ceste maniere & facō de viure seismeurēt les plus puissans & les plus fors, en sorte & maniere que a vng entre les autres fust vng oeil mis hors de la teste & ce , dung coup de baston, dont aduint que fust defendu de porter bastons aux publiques festins . Et appeloiet ceste maniere de bāqueter Philias cōe se

Austerite
des Lacedemoniens

Philias
cest a dire
amytiez.

Description de Leurope.

Icy est v-
surpe ce
nom de pi-
pe pour
la mesure
denōmee
par les he-
breux
Corus cō-
me le pl^o
approu-
chant au-
dict Cor^o

L'honneur
des mariz
de Lacede-
monie en-
uers leurs
femmes.

ilz les eussent vouluz surnommer certains
tesmoingnages de lamitie, & humanite pu-
blique. Ceulx qui ne se trouuoient audict con-
uiuie, a cause du sacrifice, ou pour occupation
de la chasse, pouuoient sans reproche disner
en leur maison: au reste nestoit permis, & es-
toit besoing que tous si trouuassent. Chascun
pour l'entretenement de ces conuiuies contri-
buoit tous les ans vng medyne de farine,
vne pipe de vin, cinq mines de fromage, cinq
demy mines de figues. A ceste assemblee se
trouuoient les ieunes enfans, comme a vne es-
colle de temperance, & de toute ciuilité, & la
apprenoient a tenir propos recreatifz, & pe-
titz motz ioyeux, sans aucune impudence.

Quāt a lestat de mariage, ilz se sont plus estu-
diez a la multiplication des enfans, que a cha-
stete, & ont tant attribue dauthorite a leurs
femmes, qui les appelloient dames. Les pucel-
les auoient coustume de prendre exercice a la
course, a la luitte, au dard, a courir laneau, &
ce affin que en ne s'addonnant aux delices fe-
minines ilz fussent pl^o robustes a porter leurs
enfans, & se trouuoient nues comme les en-
fans publicquement, saultoient aussi, & chan-
toient en presence de ieunes gens, en faisant
leurs sacrifices, & toutesfois ceste nudite ne
les faisoit plus eshōtees, par ce quelles auoient

touſiours vne crainte & honneur deuant les yeulx, & ny auoit aucun ſigne de lubricite. Et de ce eſt que les femmes laconicques ont eſte touſiours bien conditionnees & promptes a tout oeuvre vertueulx. Celuy qui viuoit ſans ſe marier, eſtoit chaſſe des Gymniques qu'on peult dire touſiours, & ſpectacles publicques, & eſtoit tenu en plaĩ hyuer aller al'etour du marche, a celle fin q̃l fuſt p̃ ceste hôte priue de lhonneur, & authorite que les ieunes gēs attribuoient aux plus anciens, les virges neſtoient mariees ſinon au pris quelles eſtoient rauies par les ieunes gens, moyennant quelles fuſſent en aage: leſpouſee amenee en la chambre de ſon mary ſe faiſoit raire les cheueulx, leſpouſe ſe deſpouilloit & en auoit la compaignie de nuit ſeulement, & iamais ne la regardoit de iour, iuſques a ce quelle leuſt faiēt pere, & a ces hommes ſi dignes dauoir enfans & lignee, eſtoit encores vne autre choſe permise, car toutesſois et quātes qu'un dētre eulx eſtoit par ſon ancien aage indiſpoſt a engendrer, il luy eſtoit loyſible de prendre quelque beau ieune perſonnaige & bien conditionne, & le ſubſtituer en ſon lieu enuers ſa femme, pour plus facilement auoir lignee, tellement quil vendiquoit l'efant que ſa femme apportoit, apres auoir eu la cōpagnie du ieune hom

Peine des gens qui viuoient en lacedemonie ſans ſe vouloir marier.

Description de Leurope.

Lacede-
moniens
sans ialou
sie.

me & ne tournoit ceste requeste a infamie, si quelquun prioit autrui de luy vouloir prester sa femme, encores quelle fust chaste, & pudique comme si il leust requis de labourer en bonne, & fertile terre, & propre a porter enfans. Et se railloient des autres nations, qui tournoient ceste entreprinse a vitupere, & les estimoient sotz, de ce que ilz scauoient bien la maniere de faire couvrir leurs chiennes, & iumentz, de beaulx cheuaulx, & chiens, quilz empruntoient, & quelques foys acheptoient, a ceste fin: & ce pendant nestoient que gardes de leurs femmes, & desquelles ilz ne vouloiēt auoir enfans sinon quilz feroient eulxmesmes, encores quilz fussent furieux, ou incēsez, ou indispoz, & maladifz. Il nestoit permis a aucun de nourrir son enfant, ains si toust quil estoit hors du ventre estoit porte en vng lieu public quō appelloit leschen, ou il estoit nourry iusques a ce quil fust deuenu grand: & alhors estoit ledict ēfant visite, & sil estoit trouue & approuue de bonne stature, & disposition de corps, on luy attribuoit vne des neufz mille portions, esquelles tous les heritaiges encloz dedens la ville estoient diuisez, et ou il estoit trouue debile, & indispoz ilz le precipitoient du hault en bas en vng lieu quon nommoit Apotheques, pres le mont Taigetis: &

Erualte
des Lacede-
moniēns
enuers les
petitz en-
fans.

ainsi le faisoient mourir, comme estant inutile a la chose publicque. Les fēmes baignoient leurs enfans dedens le vin, par lequel baing les corps de ceulx qui sont subiectz au mal caduc, ou hault mal se debilitent, & affoiblissent apres quelles les ont baignez il ne les secourēt aucunement, ne leur donnent aucunes sonnettes, ou passetemps, ains les tiēnent & font accoustumer a solitudes et tenebres. Et a ceste cause quelques autres natiōs fōt nourrir leurs enfans par nourrices Laconiēnes. En ce pays les enfans des laage de sept ans sexercent avec leurs pareilz, et quant aux lettres, ilz les apprenōient entant quil leur estoient necessaires, le reste de leur discipline, & maniere de viure sapprenoit par endurer, ilz auoient tous iours les cheueulx tonduz & alloiēt nudz piedz. A laage de douze ans, commenceoient a porter aucung vestement a la mode & maniere du pays, et nauoient aulcune entree es estuues, & autres moyens de entretenement delicat de la personne. Ilz prenoient leurs re-
 poz sur liētz quilz faisoient daucunes lyaisons cōme de menu boys & quelques ioncz assemblez. Celluy qui estoit pardeffus la ieune cōpagnie estoit appelle Iren, & estoit cree a ceste charge celuy q estoit pl^r aage dūg ou de deux ans: Ilz cōmādoit abatre boys aux grādz, aux

Maniere
 obsernee
 par le non
 ruses laeo
 niques
 pour en-
 durcir
 leurs en-
 fans.

Iren capi-
 taine des
 ieunes en-
 fans.

Description de Leuopè.

petitz de prendre & desrober leurs charges, et fesseaulx, oultre leur commandoit de aller es banquetz des anciens, & en iceulx desrober quelque chose, & neantmoïs ceulx qui estoïent trouuez sur le faict de larrecin auoiēt le foit, non pour cause que le furt fust deffendu, mais parce quilz estimoient cestuy badin & de peu dentendement, qui nauoit sceu desrober secrettement. Ledit Iren commandoit oultre a aucuns de chanter, aux autres de proposer quelques questions subtiles, & failloit que la response de celluy qui y vouloit respondre fust briefue & soubdaine, tellemēt que celluy qui y faisoit faulte estoit asprement mordu par le poulce, que ledit Iren luy serroit avec les dētz. Ilz estoient en oultre a pris a vser dune grauite de langage, laquelle nestoit sans ioyeufete & sentēces comprinses en briefues parolles, en sorte que ceste maniere de parler auroit donne occasion de faire vng prouerbe & cōmun dict qui estoit que les hommes plus aiseemēt pouuoient deuenir Philosophes, que ensuyure la maniere de parler des Lacedemoniēs. Il viēt bien a propoz de congnoistre a quoy se sont estudiez des le commencement toutes manieres de gēs de cestuy pays: quel zele ilz eurēt a vertu. Ladicte contree estoit diuisee en trois qualitez de gens, & en trois compagnies, &

Les lacedemoniēs subtilz & sententi-eux en leur langage encores quil fust brief.

Diuisés des Lacedemoniens.

& tant en dances, que aux sacrifices solēnelz.
 La premiere cōpagnie qui estoit des plus a-
 agez disoient, & chantoiet a haulte voix, no^s
 auons este robustes, & ieunes. A quoy les ie-
 nes respōdoient. Certes nous sommes ieunes,
 & robustes, & si vouldes, faictes en l'experien-
 ce, suyuantz lequel propos les plus ieunes fai-
 sans la tierce compaignie respondoient. Nous
 sommes bons, & fors, & quelque iour serons
 encores plus. Plutarque recite que iusques a
 son tēps a este obseruee par les Lacedemoni-
 ens la mode de vser de fifres es assaulx de ba-
 taille, Thucidide qui a le premier mis par es-
 cript ceste obseruation, ne dict quilz vlassent
 de ce son de fifre, ou par cerimonie, ou religi-
 on quelconque, ne affin de exciter les coura-
 ges au combat (ce que ont acoustume de faire
 les Romains par leurs trompettes, & clairōs)
 ains affin que au son esgal de cestuy instru-
 ment, ilz marchassent tousiours en bonne or-
 dre, & quant se viēdroit au combat quilz ne
 laissassent leur ranc. Lon liēt vng vers dung
 poete Laconien, par lequel est faicte mention
 que non seulement dung fifre ilz auoient a-
 coustume de vser en l'instat du combat, mais
 aussi dune harpe laquelle facon de faire sem-
 ble auoir este par eulx vsurpee de ceulx du pa-
 ys de Crete, ou Candie. Herodote recite, que
 f.j.

Sur ce pas-
 sage faict
 bon veoir
 ce que dit
 Aulus. Ge-
 lius en son
 premier li-
 ure au. v.
 chapitre.

Lacede-
 moniens
 vsoiet du
 son dune
 harpe en
 bataille.

Description de Leurope.

Halgates roy de Lydie ne se contentoit de auoir en son armee toutes sortes de musiciens: mais que oultre ce il eust en la guerre quil dressa cōtre les Milesiēs, toutes delices de bāquetz & festins. Au regard des Romais leur maniere dentrer en bataille estoit de fescrier & exciter grand clameur, avec le son des trōpettes, & clairons. Ce qui est bien differēt a ce que a escript Homere des Acheiens, lesquelz en dōnant la bataille ne faisoient aucun bruit. Les Gaulloys au contraire, alloient au combat comme silz eussent voulu baler & donnoiet de leurs escuz sur leurs heaulmes, aīsi cōme escripuēt Polybius, & Tite liue. Aulcunes nations barbares entrēt en bataille avec hules, & clameurs espouentables. Par laquelle variete appert assez que les Spartiens, ou Lacedemoniens, nont este ensuiuyz par les autres nations au faict de la guerre, & sons dinstrumentz dont ilz ont vse. Si tost que les Lacedemoniens estoiet au dessus de quatorze ans, ilz laissoient agrandir leurs cheueulx, & ce par ledict de leur Legislatueur, q̄ estimoit que vng hōme deuenoit plus beau de porter perruque, & encores quē iceulx y eust deformite aucūe, que toutesfois la prūque les rendoit plus audacieulx, & hautains. Quant leur roy vouloit donner bataille, il sacrifioit aux Muses vne

Lacedemoniens
portēt lō-
gues per-
ruques,

chieure. Et tant en temps de paix, que en tēps de guerre ont tousiours eu en singuliere reco- mandation & obseruation, comme pour cer- taine, lexercice au fait de la guerre, sexstimās estre nez nō pour eulx particulieremēt, mais pour la defense & honneur du pays: tellemēt quilz ont contemne tous ars questuaires: tant estoient intētifz a lexercice des armes. Le re- ste du temps estoit par eulx employe aux con- uiues, tellement que finablement aduint ce q̄ recite Plutarque, que les Spartes, ou Lacede- moniens ne vouloiēt, & encores quilz eussent voulu, ne pouuoiet plus viure en p̄ticulier, en forte quilz se dedioient du tout a lentretene- ment du pays. Leur maniere de bailler leur voix, & suffrages es nouuelles electiōs de ma- gistratz, estoit tout autre que celle des autres natiōs, vng biē petit nōbre dētre eulx a ce choi- siz, et esleuz, entroiet en vng cōclauē prochain du lieu ou se faisoit lassemblee: daquel cōcla- ue ilz ne pouuoient veoir personne, ne eulx es- tre apperceuz de personne. Et en apres enten- doient dicelluy lieu les lieux ou se rengeoient les deux parties, & competeurs, & conside- roient diligēmēt duquel des deux lieux sor- toit plus grād clameur, & pluralite de voix, et le redigoiet par chiffres en vng tableau p̄ leq̄l puis apres mis en public, on cōgnoissoit celuy

Description de Leurope.

quil auoit emporte a la pluralite des voix. Lycurgus premier osta la superstition quilz auoient de ne ensepulturer aucun sinon hors la cite, & permist que non seulement en icelle, mais encores es enuiron des temples on edifiast sepulchres, toutefois nestoit permis dengrauer en iceulx le nom de homme ou femme, fors de ceulx ou celles qui auoient este tuez en guerre. Et nestoit permis de faire dueil dung defunct apres onze iours passez. Il nestoit aussi permis aux Citoiens de aller es pays estranges, de paour quilz nen apportassent nouuelles facons de viure. Et dauantage nul estranger ny estoit receu, sinon quil fust utile a la chose publique: & ce (come escript Thucydide) de paour, que les estrangers nappriussent leurs facons et gouuernement, ce que lon pourroit estimer comme chose inhumaine, & estrange: toutefois Plutarque diet que cestoit de paour que par la frequentation quilz eussent peu auoir avec telles gens, plusieurs nouueaulx cas suruinsent a leur ville, & consequemment nouueaulx discordantz iugemens & voluntez, qui sont choses trespernicieuses a vne chose publique. Ledit Lycurgus ne voulut que les ieunes gens eussent plus dung vestement en vng an: afin que l'ung ne fust trouue mieulx habille que lautre, come aussi ne vou-

Pour-
quoy les
lacedemo-
niens ne
recepuent
que a grand
difficulte
vng estrange
geré leur
cite & ne
luy comu-
niquent
leurs affaires.

loit que lung fust plus magnifique, en banq̃tz que lautre. Il ne pmist que on acheptast a argent, mais voulust que lon eust les choses par eschāge de marchandise a marchādise. Ilz ne vouloit que les enfans aagez de quatorze ans frequētaissent les lieux publicques de la ville, ains quon les menast aux champs, pour les acoustumer au trauail, & a la besongne, & non aux delices. Il ne vouloit quilz eussent aucun list, ou chose semblable pour dormir, ne quil vlassent de potaiges, & ne vouloit qlz retour nassent a la viile plustost quilz fussent deuenuz hōmes. Il voulut q̃ les vierges fussent mariees sans aucun dot, affin que les fēmes ne fussent choysies pour leur richesses, & que les maryz eussent plus grāde authorite, quant ilz se verroient nestre tenuz a grāde restitution de douaire. Il voulut que lhōneur fust defere aux vieulx, & anciens, & p̃dessus les riches, & puissans, tellemēt qlz ny eust terre onques, en laquelle on feist plus dhōneur a vieillesse quē ceste cy. Leurs roys auoiēt la charge des guerres, leurs magistratz des iugemēs, et decisions des pces, & diuisions des successiōs annuelles. Le senat la charge des loix, & statutz, le peuple de creer magistratz, & au lieu des anciēs en substituer telz q̃ bō luy sembloit. Et p̃ ce q̃ ces loix aīsi establies p̃ Lycurg⁹ leur sembloiēt

Lacede-
moniens
ne prenoi
ent fēmes
pour leurs
richesse.

f.iiij.

Description de L'europe.

Moye par
lequel Ly
curgus dō
na aucto-
rite & for-
ce a ces
loix.

Auctorite
& preemi-
nence des
roys des
Lacede-
moniens.

dures & estranges aupris de la liberte, & vic-
licetieuse quilz auoiēt aparauāt vescu. Il leur
feist acroire que Apollo dieu adore en Del-
phes, les luy auoit baillees, & que dicelluy pa-
ys de delphes il les auoit apportees par le cō-
mandement dudit Apollo, a celle fin que len-
nuy de se y acoustumer fust surmonte & gai-
gne, par la crainte de ofenser ce dieu Apollo.
Et a celle fin aussi que ces loix fussent inuiol-
ablement gardees, & a ppetuite. Il feist sur ce
iurer tous les citoiēs, quilz ne chāgeroient riēs
dicelles loix, plustost que il fust de retour du
pays des Delphes, ou il feist sēblāt de aller
pour consulter Apollo, & scauoir de luy si il
auoit quelque chose en icelles loix, qui deust
estre changee, et au lieu de ce voyage ilz se re-
tira en lisle de Cādie, ou il mourut, & auant q̄
mourir cōmanda que on iectast ses ossemens
en la mer, de paour que les Lacedemoniēs en
les recourāt neussent occasion de se reputer
absoulz de leur serment, & consequemment
de changer leurs loix. Il ne sera hors de pro-
pos si nous recitons les preeminences, & pre-
rogatiues quilz ont attribuees a leurs roys.
Premièrement les faisoient grans prebstres,
pour sacrifier a deux de leurs dieux, cest assa-
uoir a Iupiter lacedemonien, & a Iupiter le
celeste. Oultre ce ilz auoient droit de de-

noncer, & liurer a lencontre de telles nations et peuples ce que bõ leur sembloit, et defenses a ceulx du pays quelz quilz fussent de ny donner empeschement, autrement encourir vne peine telle que meriteroit vng crime tresenorme. Plus les roys auoient prerogatiues de marcher les premiers en bataille, & les derniers au retour, de auoir cent hommes pour leur garde en temps de guerre. En sortant hors la ville pour aller en guerre. Ilz auoient pouuoir de prendre autant de moutons que bon leur sembloit, pour les sacrifier, & apres les auoir sacrifiez, ilz en prenoiët les peaulx, & le derriere. Et telz droictz auoient leurs roys en temps de guerre, & en temps de paix, toutesfois & quantes quil se faisoit quelques festins apres les sacrifices, ilz se asseoient les premiers a la table, & les seruoit on les premiers, & a chascun deulx deux estoit serui deux foys autant de viande que aux autres conuiues, & tout le reste des vins dont estoient arrousez les sacrifices, ensemble le cuyr des bestes que on sacrifioit estoit a eulx. Et a chascun le premier iour de chascun moys estoit distribue son mouton, ou brebys, pour sacrifier au dieu Apollo, & vne medymne de farine qui sont six boisseaulx, & enuiron vng petit quart de vin.

Description de Leurope³

Pythiens
apollo.

Pōpes fu-
nebresdes
roys de
Laconie.

Oultre ce aux ieuX & spectacles publicques, leur estoient preparez certains sieges, & leur estoit pmis de sappuyer ou accouder sur les espaulles du premier réconte, & aussi de eslire chascun de eulx, deux Pythiēs. Et estoient appellez Pythiens ceulx q̄ on enuoioit en Delphes, pour cōsulter les oracles du dieu Apollo, & qui auoient acoustume de prédre leur repas avec les roys. Quāt les roys nalloiēt au bāquet on leur ēuoioit deux Choenices, cest adire deux demyz boyssseaulx de farine, & a chascū deulx vng cotyle, cest adire vng septier de vin, quāt ilz sōt presens on leur baille tout au double. Aussi est en leur choix de bailler en mariage vne pupille orpheline, ou a celuy a q̄ le pere lauoit promise, ou a celuy a qui la mere, plus nul ne pouuoit adopter vng filz daultuy, sans le gre du roy. Ilz auoient le gouuernemēt des chemis publicques, Ilz se trouuoient aussi quant bon leur sembloit au senat, auquel assistent trentedeux anciens, & quant les roys ne si vouloiēt trouuer ilz enuoyoient deux de leurs plus puchaīs, q̄ tenoiēt leur place & preeminēce, q̄ auoiēt pouuoir de bailler deux voix pour les roys, et vne pour eulx. Et telz sōt les p̄uileges des roys viuās. Quāt ilz sōt decedez, les chevaliers p̄ toute la cōtree de Lacōie denōcēt aux peuples leurs trespas. Les

femmes sen vont parmy la ville frapant des potz, & ce pendant de chascune maison y en a deux, cest assauoir vng homme & vne feme qui menent dueil extreme, & y a grād peine contre ceulx qui nen font leur debuoir. Telle sorte de sepulchurer les roys ont les lacedemoniens que ceulx d'asie & plusieurs autres nations barbares. Cest que quant leur roy est dece-de, il fault que de tout le pays de laconie fassent infinie multitude de gens tāt mai-stres que seruiteurs, & apres quilz se sont as-semblez ilz se hurtent les fronz les hommes contre les femmes & font grandes hullees, di-sant incessammēt que leur roy dernier dece-de estoit de bonne sorte. Et quant il est mort en guerre ilz mettent sa pourtraicture sur vng liēt bien aorne: et ainsi le portent par la ville & le mettent au tombeau: pēdant lequel tēps il ne se faict aucun acte iudiciaire ne aucunes assemblees de magistratz, ains menent vng dueil cōtinuel l'espace de dix iours. Ilz ont enco-res vne autre facō de faire sēblable a celle des Perse, cest que quiconques succede au royau-me il doibt acquiter tous ceulx du pays de ce quilz doibuent ou au predecesseur roy, ou a la chose publique. Les roys de Perse sont tenuz a leur nouuel aduenement a la couronne de quitter les villes de leur royaume des tailles

Sepulture
des roys
de Lace-
demon.

Magnifi-
cence des
roys de
perse et de
Laconie
a leur ad-
uenemēt
a la cou-
ronne.

Description de Leurope.

deues pour le regard du temps passe. Les Lacedemoniens ont en oultre vne facon de faire cōmune avec les Egyptiens, cest que leurs trōpettes & fiffres ou menestriers, & sēblablemēt leurs cuysiniers succedent au mestier de leur pere, tellement que le pere cuisinier aura son filz cuisinier, le pere menestrier sō filz menestrier, & le crieur ou trōpette son filz crieur, & ny a aucun qui vsurpe sur eulx ne qui se ingere de faire leur mestier, encores quilz y fussēt plus experts & plus propres: & telles sont leurs manieres de viure.

¶ De lisle de Crete & meurs des Cretes ou Can- diens.

Chapitre.iiij.

Crete le
tēps passe
a eu cent
villes.



Crete que lon appelle autrement Candie, est vne Isle en la mer mediterranee, renōmee entre autres de ce que en icelle autrefois on y a veu en vng mesme temps cent villes habitees, Ceste Isle comme descript Strabo du costē de Septentrion a la mer grecque ou Egee, quelque fois appellee mer cretique, deuers Oc-

cidet est a lopposite de lisle de Egilã et Cythe
 re: deuers Loriët a lisle de Carpathos, elle a en
 lōgueur deux cens soixãte dix mil pas, de lar-
 geur cinquãte mille pas & de circuit cinq cēs
 quatre vingt huit mille . Les villes de ceste
 Isle sont Cortina , Cydonea, Gnosc, ou le roy Minos
 Minos faisoit sa demourance, & la est montai- roy de
 gne laquelle est la plus haulte & la plus renō- Crete.
 mee de tout le pays, & laquelle ainsi que recite
 Apollodore a deux mil trois cens stades de
 longueur & cinq mil stades & plus de cir-
 cuit. Artemidore dict quil y en a mille moins.
 Il nya en Crete aucune beste nuysive, nul ser-
 pent nulle chouette, et si aucune y est trouuee,
 soubdain on la met a mort . Il ya abundance
 de cheureaulx, peu de cerfz, grand abundance
 de tres bon vin, elle produict vne herbe que on Herbes
 appelle Diptamos, & vne autre qui se nomme croissates
 Alunose, qui sert pour resister long temps a la en Crete
 fain. Il y croist quelques racines quon appelle & bons
 Sphalanges, qui sont veneneuses, & vne pierre vins.
 nommee Idæ dactyle. Au parauant sappelloit
 Cureta, a cause que ceulx qui y habitoiët sap-
 pelloient Curettes: depuis par vne sincope fust
 dicte & appelee Crete. Les aucuns disent quel
 le fust appelee Creta dung filz de Iupiter qui Crete pre
 sappelloit Cretes, & estoit Roy des Curettes. mieremēt
 Les autres qui disent, et est leur oppinion appellee
Cureta.

Description de Leurope.

Rhada-
māus le
gislateur
des Cre-
tes.

que leur nom viēt dune nymphe fille de He-
sperie, laquelle on appelloit Crete. Ledit pays
de Crete a este au commencement habite par
gens sauluaiges, lesquelz furent par Rhada-
manthus reduictz a meurs plus ciuilles & de-
puis suruint Minos qui les induict a viure se-
lon equite & iustice. Platō recite que les Lace-
demoniens & autres peuples de Grece, trefā-
ciens ont prins & a eulx approprie les loix &
coustumes de viure de ceulx de Crete. Leur
bon gouuernement & police fut premieremēt
abatue par les tyrans, & depuis par les incur-
sions & pilleries des pyrates & larrōs de mer
du pays de Cilicie. Ceste nation a este au com-
mencement fort studieuse de liberte et ne se-
stimoient riens posseder sinon ce ou les tyrā
nauoient aucune puissance. Ilz eurent en sin-
guliere recommandation la paix & vnion de
tout le pays, cōe estāt ennemye a seditiō mere
de toute auarice & souloient anciennemēt vi-
ure de peu & chetifement. Les ieunes enfans
se trouuoient aux compaignies. Les hommes
faisoient conuiues publiques les vnsg avec les
autres, & entreprenoiēt les guerres pour la
defence de la chose publique, des leur ieune
aage sexerceoiēt aux armes. Et sacoustumoiet
a endurer les chaleurs & froidures de la mer
& gagner a la course les lieux mōtueux & di

ficiles:leuer combatz en leurs assemblees & escolles,vser souuent de arcs & feschcs en s'exerceant aux armes,observer vne maniere de saulter qui se faisoit avec ployemēt du corps, quilz appelloient fault Pyrrhique, & auquel ilz s'exercitoiēt pour euites les traictz, & pour euader des enclostures & hayes. Aussi ilz sabilloient de hocquetōs & chausseures de guerre, & sur tout estimoient estre vng grād don, ou presēt que dunes armeures ou hallectretz. Et dauantage ilz estoient si curieux de la marine que quāt on veoit quelcū q faignoit ignorer ce quil scauoit, on disoit vng commun prouerbe. Il est de Crete, & ne scait que cest que de la mer, Ilz faisoient mariages entre gens de mesme sorte & cōdition, & estoit le choix des pucelles de prendre qui bon leur sembloit entre les ieunes gens, et ne pouuoient estre emmenees hors de la maison paternelle iusques a ce quelles sceussent que cestoit que de gouverner vng mesnage: on leur donnoit en mariage se il y auoit vng frere la moictie de la succession de pere & mere. Les ieunes enfans par les loix estoient contrainctz d'apprendre les lettres & certaines chansons musicales, & si tost quilz estoient amenez aux compagnies & assemblees des hommes quilz appelloient Sissyties ilz se seiōt en terre habillez de paou

Sault ou
saltation
Pyrrhi
que a la
quelle se
xercoient
les Cretes

Cretes
tāt addon
nez a al
ler par
mer, quil
en a este
vng pro
uerbe
faict.

Description de Leurope.

ures vestemens, & si tost que les hommes comenceoient a combattre, le plus aage & le plus fort de la compaignie des ieunes, conduisoit le reste pour estre au seruice des combatans.

Et sestudioient a leur pouuoir de assembler plusieurs de leur aage, & aller ensemble a la chasse & sexercer a la course, & certains iours entre autres auoient de coustume de batailler les vngz contre les autres, & donner lassault au son de fifres & harpes. Aucuns aussi disent

Maniere
de discer-
ner les
iours heu-
reux da-
uec les in-
fortunez.

que ceste gent auoit coustume de marquer les iours qui leur estoient heureux dune pierre blanche, & les iours infortunez dune pierre noire.

Les autres attribuoient
ceste facon aux
Thraces.

¶ Du pays de Thrace, & cruelles meurs des Thraces.

Chapitre cinqiesme.



Thrace quon appelle de presēt Ro manie est vne region eu Europe, que on nōbre entre les parties de Scithyee: celle est apres le pays de Macedonie du couste de Septētriō, elle a la ri uiere appelee Ister vers Oriēt, la mer Pōtique & Propontide vers le midy, la mer Egee. Pre mierenent s'appelloit Scythion: depuis Thra ce dung filz de Mars qui se nommoit Thrax ou dung nom Grec thraqui qui signifie vne chose rude & aspre. Ceste region comme recite Pompone Mele, est assez infertile & intemperee, fors es lieux ou elle est plus prochaine de la mer, par ce quelle est froide & la pluspart inutile aux semences, & qua si en tout le pays ne se trouue vng seul arbre qui soit bon ne fructier, bien quil y aye quel ques vignes dont le fruct ne vient a matu rite sinon apres que le froict en a faict choir les fueilles, en telle abundance que les labou reurs a peine en peuēt il approcher.

Les villes de plus grand renom quon y a veu le temps passe sont Apollophanie, Enos Ni copolis Byzantium, laquelle depuis du nom de lempereur Constantin a este nommee & appelee Constantinoble: et par luy grādemēt

Thrace
aujour-
dhuy Ro
manie.

Thrax
filz de
Mars,

Les villes
de renom
en Thra
ce.

Description de Leuröpe.

Riuieres
& mōtai
gnes de
Thrace.

La force
des Thra
ces.

Gethes &
Traufes
peuples
en Thra
ce.

Samolxis
iadis disci
ple de Py
thagoras.

augmenter, tant quelle fust finalement le sie-
ge du tresexcellent empire, & le chef de tout
lorient, oultre lesquelles villes estoient enco-
res de renō Perinthe, Lyfimachie et Galiopo-
li les riuieres grosses estoient Hebre Nestos
& Strymon. Les montaignes Hemus Rho-
dope, & Orbelos. En ceste regiō sōt gēs fort ru-
des & en grand nombre, tellement que se ilz
estoient gouuernez par vng seul, & quilz fus-
sent dung mesme vouloir, le pere des hystoi-
res Herodote dict quilz seroiēt inuincibles, &
les plus puissans de toutes les natiōs: mais dau-
tant que ces choses leur defaillent, & quil est
impossible q les puissēt acquerir, partāt sōt ai-
sez a subiuguer. Ilz ont en leur pays plusieurs
& diuerses contrees, & chascune contree a son
nom, toutesfois ilz ont mesmes facons de vi-
ure, fors les Gethes & Traufes, & ceulx qui sōt
au dessus des Crestoniens entre autres les Ge-
thes se persuadent de ne mourir a perpetuite,
& que apres quilz ont rendu lesperit, ilz se rē-
dent au lieu ou est leur dieu Samolxis: qui
de son temps estoit disciple de Pythagoras, le
quel retourne en cestuy pays dont il estoit ve-
nu, & voyant les Thraces viure dune sorte si
estrange & si rude, les institua en la maniere
de viure & loix des Ioniens, quil auoit aprinse
a la suite de Pythagoras, & persuada au peu-

plé qui le suyuoit que apres quilz auroient ré-
 du lesperit, ilz se trouueroiēt avec luy en vng
 lieu certain, ou il leur promettoit affluence de
 tous biens: & par ce moien ayāt acquis enuers
 eulx tiltre & authorite, comme sil eust este
 vng Dieu, se retira dauec eulx & ne sceurent
 quil deuint, & leur laissa vng grand regret
 de le perdre. Et depuis ilz eurent vne facon
 de faire de luy enuoier vng messagier en vne
 nauire a cinq rames, & estoit gette au fort
 pour scauoir celluy qui prendroit ceste char-
 ge dentre eulx, & ne luy mandent autres
 nouuelles finō quilz le prient de leur enuoyer
 ce dont ilz ont necessite, & cependant est dō
 ne charge a trois dentre eulx de tenir trois
 traictz, & aux autres de prendre par piedz
 & mains celuy quil enuoient a Zamolxis, &
 en lesbranlant & esleuant quilz ayent a le
 getter sur les trois traictz, & si de ceste preci-
 pitation le messagier meurt, ilz estiment que
 leur Dieu leur soit propice, & les aye exaul-
 cez: se autrement aduient, ilz estiment que
 cest par la faulte & mauuaistie de celluy qui
 est enuoye, & en son lieu en enuoiēt vng au-
 tre. Lesdictz Thraces ont de coustume de get-
 ter fiesches en lair pendant quil tonne en me-
 nassant Dieu, et disās quil nest autre dieu que
 le leur. Quāt aux Trauses ilz ont mesme facō

Particu-
 liere facō
 de faire
 des Thrau-
 ses,

Description de Leurope.

de faire que les autres Thraces, fors que a la natiuite de leurs enfans, & a la mort diceulx, ilz ont deux diuerſes manieres. Car a la natiuite tous les parens enuiron lenfant plorent & recitēt entre eulx les calamitez qui luy doib uēt aduenir en la vie humaine et a la mort, ilz lēſepulturēt en grād ioye & allegreſſe, en recitāt les calamitez deſquelles la mort lauroit exēpte, & les felicitez auſq̄lles p mort il eſtoit paruenū. Ceulx qui ſont au deſſus du pays des Cretoniēs ont ceſte obſeruatiō quilz ont chaſcun pluſieurs fēmes, et ſi toſt q̄ le mary eſt decede il ſourd vng grād debat entre elles lequel eſt iuge p les parēs du defūct, & eſt la cōtentiō & deſbat dētre elles de ſcauoir laquelle auroit eſte la plus aymee par leur defūct mary, & cel le q̄ eſt iugee la plus aymee, & a emporte lhōneur, eſt aornee tant par les hōmes que fēmes du pays: & eſt en ceſte ſorte menee iuſq̄s au ſepulchre de ſō mary, et la eſt tuee p vng de ſes pl^r pchains parēs et inhumee au tōbeau de ſon mary, les autres fēmes ce pēdāt menāt grand dueil de ce q̄ lhōneur & bōne fortune ne leur ſeroit aduenue, p ce que cela leur tourne a grād reproche. Les autres cōtreēs du pays de Thrace ont p vne facon anciēne, acouſtume vēdre leurs enfās, & nōt acouſtume de garder leurs filles, ains les pmettēt ſuyure & auoir cōpai-

gnie du premier q les prêt, mais quāt est que-
stio de les prédre a fēmes, ilz les gardēt pl^r sō
gneusement, & sōt achepteēs de leurs peres &
meres a cher pris. Ilz ont acoustume de leur
marquer le frōc de quelqs piqueures & stygma-
tes, & est ceste marque vng signe de generosite
& de noblesse: tellemēt que ceulx q ne portent
ces stygmates sōt reputez les plus viles, & de
pl^r basse cōditio. Quāt les plus belles veulent
estre mariees, ilz se sōt mettre a certain pris, et
apres quon leur a octroye de ce faire encherir
et qlz ont este appreciees, nul nest receu a les
auoir en mariage sinō en y mettāt le pris auq̃l
elles ont este estimees. Au cōtraire celles q nōt
beaulte en elles, proposēt & offrent plus grād
dot a ceulx qui les veullēt espouser. Les hōmes
& femmes en mengeant tournent autour
dun feu sur lequel ilz gettēt de la graine du-
ne herbe dōt ilz ont abundance de laquelle
fort vne fumee qui leur hebete le sens & font
ceste chose pour mieulx ressembler les yures,
& prennent plaisir a ce ieu. Ce leur est chose
honorabile de ne rien faire, & viure de rapi-
ne, au contraire labourer les champs, et rusti-
quer, leur semble que cest vne chose con-
temptible, & la tournent a deshonneur.

Ilz adorent plus communement Mars, Ba-
eus, Diana & Mercure pour leurs Dieux,

Ce passa-
ge faict
pour en-
tēdre vng
autre de
Cicero
au secōd
de ses offi-
ces ou il
parle de
Alexāder
Phereus:

Thraces
se disent
estre de-
scēduz de
Mercure.

Description de Leurope.

Thraces
passēt to⁹
autres en
grandeur
de corps.

Maniere
de creer
roys ob-
seruee par
les Thra-
ces.

& iurent par le nom dicelluy seul, et lestimēt estre le premier dont ilz sont descenduz. Les Thraces excellent & passent tous les autres hommes en grādeur de corps. Ilz ont les yeulx pers, vng cruel regard, & espouventable son de voix, & viuent lōguement. Ilz ne eslieuēt leurs edifices gueres hault hors de terre, et ont leurs viandes tousiours a vng mesme taulx & pris. Ilz nont vsance de labourer vignes. Quāt est questiō entre eulx de eslire vng roy. La noblesse na acoustume de lemporter, ains celluy qui a la pluralite des voix & faueurs, & a le peuple acoustume de eslire quelque homme de bonnes meurs, la clemēce duquel leur soit approuuee & q soit desia aage: entre autres choses ilz prēnēt garde a ce que celuy quilz veulent eslire naye aucuns enfans, car quiconques en a, encores quil soit de bonne vie, si est ce quil nest iamais appelle pour Roy: & si apres que ceste authorite royalle luy est aduenue il cōmence a auoir enfans, soubdain luy font laisser la royaulte, en sorte quilz empeschent a leur pouuoir, que le roy ne se face par succession. Et dauantage quelque equite que aye le roy, toutesfois ilz ne luy laissent vne puissance absolue: ains luy baillent quarante gouuerneurs a celle fin quil ne iuge seul quant est question de la mort dung homme,

tellement que luy mesmes estât trouue coul-
pable est puny de mort comme seroit vng
aultre, non pas par execution de la main de
quelque autre, mais par ce que apres que dūg
commun accord on luy a interdict l'usage
de toutes choses, par ce moyen luy conuient
mourir de faim. Ilz ont telle maniere d'inhu-
mer les plus nobles. Apres quilz ont porte
par l'espace de trois iours le corps & quilz ont
sacrifié toutes sortes de bestes, ilz font vng
festin ou banquet, & apres auoir quelque es-
pace de temps plore, ilz le mettent en cendres,
& puis le mettent au sepulchre, & ce faict
ilz dressent toutes sortes de combatz & tour-
noys, & entre autres vng combat de deux lun
contre lautre. En la guerre quilz eurent con-
tre le Roy Darius, ilz vsoient de telz har-
noys & armeures, ilz faisoient testieres de pe-
aulx de Renardz, & par dessus leurs vestemēs
estoit couuers de hocquetons. Ilz font leurs
chaussures de peaulx de cheureaulx. Ilz por-
tent dars, pauoys, & petitz poignars, & sont
fort dextres a tirer de larc, & disent quilz en
sont inuenteurs, & ont mesme langage que
ceulx de Scythie. Pline recite que tout le pays
de Thrace estoit party en cinquante capitai-
neries & gouuernemens. Au iourdhuy celle
partie de Thrace que tenoient les Gethes, est

Roy de
Thrace
subiect
aux loix
& peines
cōtenues
en icelles
cōme les
autres.

Pays de
Thrace
diuise en
cinquāte
gouuerne-
mens.

Description de L europe.

Flaccie de
puis ap-
pellee Va-
lach.

appellée Valache en laquelle le roy Darius
filz de Hydaspes cuyda estre tue: & est appel-
lée Valache du nom des Flacces, qui estoiet
vne lignee en Romme. Par ce que les Rom-
mains apres auoir subiugue ceste nation par
la conduicte dung capitaine de ceste lignee
que on appelloit Flaccus: enuoyerent gens
pour y habiter, qui commencerent a appeler
ce quilz habiterent Flaccie, & depuis estant le
langage peu a peu corrompu, lappellerent
Valachie, & de ce en faict assez tesmoigna-
ge, que encores pour le present ilz vsent du
langage Rommain en ceste contree, combien
quil soit si corrompu que a grand peine le
peuuent les Rommains mesmes entendre.

Sicules
ou Sici-
liens autres
que ceulx
de Sicile
pres Dita-
lie.

Ilz ont vsaige des lettres Rommaines, fors
quil y a quelques lettres changees, ilz ont pa-
reille religion & ceremonie que les Grecz.
Ceste terre fust depuis occupee par les Daces,
au moyen dequoy fust quelque espace de tēps
appellée Dacie. Pour le present les Allemans
Theutoniques les Siciliens & Valaches loccu-
pent. Les susdictz Theutoniques furent gens
belliqueux que le roy Charlemaigne print au
pays de Saxe pour les enuoyer habiter en ce
pays, lesquelz pour le iourdhuy au moyen des
sept villes esquelles ilz habitent sont appel-
lées Seiben Burgeris, comme habitans de sept

villes. Les Siciliens estoient dune ancienne
 contree de Hongrie, descendue de Scythie,
 lesquelz finablement feirent leur demeure en
 ce pays. Il y a deux factions entre les Vala-
 ches lune quon appelle les Dragules, les au-
 tres quon appelle Danoys, ou Dauoys, dont
 sont venuz les deux noms que les poetes co-
 micques donnent a seruiteurs Geta, & Dauus
 (comme aucuns ont escript.) Leditz Dra-
 gules estans les plus foibles ont du viuant de
 noz predecesseurs amene les Turcs en ce
 pays, & par leurs forces ont entierement de-
 faict tous les Danoys. Iehan Huniade homme
 tresexpert & prompt en guerre secourust les
 Danoys, & apres quil eust chaste leurs enne-
 mys de ceste terre, il sen vendiqua la princi-
 paulte. Les Valaches saddonnet fort au la-
 bouraige & au bestail, en quoy ilz monstrent
 dont ilz sont descenduz. Ilz payent vne foys
 seullement tribut au Roy au commencement
 de son regne, & se done p chascune des familles
 vng boeuf pour tout tribut, & se treuuet quel-
 ques foys soixante mille. Quant on leur faict co-
 mandement de aller en guerre, ceulx qui ny
 obeyssent sont punyz de mort. Leditz pays de Va-
 lachie est confine au pays de Transylvanie du co-
 ste de Loccident, & deuers Lorient sextend
 iusques a la mer Euxine, vers Septentrion est

Valaches
 diuisez en
 deux fa-
 ctions.

Iehan Hu-
 niade ex-
 cellent
 chef de
 guerre.

Par ce
 que cy des-
 s' est dict
 quilz fu-
 rent la en-
 uoyez par
 les Ro-
 mains.

Transyl-
 uanie &
 Valachie
 pays con-
 fins lung
 a lautre.

Description de Leurope.

prochaine au pays de Rusie, deuers le midy est inunde de la riuiere de Ister, tout ce qui est a l'entour sont gens champestres, ilz sont continuellemēt affligez de l'hyuer, & intemperature du ciel: & en pouuoit bien peu substantier le reuenue de ce pays le tēps passé. Et ce defendēt contre les pluyes & froidures, les habitans de ce pays de toictz de chaulmes & de fueilles darbres. Ilz sebastoient a faulter sur la glace, et a courir apres les bestes fauluaiges pour leur nourriture. Ilz nauoient aucuns domiciles ou habitations, fors ou ilz se trouuoient quant ilz festoient lassez tout le iour, ilz alloient testes nues, & leur estoit force de charcher leur vie selon que la paouurete du pays leur pouuoit subministrer.

¶ Du pays de Rusie, ou Ruthenie, & meurs recentes des Rutheniens. Chapitre sixiesme.



Vsie quon appelle autremēt Ruthenie et Podolie, elle est partie en trois. La premiere partie est appellee Albe superieure, puis ya Albe inferieure. La tierce est pretēdue du pays de Poloine

Du couste de Septentrion est enclose de la ri-
 uiere du Peus, & deuers Orient du Mosc, de-
 uers occident Liunie & Prussie, qui sont par
 ties de Germanie ou Allemaigne, luy sont cō
 fins & pays adiacentz. Les fins des Rutheni-
 ens, ou Roxolās (car ainsi sont par aucuns ap-
 pellez) ont dix iournees d'estendue depuis la
 riuere de Tanais, iusques a loceane & mer
 Septentrionale, & le pays en soy contient no-
 nante iournees & plus, a le prédre de puis les-
 dictes limites, iusques a la mer Germanique
 quon appelle mer Baltee, iusques a la mer Cas-
 pie, quon dict mer Abacuc. Ceste region est si
 fertile, que encores que la terre soit mal labou-
 ree, toutesfois en y semant du froment elle
 porte continuellement par trois ans, & n'est
 besoing de faire nouuelles solles par chascun
 an durant lesdictz trois ans, ains suffist en fa-
 iant les bledz semer vng peu le chaulme, telle
 mēt q̄ sans autre facon, la terre apporte l'année
 ensuyuant. Lespy de bled y croist aussi grand
 que vne perche, & de ce aduiēt quil y a si grā
 de abundance de mousches, que la pluspart se
 trouue miel non seulement en leurs ruches,
 & paniers & es arbres, mais encores es rocz,
 & cauernes. Le tres bō miel & ces grās pains
 de cire quon voit en ce pays se apportent de
 ceste region. On na point acoustume en ce-

Rutheni-
 ens par au-
 cuns ap-
 pellez Ro-
 xolans.

Fertile
 du pays
 de Ruthe-
 nie.

Miel & ci-
 re en abū-
 dance au
 pays de
 Ruthenie
 ou Rusie.

Description de Leurope.

stuy pays peupler les viuiers, & estangs, mais les poissons se y prennēt au pris que linfluence du ciel les y multiplie en si grand nombre, q̄ le seſtāgz ou viuiers ne les peuuēt porter. Ilz amassent du sel en vng lac, quilz appellēt Kat gibe, & en temps de seichereſſe, pour lequel ilz ont ſouuent guerre contre les Tartares.

Du pays
de Chel-
mes en
Ruſie.

Ceſt vne choſe merueilleuſe de ce quon diēt du terroir de Chelmes en ce pays ou les branches abatues dung Pin delaiſſees par deux ou trois ans en terre deuiennent auſſi durs que pierres. Il y a en ce pays vne grande quantite de tref bonne craie, du couſte de la riuiera de Tanais, & lac Meotide, on y trouue cannes deſpiceries, & de reuponticque, & pluſieurs autres herbes, & racines que lon ne trouue ailleurs. La ville capitale de ce pays & en laquelle les Roys font leurs demeurance, ſappelle Moſcouie, ſituee ſur la riuiera de Moſce, et a la diēte ville quatorze mille pas de circuit. Ilz nont aucun vſaige dargent monnoye. Il y a en ceſte ville vne grande pierre quarree au meillieu du marche: celluy qui monte ſur ceſte pierre & nen peult eſtre mys hors par les autres, gaigne la principaulte ſur tous ceulx de la ville. Au moyen dequoy ſouuent ſeſſeuent grans combatz entre les habitans de ce pays, et pluſieurs fois ſe ſont combatuz les ci-

toiens pour ceste mesme cause & querelle. Ceste nation est si puissante, que l'annee passee a vne seule esmeute de guerre, se trouuerent au camp de leur Roy bien six vingt mille gens de guerre, tous a cheual. Ilz vsent fort en guerre de larc, qui leur est vne chose quilz tiennent de race, & danciennete. Ilz vsent aussi de demyz picques. Leurs hommes d'armes mettent par dessus leurs haulguines leur halecret, qui se arondist au meillieu en forme d'ung mirouer. Ilz mettent en lieu d'ung heaulme vng chapeau haulsant en poincte: & se seruent plus de gens de cheual en guerre, que de gens de pied. Leurs gens de pied la pl^{us} part sont arbalestriers, & les autres harquebousiers. Ilz ne veullēt ouyr parler de ce nom de roy: mais bien de duc, ou capitaine: comme estant plus populaire, celui qui a le gouuernement des choses, qui touchent la chose publicque du menu peuple a credit, & est appelle duc. Celluy qui a l'empire sur tout le pays, porte vng chapeau plus grand & plus large que tous les autres seigneurs, & ne differe ne contrarie a eulx au reste de ses acoustremens. Ilz ont toutes couleurs d'habit & vestemens en vsage fors la couleur de taincture noire. Les hommes & pareillement les femmes portēt chemises de lin fort delices, lōgues iusques au

Description de Leurope.

Habitz
des Ruthe
niens.

greues des iambes, & sont pourfilees par le collet ou de fil dor ou de foye rouge: dessus ce de lie habillement, ilz se couurent d'une robe large, bien peu differente a la facon de celle des Grecz, & ressemblent a l'habit Turcique, commun quasi par tout le pays Septétrional, fors en ce que les Rutheniens ont leurs manches vng peu plus larges & a nerueures dor, descendantes depuis les espaulles le long de leurs braz, & tout a l'etour de leur robe, ilz ont vng bord cousu par dessus de peaux de loutres. Il ny a que les femmes qui portent en ce pays le dueil a la mort de leurs marys, ayantz vng voile de lin blanc sur leur teste, qui leur pend fort bas. Et ceulx qui ont le plus largement de biens ont a coustume de faire vng grand banquet quarante iours apres le trespas de leur parēt, en memoire de luy. Ceulx qui ont moins de biens, se assemblent durāt pareil espace de temps, par cinq foyz, pour boire & māger ensemble. Ilz retiēent les iours que leurs parēs sont decedez, par ce que a chascun bout de lan ilz ont acoustume faire vng repas ensemble: & le continuent dung an en lautre: tāt quilz se trouuēt parēs de la ligne du defunct. Ilz redigent par escript les noms de ceulx qui sont decedez, pour plus facilement scauoir le temps, & iour qui leur fault faire ces cerimo-

Festins ob
seruez par
les Ruthe
niens en
lhonneur
des tref-
passez.

nies, en l'honneur de leurs parés trespassez: lesquelz ilz acompaignēt quant est question de la sepulture avec pleurs, & gemissemens. Les femmes de ce pays ont coustume de auoir p-les, & autres pierres precieuses, pēdātz a leurs oreilles: ce que ōt acoustume de auoir les ieunes hommes du pays. Ilz ne meētent hors du rēc des chastes, celle qui se remarie pour la seconde foys, & au regard de celluy ou celle qui se remarie pour la tierce, ilz sont par eulx reputez impudiques & comme telz les deshonorent, & reboutent. Les ieunes filles a marier ont leur cheueleure esparse, & trainānt par derriere, & quant elles sont mariees il la cachent songneusement. Les hommes se font rongner leurs cheueulx iusques au dessus des oreilles, & leur tourne a honte & deshonneur de porter longue perruque. Et sont tous fors luxurieux, & grans beueurs, cōme ceste chose estimans digne de louenge, & lautre leur estre licite, moyennant quilz ne nuyent aux mariages. Ilz prestent a vsure, & nest ceste facon de faire a aucun imputeē a tromperie ou vice, encores quil soit prebstre. La plus grand partie des rutheniēs saddonnēt a seruir, tellement que beaucoup dentre eulx, mesmes qui sont nobles se vendent pour estre serfs avec leurs femmes, & enfans. Ou par ce quilz ont

Rutheni-
ens font
vertu de
bien boi-
re,

Description de Leurope.

Habitz
des pbrés
de Ruthe
nic.

Rutheni-
ens viuent
selon les-
glise de
Grece.

moins de soing viuans en ceste sorte , ou par
ce que ilz y prennent plaisir . Leurs prebstres
a la forme des Grecz se vestent d'habit noir,
les plus anciens, & constituez en plus grande
dignite, ont leur habit noir, & portēt vng ta-
bleau qui leur pend du col sur leur poictrine
auquel sont escriptz les commandemens de
Dieu. Les autres prebstres de moindre cōditi
on se conforment du tout aux Grecz. Ilz ont
en ce pays vne religion de vierges , viuantes
en la reigle de saint Anthoine , & habillees
de noir, selon que porte leur reigle. Ilz ont en
ce pays vng langage particulier, routeffois ne
scaurois scauoir sil approuche de celluy de
Scythie ou autre circonuoyfin . Les caracte-
res de leurs lettres approchent a la forme des
lettres Grecques. Ilz apprennent la musique,
& grammaire en grec: & ne font cas des au-
tres sciences. Quant a la foy ilz en ont pareil
le opinion que les Grecz, pareilles cerimoni-
es et veneratiōs des saintz. Ilz sont douze en
tre eulx, qui cōgnoissent des causes & crimes,
& y obseruent telle forme , cest assauoir que
lung des douze fait son rapport aux autres,
& quelques fois au roy, du different quil fault
iuger, ou du crime quil conuient punyr . Et si
le cas est de si grande importance , que les
douze nen osent bonnement diffinir , ou que

laccuse ne puisse estre conuaincu, & que le
 cas dont il est attainct ne soit assez verifie: il
 fault que laccusateur & laccuse se comba-
 tent lung cōtre lautre, & a celuy qui demeu-
 re le vainqueur est fait vng don, tel que les-
 fudictz aduisent. Ilz saddonnent a cultiuer
 les champs, & labourent avec cheuaulx, & est
 leur terre fort fertile, fors en vins. Ilz font de
 la ceruoise quilz mixtionnent avec du mil, de
 lorge, & houbelon, comme es autres parties
 de Septentrion. Ilz font de lhuile de chane-
 ueulx, pauot, & de noix, & ne porte ladicte re-
 gion aucune oliue, & nen est apportee en ce pa-
 ys de ailleurs. Plusieurs sortes de bestes se ti-
 ennēt & se nourrissent en ce pays, dont les au-
 cunes ont fort riches peaulx: & ont grande
 abundance de poissons, entre lesquels le plus
 excellent est vng poisson quilz appellent Sel-
 de que lon pesche dedens le lac de Parellau-
 sce, semblable a celuy que lon pesche dedens
 le Benacque en Italie. Il y a en Ruthenie
 sept lacs de renom, neuf grandes ri-
 uieres, entre lesquelles iestime
 que Borystenes y soit com-
 prinse, a cause que lō
 liēt tant de
 merueil
 les de la grandeur, & ppriete, de ceste riuere.

Cōbat en-
 tre laccu-
 se & laccu-
 sateur.

Ruthenie
 riche en
 peaulx.
 Selde
 poisson.
 Parrellau
 ce lac en
 Ruthenie
 Benacque
 lac en Ita-
 lie quon
 dict lac de
 Pesquiere
 Boryste-
 nes riuie-
 re.

Description de Leurope.

¶ Du pays de Lithuanie, & maniere de viure des Lithuaniens. Chap.vij.



Lithuanie
pays ma-
rescageux

Lithuanie
riche en
peaulx fu-
belines &
hermynes

Lithuanie est conioincte au pays de Pouloine vers Oriët, & a de circuit neuf cens mille pas: elle est la plus part si marescageuse, & si a tant de forestz, quelle est quasi inaccessible, au moyen que les eaues de maraiz inundent tout le pays. Le seul moyen de auoir traffique de marchandise en ce pays, est en hyuer, que la glace et neige, ont conuert leurs maraiz & fôdrieres, & alhors par ce q̄ ne se voyët aucuns certains chemins, les marchans font comme silz estoient sur mer, & cōgnoissët le chemin par les estoilles. Il y a peu de villes en Lithuanie, & peu de bourgades. Les richesses des habitans de ce pays sont en bestail, & peaulx de subelines & hermynes, dont y a grande abundance en ceste region: ensemble de cire, & de miel. Ilz nont l'usage d'argent monnoye. Les femmes de ce pays ont communement des adulteres du consentement de leurs maryz, lesquelz les appellent coadiuteurs de mariage: & au contraire se seroit grand reproche a vng homme de leur pays, qui ne se contenteroit de sa femme: les

mariages facilement se y peuuent dissouldre
 dung mutuel consentement: & apres ceste dis-
 solution sont en liberte de se marier non vne
 mais deux & trois foys. Et a ceste nation a-
 coustume de viure si differemmēt a la facon
 de viure des autres natiōs, que lon y peult bō-
 nemēt adapter ce que disoit Aristippus. Que
 lhonestete ne consistoit es choses de nature,
 ains es choses qui estoient en vsage & coustu-
 me. Ilz vsent bien peu de vin, & ne mangent
 que pain bien noir, qui est compose de farine
 non fassée, ne belutee. Leurs autres nourritu-
 res sont les chairs de leur bestail, et laiēt qu'il
 en tirent. Leur langage est semblable au Po-
 lasque & Sclauonien, & est vng langaige cō-
 mun a plusieurs aultres natiōs circūuoyfines,
 dont les aucunes ensuyuent la foy qui est te-
 nue en lesglise Romaine, comme ceulx de Po-
 loine. Les Dalmatiens, Croatiens, Carniens,
 les autres ensuyuent lesglise de Grece, comme
 les Bulgariēs, Rutheniēs, & les aucūs de ce pa-
 ys de Lithuanie. Les autres ont leurs propres,
 & particulieres heresies, comme les Boemiēs,
 les Moraues, & Bosniens. Les vngs adherēt a
 la secte Hussiticque, les autres sont Manyche-
 ens, les aucūs sont encores es tenebres des Pa-
 yens, et adorent les ydoles, mesmes en ce pays
 de Lithuanie. Hierosme de Prage (qui du tēps

Diēt Dari-
 stippus
 philoso-
 phe.

Description de Leurope.

Hierosme
de Prage.
Idolatrie
des Li-
thuanies.


Vilna ca-
pitalle vil-
le de Li-
thuanie.

Cracouie
cite de Po-
loine.

du pape Eugene le quart, y alla prescher le-
uangille, & qui a son retour dona congnois-
sance aux gens de deca des meurs de ce pays,
qui leur estoient pour lors incongneues) di-
soit que aucuns des Lithuaniens ausquelz il
prescha premieremēt, auoiēt chascun en leur
maison vng serpent, auquel ilz sacrifioiet cō-
me a son dieu domestique & familier, toutes
fois il fist tant enuers eulx que tous les tue-
rent, fors seullemēt vng q ne peut estre brus-
le. Les autres y adorent le feu, & pronostiquēt
par variete quilz trouuent en icelluy. Les au-
tres adorent le soleil foubz lespece dung mail-
let de fer de merueilleuse grādeur. Ilz ôt vng
duc particulier par dessus eulx quilz appellent
le grand, toutefois vne grande partie est sub-
iecte au roy de Poloine. La ville capitale de
ce pays est appelee Vilna qui est vne cite epi-
scopalle aussi grāde que Cracouie en Poloine
avec tout ses faulbourgs. Les maisons de ceste
cite ne sont cōtigues les vnes aux autres, mais
sont distiguees, & separees p iardins & chāps,
darbres fructiers. Elle est garnye de deux tref-
fors chasteaulx: dōt lung est edifie sur la mon-
tagne, & l'autre dedēs le plat pays, & est distā-
te de Cracouie de soixāte lieues. Il y a quelqs
villages pres de ceste cite de Vilna esquelz ne
habitent que Tartares qui sont laboureurs, &

voïcturiers, & parlent langage tartarien, & vi-
uēt soubz la loy de Mahōmet, et des Sarrazis.

De Liuonie, Prusie, & gendar-
mes Marians. Chap. viij.



V pays de Liuonie ilz viuēt se-
lon la vraye foy, & se cōfinent
aux pays des Rutheniens & de
Poloine, vers Septentrion. Les
Tartares (qui sont gēs du pays
de Scythie) font souuent cources en ce pays.
Se furent les gendarmes Chrestiens qui pre-
mierement gaignerent ceulx de Liuonie, &
les conuertirent a la foy de Iesuchrist: & aupā
rauant nadoroient sinon les mauuais espe-
ritz. Plusieurs guerres, & de diuerses yssues, se
fōt dressees pour cōq̃rir ce pays. La grād mer-
Sarmatique (dont l'entree est pres le pays de
Chersonese quon dict au iourdhuy Dace) est
voysine de ce pays vers loccidēt: du couste de
la mer Septentrionale habitent gens demy
sauuages, avec lesquels ny a aucune commu-
nication ou traffique de marchandises, qui se
face par parolle ou langage, ains par aucuns
signes & contenance, font eschange de mar-
chandise a autre. Le pays de Prusie (dont
font appelez Pruteniēs) fait au iourdhuy ptie

Liuonie
infestee
par les tar-
tars.

Liuonie
conuertie
en la foy
par les gē-
darmes
Chrestiens

Prusie &
Pruteniēs

v.ij.

Description de Leurope.

Vistule ri-
uiere.

Massoni-
tes,
Vlmeri-
ges peu-
ples.
Gothz de
scēduz de
Scandina-
uio.
Gendar-
mes deipa-
rins autre-
mēt dictz
gēdarmes
mariās du
temps de
lempe-
reur Fre-
deric.

de la haulte Alemaigne, & du pays de Poloi-
ne, & est adiacēt audit pays de Liuonie du cou-
ste de Midy. Ceste terre est (ainsi que recite
Ptolemee) inundee dune riuiera quon appel-
le Vistule, cōmençant depuis la ville de Tor-
ne iusques au port de Gedan, ou elle entre en
la mer Balthee. Ce qui est audeca de la riuie-
re Vistula, sestēd en la mer Sarmatique, & ce
qui est audela est de Lalemaigne. Deuers lo-
rient, & midy habitent les Massouites & Po-
lonois, deuers loccident ceulx du pays de Sa-
xe. Ceste terre de Prusie est fertile, mesmemēt
en bled, bien arrousee & cultiuee la pluspart,
& est vne region fort recreatiue & abundan-
te en bestail, & bōne pour la chasse & pesche.
Les Vlmeriges tenoient ceste terre, et depuis
fust enuahie p les Gothz, q̄ sortirēt de lisle de
Scandinauie sur leurs pays circunuoysins, cō-
me descript Iornande, Ptolemee dict que les
Amazobiēs, Alaunes Venedes, & Gethōs ha-
bitoient pres la riuiera de Vistule. Ceste na-
tion adoroit les esperitz malings, iusques au
tēps de Frederic empereur second de ce nom
Les gendarmes deiparins, autremēt dictz gē-
darmes marians, apres auoir perdu la ville de
Ptolemaide en Syrie, sen retournerent en A-
lemaigne, & eulx retournez remonstrerēt au
dit empereur Frederic, que ceste nation estoit

prouchaine a celle des Alemaignes, & toutes-
fois estoit ennemy de la foy Chrestienne, & ou-
tre ce, faisoit plusieurs courses sur les Saxons, et
autres nations voisines, & emmenoiēt grāde
quātite de bestail, a ceste cause luy dōnerent a
cōgnoistre quilz auoiēt bō vouloir de dōpter
ceste barbare gent, moyēnāt quil pleust audit
Frederic empereur les auctoriser, & quil leur
dōnast ceste puince, pour en iouyr a ppetuite,
apres quelle auroit este p leur puelle acqse. Et
pour plus facillemēt le faire cōdescendre a ce
quilz demādoiet, luy remōstrerēt q les Ducz
de Massouie q pretēdoiet ceste terre leur ap-
partenir, leur auoient cede tout le droit quilz
y pretēdoiet. Ceste entreprise fust fort aggre-
able a Frederic, leq̄l en exaltāt leur bō vouloir,
leur octroya lettres autētiques & a seal dor, &
en telle forme & maniere quilz voulurēt, par
lesquelles leur dōna conge, pouuoir & aucto-
rite de executer ceste entreprinse. Lesquelz
firent tant par leurs armes, que peu de temps
apres cōquesterēt tout le pays de Prutenie, es-
tant tant deca, que dela ladicte riuere de Vi-
stule, & apres ceste conqueste, les reduirent a
la foy de Iesuchrist, & avec la foy leur apprin-
drent la langue Theuthonicque. Ces gens de
guerre dessudiēt a p̄s auoir subiugue ce pays,
ont cōmēce a y edifier vng chasteau, leq̄l peu
v.iiij.

Description de L'europe:

de temps apres (côme aduiet de plusieurs choses qui de petit cōmencement deuiēnēt grandes) saccreust, en forme dune tres belle ville, tāt fust frequētee & habitee. Ce chasteau fust appelle Bourg marie , & ce chasteau depuis a este erige en ville, en laquelle habite le grand maistre de lordre ou compaignie , des dessusdictz gendarmes ou cheualiers , & est ceste ville la capitale & par dessus toutes les autres villes de ce pays. L'origine de ceste saincte compaignie de cheualiers & gēdarmes, est venue Dallemaigne, tellement que nul ny est receu sinon quil soit Allemant , & descendu de noble lignee, & le veu quilz font en entrāt en ceste compaignie est destre en tout temps prestz a combatre cōtre les ennemys de la croix de nostre Seigneur. Ilz sōt vestuz dūg habit blāc ayant dessus vne croix noire, tous portent longue barbe, fors ceulx qui sont initiez aux saintes ordres, & qui se veullent faire prebstres. Pour toutes heures canonialles ces cheualiers napprennent que leur pater noster, & ne s'adonnent a lestude des lettres. Ilz sont fort riches, & nont moins de puissance que daucuns roys. Ilz ont souuentefois guerroye cōtre les Polonois , pour les differens qui estoient entre eulx pour les limites de leurs terres, & seigneuries, & apres auoir este quelquesfois vain

Bourgmarie.

Chasteau ediffie en Prutenie par gendarmes marians.

Origine de lordre des Cheualiers marians.

cuz, & quelques foys les maistres: nōt faiēt dif-
 ficulte, de meētre a vne fois toutes leurs for-
 ces au hazard de la bataille. Il y a aussi vne pe-
 tite cōtree prochaine au pays de Prussie & de
 Lythuanie quō appelle Samogithie toute ēui
 rōnee de forestz & riuieres, ayāt ciquāte mille
 de lōueur, en laq̃lle les hōmes sōt de haulte,
 & belle stature, agrestes, & de maniere de vi-
 ure estrāge. Ilz prēnēt plusieurs fēmes en ma-
 riage sās discretion, sil y a parētaige ētre eulx
 & leurs fēmes, le filz apres la mort de son pe-
 re prend en mariage sa belle mere, le frere la
 vefue de son frere deffunct. Ilz nōt aucun vſa-
 ge de metaulx, & font leurs edifices fort bas:
 faisans leurs maisonnettes de mortier de terre
 grasse et de chaulme, en forme du vêtre dune
 nauire ou dūg heaulme: au plus hault desq̃l-
 les ilz sōt vne grāde fenestre p̃ laq̃lle est don-
 nee clairte a leurs messōnettes: en chascūe des-
 q̃lles en to^r tēps y a vng feu, alētour duq̃l to^r
 ceulx de la maison sōt assis, nō seullement pour
 cuire leurs viandes, mais aussi pour euitier le
 froid, q̃ est en ce pays si vehement, q̃ la pluspt
 de lānce la terre y est toute gelee & endurecie
 de glace. Ilz nōt aucunes estuues. Et sont fort
 enclīs a diuinatiōs, la prīcipalle chose qlz ado-
 rent est le feu: quilz estiment estre sainct & p
 petuel, & en reuerēce dicelluy ont vng p̃bistre

Samogi-
thie.

v. iij.

Description de Leurope.

Vladislac
roy de po
loine a cō
uertý le
pays de
Samogi-
thie en la
foy.

qui au dessus dune haulte montaigne près de la riuere quon appelle Neuyasa, ne fait autre chose, que continuellemēt mettre du boys dedens vng feu, quilz ont de long tēps & anciēnette. Vng Vladislac roy de Poloine (q cōtrainct les habitāns de ce pays de prēdre la foy de Iesuchrist) extainct & demolist ce feu, avec la tour ou il souloit estre faict. Et feist abatre les forestz de ce pays, par ce que ce peuple ne leur portoit moins dhonneur que au feu, & lesquelles ilz estimoient (selon lopinion Des anciēs poetes) estre habitatiō des dieux: & nestimoiet seullement les forestz saintes, mais aussi toutes choses q y estoiet cōtenues, cōme oyseaux & bestes saulages, tellemēt q par la seduction du diable, ilz rēdoient impotens de piedz & mains, ceulx quilz auoient trouue faisant acte en mesprison & contemnement des choses desludiētes. Chascune famille de ce pays auoit en ces forestz son feu & sa chapelle, dedens laquelle ilz auoiet acoustume de brusler les corps de leurs deffunctz parens avec leurs cheuaulx & harnoys, & meilleurs vestemens. Et croioiet quilz s'assembloient de nuit, pourtant leur faisoient alentour de ce feu, des sieges sur lesquels ilz leur preparoient en tout temps a boire & a manger, tant quil sen fussent contentez eulx viuans,

Le premier iour du moys Doctobre ilz faisoient en ces boys vne tresgrande feste, & faisoient sembloier de toutes pars chascune famille aupres de son feu & en fa loge, & la beuuoient & mangeoient le plus largement quilz auoient acoustume de faire selon la mode du pays, en apres presentoient de leurs breuuages au long de leurs feux a Perkumo, ainsi appellans le tonnoirre, & luy attribuant diuinite. Ilz ont vng mesme langage que les Lithuanies & Polonois, tellement que aujourdhuy les prebstres leur preschent en langage Polasque ou Polonois. Ilz se rengent a la mode de lesglise Romaine, combien que les autres circonuoisins, comme les Rutheniens qui sont vers le midy & Moscouites vers Septentrion, suyuent lesglise grecque, & sont en lobeissance non du pape de Romme, ains de leuesque de Constantinoble. Le pays de Moscouie est prochain a ces Samogithiens, du coste de Septentrion, & sexted plus de quatre cens mille de pays fort opulent en argent & si bien muny & ferme de tous costez, que non seulement les estrangers ny peuuent entrer, mais qui plus est ceulx du pays mesmes nen peuuent sortir sans le conge de leur seigneur, ceste region est toute en plat pays, toutesfois ya plusieurs forestz & marescages & est inunde de plusieurs grandes ri

Samogithiens
ont attribue diuinite au tonnoirre
soubz le nom de Perkumo

Moscouie,

Quatre cens mil valent deux cens lieues.

Description de Leurope.

uieres, comme de la riuere de Ocque, Volh,
Dzuuine, Borystenes & Dineper, au moyen
de quoy il y a grãde abundãce de poissõs, & de
bestes fauluaiges, cõme en Lithuanie, a la qua-
lite de laquelle region elle ne differe quasi en
rien, sinon quelle est plus froide dautant quel-
le est plus septentrionalle, qui faict que leur be-
stail est fort maigre, petit & cõmunemẽt mal
sain. Moscua qui est la ville capitale de ceste
region, est deux fois plus grande que la cite de
Prage au royaulme de Boesme, & est la plus-
part ediffec de maisons de charpenterie, com-
me toutes autres villes de ce pays, & y a plu-
sieurs places, au meillu desquelles y a champs
fort larges. La riuere Mosca passe au trauers
dicelle ville. Il ya au meillu de ceste ville vng
chasteau en plat pays ayant dixsept tours &
trois bouleuers autant beaulx, & autant fors
que impossible seroit quasi den trouuer dune
telle beaulte & forteresse. Il ya en ce chasteau
seize esglises, dont il y en a trois, cest assauoir
lune a la vierge Marie, lautre a saint Michel,
& lautre a saint Nicolas, toutes faictes a mu-
railles de pierres, les autres ne sõt que de char-
penterie. Il y a pareillemẽt en ce chasteau trois
beaulx corps de logis, dedes lesquelz sõt logez
les gẽtilz hõmes de lamaifõ du duc de ce pays.
Il ya dauãtage vng palais faict a la mode Di-

Moscouie
& Lithua-
nie pays
de sembla-
ble qua-
lite.

Moscua
cite capi-
pitale de
Mosco-
uie.

Mosca ri-
uiere en
Mosco-
uie.

talie pour loger le Duc: & est de tresexcellente
 facon, encores quil ne soit gueres spacieux.
 Ce duc a dessoubz son duche plusieurs autres
 duches & seigneuries tresnobles, desquelles Duc de
moscouie
 en affaires de la guerre suruenant, il peult as-
 sembler en moins de trois iours plus de deux
 cens mil homes de guerre. Ilz boyuent en ce
 pays cōmunemēt de leaue & quelques sortes
 de bieres quilz appellent quassetz. Ilz labourēt
 les terres comme en ce pays, & prennent plai-
 sir a chercher les vmbrages des forestz & espi-
 nes, les bledz ne y viennent gueres a maturite,
 a cause du grand froid qui continue en ce
 pays, au moyen de quoy ilz font seicher leurs
 bledz dedens des estuues, & en ces lieux mes-
 mes les batent & en font sortir le grain. Ilz Cōposi-
tion du-
ne certai-
ne caue
qui eny-
ure,
 vsēt de senteurs eschaufātes, & pōmes de cui-
 ure gardās chaleur pour euitier le froid. Ilz cō-
 posent caue ardāte, ou espee de caue sublimée
 de grain de auene avec miel & laiēt, & en fōt
 breuage si puissāt que souuēt ilz sen enyurēt.
 Ilz nont ne vin ne huile, le prince de ce pays
 pour euitier ebriete a defendu tous breuages
 enyurans, toutesfois il est permis den vsēr vne
 fois ou deux en lānee, leur mōnoie tāt grāde q̄
 petite est dargēt & nest rōde en lōgueur ains Dzuuin-
gis mon-
noie de
moscouie
 en quadrāgle. Ilz appellēt Dzuuingis en leur
 lāgue, leur lāgage est sēblable au Sclauonien.

Description de Leurope.

Et tiennent la secte & institution en la foy telle que les grecz. Leurs Euesques s'ot subiectz au patriarche de Constantinoble, & se font confirmer de par luy. Ilz adorent Iesuchrist, fors ceulx de la cite de Kosane, qui tiennent la loy de Mahomet, avec les Sarrazins, & encores quelques Scythes cōprins soubz la principaulte diceulx Moscouiens & quelques autres habitans deuers Septentrion qui adorent les Idoles, & vng principalement quilz appellent Zlota baba, qui signifie vne genice dor, quilz adorent si curieusement que nul ne passe deuant lidole qui ne se prosterne au deuant & luy face quelque oblation, & ne luy deust il donner quung poil tire de sa robe, ou il nauroit autre chose. Et combien que ces peuples nayent que vng langage qui est le Sclauoniē. toutesfois il est si different & si varie dautres langues que a grand peine se peuuent ilz entendre entre eulx. Du temps que tous estoient idolatres ilz auoient vng grand prebstre en leur loy quilz appelloient Criue lequel habitoit en la cite, laquelle du nom de la ville de Romme estoit appelee Romoue. Tous ceulx de ce pays ont acoustume de vendre non seulement leurs seruiteurs comme leurs bestes, ains de se vendre eulx mesmes, avec leurs familles & enfans, & se laissent emmener en re

Zlota ba
ba Idole
dor en fi-
gure du-
ne geni-
ce.

gions tresloingtaines, a la charge destre seulement nourriz a suffisance, & encores ne demandent que grosses viandes.

¶ Du pays de Poloine, & recentes cōditions & meurs des Polonois.

Chapitre.ix.

Poloine est vne region en Europe grāde, & ayāt pays plat: au moyen dequoy elle est appellee Poloine, par ce quen langage Sclauonien Pole vault autant a dire comme vne chose plaine ou plate. Elle a este autrement appellee Sarmatie. Elle est prochaine deuers Occident au pays de Slezie, deuers Septentrion aux Pruteniens & Massouites, deuers Orient aux Rutheniens, & deuers le midy au pays de Hongrie, le mont Carpate que les habitans appellent Crapak estant entre deux. Le pays de Poloine est diuise en deux parties, celle qui est prochaine aux Saxs & Rutheniens est appellee la grand Poloine, celle qui est opposite au pays de Hongrie, & de Russie est appellee la petite Poloine. Le royaume est gouuerne en quatre gouuernemens

Poloine
ancien-
nement
appellee
Sarmatie.

Le mont
Carpate
aujourd'hui
appelle Cra-
pak,

Description de Leurope.

Poloine
diuisee en
quatre
gouver-
nemens.

Cracouie
ville capi-
tale du
pays de
Poloinc.

Cheuaux
sauuaiges
& boeufz
sauuaiges

que le roy visite & enuironne par chascun an.
Chascung ouuernement est tenu de nourrir
le roy & toute sa suite l'espace de trois moys,
& si par accident ou quelques affaires surue-
uans il luy est besoing de demourer en lung di-
ceulx plus de trois moys, il ne luy est rien deu-
dauantage. En la cite de Cracouie qui est la
plus grande & plus noble ville de tout le pays
est la principale habitation du roy & toute
sa richesse, toutes les autres villes de ce pays
ne sont gueres magnifiques, & ny a aucunes
maisons qui ne soient la pluspart faictes de ma-
conneries de petite pierre enduicte de mortier
de terre grasse. Ce pays est abudant en forestz.
Les gens de ceste nation sont prudens & fort
humains enuers les estrangers, tressubiectz a
boire, comme tous ceulx de la couste de Septen-
trion. Ilz ne boyuent toutefois de vin, & ne font
aucun labour de vignes. Ilz font breuuages qz
brassent de fromens & autres grains. La terre est
fertile & abudante en fromens & comode a nour-
riture de bestail, & y ont les bestes lherbe a
plaisir. Le pays est bon pour la chasse, & se y
trouue vne espeece de cheuaux sauluaiges, ayans
cornes en guise de cerfs, ensemble des boeufz
sauluaiges que les Romains appellent Vres. Les
Polonois ont mines d'aucuns metaulx en leurs
terres, fors que de plomb. Ilz trouuent du sel en

leurs salines dur cōme pierres, duquel ilz recoient grand tribut plus que de nul autre reuenu. Ilz ont si grande abūdance de miel en ce pays ne plus ne moins que en Ruthenie, quen tous les deux cōtrees et pays se trouue faulte de lieux pour le garder, p^{ce} que to⁹ les arbres de ce pays sont tous noirs des monceaux de mousches faisans le miel. La forme de leurs lettres participe tant de la figure des lettres grecques que latines, cōme aussi leur foy & institution de leurs esglises se trouue participant tant des obseruations de lesglise grecque, que de lesglise Romaine. Quant aux habitz ilz sont selon la facon de ceulx des Grecz,

¶ De Hongrie & forme de
de viure des
Hongres.

Chapitre dixiesme.



Hongrie est vne region que on souloit anciennement appeller Pannonie, combien que ce que au iourd'hui est appelle Hongrie soit plus grād que nestoit ce qui estoit cōprins soubz la Pannonie. Que ainsi soit, depuis la riuere Laythe iusques a la riuere de Saue,

Hongrie
anciēne
mēt ap
pellee Pā
nonie.

Description de Leurope.

Danoa au
tremēt ap
pelle le
Danube.

Ciercles
ou hayes
du pays
de Hon-
grie.

elle comprend seulement la Pannonie inférieure, & par dela la riuiere Danoa elle s'estend iusques en Poloine & comprend la terre detenue anciennement par les Daces & Gepides tellement que leur royaulme est plus grand, et comprend dessoubz soy plus de terres que le nom de Hongrie ou Pannonie anciennement ne comprenoit. Ceste terre souloit estre selon que les anciens autheurs ont escript enuironnee de neuf ciercles que on appelle en langue germanique Hagaz, lesquels ciercles estoient edifiez de troncz de Chaisne ou de Cherme plantez vingt piedz loing lung de lautre, & auoient de haulteur hors de terre vingt piedz, & entre les arbres dessusdictz y auoit grand amaz de pierres tresdures, ou de craie, & au dessus de telz rempars grosses terraces, entre lesquelles y auoit de petitz arbres plantez qui estoient souuentefois taillez & replantez, a celle fin que les terraces fussent plus fermes, depuis le premier ciercle iusques au second y auoit dix lieues Dallemaigne Dinterualle, & encores dix autres depuis le second iusques au tiers, & autant dinterualle de lung a lautre iusques au neufiesme. Entre ces Rempars y auoit villes & bourgs edifiez, en telle sorte que dune ville en lautre se pouoit entendre la voix humaine, leurs edifices estoient de tres-

puissante muraille, & auoient portes medio-
 cremēt larges, a celle fin que pour pl⁹ cōmodē
 mēt exercer pillerie, ilz peussēt faire leur sail-
 lies & leurs entrees, de tel couste que bō leur
 sēbleroit. Ilz entendoiet de cierge en autre, le
 mot du guet au son des trōpettes. Les premi-
 ers qui occuperēt ceste terre estoient appelez
 Pānonnes par les plus anciens appelez autre-
 ment Pæones. Depuis y ont habite les Hun-
 nes qui descendirent du pays de Scythie. De-
 puis les Gothz qui sortirēt des Isles de la mer
 Germanicque, & apres les Gothz les Lōbars
 qui descendirent de Lisle de Scandinauie, qui
 est pareillement vne Isle de Loceane, & mer
 estant en la coste des Allemaignes. Les der-
 niers occupateurs de ceste terre furent les Hō-
 gres, lesquelz descendirent du pays de Scythie
 dune petite region quon appelloit Hongrie,
 estant pres du cōmencement & source de la ri-
 uiere Tanais, & est auiourd'hui appelee Iuhra
 cest vne miserable region a cause quelle est
 soubz vng trefroid clymat, & paye tribut au
 duc de Moscouie non d'argent ou dor, parce
 quilz nen ont aucun, mais de peaux subelines
 lubernes & autres riches peaulx. Ilz ne culti-
 uent aucunement la terre, parquoy nont au-
 cuns pains, & se substentent de chairs de be-
 stes sauuaiges & de poissons, & boient de

Premiers
 habitans
 de Hon-
 grie.

Hongres
 descēduz
 du pays
 de Scy-
 thie.

Hongrie
 pays de
 Scythie
 aujour-
 dhuy ap-
 pelle Iu-
 hra du-
 quel sont
 descēduz
 ceulx de
 Hongrie
 la grade.

Description de Leurope.

Mors espe
ce de pois
sons.

Descrip
tion de
Hongrie
la grâde.

leau. Ilz habitent en petitz tabernacles faictz douzier dessoubz les arbres & forestz. De ce aduiet que telle maniere de gens viuans entre les bestes, ne sacoustrent daulcuns habitz de lin ou de laine, ains se couurent de quelques peaulx de loups, de cerfz ou de ours. Aucuns de tre eulx adorent le soleil, les autres la lune ou quelques estoilles, selon qui leur vient en fantasie. Ilz ont vng langage & maniere de parler a eulx particulier. Ilz peschēt quelques fois des balenes, & autres gros poissons de mer, du cuir desquelles ilz font des chariotz & mallettes. Ilz en gardent le seing ou suif qui sert a engresser, & le vendent aux autres nations. Deuers la mer Oceane, il ya au long du riuage, en ce pays mōtaignes de mediocre haulteur, que aucuns poissons quilz appellent des mors se forcent monter & paruenir iusques au plus hault en se aydāt de leurs dētz, & apres auoir attainct lextremite, cuydantz tousiours aller plus oultre, ilz tūbent du hault en bas dicelles mōtaignes & se tuēt: les habitās de ce pays les amassent & māgent, & en retiēent les dentz lesquelles sōt larges & blāches a merueilles, & les chāgent aux marchās estrāgiers a lencōtre daultres marchandises. Il sen faict de trefbons manches de cousteaulx. Lhongrie qui nous est la plus prochaine, a deuers Loccidēt

les pays Dautriche & de Boesme contiguz de
uers midy vne partie de Lillirique opposite a
la mer Adriatique deuers Orient, le pays de
Seruie, que les Triballoys & Misien ont au-
tresfois detenu: aujourdhuy aucuns lappellent
Sagarie. Du couste de Septentrion elle est ad-
iacente aux Polonois & Moscouiens. La ville
capitalle et siege royal de ce royaulme, est
Bude: ainsi appelee du nom dung frere du
roy Athilas, lequel sappelloit Bada. Ce pays
es endroictz quil est en labour, est fertile & a-
bondant en fromens, & riche en mines dor
& dargent. Cest vne merueilleuse chose de ce
que les habitans de ce pays recitent quil y a
vng ruisseau dedens lequel le fer ayant trem-
pe par aucune espace de temps deuient en cuy-
ure. Les vestemens des hommes sont fort
ouuertz au dessus des espaulles & eschancrez,
en sorte que on puisse veoir la fronceure de
leurs chemises garnies de pourfileures dor
& de soye. Ilz vsent tous de brodequins par
dessus leurs chausseures. Ilz parfument leurs
perruques & arrousent de onguentz precieux
& les peignent songneusement & couurent
leurs chefz de petit bonnetz ou chappeaux,
& ne se descrouurent gueres sinon quant ilz sôt
en oyssuete. Lhabit des femmes est plus e-
stroict & les couurent iusques au col, en sorte

Bude vil-
le capital
le de Hon-
grie.

Habit
des homes
& femmes
de Hon-
grie.

Description de Leurope.

quilz sont toutes couuertes , fors que le colet de leur chemise passe vng peu leur robe, & est fort riche & aorne, elles portēt p dess^{us} leurs robes longs manteaulx, & couurent leurs chefz de coifes ou atours de soye ou de lin , & sont toutes cachees excepte leurs yeulx & leurs nez . Et portent la pluspart perles & autres pierres precieuses. Dauantaige tant hommes que femmes portent petitz brodequins longs iusques a my greue. Ilz menent dueil de leurs parens ou amys trespassez vng an entier , & quelquū le space de deux ans. Ilz rasent leurs barbes, fors quilz laissent venir celle de la leure de dessus. Ilz iugent selon la loy escrite, & tiennent la foy catholique. Ilz ont vne autre maniere de diffinir les differentz qui suruiennent entre eulx car si le different est difficile a vuidier & non liquide , ilz ordonnent que il sera determine par le combat des deux parties. Et en presence du roy ou de son lieutenant , lequel adiuge la victoire au plus fort, & reputent celluy auoir vaincu qui estōne dētree son aduersaire, de telle sorte quil recule a entrer dedens le camp: ou y estant entre , est de telle sorte poursuiuy q^l est contrainct reculer oultre les lisieres . Ceulx qui combattent a cheual courent premierement la lance , lung contre lautre , puis prennent leurs espees dar

Duelle
permis en
Hongrie.


mes. Et au regard de ceulx qui combattent a pied, ont leurs parties honteuses cachees, & le reste du corps tout nudz. Les hōgres ont vng langage a eulx particulier, lequel toutesfois approche fort du Boesmien. Ilz ont aussi vne particuliere forme de lettres, toutesfois ilz vsēt le plus souuent de la forme de lettres Rōmaines. Ceste maniere de gent est fort superbe & haultaine, puissante en guerre & plus dextre a combattre a cheual que a pied. Ilz se rendent obeyssans au roy, ou a ses lieux tenāns. Ilz ont en leurs armees bendes d'hommes d'armes, & encores quelque quantite de cheualx legiers: mais non du tout en si grand nombre. Ilz se departent en bataillant en bendes toutesfois ilz ordonnent plusieurs batailles, & ny eust oncques entre les chrestiens vne nation qui plus ait donne d'affaires aux Turcs, nulle semblablement qui plus aye experimēte leur puissance, par ce que ces deux natiōs ont maintesfois combattu de telle parite de forces & de couraige. quil sen est ensuiuy yssue quelques fois a l'aduantage des vngs, quelques fois aussi a l'aduantage des autres. L'autre Hongrie mere de ceste cy, & laquelle est semblable la pluspart en meurs & en langage est Idolatre & est gouvernee cōme les autres nations barbares.

Hongres
courageux &
puissans.

Description de Leurope.

¶ Du pays de Boesme en
semble des meurs &
conditons des-
dictz Boes-
miens.

Chapitre.xj.



Prague
Prage en
Boesme.

Boesme est vne region enclo-
se dedens les limites de la Ger-
manie, opposite a Septentrion.
Deuers Lorient elle est adia-
cente au pays de Hongrie. De-
uers le midy au pays de Bauiere. Deuers Occi-
dent au pays de Noremberg, & deuers Septen-
trion au pays de Poloine. Elle a pareille estã-
due en largeur que en longueur, & la peult
on trauerfer en trois iournees. Elle est en-
uironnee de tous coustez de la forest Her-
cinie, comme si celle forest luy estoit baillee
pour luy seruir de murailles. Deux riuieres
passent au meillieu de ce pays lune desquel-
les on appelle Albis, lautre Multaue, a la ri-
ue duquel est situee la ville de Prague qui
est vne trespelle ville, & est la capitale vil-
le de tout le royaulme. La terre de ce pays
est tressfertille en orges & fromentz, et abun-
dante en pasturages, bestail & poissons.

Elle est infertille en huyles, ne plus ne moins que Lallemaigne. Il y a quelques vignobles, & se y faict de tresbonne ceruoise qui est portee iusques a Vienne en Austriche. Combien que les Boesmiens soient de toutes pars enuironnez des Allemans, touteffois ilz ne parlent en langage Allemand, par ce que les Dalmates qui y vindrent habiter reietterent le langage Teuthonique, car on trouue en leurs Annalles que deux freres du pays de Croatie, qui est en la Dalmace, sortirent de leurs pays, l'un desquelz vint se habituer avec sa compaignie en Boesme, & l'autre en Poloine, lesquelz changerent les noms anciens de ce pays, & immuerent leur premier langage, comme recite Volaterran. Touteffois il ya tousiours quelques gens en ce pays qui ont retenu l'ancienne maniere de viure, & la langue Dallemaigne iusques a present, mesmes es sermons que leurs predicateurs leurs font en leurs temples, ilz parlent le langage allemand, combien que es predications qui se font hors diceulx, mesmement en leurs cemitieres ilz parlent en l'ague Boesmiene. Les ordres mendians ont seulz eu ceste authorite de prescher au peuple en telle l'ague q'lz voudroiēt. Ilz n'ont aucunes certaines loix, ne faictes institutiōs ausquelles ilz soient tenuz se renger

Description de Leurope.

Sectes en
tre les Bo
esmians,

vniversellement. Ilz viuent vng chascun selon telle opinion & fantasie que bon luy semble. Et qui plus est nobseruent sincerement les articles de la foy par ce quilz defendent la secte des Vualdois, & encores de laage de noz peres furent empoisonnez du venin des Hussites. Ilz ne font plus grand compte du Pape de Romme, & nyent quil soit plus Auguste, ou plus venerable que les autres Euesques, & ne font aucune difference entre les prebstres, les estimans les vngs plus que les autres, nō pour leurs dignitez, ains pour leur sainctete de vie. Ilz tiennent que les ames delaissans ce monde soubdain sont en eternelle loye ou eternelles peines, sās y mettre vng feu purgatoire par lequel leurs pechez puisset estre effacez. Ilz estimēt estre vne follie q̄ on face aucunes funerailles ou obseques aux parens decedez. & tiennent que ce soit vne chose inuentee par lauarice des prebstres. Ilz abolissēt les ymages de Dieu & des sainctz, & se mocquēt de la benediction des fōtz, rameaulx, & autres choses. Ilz disent que les malings espritz ont inuente les ordres des mendiens, et que les prebstres doibuent estre paouures, & se contenter des aulmosnes sans auoir aucunes richesses ou possessions. Que a vng chascun est loisible de prescher la parolle de Dieu.

Que nul peche digne de mort doibt estre toller pour euitier vng plus grand inconueniēt, de quelque importance quil soit. Ilz estiment que celluy qui est attainct de peche mortel, est inhabile a tenir aucun office seculier, ou ecclesiastique: & que on nest tenu de luy obeyr. Ilz ne mettent la cōfirmation, ne extreme unction, entre les sacremens de lesglise. Tiennēt dauantage que la confession auriculaire soit vne chose cōtrouuee & superflue, & quil suffist que vng chascun en son liēt, ou autre lieu secret confesse ses pechez, disent outre que le baptesme, & insperſion de eaue doibt estre receu sans y entremettre aucun mixtiō de cresseme. Que lusage des cemiteres est superflu, & inuente ſeulement pour la lucratiue, & qui ne peut challoir en quelle terre soient inhummez les corps humains. Que le monde est le temple de Dieu incōprehensible, & que ceulx la estreſſent ſa maieſte, qui ediffient esglises, monasteres, ou oratoires. Que les aornemens de prebſtres, & des aultez, aulbes, corporaliers, calices, platines, & autres ſemblables vaiſſeaulx, ne ſeruent de rien, & que le prebſtre en quelque lieu, & quelque temps quil ſoit peut consacrer le ſacre corps de noſtre Seigneur, & le miniſtrer a ceulx qui luy demandent. Et qui luy ſuffist de dire ſeulement les

Description de Leurope.

parolles sacramentalles, que de demander lay
de des saincts regnans atec nostre Seigneur
Iesuchrist es cieulx, ou de dire & chanter les
heures canonialles ce nest que temps perdu.
Ilz tiennent quil ne doibt estre aucun iour
chommable fors celluy du dymenche: & que
toutes les solennitez des saincts doibuent es-
tre reiectees, plus nattribuent aucuns merites
aux ieusnes instituez de par lesglise. On dict
pareillement que les prebstres du pays de Bo-
esme ministrent aux petitiz enfans, & tous au-
tres indifferemment, le corps de nostre Sei-
gneur, soubz toutes lesdeulx especes, et q̄ leurs
hosties sont vng peu plus grandes que les no-
stres, & tiēt on que Georges Poggebrace fust
auteur de ceste maniere de communier. Il y
eust vng Francois natif de Picardie qui infe-
cta ceste nation dune autre erreur: car apres
auoir gaigne vne grande assemblee de gens
de ce pays, tant hommes que femmes, il insti-
tua quilz fussent tousiours nudz, & les appel-
la Adamites, & fust auteur de toute licence,
& infamie, aumoyen de lindiscrete, & public
que lubricite par luy introduicte, de laquelle
sensuyuirēt crimes horribles, & espouētables
a racōpter, lesquelz encores sōt ppetrez p au-
cuns gēs secretz, en aucūs lieux dicelle natiō,
cōe plusieurs recitent. Cest q̄ aucūs dētre eulx

Hereti-
ques Ada-
mites.

entrēt en quelqs cauernes dessoubz terre pour faire leurs sacrifices, lesquelz aumoyen de ceste facon de faire sont appelez en leur lāgue Gruebēhaimer, & si tost que en ce lieu est recite ce lieu de Genese ou il est escript. Crescite & multiplicamini, & replete terrā, q vault autant a dire cōme. Croissez, & vous multipliez, & remplissez la terre, soubdain les lumieres quilz ont la sont estainctes, & cela faict chascun des hommes sans aucune discretion de aage, ou de consanguinite, prent la femme la premiere rencontree en ses tenebres, & apres quilz ōt faict leur meschācete, leurs chādelles sont de rechef allumees, & apres que chascun sest retire en sa place, leur sacrifice ce paracheue. Ceste maniere de faire de ces miserables gens, est quasi semblable aulx Bacchanalles qui furent celebrez, & observez premierement en Hetrurie, auiourdhuy appelee La Toscane, & depuis entretenuz par les Romains, lesquelz a certains iours auoient acoustume sassembler en quelque lieu secret, en grande compaignie, tant dhommes que de fēmes, & apres quilz sestoiēt répliz de vin & de viāde de nuit se mestoiēt les hōmes avec les dames, et ieunes enfās sans aucūe discretiō de sexe, ou daage, & cōmettoiēt tāt de crimes cōrmes, q de ceste obseruatiō on eust peu dire

Bacchanalles.

Description de Leurope.

que descendoit la source de tout vice: finalement fust linstitution de ces abominables festes condānee & interdiete, & peine de mort introduicte a ceulx qui les entretiendroient: & ce du temps & consulat de Martius Philip pus, & Posthumius Albinus, cōsulz Romains, comme descript Sabellique au septiesme liure de sa cinqiesme Enneade. Quatre puissās roys de Boesme cestassauoir Venceslae, Sigifmond, Albert, & Adislae, ne sceurent deraciner ceste heresie & impiete, de leurs subiectz, cōbien que par plusieursfois ilz y ayent employe toutes leurs puissances.

C Du pays de Germanie autrement appelle les Alemains, & des institutions, & meurs des Alemās.

Chapitre douziesme.



Germanie est vne des plus grandes regions qui soit en Europe, toute situee deuers Septentrion. Elle a este le tēps passe diuisee des Gauloys de la riuere du Rhin, & des Chrisons & Hongres, de la riuie

re Danoe. Les montaignes faisoient la separa-
tiō de ce pays, & celluy de Poloine, & de Dā
nemarc, ioinct vne craicte & redoubtāce qlz
auoient les vngs des autres, le reste estoit en-
uironne de la mer Oceane. Auiourdhuy ou-
tre ces limites elle enclost avec soy les Chri-
sons, le pays de Phrise, de Noremberg, & la
haulte Pannonie, oultre ce elle comprēt vne
partie des Alpes, & de Lillyrique, iusques au
destroit du pays de Trente. Et avec ce toute
la nation des Belges presque, (laquelle sou-
loit estre anciennemēt soubz lobeissance des
Gauloys) avec tout ce qui est au lōg du Rhin.
de tous les deux coustez est auiourdhuy cō-
pris soubz le nom de la Germanie, & en a
pris le langage, tant que auiourdhuy il ne se
recongnoissent aucunement estre des Gaul-
les: & prédroiēt mal qui les y voudroit com-
prendre. Les Suisses pareillement par successi-
on de temps ont prins le nom & langage des
Germanis, & a la Germanie a soy vendique
vne partie de la Gaule transalpine. Les Prute-
niens gens cruelz & belliqueulx, ont este de-
puis trois cens ans enca par la vertu des gens
de guerre de Germanie reduictz de leur infi-
delite, ala foy catholique, & a prins a vser de
languaige Alemāt. A ce moyen on peult iuger
que les terres qui sont accreues ala Germanie

De ce a es-
te faict re-
cit cy des-
sus au cha-
pitre. viii.

Description de Leurope:

Par ce que
encores
aujour-
dhuy no'
disons les
basses &
les hault-
es alemai-
gnes.

sont plus grandes & de plus grande estendue
que ce que contient de pays la vraye terre de
Germanie. Au commencement elle souloit es-
tre diuisee en deux parties, tellement que cel-
le coste qui estoit la plus proche des Alpes,
estoit appelee la haulte Germanie : & lautre
qui tiroit deuers la mer oceane, & Septentri-
on estoit repute la basse Germanie, & dure
encores aujourdhuy ceste separation soubz le
nom des Alemaignes : que daucuns estiment
estre venu du nom du lac de Lozane, quon di-
soit autrement lac Lemanus. Il y a plusieurs p-
uinces en ces deux parties. La haulte Alemai-
gne, a commencer depuis la riuiera de Moga-
ne qui passe par le pays de Franconie, en mon-
tant contient le pays de Bauiere, Daustriche,
de Styrie, de Athesis de Rhetie, Suisse, de Sue-
uie, Alzatie, & le pays du long de la riuiera
du Rhin, iusques au pays de Mogūce. Les bas-
ses Alemaignes contiennent la Franconie, de
laquelle la plus grande partie sestend deuers
le Midy, iusques aux haultes Alemaignes, el-
les contiennēt aussi les pays de Hasse, de Lor-
renne, de Brabant, Gueldres, Selande, Holan-
de, Phrise, Flandres, Vuestuallie, Saxonie, Dā-
nemark, de Peninsule, Pomeranie, Liuonie,
Prussie, Slesie, Morauie, Boesme, Mysne, la
Marche, & Thuringie, Cornele tacite escript,

Pays com-
pris soubz
le nō des
basses &
haultes
Alemai-
gnes.

que la Germanie au commencement (encores quelle fust differente, & meilleure en aucuns endroiçtz que es autres) estoit la pluspart toute en forestz & infertille, au moyen des marescaiges, & fort aquatique du couste des Gaules, & subiecte a grans vens du couste de Noremborg, & Hongrie, & estoit du tout sterile darbrës fructiers, & tous autres biens croissans par labour, toutesfois elle abundoit en bestail, & encores icelluy estoit de petite grandeur, & ne se y trouuoit aucun or, ou argent. Au moyen dequoy elle estoit totallemēt mesprisee, & contemnee de toutes gens. Au iourd'huy ceste region est si plaisante, si bien aornee de tres belles villes, chasteaux, & bourgades, quelle ne doit moins estre estimee q̄ ^{Louenges des Ale-} Li ^{maignes} talie, la Frāce, ou Lespaigne. Elle est soubz vng climat assez tēpere. La terre y est fertile autāt quon pourroit desirer. Il ya petites mōtaignes forestz, grand abūdāce de bledz, fromentz & treshautes mōtaignes, esquelles y a grād q̄tite de vignes. Plusieurs belles riuieres, cōe le Rhī le Danoe, le Mogane, Albis, Necchare, Sala, Odere, & plusieurs autres. Il y a fōtaines tres-saines, bains chaulx, salines de sel, oultre ce il ny a aucūe terre plus abūdāte en metaux q̄ la Germanie. Toute litalie, la frāce, et lespaigne, prēnēt largēt, qlz ont p̄ les maïs des marchās

Description de Leurope.

de la Germanie, avec vne bõne partie de leur
metaulx : & nest destituee de mines dor. En
sorte que si auiourd'hui quelquun des anciẽs
refuscitoit, & vouldist cõtẽpler ce qui est de
richesses dedens ce pays de Germanie , il
ne pourroit estre sans soy esmerueiller de ve-
oir vne telle salubrite de pays , temperature
du ciel, fertilite de terre, vne si grande abundã
ce de vins, & de fromens si beaulx arbres fru-
ctiers, & en si grande quantite, villes si magni-
fiques, si bel entretenemẽt des esglises, & cho-
ses concernantes la religion , si grande cour-
toisie des habitans , & si hõnestes habitz avec
si grande science du faict de la guerre, & ma-
niere dicelle dresser, & conduire, & autres ex-
cellences des Germains avec lhonestete des
gens nobles de ce pays, & estime certainemẽt
q ne la vouldroit dire terre difforme, ou dũg
ciel intempere , ou infertile , & iugeroit estre
vray ce commun dict , que bien souuent est
vne bonne terre maintesfois sans honneur
par faulte de bon ouurier, & qui bien la sache
appliquer . Et combien que es autres regions
le froid ny soit si violent, & quil y ait plus be-
aulx fruietz, aussi nont ilz si grande tempera-
ture de leste dont sengendre vne corruption,
des fruietz, dauantaige si tu considere les bes-
tes veneneuses, & autres choses qui sont engẽ

Prouerbe
commun.

drees par l'intemperature de leste es autres regions, tu trouueras chose difficile a iuger laquelle des prouinces doibt estre preferee aux autres. Ce pays a este appelle Germanie parce que tous les peuples qui y estoient cōprins estoient tous pareilz les vngs aux autres tant en habitude que en maniere de viure, ne plus ne moins que silz eussent este Germaines cest adire freres. Et premierement fust ce pays appelle Teutonia dung nomme Tuisco filz de Noe, & depuis Alemannia du nom dung filz dudict Tuisco nomme Mānus. Combien que aucuns ont ceste opinion q̄ la nation des Germaines est indigene, cest adire nayāt prins origine dailleurs que en leur pays, & en ceste opinion estoit celluy qui a faict ces vers.

Germanie pour
quoy appellee.
Teutonie
Alemannia

La est la nation vaillante, & renommee,
Ou a l'arctique pol, est la terre inclinee.
Et de chault & de froid, & labeur patiente.
Oysuete tousiours dauec soy deschassante:
Et si elle nest poinct dautre pays venue,
Mais p Demogorgon du hault ciel descēdue,
Produicte elle a este des q̄ fust faict le mōde.
Le grec, & le latin leur nom sur freres fonde,
Car ilz viuēt entre eulx cōe freres germaines,
Dōt encores le nō plaist a leurs cueurs hūains
Membres leur a donne de grand proportion,
Nature, vsant de liberalle affection.

y.j.

Description de Leurope.

En leurs corps apparoist naturelle blâcheur,
Mais leurs yeulx & cheueulx, sont de blonde
couleur.

Ilz sont de corps bien pris, et de belle stature.
Leur polle et maintiē, de leur vouloir asseure:
Et monstre clerement que gens effeminez
Aulcunemēt ne sōt, ains tous aux armes nez.
Leur deduit est chasser, & de cheuaulx picq̃r:
Et par diuers mestiers leur vie practiquer:
Ou vignes cultiuer sur les haultes mōtaignes:
Ou terres labourer, es fertiles campagnes.

Ilz laissēt leur pays des leur premiere enfāce,
Pour retourner apres reuestuz de science.
Aulcunesfois aussi vont sur la mer flotter,
Pour des loĩgtaīs pays marchādisē apporter.
Le pillage et butin point ne leur est a vice
Tourne, q̃nt vōt sūyuāt du cruel Mars la lice:
Quilz pourchassent souuent es riches cours
des princes:

Et en plusieurs endroiēt des cōfines puinces.
Maintesfois par valles, & espesles forestz,
Vōt sangliers arrester, & tēdre puissantz retz,
Aux cerfs prōptz a courir, et q̃lq̃sfois aux ours
Au vol de lespuier, faisāt en lair maints tours
Prenēt souuēt plaisir, & au gibier le duire.

Dūg frāc cueur maĩtesfois q̃nt ilz ētrēt en ire
Ilz sōt prestz a mourir, & a leur sang repādre
Pour leur pays, parēs & bōs amys deffendre.
Saucū tort leur est faiēt, a meurtre sōt soudaīs

Mais a garder leur foy sôt loyaulx et certains.
Aymãs religion, vertu, & craignans Dieu.

Et voulãs que iustice, & le bon droit ait lieu.
Iamais ne disent lung ayantz lautre en pēsee.
Car par trop leur desplaist parolle desguisee.

Les Germaïs voulãs dōner la bataille auoiēt
de coustume de chanter vng hymne en lhon
neur de Hercules, & disoient que quelquefois
il estoit venu en leur pays, ilz marchoiēt au
conflict avec vng son fort graue, & terrible,
combien quil ne fust discordant, & saydoient
de ceste facon de faire pour espouenter leurs
ennemys. Ilz ont la pluspt vng fier regard, &
leurs yeulx pers, leurs prūqs iaulnes cōe lor,
ilz ne prēnent plaisir a trauailler, ou faire qlq
oeuvre par cōtraicte. Ilz nēdurēt la soif, ne la
chaleur cōme les Frācoys, toutesfois ilz en-
durent ayseemēt le froid. Le tēps passe ilz na
uoiet aucunemēt en vsaige lor ou argēt, et ne
faisoient non plus de cōpte de la vaisselle dar
gēt, qui estoit dōnee a leurs Ambassadeurs, ou
enuoyee a leurs pīces, p les princes estrangi-
ers, que de la vaisselle de terre. Finablemēt par
la frequentation, & trafficque de marchand
ses ilz commencerent a faire estime de lor et
de largēt, & en auoir vsaige. Ilz ont este long
temps quilz estimoient que en leur terre
neust aucuns metaulx : mesmes quil ny eust
y.ij.

Comple-
xion des
Alemands

Description de Leurope.

Pour-
quoy les
Alemans
se sont de
tout tēps
addōnez
a manier
la picque.

Alemās ē
bataille ef
toiēthabil
lez dune
mesme
huree.

aucunes mines de fer, dont est aduenue que le temps passe ilz vsoient peu de espees en leurs batailles, ains dune picque quilz appelloiēt fra mee, au bout de la quelle estoit clouee vne petite poincte de fer, & se scauoient tres bien ay der de ce baston, ou en combatant de loing, ou approuchans de leurs ennemys. Leurs ges de cheual auoient vne demy pertisanne, & vng pauoy. Les gens de pied auoient coustu me de iecter plusieurs dars a lentre de la ba bataille. Et estoient tous nudz, ou couuers dung petit hocqueton : & nauoient aucuns aorne mens les vngs plus que les autres, fors quilz peignoient leurs pauoy de diuerses couleurs, pour les recongnoistre. Peu dentre eulx sar moient de hallecretz, & a peine sen trouuoit vng ou deux, qui portassent heaulmes ou ca bassetz sur leurs testes. Leurs cheuaulx ne sont aisez a faire vireuoustes ou voltiger, comme les cheuaulx Ditalie, ains sont bons seullemēt a la course. Ilz tournoient a grand crime, dauoir perdu son pauois en la bataille: tellement que celluy qui auoit commis ceste faulte, estoit chassé de leurs sacrifices, & de leurs assem blees publiques : pour raison de laquelle ver gongne & infamie, plusieurs (auquelz estoit ceite fortune aduenue) se pendoient & estran gloient de eulxmesmes. Les roys estoient es-

leuz des plus nobles dentre eulx , & nauoient vne libre, & absolue puissance, ains estoit con-
duicte leur armee par le plus vertueux & cel
luy que plus on desiroit imiter en prouesses,
& vertu. Il nestoit loisible a aucun de infliger
a quelque delinquent peine corporelle:
ains remettoient toutes corrections a la dis-
cretion de leurs prebstres. Acelle fin que chaf-
cun estimast que les crimes nestoient pas pu-
niz tant par puissance humaine, que par la pu-
issance diuine. Ilz auoient coustume de porter
en guerre quelques simulachres, quilz empor-
toient des lieux dediez es forestz a leurs ido-
les , & auoient ceste opinion que ces simula-
chres leur donnoient couraige , & les inci-
toient a mieulx combatre. Ilz mettoient tous
leurs biens & famille aupres deulx: a celle fin
quen leur presence ilz obtinssent victoire, ou
mort glorieuse, tellement que leurs peres, en-
fans & femmes , estoient tesmoins de leur
prouesse. Apres auoir bataille ilz monstroiet
a leurs femmes, & meres, leurs plaies, & na-
uoient icelles aucune fraieur a les nombrer,
& senquerir comment ilz les auoient receu-
es. Elles estoient aussi presentes pour appres-
ter a boire , & manger aux combatans. Il se
trouue es hystoires que leur armee mise en
route a este restituee par leur adhortation, &
y.iiij.

Fémes Da
le maigne
de grand
cueur.

Description de Leurope.

incitation. Ilz ont avec ce vne persuation quil y a quelque sainctete, & vertu de puidence es femmes: au moyen dequoy fôt cas, & estime de leur cōseil, & deliberation. Ilz sacrifioient certains iours en lan de sang humain, a Mercure, & a Hercules & Mars, de sang daultres bestes. Ilz vsent fort de sort, & diuination, des affaires de petite importance, les plus apparentz de leurs villes en deliberoiēt: & es plus grans affaires sassembloient tous ceulx de la cite, pour y donner ordre. Pour entreprendre quelque chose ilz prenoient garde sil estoient en pleine, ou nouvelle lune, & comptoient par nuitz, & non par iours. Ilz venoient aux assemblees publiques tous armez. Quant ilz vouloient signifier quilz approuuoient quelque opinion mise en auant, ilz esbranloient leurs picques: & estoit ceste maniere de faire denotatiue dung honorable applaudissement. Et quant ilz estoient repugnans a quelque opinion, ilz menoient vng bruit, & murmure. Ceulx qui estoient conuaincuz dauoir abandonne leur pays, & suiuy les ennemys, estoient penduz aux arbres, & ceulx q estoient trouuez inutiles, & de lasche couraige, ou infirmes de corps, estoient couuers de fange, ou iectez en vng maraiz, & couuers dune manière de grisle de barres de bois assemblees, esti-

Les Alemans obseruateurs de la pleine & nouvelle lune

Germains cruels envers les personnes debiles & impotentes.

mās que les malfaietz & delictz, & punitiō q
sen faiet doibt estre manifeste, et les impfeti
ons cachees, leurs gouuerneurs ne faisoiet au
cune chose tant en priue, quen lieu public, qlz
ne fussent tousiours armez. Ilz mettoiet tout
leur desir a auoir grande fuitte de gens apres
eulx, dautant que celluy qui estoit acōpaigne
de plus grande compaignie de ieunes gens, ac
queroit bruiet, & credit enuers les siens, & en
uers ses circonuoyfins. Ilz estimoiēt estre vne
chose ignominieuse a tout iamais, de demeu
rer en vie leur capitaine ayāt este occis en ba
taille: sinon que apres auoir obtenu victoire il
eust rendu lesperit. Le chef de leur armee cō
batoit pour la victoire, & les souldars pour la
deffence de leur capitaine. Ilz cherchoient de
eulxmesmes occasion de guerroyer, encores
quilz ne fussent par autres incitez: par ce que
tout le repoz quilz prenoient estans en paix,
leur estoit ennuyeulx. Ilz attribuoient a pusil
lanimite & deffaillāce de cueur, dacquerir ql
que bien a la sueur du corps, q se pouuoit acq
rir p guerre. Et qnt leur cōueoit estre sās guer
re chascū dētre eulxmesmes les plussors sad
dōnoiet a māger, & dormir, et faisoiet de la
bourer les terres, & garder leurs maisons a
leur femmes, & aux vieilles gens: tellement
que ces deux choses repugnantes se trouuent
y.iiij.

Description de Leurope.

Habitati
ons des A
lemans le
temps pas
se.

Germaïns
se sont cō
tentez de
prēdre en
vng mes-
me temps
vne seule
femme en
mariage.

auoir este en recommandation aux Germainss
cestassauoir vng desir destre sans rien faire,
& hayne de tranquilité & lyesse. Ilz habi-
toient communeement es petitz villages, &
bourgaides champestres, & auoient leurs mai-
sons vng peu espendues & eslongnees les v-
nes des autres. Ilz se couuroient dune manie-
re de hocquetons, quilz fermoient a lacetz, &
silz nauoient aucung lacetz les fermoient
& attachoient dune espine. Les plus riches es-
toient differens en vestures & habitz, non
quilz fussent vestuz de robes plus longues, &
plus amples, ou sumptueuses, ains estoiet plus
estroitcz, & plus serrez: tellement que leurs
habitcz estoient iustes, & a la proportion de
leurs corps. Les femmes portoient vne mes-
me facon en habitz que les hommes. Et est
vne chose notable que les Germainns ont este
quasi seulz dentre toutes les nations Dorient
& de Septentrion, qui se soient contentez du
ne seule femme: des ce quilz commencerent
a auoir renom, combiē que encores y en eust
quelques vngs, qui prenoiēt plusieurs femmes
en mariage. Les fēmes n'apportoient douaire
a leurs mariz, ains les mariz a leurs femmes.
Et nestoit question d'apporter en mariage au-
cunes bagues, ioyaulx ou richesses, ains pour
tous biēs apportoiēt leurs mariz deux boeufz

de charue, vng cheual enharnache, avec le pa-
 uois, la picque & lespee. La chastete de leurs fe-
 mes estoit grāde a merueilles, & estoiet sans
 aucūe cōuoytise de se trouuer en spectacles ou
 bāquetz, tellemēt que biē peu de adultaires se
 trouuoient en ceste nation, encores que ce peu-
 ple fust en grand nombre. Si aucune femme
 estoit trouuee comme conuaincue dadultere,
 son mary luy tondoit les cheueulx & la me-
 noit toute nue deuers ses parens, & deuāt eulx
 la batoit de verges. Et au regard des ieunes
 filles qui estoient trouuees auoir rompu leur
 chastete, elles estoient a perpetuite priuees de
 lestat de mariage, quelque aage, beaulte, ou ri-
 chesses quelles eussent. Toutesfois nestoit per-
 mis a aulcun de se gaudir des vices dautruy,
 par ce quilz iugeoient que telles mocqueries
 ne seruoient sinon de deprauer leur vie. Les
 femmes mariees ne iettoient leurs intentions
 ou pensees sinon a y faire leur debuoir sans au-
 tre felicite de vie attendre: cōme plus aymās
 le vray estat de mariage, que les personnes a-
 uec lesquelles ilz estoiet conioinctes: & estoiet
 plus enclines a se bien conduire, & viure ver-
 tueusement, que les femmes des autres natiōs
 gouvernees par loix & statutz. Les ieunes gēs
 ne se mettoiet en estat de maria ge sinō quilz
 eussēt vng peu plus daage: au moyen dequoy

Femmes
 Dallemai-
 gne cha-
 stes & cō-
 tinētes.

Punition
 des fēmes
 trouuees
 en adul-
 tere anciē-
 nement
 au pays
 Dallemai-
 gne.

Description de Leurope.

Courtoi-
sie & libe-
ralite des
Allemās.

ne perdoiēt si tost la fleur & force de leur ieu-
nesse, Les filles aussi nestoient si tost mariees,
dont s'esuyuoit que les enfāz quilz engēdroiēt
estoiēt plus robustes. Si quelquun par cas dad-
uenture auoit occis vng autre, il estoit tenu de
bailler vne quātite de moutōs et de satisfaire a
tous ceulx de la maisō de loccis. Ilz saddōnoiēt
oultre mesure a bāqueter les vngs avec les au-
tres. Et estoit vne chose defēdue entre eulx, de
refuser aucun suruenant a leur table. Ilz pre-
noiēt plaisir a s'edōner les vngs aux autres,
& ne sen souloiēt pource aucune chose repro-
cher, ne se sentoient pareillemēt plus obligez
pour auoir aucun don reçu. Ilz continuoient
iour & nuict a boire & a menger & nestoit
iurongnerie tournee a vice entre eulx. De ce
sensuyuoient infinies querelles, qui ne se de-
partoient iamais par iniures de parolles, ains
par tuerie & meurtres. Ilz traictoient des af-
faires de la paix & de la guerre en leurs ban-
quetz: comme estimantz quil ny eust aucun
temps auquel les personnes voulsissent de-
scourir leurs fantasies, ne auquel ilz pren-
nent plustost les matieres a cuer. Ilz nestoiēt
gueres cautz, & descouuroient aiseement tout
leur secret, tellement quil retractoient souuēt
en vng iour, ce quilz auoient faict au prece-
dent, & mettoient plusieurs fois vne mesme

chose en deliberation, & nen arrestoient rien
sinon apres auoir si bien asseure par delibera-
tion leurs choses, quilz ne pouuoient faillir.

Ilz faisoient vne certaine boisson dorge ap-
prochant quelque peu de goust du vin: toutes
fois ceulx qui habitoient le long des riuieres
beuuoient des vins que on leur amenoit de
ailleurs, leur viâde estoit de petite sumptuosi-
te par ce que tout leur manger estoiet pom-
mes sauuaiges, lait & destrempe avec de la fa-
rine, ilz estoient grandz beueurs. Le specta-
cle auquel ilz se recreoient le plus, estoit a
veoir ieunes gens qui se exercitoient a passer
tous nudz par grande dexterite au meillieu
de deux rengees de picques & espees, lexerci-
tation les rendoit dextres a ce, la dexterite
leur donnoit grace. Ilz estoient si addonnez
au ieu de hazart, que apres auoir perdu tout
leur bien, au dernier ilz mettoient en hazart
la liberte de leurs personnes mesmes: telle-
ment que celluy qui estoit vaincu se rengerait
en seruitute de son bon gre, & quelque force
ou ieunesse qui fust en luy, si se laissoit il lier
& vendre a aultruy. Ilz diuisoient leur an-
nee en trois parties, cestassauoir yuer, prin-
temps & este, & ne scauoient que cestoit que
d'automne, par ce quilz nauoient aucuns vins
ou fructz a recueillir en certain tēps de l'année.

Nourritu
re des an
ciens Al-
lemaus.

Allemane
adōnez
au ieu
de hazart.

Description de Leurope.

Ilz ne continuoient gueres en pleurs & larmes pour le trespas de quelquun de leurs parens ou amys, toutesfois nestoit repugnât aux femmes de cōtinuer quelque long dueil, mais quant aux hommes estoit mal seant den auoir autre chose fors vne bonne souuenance. Telles ont este anciennement les manieres de viure des Germains, & au regard de la mutatiō qui y est aduenue, on en peult iuger par lestat des choses tel que lon y congnoist de present.

Meurs des
Allemands
du temps
present.

Toutes manieres de gens de la Germanie cōsistent aujourd'hui en quatre estatz. Le premier est des gens desglise tant prebstres seculiers que religieux, lesquelz sōt douez de grandes possessions & reuenuz: & sont grandemēt reueuez des autres, non seulement pource qlz ont a celebrer le diuin seruice, & quilz ont charge dames, mais aussi par ce quilz entendent les saintes escriptures, & les interpretēt au peuple: ioinct quilz viuent sans estre mariez. Et si aucun dentre eulx est tant peu soit mal renomme, soubdain perd ce credit & authorite enuers le peuple. Les religieux chascun selon leur reigle sont decentement vestuz, les prebstres seculiers portent longues & amples robes de couleur noire, & portent bonnetz de laine fort creux, & iustes a leurs testes. Ilz portent par honneur quant ilz vont en public

chaperons sur leurs espaulles, aucuns de drap de soye, les autres de simple laine: portant aussi en leurs piedz vne maniere de pantoufles quilz delaisent eulx retourner en leurs maisons. Ilz viuent oyseux la pluspart, & sappliquent peu aux lettres, & passent les apres disnees a boire & a iouer. Les prebstres inferieurs se plaignent a leurs Euesques du tort que on leur faict, & quelques fois viennēt telles plainctes iusques a la court de Romme, par ce moyen souuent ont acoustume de se mettre en seurete & faire tresbien chastier ceulx qui leur font nuisance ou quelque tort. Le second estat est des gens nobles qui sont en grād nombre, par ce quil y en a de Princes, les autres sont Contes, Barons, Cheualiers, aucuns simples gentilz hommes. Les princes passent les autres non seulement en noblesse & generosite, mais aussi en puissance & grandes possessions & seigneuries. Les Contes, Barons, & autres gens nobles ne plus ne moins que fleurs dispersees de tous coustez reluisent par dessus leurs inferieurs. Toutefois entre nobles y a vne facon de faire dont on se doibt esmerveiller, car combien que les Princes & Contes soient prestz a semployer au seruice de lempereur toutefois & quantes que la necessite de lempire le requiert, toutefois les autres no-

Second
estat des
Germanies.

Liberte
des gentilz
hommes de
Germanie.

Description de Leurope.

bles cheualiers & gens de guerre sen disent estre exemptz & ne seruent a aucun prince, & ne permettent leurs subiectz servir sinõ soubz bons gaiges & moyēāt bōne soulde, & neanmoins disent que lempereur de Rōme est leur seigneur & prince, & tel le recongnoissent. Ilz estiment leur noblesse estre maculee & grāde ment diminuee, si aucun de leur lignee faict train de marchandise ou exerce quelque art mechanique, ou filz prēnent en mariage quel que fille nō noble ou de basse condition, se ilz habitent et fōt residence es villes. Quāt a eulx ilz fuyent compaignies & cōmunicatiōs des bourgeois des villes. & habitent es chasteaux, fortresses et lieux magnifiqs edifiez es forestz mōtaignes ou chāpaignes, & la fōt leur demeure en grāde liberte, en fēble toute leur famille. Aucūs fuyuent les cours des princes, & frequētēt les guerres, les autres viuent en leurs maisons de leur reuenue, toutesfois cōmunemēt sadōnent a la chasse, & maintiēēt ce passetēps nestre loysible a gēs dautre cōditiō, cōme si p lōgue vsāce ilz auoiēt acqs ceste preeminēce, tellemēt quē aucūs endroiēt les siples gēstrouuez a la chasse pīcipallemēt de lieures, cheureaux, faneaux ou cerfz pdēt les deux yeulx ou on leur trāche la teste, toutesfois est pmis a vng chascū de prēdre bestes sauuaiges de nuisāce.

Dauantage les nobles s'ot magnifiq'mēt habillez
 tāt hōes q̄ fēmes:et tant en leurs maisōs q̄ sur
 les chāps,s'ot vestuz de draps dor et dargēt, &
 de foyes de diuerſes couleurs,et s'ot acōpaignez
 dune grande cōpaigrie de leurs domestiqs, &
 ont vng pas si graue et si pose,quē ce ilz s'ot ai-
 ſez a cōgnoistre dentre le vulgaire. Et si il est
 questio daller tāt peu soit loig ilz mōtēt a che-
 ual,et estimēt que ce leur seroit a grād hōte,&
 vng vray indice de paouurete daller a pied:
 Ilz ne pourſuyēt gueres la vègeāce des oultra
 ges quō leur faict p iustice,ains p assēblees de
 gēs de cheual de leurs ſēblables & a lespee,feu
 & voleries,& p ceste voye cōtraignēt leurs en-
 nemys a reparer les outrages qlz leur ont fais.
 Ilz s'ot gēs felōs,sās repoz auares & taschēt tāt
 qlz peuuēt a attirer & prēdre quelq̄ chose sur
 les Prelatz de lesglise,& sur leurs biens. Et tiē-
 nēt en vne merueilleusecrainte leurs subiectz
 & tirent de ces paouures gens le plus quilz
 peuuent. Nostre Germanie seroit sans com-
 paraison heureuse, si telz Centaures Dyoni-
 siens & Phalarides estoient chassez, a tout
 le moins,si en refrenant leur tyrannie & puis-
 sance, on les contraignoit(comme on a faict
 en Souisse)a viure au renc des autres. Le tiers
 estat est des bourgeois, & habitans es vil-
 les,dont les vngs sont subiectz a lempereur

Allemands
 vindica-
 tifs de
 leurs en-
 nemys au-
 trement
 que par
 voye de
 iustice.

Tiers e-
 stat des
 germains

Description de Leurope.

Cesar immediatement, les autres aux Princes ou Prelatz de lesglise. Ceulx qui ne tiennent que de Cesar ont plusieurs libertez, & ont entre eulx quelqs coustumes & statutz. Tous les ans ilz creēt vng magistrat q a toute puillāce & authorite de punir vng chascū malfaieteur. Toutefois quāt il est question de faire le proces de quelque criminel il assemble avec luy certains conseilliers a ce esleuz par ceulx de la cite, les criminelsz sont amenez liez deuāt eulx & sōt ouyz tant les accusateurs que les aduocatx de laccuse, & ce faict ilz baillent leurs aduis, nō selon les loix (qui ne sceurent oncques) ains selon que raison leur dicte, & la coustume quilz ont de iuger: ce qui est pareillement obserue es causes ciuiles, excepte quē icelles y a appel par deuant Cesar, aux autres causes non. En chascune cite imperialle y a communement deux manieres de bourgeois, aucuns sont nobles, les autres roturiers ou plebeiens, les nobles qui sōt quelque fois appelez patricies, viuent de leur patrimoine & reuenu, a la mode des autres cheualiers & gentilz hommes. Si aucun des roturiers soubz couleur de ses richesses se efforce frequenter leurs compaignies, il est rechasse au moyen duquel entretènement ces deux sortes de gens se sont des long temps a, tenuz separez lung de lautre:

Citez imperialles
en Allemagne.

toutesfois ladministratiō de la chose publique
est cōmune entre eulx. et autāt pmise aux vngs
que aux autres, & ne sōt en rien les roturiers
subiectz aux nobles, ains chascun a ses biens
& facultez en liberte, moyennāt qlz viuent se
lō les loix. La iustice est cōmunement admini
stree par gens non lettrez. En chascune ville
ou bourgade on eslist douze persōnages pour
estre iuges qui passent to^r autres en hōnestete
de vie & en preudhomie sans auoir esgard silz
sont lettrez ou non, & sōt cōtrainctz de pren
dre ceste charge, encores quilz nen attendent
aucune remuneration fors que dhonneur, tel
lement que pour le seul bien cōmun vacquent
en certain tēps a iuger les differens, to^r leurs
affaires delaissez, & iure chascun deulx de iu
ger selon qui leur semble estre iuste & raison
nable. Et nappelloient de leurs sentences noz
predecesseurs, trouuans ceste chose estrāge de
vouloir contreuenir aux sentences de telz per
sonnaiges, qui auoient vuide leurs differentz
sans aucun salaire en prendre. Toutesfois au
iourd'hui on en appelle cōmunement ce qu'on
pourroit bien prendre, si les iuges ausquelz on
appelle gardoient les coustumes des premiers
iuges, mais bien peu y a lon desgard, en sorte
que bien souuent leurs sentences sōt infirmees
non pour aucune iniquite quelles cōtiennent

Iuges es
leux en
chascune
ville Dal
lemaigne

Description de Leurópe.

Courtoy
sic entre
les bour-
geois Al-
lemans.

ains par ce quelles se trouuent quelque peu cō-
traires au droict escript, au moyen dequoy
lesdictz premiers iuges sont taxez dignoran-
ce sans lauoir merite, & la partie qui auoit ob-
tenu est foullee, quelle iustice il y ait en ce cy-
le cōsiderent eulx mesmes si bon leur semble.
Les bourgeois viuent entre eulx dune grande
honestete & amytie, et en lieux publiqs et pri-
uez traffiquent de leurs marchādises, banque-
tēt & sesbatēt les vngs avec les autres ou deui-
sēt ne se trōpent lūg lautre, & nesmeuēt aucu-
nes noyses ou debatz. En quelque lieu ou quel-
que tēps qlz sentrerencōtrent soiēt hōmes ou
fēmes, ilz sentresaluent & se fōt hōneur mu-
tuel. Es iours ouuriers les Germainns quasi to⁹
se passent de vestemens & nourriture fort sim-
ple & chiche: es iours de festes sont vng peu
plus magnifiques. Les gens de trauail font
quatre repas, les autres q viuent en repoz, deux.
Lhabit duquel sōt vestuz les hōmes est cōmu-
nement de drap de laine, celluy des fēmes 'est
la pluspart de lin, & sōt si diuers les habitz tāt
dhōmes que de fēmes les vngs des autres, que
a grād peine se peuuēt trouuer deux dune mes-
me facon & couleur. Auiourdhuylz prēnent
grād plaisir aux facons dhabitx des estrāgiers
mesmemēt des Italiēs & Frācois: desquelz de-
puis peu de tēps enca les hōmes ont aprins la

façon des souliers larges p deuant, & la façon de robes a grâdes mâches & decoupees: ensemble la nouvelle façon de chapeaux & bonetz. De mon tēps auoient encores cours souliers poinctuz, les robes courtes & estroictes & caputiōs ou barbutes, toutesfois ceste simplicité d'habit des hōmes est auourd'hui deuers les femmes, car elles ont oste leurs couurechefz qui souloient auoir infiniz doubles, & auourd'hui nē ont qu'ū simple. Leur alleure est modeste, et si ont delaisse toutes dorures, perles, & fourreures de riches peaulx, ou doubleures de draps de soye. Que diray ie des nerueures, & deschiqueteures de robes qu'on ne voit plus sinon es habitz des nobles? L'habit des femmes est auourd'hui assez modeste, & honneste & ny trouuerait on que reprendre, n'estoit que d'aucunes ont leurs habitz trop eschancez par en hault. En ducil & obseques elles sōt abillees de noir, & menent ducil trente iours: pendant lequel tēps ilz sōt dire trois obitz, lung le premier iour, le secōd au septiesme, le tiers au tretiesme. Ilz sont fort addōnez a seruir Dieu & ne se trouue vng seul artifāt qui le matin auāt que mettre la main a l'oeuvre naille en l'esglise pour ouyr le diuin seruice. Les seruiteurs & chambrières sont contrainctes y aller par leurs maistres. Ilz estiment vne chose fort

Description de Leurope.

deshonneur & de grand reprouche, si par paresse ou quelque legiere cause on delaisse a aller au diuin seruice. Ilz font grandes aulmoines. Il ny a presque cite en laquelle il ny aye quelques couuentz de freres mendiens, & publiques hospitaulx des paouures pelerins. Sôt aussi nourriz pour lhonneur de dieu plusieurs gens qui ont delaisse la maison paternelle, & vont ca & la pour estudier es escolles publiques, & sen trouue aucunesfois si grand nombre qu'on se pourroit esmerueiller comment on les peult nourrir, ilz sont logez par pitie par les bourgeois, & vont mendier leur vie en chantant de maison en maison, & ont a viure largement par ce quilz se trouuent aux esglises & aydent aux prebstres a dire le diuin seruice: quelques fois eulx mesmes paruiennent a estre prebstres. Aupres de chascune parroisse y a vne maison publique en laquelle ilz sassenblent avec les enfans des bourgeois pour apprendre les bonnes sciences. Ceulx qui leur enseignent sont gens scauans, & de bonnes meurs, & qui les scauēt chastier de verges, ou par menaces de parolles quant ilz font quelques fautes ou quilz sôt paresseux a estudier. Les maisōs priuees sont cōtignes les vnes aux aultres & edifiees selō la puissāce des habitāz, & cōmodite des rues. Les riches bastissent ma

gnifiquement a chaux & pierre de taille, les plus paouures font edifices de mortier & charpenterie, ilz couurent toutes leurs maisons de tuille ou dardoise, si cest pour la magnificèce ou pour euter le feu, ie nen puis pas asseurer. En Saxone & plusieurs lieux ilz ne couurent leurs maisons que de lates & bardeau, au moyen de quoy ne si voyent si belles villes, & si s'ot plus subiectes a estre bruslees. Le paue des places est cōmunement faict de cailloux ou pierres dures. Les portes bien garnies de haultes tours, dedens lesquelles y a guette lequel a son de trompette signifie aux portiers qui s'ot abaz le nōbre des cheuaucheurs quilz voyent venir, a celle fin que plus songneusement les portes soient gardees. Les villes communement sont fortifiees tant par la nature & situation du lieu ou elles sont assises : que par industrie & sont la pluspart situees au long de quelque grosse riuere, ou sur quelque montaigne, celles qui sont en plat pays ont murailles fossez & rempars impossibles a gaigner, bien enuironnees de tours & bouleuers de terre, aulcunes citez ont si profondz fossez & si larges que cela seul les garde destre pillees ou prinsees demblee par les ennemys. Quant

Tiers estat des
Germaïs.

Description de Leurope.

font dune miserable & paouure cōditiō de vie
ilz habitent esloignez les vngs des autres, avec
leur famille & bestail: leurs petites maisōs sōt
faictes de mortier de terre & de boys, & cou-
uertes de chaulme. Leur pain est de farine da-
uoine, & leur viande sont feubues & poix, leur
boisson est leaue & biere, vne Socquenie, tri-
quehoufes, & vng feutre sont leurs habitz. Ilz
sont en tout temps sans repoz, & en continuel
trauail & sales a merueilles. Ilz portent es pro-
chaines villes tout ce quilz recueillent tant de
fruietz que de prouffit de leur bestail pour le
vendre: & de l'argent quilz recoiuent en ache-
ptent toutes leurs necessitez, p ce q̄lz nōt aux
chāps aucuns manoueurs ou artifās sinō bien
peu. En lesglise q̄ est cōmunement en chascun
vilage, ilz s'assemblent to^r en iour de feste deuāt
l'heure de midy, & en ce lieu escoutēt la parol-
le de Dieu & vacquent au diuin seruice q̄ leur
est administre par leur cure. Apres midy ilz
traictēt de leurs affaires en quelque lieu publi-
que, & ce pēdāt les ieunes gēs dācent au sō de
quelque fleuste. puis' apres les plus anciēs se re-
tirent en la tauerne, & boiuet vin largement.
Les hōmes ne vōt en aucū lieu hors leurs mai-
sōs q̄lz ne soiēt garniz de quelques espees ou au-
tres bastōs de defence pour se tenir tousiours
sur leurs gardes. Chascū bourg ou vilage eslist

deux ou quatre de la parroisse qlz appellent
maires du vilage, & sentremettēt de tous leurs
cōtractz & marchez, & aussi dapaifer leurs de
batz & noyses, & du gouuernemēt des affaires
de la cōmunaulte, toutesfois ilz nōt manymāt
de rien, ains les seigneurs ou leurs fermiers
quon appelle p vng nom barbare Scultetz, qui
seruent vne annee entiere aux seigneurs, la-
bourent & ensementent les terres recueillent
les biens, & les mettent es greniers abatent le
boys, bastissent maisōs & creusēt fossez. Il nest
sorte de seruice que ces paouures gens ne soiēt
cōtrainctz de faire cōme se ilz y estoient tenuz.
Et noseroient refuser de faire ce quō leur cō-
māde si aucun y cōtreuient il est griefuement
puny. Entre toutes ses seruitutes il nen est au-
cune plus ennuyeuse que celle par laquelle la
pluspart ne sont seigneurs directz des terres
quilz possedent: & qlz en sōt tenuz bailler vne
certaine portion des fruietz p eulx recueilliz
pour ladicte iouissāce. Telles sont auiourd'hui
les manieres de viure, & facons de faire des
Allemands.

Subiectiō
des pay-
santz du
pays de
Germa-
nie.

¶ Du pays de Saxonie, & meurs tāt
anciennes que recentes des
Saxoniens.

Chapitre treziesme.

z iij

Description de Leurope.



Origine
des Saxo-
nes ou
Saxes.

Axonie est vne pticuliere region de Germanie, terminee vers occidēt de la riuere Visere, ou selon lopiniō des autres de la riuere du Rhin, & deuers Septētriō de ceulx de Danne marc, & de la mer Baltee. Deuers le midy elle sextend iusques aux pays de Franconie Boro- arie, & de Boesme, & deuers Orient au pays des Prutheniēs: dedens lesq̄lles fins & limites on peult entēdre quātes natiōs y a encloses au iourd'hui par le description cy deuant faicte de la Germanie, & dependent toutes du pays de Saxone. Ceste terre a retenu ce nom de la nation des Saxones qui y vindrent habiter, qui estoient (ainsi que aucuns disent) gens restans de l'armee Macedonicque, laquelle apres auoir suiuy Alexandre le grand en toutes ses conquestes, finalement par la mort soudaine qui luy aduint, fust dispersee par tout le monde. Les autres disent que se sont gens venuz Dangleterre, lesquels arriuerent par mer en ce pays de Germanie, pour y faire leur demeure, & que finalement ilz habiterent en ce pays, apres en auoir chasse les Thuringiens, par ce que les Saxones estoient au commencement gens querelleux molestans continuellement les terres de leurs voisins, entre eulx toutefois estoient

paisibles, & aduisans au choses concernantes leur proufit en public. Et sont les gens du mō de les plus curieux a entretenir la noblesse de leur lignee, & fuyent meslee de quelques alliances de mariages avec les estrangiers: ayant tousiours ceste sollicitude de vouloir auoir lignee & posterite a eux semblable. Au moyen dequoy ilz sont tous dune mesme habitude, & haulteur de corps, de mesme couleur de peruques, encores quilz soient en si grand nombre, ilz ont obserue quatre diuersitez de conditions, en leurs lignees. Cest assauoir de gens nobles, gens de franche condition, de gens affranchiz, & mis hors de seruitude, de gens serfs, il y auoit vne loy entre eulx, par laquelle en cōtractant mariage vng chascun estoit tenu de regarder a prendre party de son estat & condition, & sans y faire faulte, tellement quung noble deuoit prendre en mariage vne femme noble, & vng de franche condition vne femme franche, vng affranchy, vne femme pareillement aussi mise dehors de seruitude en liberte: vng serf vne femme de condition seruile, qui y cōtreuenoiēt, estoit en dāgi er de perdre la vie. Ilz vsoient de tres bonnes loix pour la correction des delictz. Ilz auoiēt pareillement plusieurs facons de faire vtiles, & honestes en leurs meurs, selon leurs incli-

Quatre
cōditions
de gēs en
tre Saxo-
nes.

Description de Leurope.

Saxones
le temps
passe fort
subiectz a
idolatrie.

Irminfaul

nations, & iugement naturel, qui eussent esté choses suffisantes pour paruenir a la vraye beatitude, silz eussent eu aucune congnoissance de Dieu leur creatur, mais ilz ont adore les arbres & les fontaines, & entre autres choses vng tronc darbre de merueilleuse grandeur quilz auoiēt esleue en vng lieu descouuert, & lappelloient en leur langue. Irminfaul. qui vault autant a dire comme, vne colomne vniuerselle, & soustenant toutes choses. Ilz ont pareillement adore Mercure auquel ilz sacrifioient certains iours de sang humain. Ilz ont eu ceste fantasie quilz ne debuoiēt enclore es temples, ne faindre leurs dieux a lexemple de figure humaine, iugeans que cela estoit faire iniure a leur diuinite & excellence, en lieu de ce ilz leur dedioient des forestz et quelques boscaiges, ausquelz ilz donnoient le nom, de leurs dieux, & estudioiēt a contempler les secretz des choses de ce monde dune tresgrande reuerence. Ilz obseruoient curieusement toutes manieres de sort, & diuination. Ilz auoiēt acoustume de couper vne verge de quelque arbre fructier laquelle ilz mettoient en plusieurs pieces quilz marquoient de certaines diuerses marques, et enseignes puis les iettoient sur vne robe blanche toutes a vne fois. Enapres si cestoit vne deliberation publique quon

vouloit faire le grand prebtre, & si il estoit question de consulter sur quelque affaire domestique le pere de famille (apres auoir prie les dieux les yeulx esleuez au ciel) leuoit trois pieces a trois diuerses fois de la dicte verge et selon la marque, & enseigne quil y trouuoit, il interpretoit son sort, tellemēt que si les marques signifioient quon ne debuoit rien entreprendre ilz ne mectoient rien pour ce iour en deliberation, si la marque auoit signe denotatif de quelque entreprinse encores par sort, & diuination sestudioient a scauoir quelle seroit lissue des choses quilz auoient deliberees, & sur ce interrogeoient les voix des oyseaux, & en ce prenoient garde, & consideroient la diuersite de leur chāt, & de leur vol. Ilz prenoiēt semblablement qlqs presages de certains cheuaulx blancs, & qui nauoient iamais serui : lesquelz ilz nourrissoient es boys aux despens de la chose publique: & apres quō les auoit atachez a vng chariot qlz estimoiet saint comme a ce dedie, alhors le grand prebtre, le roy, ou leur prince, suyuoit ce chariot, & obseruoient le hannissement, & bruit que menoiēt ces cheuaulx. Ilz nadiouxtoient a quelque sorte de sort ou diuination, plus grande foy que a cestecy, parce quilz estimoient ces cheuaulx estre ministres des dieux, &

Superstiti
on des Sa
kones.

Description de Leurope.

ayant cōgnoissance de leur vouloir, & delibe-
ration, & estoient en ceste folle opinion non
seulement le simple populaire mais aussi les
prebſtres de leur loy & les grās seigneurs. Ilz
vſoient encores dune autre maniere de fort,
par laquelle ilz conſultoient deſſus lyſſue de
leurs guerres, & batailles : ceſt quilz contrai-
gnoiet tous leurs priſonniers de guerre de cō-
batre contre le premier choiſy dentre eulx, &
iugeoient ſelon que leur compaignon auoit
eſte vaincu, ou vainqueur, bonne, ou mauuai-
ſe yſſue de leur guerre. Lēpereur Charlemai-

Charmai-
gne feiſt
conuertir
les Saxo-
nes a la
foy de Je-
ſuchriſt.

Temple
en Alber-
ſtade.

gne apres auoir longuement bataille contre
eulx, leur fiſt laiſſer toute idolatrie, & prendre
la foy Chreſtienne, ſelon laquelle ilz viuent
aujourdhy treſſainctement avec les autres
peuples des Alemaignes. Ceste region eſt de-
coree de pluſieurs tres beaulx & treſſumptu-
eulx chaſteaulx, eſglifes, & monaſteres. Ilz y a
vng temple en alberſtade dedie en lhonneur
de la vierge Marie, dedēs lequel nētrēt aucū
ſeculiers: et fault que ceulx qui y entrēt ſoient
initiez es ſainctes ordres. Toutefois le iour
des cendres on y faiēt entrervng homme lay
le plus mal renōme de toute la cite, & le font
aſſiſter au diuin ſeruice en habit de dueil, ay-
ant la leſte & viſage cache de quelque chape-
ron de dueil, & eſt chaſſe hors de leſglife, a-

pres que le diuin seruice est paracheue , & de la ne cesse a aller ca & la parmy la ville, ayāt piedz nudz pendant le temps de Carefme, & dune esglise en lautre, ce pēdant les prebstres le nourrissent. Il entre de rechef en ce temple au midy de la cene , & apres auoir receu lab-solution & lausmone , il en est de rechef mis dehors , apres auoir faict son offrande de ce quon luy a donne , cestuy est appelle Adam par la cōmune, cōe ayant trāsgressē cōme nostre premier pere, & puis ayāt trouue le moyen destre exempt de tous crimes, & recoit ce compaignon ceste, absolutiō au nom de tous ceulx de la cite. Le pays de Saxonie est fertile de to^r biēs fors que de vin, & y a plusieurs mines dargent, & de metal. A Goslare & en plusieurs autres lieux ilz font de tres blanc sel de leaue de quelques fontaines , & en recoiuent vng gros tribut, ilz cueillent orge & froment, dont ilz font non seulement pain tres blanc, mais de tres bonne ceruoise, au moyen de la quarte de vin , & boyuēt de ceste ceruoise de si grande auidite, & intemperāce, quil ne leur suffist de boire dedens coupes , ou verres (car on ne pourroit fournir a verser) mais mettēt sur la table vng grand pot tout plain de ceruoise, a mesme lequel chascun boit, ou en prêt dedens vne grande tasse , quon met sur table

Salines en
Saxone

Description de Letiropé.

Saxons
grands
beuveurs.

& se p^{ro}uoquét a boire les vngs les autres. Cest vne chose incroiable de lintemperance de ceste nation, et de la quantite que boit ce peuple de ce breuuaige. Il ny a truie ne thoreau qui en sceust tant boire, & ne leur est assez dauoir beu iusques a en rendre leurs gorges, & en deuenir yures, ains continnent la nuiét avec le iour, & le iour avec la nuiét a boire incessamment. Celluy q passe les autres a bié boire, emporte non seulement la gloire, & hōneur, par dessus les autres, mais gaigne le pris qui y est constitue, lequel est communemēt dung bouquet de fleurs de bonne odeur, ou de quelque autre chose de ioyeufete. De ce mal est venu que aujourd'hui en toute la Germanie, ilz boient a ceste mode, non seulement de la ceruoysie, mais des plus puissans vins quilz peuvent recouurer, dont sensuyuent grans inconueniens. Leur hoste ou autre, qui entre en ce lieu ou ilz sassemblēt pour boire, estalue par toute la compaignie, & prouoque dune grande courtoysie a boire. Ilz reputent celluy estre leur malueillāt qui (apres auoir este par eulx prie de boire) en fait refuz: sans alleguer aucune excuse: tellement que maintesfoi sen est ensuiuy sang & meurtre. Les Saxones vsent de grosses viandes, & mal apprestees cōme de lard, ongnons cruz, beurre sale. En plu

Viandes
& nourri-
ture des
Saxones.

seurs lieulx ilz font cuyre au iour du Dymé-
che, tout ce quilz doibuent manger toute la
semaine, ilz ne nourrissent leurs enfans (cō-
me nous autres) de laiēt, & boullie, ains de
grosses viādes que leurs nourrisse maschent
auant que leur presenter: de ce aduient quilz
sont plus acoustumez a se passer a ces grosses
viādes, & si en sont plus robustes. Ilz ont vng
particulier lāgaige, leurs habitz, & autres cho-
ses sont de mesme sorte que celles, des autres
peuples Dalemaigne.

¶ De Vvestualie, & iuges establiz sur
les Vvestualiens par Lempereur
Charlemaigne. Chap. xiiij.



Vestualie est enclose dedēs les
fins, & limites de Saxōe deuers, Vvestua-
lie aucūs
disent v-
vestfalie.
Loccidēt, elle sextend iusques a
la riuere du Rhin, vers Oriēt a
la riuere appelle Visurga, autre
mēt Visere. Du couste de Septétrion ellapro-
che des pays de Phryse, & de Holande, & des Montz
Obnobi-
es.
mōtaignes du pays de Hasse, appellees (cōe me
sēble) mōtaignes Obnobies, p Ptolemee, & di-
celles dīcēd la riuere Amasis, q passe p le meil-
lieu de ceste prouince & de deux belles citez,
lune appellee Padeburne, & lautre Monster,
& de la passe par le pays de Phryse, & entre

Description de Leurope.

Desconfiture de
 Drusus fait
 etc au l'og
 de la riuie
 re Sala.

 Iuges esta
 blis par
 Charle-
 maigne
 empereur
 sur les V-
 vestualies

 en la mer. Par ceste region aussi passe vne au-
 tre riuere appelee Sala, laquelle a prins renou-
 mee au moyen de la desconfiture de Drusus,
 filz de la femme Dauguste qui fust faicte le
 long de ceste riuere. Ce pays comme descript
 Strabo a este premieremēt habite par les Bru-
 cteres. Les autres disent que ce a este par les
 Sycambriens. Charles roy de France qui ob-
 tint ce nom de Charmaigne les subiugua, &
 puis leur feist prendre la foy Chrestienne, tou-
 tesfois par ce que par plusieurs fois firent re-
 uolte, & reprindrent leur idolatrie, en mespri-
 son de la foy Chrestienne, sans aucune dou-
 bte de enfreindre leur foy, & serment, icelluy
 Charlemaigne voulant par commination de
 peine refrener la temerite de ceste nation, es-
 tablist quelques iuges secretz, ausquelz il don-
 na puissance que si tost quilz apperceueroient
 quelquun ayant faulse sa foy, ou auoir pariu-
 re, ou commis quelque autre crime, de le pou-
 uoir mettre (si bō leur sembloit) a mort, sans
 en faire autre forme, ou figure de proces: & es-
 toient ces iuges gens de bonne maieste, & iu-
 stes, de paour que soubz ceste promptitude de
 iustice, aucuns innocens fussent mis a mort.
 Ceste chose estonna les Vvestualiens, & leur
 feist entretenir leur foy, dautant que souuen-
 tesfois ilz trouuoient gens de toutes qualitez,

penduz, & estranglez en leurs forest: sans sca-
 uoir pour quelle cause & auant quil fust bruit
 quil eussent este accusez de quelque crime, tel
 lement quen se guermentet de scauoir la cau-
 se de leur mort, il nen pouuoient autre chose
 coniecture, ou entendre, sinon que telles gens
 auoient rompu leur foy, ou auoient faict quel-
 que crime enorme. Ceste forme de iugement
 est encores auourd'hui obseruee en ce pays, &
 est appelee iugement secret. Ceulx qui auour-
 dhuy exercent ce iugement, sont appelez Sca-
 bins, ou Escheuins, qui ont ceste presumption
 de vouloir estendre leur iurisdiction, par tou-
 te la Germanie. Ilz ont aucuns secretz, & ceri-
 monies particulieres en leurs iugemens, & q̃l-
 ques statutz, selon lesquels ilz iugent les mal-
 faicteurs: & ne sen est ecores trouue vng seul,
 qui les ayt voulu reueler par don, ne par me-
 naces. Dauantaige la pluspart des Scabins
 est occulte, & incogneue, apres que quelquun
 est trouue delinquant par eulx, ilz considerēt
 a la preuue qui en peult estre faicte, et puis se-
 lon quil aduisent entre eulx ilz le condam-
 nent, ou absoulent, & de ceulx quilz condam-
 nent est par eulx faict vng registre, quil met-
 tent entre les mains des plus ieunes de leur cō-
 paignie, lesquels mettent a execution le iuge-
 ment des autres, Les delinquans sans aucune

Iugement
 secret des
 Vvestuali-
 ens.

&.j.


Description de Leurope.

chose scauoir de la sentēce interuenue contre eulx, sont puniz au premier lieu ou il sōt trouuez. Toutefois ce iugement nest de telle auctorite qui souloit estre, car bien souuent y sont receuz gens de basse condition, & sentre mettent de iuger causes ciuiles, combien que ilz ayent este instituez, & establiz seulement pour decider causes criminelles. Ceste region est fort froide, & ne porte vins, ne fromens, tellement que les habitans mangēt leur pain fort noir, & boiuent communement de la ceruoise. Ilz ont quelques vins quon y amene par le Rhin, & nen boiuent que les plus riches de ce pays. Les gens de ce pays sont belliqueux, & ingenieux a merueilles, tāt que par les Alemaignes courtvng Prouerbe. Que de VVest-

Vvestuali
ens caute
leux.

[De Franconie, & obseruations particulieres des Frāconiēs. Cha. xv.]

Francoys
ou Frāco-
niēs pour
quoy ain-
si denom-
mez.



Ranconie, ou France orientale, est vne partie de Germanie situee au meilleu dicelle, & au plus fertile endroiēt, & fust appelee Frāconie par les Sycambres, lesquelz apres auoir

obtenu victoire contre les Halanes furent ap-
pellez Franks, ou Francoys, elle se cōfine aux
pays de Sueuie, & Baioarie vers le Midy, vers
Oriēt au pays de Boesme, vers Occidēt a la ri-
uiere du Rhin, vers Septētriō aux pays de Has-
se, & de Thuringie, qui sont peuples de Saxo-
nie. Ceste regio est éclosē de grādes & espes-
ses forestz, & mōtaignes difficiles a passer, &
partāt on ne peult ētrer en ce pays si nō a grā-
de difficulte, dedās elle est garnie de plusieurs
bōnes villes, & bien murees, & dinfiniz chaf-
teaux, & bourgades. La forestz quon appelle
Hercynie rēd se pays fort, & luy sert q̄si dūng
circuit de muraille, & fortification naturelle
du lieu: par ce que en cestuy circuit ladicte fo-
rest est toute montueuse. La riuere de Moga-
ne portant bateau, & autres riuieres comme
Thubere, Sala, & Necchare, passent par ce
pays. Les valles par lesquelles ces fleuues &
riuieres ont leurs cours, sont larges, & pfōdes,
& ōt des deux coustez vignobles apportēt vī,
leq̄l p son excellēce est trāsporte en tresloig-
tains pays: Ceste terre nest gueres sablōneuse,
ne pierreuse, ains est quasi toute fertile (ainsi
que tesmoigne Aeneas, Siluius) sinō en icelle
partie ou elle est appellee Norique, & es enui-
rons des riuieres. Elle porte fromentz, & tous
autres grains, & en rend tresgrande quan-

Forest
Hercynie

Excellēce
du vin de
Frāconie.

& .ij.

Description de Leurope.

Racine de
reiguelif-
se en quel
ques en-
droict de
Fräconie.

Princes sei-
gneurs de
la Franco-
nie.

tite. Dauantaige ilz ny a prouince en toute la Germanie, qui produise plus gros ongnōs, ne plus grādes raues, ne plus grosses pommes de choulx. Plus au terrouer de Babenberg on y trouue tant de racines de reiguelisse, quon en emmene de ce pays en autres a grandz chariotz. Oultre ce pays est plain darbres fructiers & prairies, bien peuple, & abundēt en toutes sortes de bestail, & encores pour la multitude des riuieres y a belle pesche, & poissōs en abundance. Il y a encores plus de commoditez en ce pays pour la chasse. Les princes du pays ont plusieurs endroictz es forestz, et quelques parcz, esquelz se retirent les bestes en temps de yuer, pour y trouuer pasture que on leur reserue en ces lieux, & y a plusieurs toictz dessoubz lesquelz elles se retirent pour euitier les grandes froidures. Il nest permis a aucune personne quelle soit priue ou estrange de chasser. Il y a cinq princes ausquelz, Fräconie est subiecte. Premièrement le Burgraue de Norimberg, et le cōte Palatin du Rhin, qui sont deulx princes seculiers, & les Euesques de Babenberg, Herbipole, & de Mogonce, qui sont trois princes ecclesiasticques. Leuesque de Herbipole a tiltre de Duc de ceste terre & prouice, parquoy en faisant loffice & le diuin seruice. Il a aupres de soy vne espee

nue, & vn guidon, ou enseigne. Le iour quil
entre en la grande esglise cathedrale pour y
prandre possession & faisine de son euesche.
Il faict son entree en la Cite accompaigne
dung grand nombre & multitude de gens
de cheual bien & triūphammēt accoustrez &
biē en ordre, apres auoir entre dedans la cite,
il descend de sur son cheual, & prent vng ha-
bit gris fort vil au lieu de ses premiers aorne-
mentz & se ceintz dune corde, & en tel estat
ayant mains, & testes descouertes, sen va
iusques a la grande esglise vers ses confreres
les chanoynes de ce lieu, par lesquelz apres
auoir faict entre leurs mains le serment de fi-
delite, il est mis & pose en sa chaire episcopa-
le, toutesfois auant que de luy recepuoir, il est
mene pres du tombeau dung de ces deffunctz
predecesseurs euesques, & en ce lieu est ad-
moneste de viure de telle vie, que cestuy pre-
decesseur a vescu. Et fust ce predecesseur prins
& esleu euesque, estant pauvre escolier, au
temps que les chanoines de ceste esglise es-
toient en discord: & combien que par con-
temnemēt ilz eussent esleu, il administra tou-
tesfois tres bien lestat & charge de son esgli-
se. En ceste chaire episcopalle nul ne peult es-
tre receu de ceulx qui sont descenduz, & pro-
creez de quelques Ducz, ou Contes, ains est

Solēnite
obseruce
en Herbi
pole au
nouuel ad-
uenement
de leur
Euesque.

&.iiij.

Description de Leurope.

Dignite
de pre-
uost en
lesglise de
Herbipo
le fort ma-
gnifique

Franconi
ens nont
cure de
ceruoise.

necessaire quil soit venu des gens , nobles de plus bas estat , & condition: non poinct que cest Euesche ne soit suffisant pour entretenir vng train de prince (car cest vng tresriche, & magnifique Euesche) mais a celle fin que ceste dignite demeure tousiours a lung des chanoynes , qui soit de telle condition, & estat de noblesse , que sont la pluspart des autres Chanoynes de ceste ditte eglise . La preuoste pareillement de ceste eglise est tres excellentement noble . Et est tenu celluy qui en prend possession & saisine mettre publicquement en certains villaiges, dedens les fins & metes desquelz il a droict de dismes , vne quantite de vaisseaulx plains de vin tous defoncez , ensemble quelques taces , & escuelles de boys, & sont receuz tous venantz & tous passans a en boire tant quil leur en plaist. Les Franconiens ne different en rien aux autres Alemans , soit en habitz , ou en grandeur de corps . Ilz sont patientz au travail, & se exercent tous , tant hommes que femmes a faconner les vignes, & ne sont iamais oysifz . Le commun peuple de ce pays vend le vin quil peult recueillir , par ce que quil ne sont gens fort aysez dailleurs , & se passent a biē peu acoustumez a boire de leaue . Ilz ne tiennent cōpte de ceruoise, & ne souffrent quon

leur en amene des autres pays. En la cite de Herbipole il sen vend dedens quelques bateaux, & ce en temps de ieusne, a celle fin que ceulx qui sabstiennent de boire vin en puissent boire & en soiēt mieulx substātez que se ilz beuuoient de leau. Ilz sont en ce pays fiers, & arrogāz, & sont si presumptueux deulx mesmes quilz contennent toutes autres nations, & sont si promptz a en mal parler, que les estrangiers qui demeurent avecques eulx ne disent, & ne leur declairent iamais leurs pays, sinon par legierete de parler. Et si telz estrangiers prennent en patience leur raillerie, ilz les endurent viure avec eulx, & pour les auoir approuuez telz, quelques fois les maryent, & pourueoient en leur pays, tellement q̄ plusieurs des pays de Sueuie, Bauieres, & de Hasse, se habituent en ceste prouince & pays. Dauātaige ceulx de ce pays sont assez prōptz a seruir Dieu, toutesfois ilz ont en eux deux grādes imperfectiōs, lune est de blasphemer, en iurent, lautre de sappliquer a larrecins, attribuantz lung a licence, & lautre a vne facon de parler braue. Ilz ont plusieurs particulieres obseruatiōs que ie veux a ceste fin reciter, q̄ ce quon recite des facons de faire des autres nations ne soit tenu pour fable. Es nuietz de chascune des quītes feriez precedētes le iour de la

Franconi
ens rail-
leurs.

&.iiij.

Description de Leurope.

Coryban
tes.

natiuite de nostre seigneur, tant filz que filles vont hurter es portes de chascune maison, & disent maintes chançons par lesquelles chançons ilz annoncent le iour de la natiuite, ensemble reclament le seigneur pour la fertilite, & salubrite de l'année ensuyuant, en remuneration de quoy, ilz recoiuent de ceulx quilz vont visiter, poires, pommes, noix, & argent. Quant est de la solennite quilz font au iour de la natiuite, elle se peult entendre par ce que ilz mectent vne petite ymage ayant figure dung enfant sur lautel, pour representatiō du nouuel nay. Les ieunes enfāns avec les filles menent vng bal alentour, & au regard des plus anciens, ilz chantent dune facon approuchant a celle des Corybantes, lesquels le temps passe (ainsi que les fables chantent) ont demene telle ioye aupres de Iuppiter nouvellement mis sur terre. Le premier iour de Ianuier, auquel nous encommācons l'année, & selon lequel nous reiglons toutes sortes de gens & toutes maniere de comptes, les Franconiens se visitent, mesmes les parentz les vngs les autres & se presentans la main les vngs aux autres sentres souhaitent toutes choses bonnes & prosperes aladuenir, & passent tout ce iour en ioye & a banquette, Dauātaige par vne āciēne mode ilz se en-

uoyēt presētz les vngs aux tres, ce que les Rō-
mains auoient en ces iours acoustume de fai-
re quilz appelloient Saturnalles & de ce ap-
elloient ces presentz Saturnalitia, que les
Grecz appelloiēt Apophoreta. Ceste facon de
faire a este par moy lānee pāssee mise en vers
selon que ensuit.

Estreines
obseruees
en Fran-
conie.

En celebrant par nous le iour que Iesuchrist
Pour le mōde sauuer (suyuāt ce quest escript)
En son humanite voulut prendre naissance,
Hymnes huiēt iours entiers chantons a grād
plaisance.

Ce pēdant la facon est que amys sētreuoyēt,
Et le puraux ou chapōs vns aux autres enuoyēt
Ou quelques grandz gasteaux contenant la
deuise,

Ou armes de celluy qui tel don faire aduise.
Orenges enuoyer dix ou douze a grād grace,
Espicerie aussi en vng panier ou tace.

¶ Aduenue la feste de lepiphanie de nostre sei-
gñr en chascune maisō ce faict vng gasteau de
farine destrāpee avec du miel, gingēbre & poi-
ure, & font vng roy entre eulx en ceste sorte,
quelquun ou quelquune a la charge de faire
le gasteau, dedens lequel est mis vne piece
d'argent sans retenir l'endroit ou il seroit de-
meure, et apres q̄l est apporte, ilz les diuisēt en
autant de parties comme il y a de personnes

Description de Leurope.

en la maison, dauantage on en faißt autres parties, lune pour nostre seigneur, lautre pour la vierge Marie, les autres pour les trois roys, toutes lesquelles portions sont reseruees pour faire aulmosnes. Celluy dedens la part duquel est trouuee ladicte piece d'argët, est salue de toute la compaignie de tiltre de roy: & est mis en vng siege, apres auoir este trois fois enleue en lair, pour faire dune craie quil tiët en sa main dextre certaines croix es solieualx & traines du lieu ou ce faißt lassemblee & faißt autant de croix quil est enleue de fois: & iugent que ces croix les preseruent de plusieurs inconueniens & les ont en grande reuerence. Pendât les douze nuietz qui sont entre le iour de Noel, iusques au iour de Lepiphanie, il ny a aucune maison en toute la Frâconie au moins qui soit habitee, en laquelle on ne face quelque parfung ou encensement dencens, ou autres especes odoriferantes quilz font pour obuier aux espritz malings, & aux forcieres. Il nest ia besoing de reciter la vie que menent les Franconiens pendant les trois iours de Karesme prenant a ceulx qui scauent ce qui ce faißt pendant ce temps en toute la Germanie par ce que la Franconie ne faißt en ce que a la mode des autres peuples de Germanie, car durant ce temps ilz saddonnent a

Observa
tions par
ticulieres
des Fran-
coniens,

boire & menger, & a toutes autres sensuali-
tez ne plus ne moins que si voulans le iour
dapres mourir, ilz se vouloient remplyr
& contenter du tout leur chair. Chascun
dentre eulx se estudie a trouuer quelque pas-
setemps pour amuser les autres. Et affin quilz
ayent moins de honte, ceulx qui menent tel-
le vie cachent leurs visages de masques, &
se desguisent les hommes en femmes, &
les femmes en hommes, les ieunes en vieulx
& les vieulx en ieunes. Aucuns voulans ex-
primer les satyres, ou mauuais espritz, se
paingnent de painctures noires & se desgui-
sent dune facon espouventable, les autres a
la semblance des Luperques vont tous nudz
par les rues, & est vray semblable que ceste
facon de faire soit venue des dessusdictz Lu-
perques & de leurs anciennes festiuitez (que
on disoit Lupercales) qui estoient celebrees
par les ieunes gentilz hommes de Romme,
au moys de Feburier en lhonneur du Dieu
Pan, & estoient ces ieunes gens tous nudz
ayantz leurs visages souillez de sang, & en
courant par la ville de Romme frapoient les
premiers quilz rencontroient de leurs fouetz
& en lieu de ce ceulx de ce pays frappent
par grande follie & temerite & sans faire
aucune discretion de personnes quelcōques les

Luper-
ques &
Luperca-
les.

Description de Leurope.

premiers rencontrez de sacz plains de cédre. Cest vng cas merueilleux de ce quon obserue le iour des cendres en plusieurs lieux & endroitz de ce pays, cest que a ce iour les ieunes pucelles lesquelles ont le plus frequente les dāces en lannee precedante, sont assemblees par quelques iouuenceaulx, lesquels les atachent ensemble a vng chariot: dedens lequel est assis vng menestrier, qui ce pendant sonne quelques chansons, & en telle sorte sont menees iusques a la riuiera, ou a la premiere eaue qlz peuuent rencontrer. Le ne puis de ce faict autre raison rendre sinon que ie pense quilz obseruent ceste facon de faire, en faisant penitence de ce que les iours de festes en contreuenant au commandement de lesglise, ilz auroient continue en leurs dances & acoustumez passetemps. Au temps de my Karesme, que lesglise nous commance a donner quelque ioie & consolation, les ieunes gēs de mon pays font vne ymage de paille en figure aprouchant dune mort pourtraicte, & la portent de village en village & menēt vng grād bruiēt, aucuns recoipuent humainement ceste compaignie, & leur apprestent laiētages, poys, poires, cuiēttes au four: dont communement ilz vsent en ce tēps, aucuns prennent ceste facon de faire en mauuaise ptie, & chassēt ceste

compagnie par force & par iniures hors de leurs villages ayantz ceste opinion que ce passe temps leur est vng presage de mortalite.

En ce mesme temps ilz ont pareillemēt acoustume de couvrir vne roue de Charette toute de paille, & la portent tous les iouuenceaux au plus hault de quelque montaigne, & apres auoir dāce en ce lieu par quelque tēps (sinō q̄ le froid les en empeschast) & en faisant oultre ce vne infinite de ioyeusetez iusq̄s a ce q̄ la nuit approche, finalement mettent le feu en ceste paille, & fōt rouler du hault en bas ceste roue enflambee qui est vng passetemps qui estonne roit de prime face ceulx qui le apperceuroient de loing, & nentendroient ce mystere : car il leur sembleroit que ce fust le Soleil ou la lune qui tumbast du ciel. Aduenue la feste de Pasques, ilz font faire communement quelques gasteaux, que les plus riches presentent aux ieunes enfans de ce pays, affin de les faire exercer a la course en vng certain lōg pre, auquel sur la nuit se trouue vne grande assemblee de gens. Au iour quest celebree la dedice de chascune esglise, les ieunes gens des autres parroisses se trouuent au lieu ou est faicte la solemnite, non pour aucune enuie de faire quelque deuotiō, ains pour sētrebatre les vngs contre les autres: tellement que bien souuent

Description de Leuopé.

sen retournent fort naurez. Pendāt le tēps des Rogatiōs, les parroisses se trouuēt maintesfois assēblees en vne mesme esglise, & selon lobseruation de ce pays de Franconie ne chantent tous vng mesme motet ou hymne, ains diuers les vngs aux autres & en diuers chātz en chascune assēblee & la sōt presētz ieunes gens tant masles que femelles en habit propre & hōneste, & ont chapeaux de diuerses fleurs sur leur chefz, & bastons de saule en leurs mains. Les prebstres de lesglise en laquelle est faicte ceste solemnite obseruent diligemment le chant de chascune assemblee: & a ceulx qui leur semblent auoir le mieulx chante adiugent certaines mesures de vin. Au iour de Penthecoste communement en ce pays ceulx qui ont cheuaulx, ou quilz en peuuent emprunter ont ceste coustume de sassembler pour acompaigner vng certain prebstre lequel est monte a cheual, & porte quant & soy Leucharistie & enuironnent tout le territoire de leur parroisse, en chantant hymnes & faisans prieres a dieu a celle fin quil luy plaise garder de toutes fortunes, & calamitez les bledz de la terre. A la saint Urbain les vigneron ont acoustume de dresser vne table en la grand place du marche, ou quelque autre lieu publicque, & la garnissent de nappes ra-

meaulx & diuerses fleurs de bonne odeur:& la dessus mettēt vne ymage de saint Urbain. Et si ce iour aduient beau temps, ilz boyuent a plante, & font grand chere en reuerence de ce Saint, au contraire se il pleut en lieu de faire ceste feste, ilz gettent fange & souillent toute ceste table, & ce qui est dessus: & ce dautant quilz se persuadent que selon le beau ou mauuais temps de ceste iournee, se portera bien ou mal la vince dicelle annee. Au iour quest celebre la natiuite de saint Iehan baptiste: par toutes les Allemaignes on a coustume de faire grandz feuz, a lentour desquelz s'assemblent tant hommes que femmes, ieunes & vieulx pour dancer & eulx resiouyr, & obseruent maintes autres superstitions, entre les autres ilz portent sur leurs chefs chapeaux de verbene & herbe vulgairement appelee herbe de saint Iehan, ilz estiment que de auoir contemple leurs feuz, cela leur conserue leurs yeulx de tous maulx & de toutes douleurs en icelle annee. Au pris que vng chascun se retire de lassemblee, il gette ses herbes dont il est ceint & coronne dedens le feu, en disant ces motz, aumoins parolles de semblable signification par vne grāde & curieuse obseruatiō & inusitee & autres peuples & circōuoyfines natiōs, tout mon

Description de Leurope.

malheur sen puisse aller quant et ces herbes.
Deuant le chasteau qui est au dessus de la vil-
le de Herbipole, ce faict vng feu par les dome-
stiques de leuesque de ceste cite, dessus lequel
ilz mettent quelques petitx vaisseaulx defon-
cez des deux coustez, enleuez sur quelques per-
ches, & si tost que le feu y prent par la poul-
dre a canon & autres mathieres qui y sont en-
closes, ilz ont vne si grande secousse quilz s'ot
poulsez & chassiez si loing quilz tumbent de-
dans la riuere de Mogane, ceulx qui nauoiēt
iamais veu ce passetemps iugeroient que ce
fussent dragōs de feu volans en lair. En ce mes-
me temps se font en ce pays potz de terre tous
percez a lentour desquelz les ieunes filles at-
tachent fleurs de roses vermeilles, puis mettēt
vne chandelle allumee dedens, & les pendent
au plus hault de leurs maisons en guise de lā-
ternes. Les ieunes payfans amenant arbres en-
tiers, de Pins: pour leur seruir de mayz quilz
plantent en leurs vilages, & en coupent les ra-
meaulx les plus bas, & au plus hault attachēt
maintz escussōs & bouquetz de diuerses fleurs
& demeure tout leste leur may en icelluy lieu
ou ilz ont plante. En temps dautomme que les
raisins viennent a maturite il nest permis a
aucun de védanger sans la permission des sei-
gneurs, ausquelz est deue le disme, & ne ven-

dāgent plus tard les vngs que les autres, ceulx qui ont vignes en vng mesme terrouer, ains tous vendangent en deux ou trois iours ce qui est en vng terrouer a vendanger, ceulx qui ont droict de disme designent que en vng iour soit vendange en certain endroict, & le iour ensuyuant en vng autre, si aucun veult vendanger plus tard que les autres, oultre ce quil est tenu de demander conge, il luy conuient faire porter a ses despens ce qui doit pour le droict de disme iusques au pressouer du seigneur auquel elle est deue, les autres qui vendangent au iour qui leur est prefix la rendent au bout de la vallee, ou endroict ou se faict la vendange, & la liurent a certaines personnes qui la recoipuēt dung chascun en ce lieu. Au vignoble de Herbipole ilz ont ceste coustume, pour les faultes qui cestoient cōmises au payemēt de ladiete disme, de cōstituer a chascū qui a quelqs vignes en ce pays & lhors q̄l les veult vendāger, quelque ieune cōpaignō q̄ se dōne garde q̄ ny soit cōmis aucune fraulde, mesmes faire reserue de dix vaisseaux de vēdāgelūg pour sō maistre. Les vēdāges finies to⁹ ces ieunes gens sassembrent en vng champ, ou ilz font amaz de paille, dont chascun deulx faict vne ou deux torches, lesquelles ilz allument la nuit venue, & en tel ordre en-

A j

Description de Leurópe.

Tout re-
cit est pl^u
curieux
que vtile.

trent en la cite , en chantant & par telle ma-
niere se disent prendre conge de la saison
D'automne . Dauantage en Fráconie ilz ont
acoustume de demener grand ioyes , es festes
de saint Martin & saint Nicolas , les vngs
toutesfois es tauernes ce pendant que les au-
tres les solemnisent es esglises . Il ny a vng seul
paouure en ce pays , quelque indigence quil
aye , qui au iour saint Martin se voufist pas-
ser a moins de quelque volaille , ou de quel-
que piece de veau , ou porc routy , ou de quel-
que autre bõne viande , & qui avec ce ne vueil
le boire desespereement , & oultre mesure . Car
chascun a ce iour a acoustume en ce pays tas-
ter tous ces vins , & en presenter a taster , ioinct
que en la cite de Herbipole , & plusieurs autres
endroitz de ce pays , on a acoustume de don-
ner par aulmosne quelque quantite de vins
aux paouures . Semblablement ce font en ce
pays a ce iour spectacles & ieux publiques ,
mesmes on presente a veoir au peuple le com-
bat de deux sangliers encloz en vng parc : de
la chair desquelz (apres quilz ont este tuez) sõt
faictz diuers presentz aux magistratz , & gou-
uerneurs de la ville , & aux autres habitans
du lieu ou ce faict ledict spectacle . Au iour
quest celebree la feste de saint Nicolas , les
ieunes escoliers choysissent trois dentre eulx ,

l'ung desquelz ilz acoustrent en habitz de euesque, & les deux autres en habitz de diacres ce iour ilz le acompaignent en son pontificat & en grand triumphe iusques en la grand esglise & le font presider en tel estat, tant que dure le diuin seruice, & icelluy finy, sen va de maison en maison chantant avec sa compaignie, & accroche de chascune maison quelques deniers, quil se dict prendre non par maniere de aulmosne, ains par maniere de subuention charitatiue, & a raison de son tiltre de euesque. Les peres incitet leurs enfans a ieusner la vueille de ceste festep telle astuce. Ilz leurs psuadēt que ce quilz trouuēt le lendemain au matin dedans leurs souliers, quilz mettent ordinairement ceste nuit dessoubz la table (affin de mieulx colorer leur finesse) leur est enuoye par ledict saint Nicolas, parquoy ieusnent ces ieunes gens dune si grande constance, que bien souuent de paour quilz ne tombent malades on les contrainct de manger. Telles sūt les plus renomēees manieres de viure & ceremonies des Frāconies.

Description de Leurope.
¶ Du pays de Sueuie, & particulieres
manieres de viure tant anciennes
que recentes, des Sueuiens.

Chapitre.xvj.

Sueuie au
iourdhuy
Soauc ou
Souaul.



Veue est vne prouince en Ger-
manie, laquelle s'estend iusques au
pays de Baioarie vers Orient, de
uers Occident iusques a la riuie-
re du Rhin, & pays de Alsatie vers le midy,
iusques aux Alpes, & du couste de Septentrion
iusques au pays de Franconie: & fust ainsi ap-
pellee au moyen des Sueues peuples de Li-
uonie & Prussie, pays de Scythie: lesquelz se
habituèrent en ce pays, selon l'opinion de
Antoine Sabellique, & s'emble q̃ Lucain vueille
confirmer ceste opinion en ce vers.

Aquilon
quelque
fois signi-
fie tout
pays Se-
ptentrio-
nal come
font ces
pays de
Liunie
et Prussie

De l'extreme Aquilon Sueues descenduz.
Ce pays estoit premierement appelle Alle-
magne, au moyen du Lac lemannus, autre-
ment dict Lac de Losane, & contient ce
pays la plusgrand partie des haultes Alle-
magnes. Il est arrouse de deulx tresbeaulx
fleues, cest assauoir du Rhin, & du Danu-
be, le premier desquelz tirant vers Occident
descend en la mer Oceane, le Danube au con-
traire tirant vers Orient, apres auoir tra-

uerse innumerables pays, entre en la mer Pótique, Le pays de Sueuie est en quelques endroitz montueulx, & es autres plat. Il est assez bon & fertile, & ny a aulcune region en icelluy qui ne produise quelques fruietz: au moins excepte les endroitz quilz consistent en lacz, en boys, & en quelques montaignes.

Il y a en ce pays plusieurs boys & forestz, au moyen de quoy saddonnent les habitans de ce pays a la chasse, plus ilz ont fromentz & bestail en grande abundance. Il y a plusieurs belles petites riuieres qui se rendent toutes dedans le Rhin, & le Danube. Oultre ceste region est dung air fort sain & tempere, au moyen de quoy est remplie de tresbelles grãdes villes, bourgades & chasteaulx, & de maintes forteresses edifiees par lindustrie des hommes, ausquelz auroit ayde la nature & situation des lieux & places. Oultre est ce pays fort enrichy de plusieurs belles & opulentes esglises, monasteres de diuerses ordres, tant dhommes que de femmes, & maintz beaulx edifices. Au pays & endroitz ou il est montueux il y a plusieurs mines de fer, & dargent, & autres bons metaulx. Et est ce pays peuple de gens robustes, belliqueux & de grand couraige, & dune grande stature, & proportion de corps, & ont leurs perruques

Fertilite
& beaulte
du pays
de Soaue.

Soaues
les plus ex
cellentz
peuples
de toutes
les Alle-
maignes.

A iij

Description de Leurope.

Francs
prennent
plaisir a
auoir che
uault de
grād pris
cōme dict
Cesar.

auoient peu piller en la guerre . Dauantaige
ilz ne prenoient plaisir a estre bien montez
& a auoir de beaulx & puissans cheuaults,
comme faisoient les Francs, qui souloient
les acheter bien cher : mais auoient ces Sue-
uens coustume de retenir pour eulx les plus
meschātes bestes cheualines, & de pl⁹ vil pris,
& par continuelle exercitation les domp-
toient en sorte quelles estoient commodés,
& de grand trauail . Quelque fois, que ce
commençoit la bataille entre eulx & leurs
ennemys par les gens a cheual, ilz descen-
doient de leurs cheuaults, & combattoient
a pied, ce pendant leurs cheuaults estoient
tous duietz, a ne bouger du lieu ou leurs
maistres les auoient laissez, encores quilz
ne fussent a aucune chose attachez, & ne se
feruoient de brides a manier leurs cheuaults, &
ne trouuoient rien plus mal feant, ne plus
deshonneur que den vser . Et auoient ceste
hardyesse de assaillir vne grosse cōpaignie de
gēs de cheual, encores quilz fussēt en petit nō-
bre. Ilz ne soufroient anciennement que on
amenast en leurs pays aucuns vins par ce
quilz iugeoient que par boire vin les hom-
mes affoiblissoient, & en deuenoient plus ef-
foeminez. Ilz reputēt leur estre a grād hōneur
de veoir oultre leur fins & limites vng grand

pays vacant, & sans estre occupe, disans que p
cela est apparent que le nombre des gens ha-
bitans en ce pays est trop grand pour se pou-
voir contenir es fins, & limites anciens: telle-
mēt quil y a vng endroiēt auquel pardela les
limites de ce pays de Sueuie y a mil six cens
pas destandue de pays vacant.

Cornele Tacite en escripuant de la situation
du pays de Germanie, & meurs des Germaïs
& tumbant sur le propos des Sueues dict, que
les Germains estoient entre eulx distinguez
de noms particuliers, & touteffois estoient cō
munement appelez Sueues. Ilz auoient vne
particuliere facon de nouer leurs cheueulx &
en ce estoient congneuz entre les autres Ger-
mains, & encores entre eulx mesmes par ce-
ste maniere de porter pruques nouees estoiet
distinguez les gens de franche condition da-
uec les serfz, & laissoient croistre leurs che-
ueulx & ne les abatoient ou acourcissoient
pour quelque vieillesse qui leur fust aduenue,
ains les lioiet & troussioiet sur leur chef, & ce
les plus apparentz dentre eulx vng peu plus
proprement que les autres. En certain temps
ilz s'assembloient gens deputez de par tous les
peuples de Germanie en vne certaine forestz
quilz tenoient pour saincte par les superstiti-
ons quilz auoient de leurs ancestres, & en icel

Passaige
de Corne
le Tacite
sur le pro
pos des
Soaues.

Description de Leurope.

le en vng lieu fort couuert darbres & vmbra
geulx, ilz sacrifioient vng hōme, par vne cru-
elle, & espouentable cerimonie: ilz eurent vne
autre obseruation & superstition nul nentroit
en ce lieu, quilz neust les mains liees, comme
si par ce ilz se voulsissent humilier, & porter
reuerence a ce lieu, tellement que si quelquun
sestoit laisse tumber, il ne luy estoit permis de
foy releuer, ains luy conuenoit se trainer par
terre le mieulx quil pouuoit, & faisoient tou-
tes ces superstitions, en signe & recongnois-
sance du lieu, duquel il se disoiēt venuz, & ou
quel disoient estre le Dieu regnant pardef-
sus toutes choses hors mys lequel ilz se main-
tenoient auoir la domination de tout: & quil
ny auoit rien qui ne peust estre par eulx pre-
tendu & quil ne eussent peu reduire en leur
obeissance. Vne partie des Sueues selon pareil-
lement que recite icelluy Tacite sacrifioit a
Isis, au reste ilz estoiet tous cōformes en leurs
maniere de viure, a tous les autres Germains.
Toutesfois les meurs de ce pays (comme pres-
que de toutes autres natiōs) sont auiourdhy
changees, & (qui est vne chose a regretter) de
mal en pis en maītes choses. Car auiourdhy
les plus opulenz entre les Sueues quasi tous
font train de marchandise, & sassocient plusi-
eurs ensemble, & mettēt en vne cōmune bour

Soanes au
iourdhy
addōnez
a marchā
dise.

se, vne certaine somme d'argent & acheptent non seulement espiceries, draps de soyes, & autres riches marchandises, qu'on apporte en ce pays, de plusieurs regiōs tresloingtaines, ains autres marchandises de vil pris comme cuilliers, aiguilles, mirouers, poupees, ilz acheptēt semblablement bledz, & vins, ce que toutesfois ie ne loue pas, par ce que cela porte vng tresgrād dommage aulx paoures laboureurs, & Artisans, lesquelz vendent en verd & auāt la saison leurs marchandises, a telles gens: que ie vueil appeller griffons, & non marchans, lesquelz puy apres les leur reuēdēt bien cher, & au double du pris quilz en ont paye, & est ceste coustume nō seulement dommageable aux dessudiētz, mais a tous les habitans de ceste prouince, par ce que telz marchans, ont impetre des princes du pays, q̄l nest p̄mis a aucū desubieētz achepter bledz, ailleurs q̄ es lieux, & villes certaines, & ou lesdictz marchāns ont de coustume vēdre leurs bledz: cōme en Stutgarde, & autres marchez publiques: au moyen de quoy sont cōtrainētz les habitāns achepter bien cher, ce dont ilz auroient bon marche, si ilz en pouuoient achepter es pays circonuoy fins. Et ne font train de marchandise eulx mesmes, ains ont des communs facteurs qui amassent leurs deniers, & en certain temps

Description de Leurope.

de l'année tiennent loyal compte, a vng chascun du gaing qui luy est aduenü, pour la part & portion de l'argent quil y a contribue. Le cõmun & menu peuple de ce pays s'addõnent la plus part a faire toilles, & y sont si assiduz que en temps dyuer non seulement les femmes & filles, mais aussi les hommes, & ieunes enfans ont chascun vne quenaille, & filent. Ilz fõt vne maniere de draps de fil de lin mesle avec fil de cotton, & appellēt ces draps Pargathz en leur lāgue: ilz en font ou il ny a que fil de lin, quilz appellent Golsch. le scay pour certain que en la ville de Vlme il se faict de ces deux sortes de draps cent mille pieces, & par la on peult coniecturer quil sen faict en toute ceste regiõ vng nombre infiny. Et sont trāsportez ces draps en regions tresloingtaines. La grand vente sen faict deulx fois en lan, aulx foires de la ville de Francford, & en est rendu grand tribut en ce pays. Dauantaigne Sueuiens ou Sueues (comme aduient quil nest aucun bien qui naye bien souuent quelque mal mesle avec soy & ny a rien en ce monde qui soit du tout parfait & acomply) sont addonnez a luxure, oultre mesure, & ne sont les femmes de ce pays fort difficiles a abatre, ilz commencent tant hommes, que fēmes des leurs ieunesse a s'addõner a voluptez,

Pargathz

Soanes lu
briques.

& lubricite : & ne sen retirent que bien tard,
& a peine. le pense que loccasion par laquelle
ce vice regne tant en ce pays, est par faulte q̄
les prelatz de lesglise nexercent leurs censu-
res, & ne detestent ainsi quilz deburoient, nō
plus que es autres endroictz de la Germanie,
les fornicateurs, & adulteres publiques : tant
que aujourdhuy court vn Prouerbe que le pa-
ys de Sueue porte des paillardes pour fornir
toute la Germanie, la Franconie assez de vo-
leurs & de coquins, Boesme de heretiques, Ba-
uieres de larrons, le pays de Souisse assez de
bourreaulx, de biberons le pays de Saxe, de p-
iures les pays de Phrise & de VVestualie, &
de gloutons le pays du Rhin.

¶ De Bauiere, & Charinthie, & des
anciennes & recentes loix, &
facons de viure, obser-
uees en ces pays,

Chapitre dixhuitiesme.



Bauiere est vne des prouïces de
la Germanie appelee Bauaria
avec laddition de la lettre . b.
aumoÿe des Auariēs peuples q̄
demeurerent en ce pays, estans

Description de L'europa.

Bauiere &
Baioarie
vne mes-
me pro-
uince.

Sainct Lu-
cius roy
Dagleter-
re Sainct
Rupert &
Boniface
arceuef-
que de Mo-
gūce ont
presche le
uangile
aulx pays
de Bauie-
re.

Saltzburg
monach,

de la compaignie des Hunnes, & en chasserēt les Noriciens. Aucuns l'appellent Baioarie au moyen des Boyens peuples de la Gaulle cisalpine lesquelz habiterent quelque temps en ce pays, au parauāt estoit ce pays cense de la terre Norique & se confine du coste dorient au pays de Hongrie, deuers Occident au pays de Soaue, du midy a Litalie, & deuers Septentrion aulx pays de Franconie, & de Boesme, au trauers de ce pays a son cours le Danube, qui y tumble des pays de Soaue, & sont soubz ceste prouince comprins les pays Daustriche, Stirie, & Charinthie, par ce que tous conuienent, & tiennent des meurs, & statutz de ce pays, anciennement ceulx de Bauiere ne s'estendoient outre les limites du pays de Norique, ou Noremberg. Sainct Lucius roy Dagleterre, & apres luy Sainct Rupert, & finalement Boniface arceuefque de Mogunce, ont annonce en ce pays la loy Chrestienne. Bauiere est diuisee en quatre eueschez cestassauoir de Saltzburg, Pataue, Phrisingen, & Rhatifpone. Il ny a pays en toute la Germanie mieulx garny de belles villes quest cestui cy. Saltzburg quon estime auoir este anciennement appelee Iuanie, est lesglise Metropolitaine de tout le pays. La ville ou se tient ordinairement le Duc, est la ville de Monach, anci-

ennement cestoit la ville de Sepire. Ceste belle prouince auparauant quelle fust redigee en duche estoit gouuernee par vng roy particulier, & ce iusques au temps de Lempereur Arnulphe, & appelloient leurs roys dung nom particulier **Cacans** comme en parthie, ou to⁹ Cacans roys anciens de Baviere appelez comme ceulx des Parthes Arsa roys estoient appelez **Arfaces**, & en Egypte ces & ceulx de Egypte ptolemees ou les roys estoient appelez **Ptolemees**, depuis a tousiours este ce pays gouuerne par ducz, comme encores est auiourdhuy, & ont este les ducz de ce pays esleuz, & choysiz par aucun temps en la noble maison des Agilolfinges. Les loix & manieres de viure obseruees par ceulx de ce pays depuis quilz furent couuertitz a la foy Chrestienne sont assez cõgneues: entre autres choses quãt aucun dẽtre eulx veult donner quelques possessions a lesglise il luy couient escrire la donation de sa main, ensemble les noms de six tesmoins quil est tenu dy appeller, & leur faire signer son escripture, puis la mettre en presence du prebstre, ou administrateur dicelle esglise sur lautel moyennent laquelle solennite obseruee nest permis audit donateur, na aucun de ses successeurs recouurer la iouissance de la chose donnee, sans le consentement de lesglise, & sont tous proces pour raison de telz dons meuz, tractez p^{re}deuant le iuge desglise, & y a vne amende

Description de Leurope.

Loix du
pays de
Bauiere.

Icy entēd
possible
l'author
vng solz
pour vne
liure cōe
se prend
ceste dicti
on en plu
sieurs en-
droitz
des au-
teurs la-
tins.

introduicte contre celluy qui faict aucun
dommage a lesglise, ou aulx choses qui en de-
pendent de trois onces, dor, oultre la commi-
nation qu'on luy fait dencourir lire & indi-
gnation de Dieu, & de sainte Esglise. Celluy
auquel le serment estoit defere dicelluy dom-
maige faict, estoit tenu de iurer deuant lautel
en presence de prebtre, & de to^r les assistantz.
Celluy qui auoit sollicité le seruiteur, ou chā-
briere d'autrui de laisser son maistre, ou sa
maistresse, estoit tenu de rendre, & represen-
ter ledict seruiteur, ou chambriere, & ce pen-
dent en delaisser vng autre en leur place, &
neantmoins estoit condamne en lamende de
quinze soulz. Si vng seruiteur auoit brusle au-
cun meuble appartenant a lesglise, on luy cou-
poit le poig, & creuoit on les yeulx, a celle fin
quil ne peult plus veoir perpetrer telles cho-
ses: ce pendant son maistre estoit tenu de resti-
tuer tout ce qui auoit este consume par feu: &
si cestoit vng homme de franche condition
qui eust faict tel dommage a lesglise, il estoit
tenu de reparer la faulte par luy faicte, & ou-
tre pour le dommage estoit tenu payer soi-
xante solz damende, celluy qui le nyoit estoit
tenu de iurer sur les saintes euangiles deuāt
l'autel, en presēce des margueilliers, ou gagiers
de leglise. Aussi a to^r criminelz estoit octroyee

franchise si se retiroient en quelque esglise, & aulx seruiteurs ayantz offence leur maistres, en sorte que ce pendant les maistres ne les en pouuoient oster ne leur faire quelque outrage, celluy qui brisoit ceste franchise estoit cōdamne enuers lesglise par luy offencee en quarrente solz damende. Celluy qui auoit outrai-ge aucun clerc cōstitue es sainctes ordres mineurs, payoit double amēde. Si il en auoit outrage vng qui fust cōstitue es sainctes ordres maieurs il la payoit au triple. Qui tuoit vng prebstre estoit condamne en trois cens liures monnoye dor. Si cestoit vng diacre qui eust este tue il en conuenoit payer deux cens a lesglise en laquelle il estoit habitue, & si tel malheureulx meurtrier nauoit aucuns biens, il estoit tenu de se mettre, ensemble sa femme, & famille en seruice, iusques a ce quil eust peu faire ladicte sōme pour se rachepter. Il estoit sur toutes choses deffēdu doultrager vng euesque en quelque maniere que ce fust, encores q de par leuesque fust aucun outrage, & en ce cas se failloit pourueoir & faire sa plaincte cōtre tel euesque deuant le roy, ou le duc, ou deuant la commune, mesmemēt si il estoit question de quelque homicide, fornication, ou hostilite cōmise de par leuesque: tellement que si on le trouuoit charge dauoir dōne entree aulx

Amende
contre
ceulx qui
brisoient
la franchi
se des es-
glises.

Plaincte
cōtre vng
Euesque
de Baui-
re se deb-
uoit pro-
poser de-
uāt le roy
ou duc du
pays.

B.j.

Description de Leurope.

ennemys dedens son dyocese, voulant perdre ceulx quil debuoit fauluer, il estoit depose de son euesche, & banny hors du pays. Celluy q auoit prins en mariage vne fille estat en religion, il estoit tenu de la remettre en son monastere, & si il en estoit refusant, leuesque par layde & confort que le duc estoit tenu luy dōner, la debuoit recouurer, & remettre en son monastere, bon gre malgre quelle en eust, & auregard de celluy qui auoit cōmis le rapt, on le bānissoit, ou si on vouloit vser de douceur enuers luy, on luy enioingnoit seulemēt de famender. Il nestoit permis aux prebstres, ou diacres, auoir aucunes femmes en leurs maisons: de paour que par succession de temps, & par trop les frequēter, il ne tumbast en peche, par lequel il eust peu estre occasion de faire encourir lire de Dieu sur le peuple, pour les oblations quil eust peu faire indignement, estant en tel estat. Les causes dētre les prebstres & autres personnes ecclesiastiques, en ensuyuant les canōs, debuiēt estre tractees deuant les euesques. Les fermiers & rētiers de leglise selō q vng chascū estoit tenu, payoiēt leurs debucirs cōe cēs, rentes, & dismes, de dix boiceaulx de grain vng, de dix perches vne, de dix faisseaux ou gerbes lune, de dix vaisseaux de mousches a miel vng. se payoit aussi la disme

des poulletz, & oeufz, estoient semblablement
tenuz ceulx qui tenoient quelques terres de le
glise de faire quelques coruees, pour amener
boys, chau, & pierres, quant estoit question de
faire quelques edifices en leglise: touteffois ilz
nestoient tenuz de faire aucunes charges ou-
tre leur pouuoir. Celluy qui auoit dresse quel
que trahison cõtre le duc de ce pays, ou q auoit
incite les ennemys a le prendre, ou qui auoit
a iceulx rendu quelque cite, estant de tel cas
conuaincu par trois tesmoings, estoit mis en
tre les mains, & en la puissance du duc, & to⁹
ses biens confisque. Et ou il ne se trouuoit
quung seul tesmoing, a celle fin que nul ne
tumbast en inconuenient, pour quelque par-
ticuliere inimytie, estoit ordonne combat en-
tre le tesmoing ou accusateur dune part, &
laccuse dautre, & lhors estoit iuge en lhon-
neur de celluy qui estoit demeure vainqueur.
Celluy qui auoit tue son capitaine estoit pris,
& mis a mort & tous ses biens confisque. Si
aucun auoit excite quelque sedition contre
son capitaine, il estoit tenu de luy payer six
cens solz, ceulx qui estoient participantz de
la faction estoient tenuz en payer deux cens.
Quant on remuoit le camp pour donner la
fault & bataille aux ennemys, il estoit deffen-
du de faire quelque trouble, ou sedition pour

Combat
permis au
pays de
Baniere
entre lac-
cuse de
laife ma-
ieste & lac-
cusateur
quant il
ny a au-
tres tes-
moings:

B.ij.

Description de Leurope.

quelques hardes, ou bagages, ains estoit a vng chascun permis den emporter autant quāt & soy comme luy estoit de besoing, sans ce donner aucun empeschement, les vngs aux autres, & si aucun contreuenoit a ceste ordonnāce il estoit liure aux ennemys, ou biē estoit fu stige de cinquante coups de fouet, en presence de son capitaine. Le capitaine estoit tenu de donner ordre a ce que nul de ses souldars fust si hardy, de faire aucun dommaige aux ennemys sans le conge du duc, et chef de larmee: autrement estoit tenu de respondre de tous les dommaiges qui se trouuoient faictz. Si vng homme de franche condition auoit faict aucun dommaige il estoit tenu en lamē de de quarāte solz, outre la restitution du sort principal de la chose endommagee, ou la iuste estimation dicelle. Si cestoit vng serf qui eust cōmis tel dommaige il en perdoit la vie: & neantmoins son seigneur estoit tenu de reparer tout le dommaige faict, par ce quil nauoit este songneux dempescher son seruiteur de faire tel dommaige. Si vng seruiteur au camp deroboit quelque chose, on luy coupoit les poings, & neantmoins estoit tenu son maistre de restituer la chose derobee, ou lestimati on dicelle. Si par vng homme de franche condition estoit cōmis vng tel larrecin il estoit

cōdāne en quarāte solz. Si quelquū par le cō
mādemēt du roy ou du duc auoit tue autrui.
Le roy ou duc estoiet tenuz le mettre en leur
sauuegarde: & si tel roy ou duc estoiet mortz
leurs successeurs estoiet pareillemt tenuz met
tre vng tel psonnage en leur ptection. Si le
duc ou lieutenant du roy auoit cōmis quelque
rebellion cōtre le vouloir de son prince, il es
toit destitue de sa dignite, & cōdamne a mou
rir. Si le filz du duc ou chef darmee par follie
& arrogance, ou mauuais conseil, sefforçoit
de supplanter son pere, ayant encores prudēce
pour seconduire sagement en sa charge & de
monter a cheual, porter armes, & qui ne fust
encores sourd, ne aueugle, il estoit pmis au pe
re de exhereder son filz, ou de le faire bannir
du pays, cōe ayant cōtre tout droict, & raison
offēce son pere. Celluy q en la suite & train
du duc, par temerite, ou yurōgnise auoit susci
te quelq̃ tumulte, il estoit cōdāne outre la re
paration du dōmaige qui en estoit ensuiuy, en
quarāte solz damēde, & si tel estoit de seruile
cōdition on luy coupoit le poing, Sēblablemt
qui en la maison du duc auoit appceu qlq̃ cho
se tūber, & lauoit amassēe et gardee vne nuit
entiere, sans la declarer, il estoit tenu pour cō
uaincu de larrecin, et estoit cōdāne enuers la
chose publiq̃, en quinze solz damēde p ce q̃ la

B.iiij.

Description de Leurope.

Reuerēce
portee a
la maison
du prince
comme a
quelque
saict li eu.

Instructiō
pour les
iuges.

maison dicelluy duc estoit reputeē cōme quel que chose dediee au bien publicque & cōsequēment inuiolable. Outre celluy qui estoit refusant de faire ce que luy cōmandoit le duc estoit contrainct de mettre a execution ce que luy estoit cōmāde et neantmoins pour son refus estoit cōdāne en quinze solz damēde. Da uātage debuoit estre tenue la iurisdiction en tous les sieges des Contes, de quinze iours en quinze iours, & estoient toutes gens de franche cōdition tenuz de se y trouuer, sur peine de quinze solz damēde, acelle fin que le iuge decidaſt to^o differēt par iustice, il auoit pres de soy le liure cōtenāt toutes leurs loix, & statutz: & luy estoit sur toutes choses interdict, de auoir acception des pſōnes, ou de se laisser corrompre p^r dōs, & pour s^{on} salaire q^unt il auoit biē iuge luy estoit attribuee la .ix. partie de la mēde. Si il estoit trouue auoir mal iuge, il estoit tenu de payer au double le dōmage interuenu, au moyen de sa sentēce a la ptie interefsee: & outre estoit cōdāne en quarāte solz damēde. Celluy qui auoit occis le duc estoit cōdāne a payer au parēt du deffunct, ou au roy mil q^utre cēs soixāte liures damēde. La mort dung parēt du duc, emportoit quāt & soy six cēs solz damēde, & obseruoiēt que la mēde imposee pour la mort dūg duc excedaſt des trois

partz lamède imposee pour la mort daucū de
 ses parētz . Les Agilolfinges de la lignee des-
 quelz estoit cōmunemēt esleu vng duc auoiēt
 ceste prerogatiue que lamède imposee contre
 celluy qui auoit mis a mort aucun dētre eulx
 ce mōtoit quatre fois plus que lamende ordi-
 naire : & auregard de ceulx qui auoient tue
 quelquun de la famille des Huoses, Trozzes,
 Sagās, Habilings, Aennōs (qui sont autres no-
 bles lignees de ce pays apres les Agilolfinges)
 ilz estoient seulemēt cōdānez en double amē
 de . Quiconques auoit occis vng homme de
 franche condition , il estoit tenu de payer au
 duc, ou aulx parentz de loccis , cent soixante
 solz. Si il auoit seulement coupe la main , ou
 creue loeil, ou coupe les iarretz a quelquun de
 telle condition , il estoit tenu seulement a en
 payer quarente , si il auoit seulement rendu
 boyteux ou impotent dune main , au premi-
 er de ces deux cas estoit tenu en amende de
 douze solz , & au dernier cas en lamende de
 vingt solz . Lamende pour vne simple playe
 estoit de trois solz en ce pays & pour auoir
 rompu vne dent machelliere estoit de douze
 solz, pour les autres rompues , en suffisoit pa-
 yer six, outre plus auoient vne loy, par la quel
 le estoit grandemēt deffendu , de ne molester
 ne fascher les estrangiers, celluy qui leur fai-

Maifō des
 Agilolfin-
 ges.

Exemple
 de iustice
 gardee
 pour le
 support
 des estran-
 giers.

B.iiij.

Description de Leurope.

Mariages
incestu-
eux inter-
dictz.

Contre
ceulx qui
ne obser-
uoient le
Dimanche.

soit aucun dōmaige, estoit tenu le reparer au double, & avecques ce estoit condāne en cent soixāte solz damēde enuers la chose publicq, & si aucū auoit tue vng estrāgier il en payoit lamēde de cēt solz au feur & mōnoye dor. Si vng seruiteur vėdoit, ou molestoit vne p̄sone de frāche cōdition il estoit cōdāne par leurs iuges a auoir le poing coupe, ou vng oeil creue, & outre luy estoit imprimee sur son front quelq̄ marque apparēte. Si il auoit vėdu vng hōme de seruitute paruenue a liberte, la peine estoit la moiētie moīdre que la precedēte. Pareillemēt tous mariages incestueux estoient p̄hibez par leurs loix comme entre le gēdre & sa belle mere, entre le pere & sa bru, entre le mary & la fille de sa femme, entre le filz & la vefue de son pere, ne pareillement avec la fille de sa seur, ou frere, ou avec la vefue de son frere: estoit semblablemēt deffendu mariage entre cousin & cousinne estans germains. Les biens de ceulx qui contreuenoient a ceste loy estoient confisquezz. A celluy qui besongnoit a quelque oeuvre manuelle le iour du Dymanche, & ne sen vueuloit engarder pour aucune remonstrance, on donnoit cinquante coups de verges sur le doz, si pour telle correction il ne samendoit on luy confisquoit la tierce partie de tous ses biens, & si il y

retournoit pour la tierce fois, on luy oustoit la liberte, d'autant quil ne sestoit voulu rendre subiect a ce saint iour: si cestoit vng serf qui eust contreuenue a ceste loy, pour la premiere fois on le fustigeoit, pour la seconde on luy coupoit le poing de la main dextre, si cestoit vng estrangier il payoit douze solz damende. Celluy qui sestoit mys en effort de faire vng homme de franche condition son serf: ou qui lauoit spolie de ses biens & facultez, estoit condamne en quarante solz damende, oultre la restitution quil estoit tenu faire de tous les susdictz biens. Si aucun estoit conuaincu dauoir couche avec la femme daustruy il, estoit condamne enuers le mary en cent quarente solz damende, & sil auoit este tue sur le fait, tel homicide neportoit aucune peine. Celluy qui auoit couche avec vne femme de franche condition, non mariee de son gre, & consentement, si il ne la vouloit prendre en mariage estoit tenu payer douze solz damende. Le seigneur de quelque serf qui auoit prins quelque fille de franche condition par force, estoit tenu liurer sondict serf ou esclau, au parentz de la fille forcee, pour en faire la punition, & lesquelz auoient puissance de le mettre a mort si bon leur sembloit. Celluy qui auoit rauy vne fille de franche condition, & sans aucun con-

Cōtre les
adulteres

Description de Leurope.

Punition
du crime
de rapt.

Peine de
ceulx qui
repudioēt
les filles
quilz a-
uoiet frā-
cees pour
en prēdre
d'autres.

sentement d'elle ou de ses parentz estoit tenu en quarente solz damende, pour le rapt d'une fille puenue de seruitute a liberte en huiēt solz & pour le rapt d'une serue ou chambriere en quatre solz. Celuy qui faisoit diuorce avec sa feme sans aucune faulte d'elle, estoit tenu de payer a ses parentz quarente solz, & a sadicte femme estoit tenu rendre tout ce quelle auoit apporte quant et elle, & oultre luy assigner douaire eu esgard a la noblesse de la maison, dont estoit yssue. Si vng homme de frāche cōdition auoit fiance vne fille de franche condition, & puis apres lauoit repudiee & en prenoit vng aultre, il estoit condamne a payer aux parentz de la fille vingt & quatre solz: & estoit tenu de iurer quil ne lauoit repudiee, ne pour faulte quil eust en elle apperceue, ne pour aucune malueillance quil portast enuers les parentz dicelle fille: ains par vne seulle amour quil debuoit a celle quil espousoit. Celluy qui rauissoit la fiancee d'aultroy, estoit tenu la luy rendre, & luy payer trois cens vingt solz. Si vne femme faisoit boire a vne autre quelque breuuage par lequel elle auortoit son fruct, si elle estoit serue, on luy donnoit deux cens coups de fouet, si elle estoit de franche condition, on luy ostoit sa liberte, & la rendoit on serue. Si vne femme

en ceinte par quelque coup, rendoit son enfant auorte, si elle mouroit en achouchant, celluy qui luy auoit donne tel coup, estoit tenu comme homicide, si son fruit se trouuoit seulement estainct de ce coup, & empesche de prendre vie, il payoit vingt solz, si il auoit vie au parauant le coup, & que diceluy il se trouuaist mort, il en payoit cinquante & trois solz & demy. Si en la maison d'ung prince de ce pays, en quelque lieu saint ou en vne forge, ou moulin qui sont lieux publics, vng homme de condition franche estoit trouue auoir desrobe quelque chose, il estoit tenu de rendre neuf fois autant que valloit la chose emblee, vng larron de nuit trouue en faict de larrecin pouuoit licitement estre tue. Celluy qui auoit sollicite le seruiteur d'altruy de faire quelque larrecin, ou autre tort a son maistre, estoit condamne a mesmes peines que vng larron, & payoit neuf fois autant que pouuoit estre tel domage estime, & au regart du seruiteur q̄ auoit comis ce furt, oultre ce q̄l estoit tenu de redre la chose p̄ luy desrobee, on luy donoit en quelque place publiq̄ deux ces coups de fouet. Et cōbien q̄ vng larron fust par leurs iuges cōdāne a telles peines, toutesfois auant que mettre la sentence a execution pour le regard de la peine cō-

Lieux ou
se font as-
seblees de
gēs ag-
grauēt le
larrecin
qui y est
cōmis.

Amendes
adiugees
aux par-
ties ciui-
les pour
repara-
tion de

Deſcription de Leurope.

leurs in-
tereſtz
premiere
mēt discu-
tee ſur les
biēs du cō-
dāne que
les amen-
des appli-
quees au
fiſque.

Cōtre re-
celeurs,

cernante l'intereſt publicque, comme punition corporelle, ou damende applicable au fiſque, on diſcutoit premierement ſi les facultez eſtoient pour ſatiffaire a celluy qui eſtoit particulierement intereſſe, & en cheuiſſoit on avecques luy. Celluy qui acheptoit quelque choſe en ceſte prouince eſtoit tenu de ſenquerir diligemment ſi la choſe quil acheptoit venoit de quelque larrecin. Si il acheptoit ſcientemēt vne choſe deſrobee eſtoit tenu la rendre, & oultre eſtoit condamne en douze ſolz damende enuers la choſe publicque. De ceſte loy meſmes eſtoit puny celluy qui prenoit en garde vne choſe quil ſcauoit eſtre venue de larrecin nul ne debuoit tranſiger avecques vng larron ſans authorite du iuge. Celluy auſſi qui ne reueloit vng larrecin dont il eſtoit informe, eſtoit tenu de meſme peine que le larron. Si quelques perſonnages entroient en different des bornes de leurs heritaiges, il y auoit certains arpenteurs qui congnoiſſoient les anciennes bornes, & ſelon icelles on ſe reigloit nonobſtant quelconque preſcription tant longue quelle fuſt, ſi le vendeur de l'heritage eſtoit viuant il eſtoit tenu de les monſtrer: ſi aucunes n'apparoifſoient & que le different fuſt ſi grād que les parties ne ſe peuſſent appaiſer, on ordonnoit le combat. Et neſtoit permis a aucun

de fischer vne nouuelle borne, sans le consentement de son vöysin:ou en presence de gens. Si vng homme de franche condition contreuenoit a telle loy, il payoit lamende de six solz si cestoit vng serf, il estoit condamne a endurer deux cës coups de fouet en lieu publicque. Si vng homme de franche cõdition rompoit la muraille ou haye dung autre homme frãc, il estoit tenu de reparer le dommage, & oultre ce estoit tenu de payer trois solz damẽde, pareille cõdẽnation estoit dõnee contre celluy qui auoit arrache les pilliers ou poultes de quelque maison:& pour chascun ais ou tuille arrachee, conuenoit payer vng solz damende. Il nestoit permis a aucun de prendre quelque gage pour prest par luy faict sans le consentement du duc, qui prenoit gage sans le congedudiẽt duc, estoit tenu incontinent le rendre sain & entier:oultre ce payoit quarente solz damende enuers icelluy duc, & satisfaisoit a la partie de tous ses despens, dommages, & interestz. Celluy qui sayoit les bledz daultruy payoit six solz damende, si celluy qui estoit accuse de tel cas le nyoit on luy deferoit le serment. Celluy qui par art magique ou sort faisoit corrompre, ou gaster les bledz daultruy, estoit condamne en douze solz damende:& estoit tenu de nourrir a ses despens vne annee

Description de Leurope.

entiere toute la famille de celluy auquel il auoit faict tel dommaigne, avec ce rendre tout ce quil auoit perdu, ou le estimation, celluy qui nyoit ce faict estoit tenu de iurer ou daccepter le combat. Si quelquun donoit cōseil au seruiteur daultuy de laisser son maistre, ou luy donoit cōfort & ayde en telle entreprise, il payoit douze solz damende, si cestoit vne chābriere a laquelle il eust dōne tel cōseil ou cōfort, il estoit cōdāne a six solz damende: & dauantage il estoit tenu de les représenter a son maistre: si il nyoit le faict, il estoit tenu de iurer, ou bien daccepter le combat. Il nestoit permis a aucun de blecer ou tuer la beste daultuy, pour quelque dommaige quelle luy eust faict: mais bien luy estoit loysible de la retenir iusques a ce que le seigneur dicelle beste luy eust repare tel dommage, si quelquun contre ceste loy tuoit la beste daultuy, pouuoit en faire ce que bon luy sembloit, & neantmoins estoit tenu en rendre vne autre de pareille valeur, & estimation. Si il estoit question dauoir seulement creue vng oeil a vne beste, il estoit tenu de payer au seigneur la tierce partie de le estimation que ladicte beste eust peu valoir estāt saine & entiere. Si il luy auoit seulement arrache la queue, ou vne oreille, il en payoit vng solz damende, si il auoit arrache vne corne

il payoit la moictie moins damende. Toutefois toutes ces amendes dessusdictes estoient payees au double, se il estoit trouue que tel dōmaige fust faict p mesprison & cōtēnemēt du seigneur dicelles bestes. Si aucun par marche faict auoit conuenue de garder le boeuf, ou le cheual daultroy, & que par sa faulte icelles bestes perissent il estoit tenu den payer lestimation, & si estoit frustre de son salaire, toutefois se il ne pouuoit estre verifie contre luy que ce fust par sa faulte: & si iuroit quil nen estoit coupable, il en estoit quictē en rendant la seulle peau de la beste. Celluy q auoit prins en garde, ou pour vendre quelque or, argent, ou robes daultroy, ou autres choses quelconques, si il aduenoit que par fortune de feu telz biens fussent periz quant et les siens propres, en ce cas tel depositaire en faisant le serment a iustice sur ce nestoit tenu en rendre aucune chose. Celluy (lequel faignant estre venu pour fauluer les biens de quelque maison enuahye de feu) estoit trouue auoir destourne quelques biēs dicelle maison, estoit tenu de les rēdre au quadruple, & oultre ce payer lamēde introduite par leurs statutz cōtre les larrōs. Si aucun debat interuenoit sur la propriete de quelque chose pendant le proces nestoit permis a aucun des deux litigātz de la vēdre ou aliener

intētion
du delin-
quāt cōsi-
derē
pour ag-
grauer ou
adoucir
la peine.

Description de Leurope.

Preroga-
tine des
femmes
vesues de
meurâs en
leur estat
de vidui-
te.

en aucune maniere. La femme demeurant a-
pres la mort de son mary sans se remarier a-
uoit la iouissance par maniere d'usufruit du
ne portion en la succession de son mary, telle
que prenoit lung des enfans du defunct. Si el
le conuoloit en secondes nopces elle estoit te-
nue de prendre son douaire, & tout ce quelle
auoit aporte, & vuidier de la mailõ de son pre-
mier mary, sans aucune autre chose prendre,
tellement que sondict usufruit expiroit: & se
diuisoit ladicte portion dont elle iouyssoit, es-
gallement entre les enfans du defunct, com-
me le reste de la succession. En la succession
vniuerselle du pere succedoient esgallement
ses enfans encores quilz fussent de diuers ma-
riages, sinon que les vngs fussent procreez du
ne femme de franche condition, & les autres
dune serue ou esclau, auquel cas les enfans en-
gendrez de la femme franche estoient prefe-
rez. Si aucun conioinct par mariage decedoit
sans enfans la femme suruiuant (sinon que le
defunct en eust autrement ordonne par testa-
ment) prenoit tant quelle viuoit sans se rema-
rier la moictie en tous les biens de son mary
decede: les plus prochains parentz prenoient
lautre, si puis apres elle decedoit ou se rema-
rioit elle ne prenoit que son bien, & estoit te-
nue laisser icelle moictie ausdictz prochains

parentz. Le mary ou femme decedez, si aucun ne se trouuoit leurs prouchain parent, ou lignagier pour le moins en septiesme degre, leurs biens estoient acquis au fisque, sinon que par testament ou autre alienation ilz en eussent dispose, Celluy qui auoit vendu quelque chose si tost quil auoit receu le pris, estoit tenu de faire passer lettres de la vente, ou icelle declarer en presence de deux ou plusieurs tesmoins. Vne vente faicte par contraincte estoit subiecte a rescision. Celluy qui vendoit vne chose appartenant a aultruy estoit tenu de la rendre, & oultre vne semblable ou lestimation dicelle. Si la chose ainsi vendue ne pouuoit estre recouuerte, il estoit tenu den redre deux autres seblables. Celluy qui auoit baille arres pour lachapt de quelq marchandise estoit tenu detretenir le cōtract & payer le pris entier, autrement tout ce ql auoit auāce estoit pdu pour luy. Si aucun auoit vendu quelque chose q ne fust saine, & entiere, il estoit tenu dedās trois iours la reprēdre, autrement estoit tenu deuāt le iuge affermer quil estoit ignorāt du vice de de la chose p luy vedue: & en ce cas demeueroit le marche en sō entier. Celluy qui occupoit la terre ou le pre daultruy, oultre ce ql estoit tenu de sen departir, estoit cōdāne en six solz da mēde. Celluy q estoit trouue pariure estoit te-

Le fisque
heritier
dūg def-
funct par
faulte
dheritier
apparent
cōioinct
au deffunct
pour le
moins en
septiesme
degre.

Description de Leurope.

tenu de payer douze solz damède, ou maintenir p cōbat son dire estre veritable. Celluyq auoit enleue quelque corps mort estāt de fraîche cōdition hors de son sepulchre pour luy oster ce quil auoit sur luy, estoit tenu de payer aux parētz du deffūct quarāte solz: & leur rendre ledict corps. Si aucū auoit tue occultemēt vng hōme de fraîche cōditiō, puis lauoit gette en la riuiera ou quelque autre lieu en sorte ql eust este priue de sepulture, & obseques payoit quarāte solz. Celluy qui voyāt vng corps dūg trespasse sur le bord dune riuiera, le repoulsoit en la grād eaue, payoit vingt solz damède. Si aucun auoit tue vng hōme serf, & lauoit occulte, payoit cēt quatre vīgt solz, & quicōques despouilloit la robe & habillemens de celluy quil auoit occis, en payoit double amède. Celluy qui auoit blece quelquū pour chascune partie blecee ou meurtrye payoit douze solz pour lamède. Quicōques trouuoit pmy les champs quelque corps mort, & lenterroit de paour quil ne fust mēge des bestes sauuaiges debuoit pour son salaire, enuers les parētz ou seigñr du trespasse vng solz. Celluyq auoit trāsporte le bateau dau truy de lieu en autre, estoit tenu de le rēdre, ou en bailler vng autre pareil acelluy quil auoit transporte. Si il lauoit tire hors de leaue & icelluy recele, il estoit tenu de payer

la mède ordinaire que payoient les larrōs. Qui Amende
 cōques auoit oste a autrui vng chien de chaf contre
 se, il estoit tenu de le rēdre ou vng autre sebla ceulx qui
 ble, & neātmoins payoit six solz damende. Si deroboiet
 cestoit vng chien de bergier, il en payoit trois chiens de
 solz. Des loix dessusdictes ont vse ceulx de chasse ou
 de Bauiere par quelque espace de temps. Quel chiens de
 bergier.
 ques vngs dentre eulx & les plus deuotz vont
 par bendes en pelerinage, visiter les plus ma-
 gnifiques, & plus celebres temples des autres
 regions: mesmes en Aquisgrane. Dauantaige
 ilz ont en ceste prouince deux lieux fort re-
 nōmez a cause des miracles qui se y font, &
 pour la frequēte multitude des pelerins qui y
 arriuent par chascun iour: cest assauoir lesglise
 de nostre dāe en Otinge, & lesglise de sainct
 Vuolfgāg. Ceste regiō na aucū vignoble sinon
 es endroictz du midy. Il ya plusieurs forestz et
 mōtaignes. Au moyē dequoy ya si grāde abū-
 dāce de porcs, quelle en peult fournir les au-
 tres nations de Leurope, ne plus ne moins que
 le pays de Hōgrie les peult fournir de boeufz.
 Le cōmun peuple de ce pays est si bestial, quilz
 meritent mieulx estre appelez barbares q̄ Ba-
 uares, si nous les cōparons aux autres peuples
 de Germanie. Ilz sont notez entre autres peup-
 les de deux impfectiōs, cest assauoir dinhuma-
 nite enuers les estrāgiers, & de larrecin. Leurs

Bauiere
 fertile &
 abūdante
 en porcs
 & Hōgrie
 en boeufz

Inperfec-
 tiōs du
 commun
 peuple de
 Bauiere,

Description de Leurope.

Carniens
ou Car-
nes peu-
ples habi-
tās le lōg
des Alpes
vers les
haultes
Allemai-
gnes.

Descrip-
tion de
Charin-
thie.

Solēnite
des Cha-
rithiēs au
nouuel
aduene-
ment de
leur duc.

vestemēs le plus cōmunemēt sōt decouleur p̄se
& v̄sēt cōmunemēt de brodequins pl^r q̄ dautres
chausēures. Au pays de baviere deuers Austri-
che sōt contiguz Styrie & Carinthie. Quāt est
de ce pays de Carinthie, il est mōtueulx, ioin-
gnāt deuers oriēt aux Carniēs, & vers oriēt et
midy au pays de Styrie, approchāt des Alpes,
Ditalie, & du pays de Friul, il y a en ceste re-
giō plusieurs valles & encores quelq̄ pays mō-
tueulx fertiles en bledz: maintz lacz: & riuie-
res, entre lesquelles le Draue a le plus grād re-
nō, lequel descēd es pays de Styrie & Hōgrie,
puis entre dedēs le Danube, & nest moindre
que le Saue. Les princes Daustriche (que nous
appellōs archeducz) sōt seign̄rs de ce pays. Ilz
ont vne p̄ticuliere & merueilleuse obseruatiō,
toutesfois & quātes quil ya mutatiō de prince
pres de la ville de sainct Viste en vne grande
vallee ou on voit quelques anciēnes murailles
p̄ lesquelles on peult cōgnoistre que en ce lieu
ya quelquefois eu quelque cite, le nō de laquel
le est extainct par antiquite, & en vne grāde
prairie pres de ce lieu ya vne grosse pierre de
marbre, sur laquelle mōte vng certain hōme
de village auquel est deu cest estat par ligne, et
aupres de soy a coste dextre vne vache prise
de couleur noire, & a main senestre on luy pre-
sēte vne lumēt deffaicte & maigre a merueil

les:& a lētour y a vne infinite tāt de rustiques
 que autre peuple. En apres viēt celluy q doit
 estre accepte a nouueau duc,acōpaigne de ses
 gētilz hōmes,& deuāt marchēt ses archiers,&
 heraulx to⁹ bien vestuz & en bel ordre, exce-
 pte le duc futur lequel est en habit de paisant,
 ayāt vng chapeau sur sa teste, & vng baston
 de berger en sa main,et souliers de mesmes,en
 forte quō le prēdroit plus pour vng berger que
 pour vng prince. Si tost quil est arriue en ce
 lieu,celluy q est sur la pierre en lāgue Illyri-
 que(cestadire en Sclauoniē)sescrie & dict telz
 motz. Qui est cestui cy q marche aīsi fieremēt?
 lors le peuple luy respond que cest leur prince
 nouueau. Puis apres leur demande. Est il iuge
 iuste?charche il le biē publicque du pays?est il
 noble?& digne dūg tel hōneur?est il chrestien?
 & ptecteur de la foy de Iesuchrist? Le peuple
 luy respōd. Ouy certes & sera. Puis leur demā
 de,cōmēt me pourra il chasser hors de ce lieu?
 Alhors le maistre dhostel du nouueau prince
 luy dict:on te dōnera soixante deniers , & luy
 mōstrāt les bestes dessusdictes(luy dict) ces be-
 stes seront a toy , & avec ce tout ce que porte
 dhabitz,le duc sur soy te sera deliure : & si se-
 ras toy & ta maison frāche de tous tributz,&
 impositiōs. Apres lesquelles parolles ce villa-
 geois descēd de dessus ceste pierre , & en tou-

Lāgue Il-
 lyrique
 aujour-
 dhuy est
 celle des
 Sclauo-
 niens.

Description de Leurope.

Eglise de
Solemnes
en Cha-
rinthie.

Rustiques &
païs de
Charin-
thie pre-
miers cō-
uertiz a la
foy que
les gētilz
hōmes.

chāt doulcemēt de sa main la ioue du nouue-
au prince, luy recōmāde iustice, puis sen va a-
uec tout ce quō luy a presēte. Le nouveau duc,
ou prince mōte sur ceste pierre, et en tenāt vne
espée nue en sō poing, & la maniāt vng peu fer-
memēt, se tourne de to^r costez au peuple assi-
stāt, & leur pmet de leur garder & admini-
strer iustice, aulcūs disēt q^l boit de leaue quon
luy presēte dedās vng chapeau, en signe de grā
de sobriete & tēperāce q^l presefere pour ladue-
nir. Ce mystere paracheue on le cōduict en les-
glise de nostre dame de Solēnes, laq^{lle} est pres
de ce lieu, & en icelle assiste au seruice diuin, le
quel paracheue il delaisse la robe de rustique,
de laquelle il estoit vestu iusq^s a ceste heure,
& prêt ses plus riches habitz. En apres retour-
ne au champ dessusdict, et la escoute toutes per-
sonnes & leur administre iustice, & en ce mes-
me lieu recoit les foy, & hōmages de tous ses
vasseaulx. Et a este cest honneur de inuestir le
prince dudiēt duche, defere aux rustiques
de ce pays, par ce quilz furent premiers que
les gentilz hommes du pays conuertiz a la
foy de Iesuchrist, & au regard des nobles, &
princes de ce pays, ilz perseuererent en leur er-
reur iusques au temps de Lempereur Char-
lemaigne, lequel depuis les feist tous recep-
voir baptisme. Le duc de Charinthe a acou-

stume dauoir en la maison de l'empereur le-
stat de grād vaneur, tellemēt que to^o differēt
dētre les vaneurs & gēs de chāsse, se traictoiēt
pardeuāt luy & vuydoit to^o leurs debatz en lā
gagē Sclauonien. Il ya vne ville en ce pays ap-
pellee Klagen, en laquelle est obserue vng sta-
tut fort rigoureux contre les larrons, cest que si
tost qu'un hōme est souspecōne de larrecin, ilz
le pēdēt & estrāglēt sās autre figure de proces,
le iour d'apres quil a este pendu, on faict vne
information sur le larrecin, & sur icelle iu-
gent selon quilz le trouuent charge ou inno-
cent, car sil est trouue charge ilz le laissent pē-
du, tant quil tumbē par pieces, & sil est trou-
ue innocent ilz le dependent, puis linhumēt:
& luy font obseques & funerailles aux des-
pens de la chose publicque. Les Charinthiēs
sont vestuz de draps de laine, non tainctz, ne
acoustrez, & portent communement des cha-
peaulx, & parlent en langaige Sclauonien.

Statut ri-
goureux cō-
tre larrōs
obserue
en la vil-
le de kla-
gē en cha-
rinthie.

Descrip-
tion des
peuples
de Styrie.

Ceulx du pays de Styrie sont fort fauluaiges
& ont grandes loupes, & lesquelles leurs em-
peschent leur parolle, tant sont grosses, &
sont contrainctes les femmes de ce pays, (si
le commun bruiet est vray) de getter leurs
loupes par dessus leurs espaulles, de paour
quelles ne blecent, ou quelles ne nuyssent a
leurs enfans, quant ilz ont enuie de tetter.

Description de Leurope.

La cause de ses loupes est par eulx imputee, aux eaues quilz boiuent coustumierement & a lair & clymat de ceste regiõ. Les Styriãs en facons & langue sont Germaines, exepte ceulx qui habitent le long de la riuere Draue : lesquelz retiennent le langage sclauonien. Ilz font en ce pays cuire grande quantite de sel, qui est transporte aux nations circõuoyfines. Dauantage il ya en ceste region plusieurs mines de fer & d'argent, toutefois par la negligence des princes il y en a bien peu de descouertes. Anciennement ce pays estoit appelle Valerie, & est fort montueulx fors du coste de Hongrie & deuers Orient, ou il sextend en campagnes & platz pays.

¶ Du pays Ditalie, & meurs des Italiens. Item de Romulus & de ses loix.

Chapitre dixneufiesme.



Talie est vne region en Europe, au parauant appelee Hesperie, du nom dung Hesperus frere de Atlas, & de par luy chasse dehors de Laphrique, lequel donna noms aux Espaignes : &

a Litalie, ou selon lopinion de Macrobe, du nom dune estoille quon appelle Hesperie, laquelle est opposite a ce pays deuers Occident.

Ce pays a este semblablement appelle Oenotrie au moyen de la bonte du vin, qui y croist & ce dautant que les Grecz appellent le vin Oenon, aucuns tiennent quelle fust appellee Oenotrie du nom dung Oenotrius, roy des Sabinien. Le nom Ditalie luy fust done par vng Italus, roy de Secile, qui enseigna aux habitans de ce pays, la maniere de cultiuer les terres, & y establist quelques loix pendant aucun temps quil y fist sa demeure en la partie en laquelle regna depuis long temps Turnus & a ce propos quadre ce quen dict Virgile duquel nous auons traduit les vers, selon que ensuit.

Italie appellee Oenotrie a cause de la bonte du vin de ce pays.

Hesperie iadys fust par Grecz surnomme
Vng pays de toute antiquite renomme,
Tant est fertile en bledz, & tous fructz ceste
terre,

Et les peuples dicelle a dextres a la guerre:
Lesquelz Oenotriens premier denommez
furent,

Depuis Italiens, de par vng duc quilz eurent.

¶ Autres comme Tymæus, & Varro sont dopinion quelle fust dicte Italie a cause de la multitude & beaulte des beufz de ce pays par

Description de Leurope.

ce que les Grecz appelloiēt, les boeufz, ou taureaux ita, par vne diction ancienne. Ceste region ou est auiourd'hui Ostie s'appelle Danciennete latium. & au regard de celle qui est confine a la mer Tyrrhene, proprement souloit estre appelée Ausonie. Elle est en forme de croix, a la prādre depuis la coste de la mer Adriatique iusques a la mer Toscane, & depuis les montaignes des Alpes, iusques au mōt Apennin: pardela elle sextend peu a peu iusques au port de Rezo, & coste de la Bruce, finalement elle se despart en deulx cornes, ou poinctes, dont lune tire vers la mer Ionique, lautre deuers la coste de Secile, & a lextremite de ceste poincte est le port & ville de Rezo. La longueur de ce pays selon lopinion de Solin a la prādre de puis Aouste tirāt droit a Rome, & de la a Capes & de Capes iusques a Rezo: contient vng million & vingt mille pas. La plus grande largeur quelle ayt, est de quatre cens mille pas, ou elle est plus estroicte, elle a seulement cent trente six mil pas. Le pays de Rheate, qui sextend iusques a la riuere Rubicon faict le meillieu de Litalie. Elle est diuisee en plusieurs regions depuis la riuere du Var iusque a la Macre, elle tient le nom de Ligurie, ou est a present la noble ville & cite de Genes. Dela iusques a la riuie

Lōgueur
& largeur
de Italie.

Ligurie.

Genes.

re du Tybre, elle est appellee Hetrurie, ou Heturie,
est maintenant la ville & cite de Pise, & du Pise.

Tybre, iusques au Garillan, estoit nommee
anciennement Latium, ou est la noble ville &
cite de Romme: & en apres plus oultre vers
l'extremite, la estoit le temps passe Antium,
depuis le Garillan iusques au Sarne est appel
lee Campagne ou est la ville de Naples & de
la iusques a Silare sont les Picetins quon dict
aujourd'hui la Marque Dancone, ou est Sor
rente, & Salerne: de Silare a Laie Lucanie, ou
sont situez Peste quon dict aujourd'hui Poly
castre, & Buxente, aujourd'hui appelle Belue
dere. De Laie a Leucopetra, est le pays de la
Bruce, ou est le port de Rezo de Leucopetra
iusques aux Salentins, quon dict Cap de sain
cte marie estoit appelle ce pays, la grand Gre
ce, ou sont situees les villes de Tarète, & Cru
tone, de Cap de Sainte marie a Brindes, est
le pays de Calabre, ou est Otrète, de Brindes
iusques a Sâtangelo, est la Pouille, ou est situe
le Bar, & Salapie. De Sâtangelo, iusques a len
droict, ou est l'entree de la riuere de Sare, en
la mer est la region des Ferentins, ou est le
Guaſto. De Sare iusques a Aperne, est le pays
des Marrucins, ou est situee Ortone. De Aper
ne iusques au fleuve de Aesis, l'ancien limite
de Litalie. Le pays des Picenes, ou est Anco

Latium.
Rome.
câpaigne.
Naples.
Marca Dã
cô a Sorré
to. Pœſte
Poli ca-
ſtro. Buxé
te. Belue-
dere. Bru-
ce Rezo.
Grád Gre
ce Taren
to. Cru-
tone. Ca-
bo de San
ſta maria

Brindez.
Calabro.
Otrente.
Sâtangelo.
LaPauille
Aperne
poſſible
doibt eſ-
tre leu A.
terne & eſt
le nom du
ne riuere
quon dict
aniur-
dhuy Pe-
ſcaire.

Description de Leurope.

Senonois
ou est Se-
negaie &
la Romā-
diolē.
Rauenne

Venise.
Au pays
de Friule
est Aquil-
leia quon
dict Algar
& est vng
Chasteau
Mont A-
pennin.

Toscane
cy deuant
appellēe
Heturrie.

ne, de Aesis iusques a la riuiere de Rubicon, est vng des nouueaulx limites de Litalie: quō disoit anciēnement le pays des Senonois, ou souloit estre le temple de Fortune Pesere, & Reimino, de Rubicō iusques au lieu ou le Po entre en la mer, estoit le pays des Boiens, ou est situee Rauenne, de puis le Po iusques au Tiliauento, est le pays Venitien, ou est situee Venise, de Tiliauento a lisontio les Carniēs, quon dict a presens pays de Friul. Depuis Lisontio iusques a Arsie, sont les Istriens, & lapides, & est en ce pays la ville de Trieste, & la riuiere de Formio, qui a faict p quelque tēps la separation & limite de Litalie. Le mont Apennin la diuise en deux parties, lune desquel les est opposite au Midy, & Occident: & lautre au soleil leuant, & Septentrion: & sextend se Mont depuis les Alpes, iusques en Ligurie: & dela viēt a faire separation dentre la Gaul le Cisalpine & marque Dancone: & la Tosca ne, & pays de la Romaine: & passant outre dela se destourne vers la Pouille, & mont Sā tangelo, & separe le Pelignes, Marrucins, & Ferentins, des pays de la Romaine, & de la Campaigne. La derniere estandue de ce mōt Apennin est de puis le mont Santangelo, iusques a Leucopetra, laissant audeca de soy la Pouille, la Calabre, & la region qui fust iadys

appellee la grande Grece, & pardela la Mar-
que Dancone. Les Lucaniens, & la Bruce, Li-
talie est pleine de metaulx, & habitable en to^r
endroitz, & douee dung air tressain, & du
ne merueilleuse temperature du ciel, & excel
lente fertilite de terre, de plusieurs collines, &
petites montaignes, descouuertes, petitz bosca
ges, forestz vmbrageuses, & de grand profit
& reuenu, & par dessus toutes choses y a vne
merueilleuse fertilite de bledz, vins, & huiles
& outre ce y a grande quantite de bestes a lai
ne & de bestes a corne. Semblablement de
tresclairs Lacs ayantz vne infinite de poissons,
plusieurs riuieres, & fontaines, fort saines, plu
sieurs portz de mer, tellement qu'on iugeroit
quelle sefforce a s'estendre dedes la mer, pour
secourir les humains habitans es autres pays
circonuoyfins: & quasi quelle se presente pour
estre frequentee: & acelle fin quen icelle puis
sent tous humains traffiquer. Au moyen de
quoy elle est appellee par aucuns mere nour
risse de toutes terres, & semble q'lle soit choy
sie par diuine prouidence, pour recueillir les
empires dispersez en plusieurs regions de la
terre, & pour adoucir les entendementz de
maintes natiōs barbares, ensemble pour vnir
& appruiuifier les langues discordantes des ef
trangiers par le benefice des lettres, & langue

Louenge
de LitalieLacz en
Italie.

Description de Leurope.

latine quelle leur auroit cōmunique . Or sans faire long discours , des nations que les Italiens Romains, ont subiuguees par armes , qui seroit trop long a reciter. Je puis biē dire que vne seule cite de Romme a autant excelle en exemples de toutes vertus, que tous les Grecs en auroient propose par preceptes, & art deloquence : lesquelz ont appelle vne seule partie de ce pays la grand Grece , comme si ilz eussent apperceu que a laduenir ce pays debuoit estre si honnore, & excellent en toutes sortes de gens vertueulx quil auroit Lempire par-dessus toutes autres nations , & pour conclure en peu de parolles , ce nest pas sans prouidence de Dieu, que lhors que nostre Seigneur descendit en terre estoit en ce pays Lēpire, & principaute par-dessus toutes autres nations: ou peu apres debuoit estre le chef de toute la Chrestiente. Les Italiens selon les parties esquelles ilz habitent , ont diuerse couleur, & stature de corps entre culx. En la Gaulle cisalpine & pays Venitien, ilz ont la couleur plus blanche communement , & sont plus propres & mistes tant en habitz quen langage . Au contraire en la Toscane, Romaine, & Campaigne, Lucanie, & la Bruce , ilz ont vne couleur plombée, perrucques noires, & sont de stature petite , & maigres : & ont

Gaulle cisalpine
qu'on dit
Lōbardie

vng langage, & habit plus doux & simple. A ceulx cy ressembtent tous ceulx qui habitent vers la Marque Dancone, & autres habitans le long du riuage de la coste de Leuant, iusques en la grand Grece, sinon que vers la Pouille, & Calabre, & es extremittez de Litalie, ilz viuent dune mesme facon, & vsent dung mesme langage, que les Grecz. Par toute Litalie (comme en la plus part des autres regions de Leurope) ilz se sont tousiours contentez de prandre vne seule femme en mariage. La coustume de repudier femmes fust entre les Romains premierement vsitee depuis les autres peuples sen sont voulu ayder. Cômancement de repudier femmes veu de litalie. Spurius Carbilius a este premier inuenteur & premier qui repudia la sienne femme, pour ceste seule cause, quelle estoit sterile. En toutes les Citez de ceste region, y a tousiours eu trois diuerses conditions des personnes. Spurius Carbilius premier qui repudia sa femme. Lune des serfz, lautre de ceulx qui estoient paruenus de grand seruitute en liberte: & la tierce des personnes de franche condition. Ces derniers nommez, estoient pareillement diuisez en trois estat: le premier des Plebeians, Diuers estat & conditions des personnes en litalie. ou vulgaire. Le second des cheualiers. Le tiers estoit des Patrices: qui estoient ceulx qui descendoient de quelque maison noble, & opulente danciennete. La charge de faire les sa

Description de Leurope.

Dictature

Dictateur

Degrez
des magi
stratz Ro
mains,

crifices appartenoit aux grand prestres de leur loy, & y auoit maintes congregations de gens deputez au seruice des malings esperitz, quilz adoroient. La plus grande dignite, & plus hault magistrat estoit la dictature, il nestoit permis dappeller de ce que ordonoit vng Dictateur, & ne duroit vng tel magistrat que six mois. Il y couëoit paruenir par degrez de magistratz inferieurs, comme apres auoir este Edile ou Escheuin, puis questeur, & de questeur, preuost, de preuost. Consul, de consul Censeur, nestoit touteffois ceste promotiõ de magistrat en lautre tousiours obseruee, mais estoit vne reigle infallible que ceste dictature nestoit iamais mise es mains dung personnage, qui neust auparauant acquis grand credit, & auctorite, ce que ne pouuoit gueres aduenir sinon a gēs qui eussent exerce tous lessudictz magistratz. Il y auoit pareillemt pour le faict de la guerre certains degrez de preeminance les soudars estoient soubz les Centurions. Les Centurions soubz les Capitaines, les Capitaines soubz les Lieutenans de larmee, les Lieutenans soubz les Consulz, ou autres chefz supremes du camp deputez par les suffrages de la commune de Romme, apres quilz auoient sur ce faictz certains sacrifices, pour sen conseiller a leurs Dieux. Le dictateur auoit pour

son commis & lieutenant, vng mareschal de l'armee. Le temps legitime qu'un souldart estoit tenu de hanter la guerre, depuis quil y estoit vne fois enroolle, estoit de dix ans, si nō que les ennemys fussent subiuguez, ou que le souldart eust pris conge, ce qui aduenoit en deux sortes, oultre celluy q leur estoit octroye pour auoir acomply le sudiect temps legitime de dix ans continuellement frequentant la guerre. Par ce que pour aucune iuste cause suruenante iacoit ce quilz neussent acomply le dict temps pouuoient les souldars impetrer cōge de leur capitaine. L'autre maniere de conge, & qu'on disoit conge ignominieulx estoit donne par vng capitaine a son souldart, quāt il le cassoit, pour quelque faulte par luy commise, ou comme estant inutile au faict de la guerre. Laage que debuoiēt auoir ceulx qu'on esliuoit pour aller en guerre, estoit depuis laage de dixsept, iusques a quarante & huiet ans. Et ainsi lordonna le roy Seruius Tullius. En temps de paix ilz vsoient de toges, ou robes longues, & en temps de guerre de hocq̄tōs, & casaques. Leurs heraulx estoient tenuz de vser de certaines ceremonies, en denōcāt la guerre, ou en traictant les trefues, ou paix & ne se faisoient telz actes par eulx sinon avec grande solēnite introduicte par leurs loix. Toutes

D.j.

Diuerſes
ſortes de
cōgez que
les ſoul-
dars pre-
noient
pour eulx
retirer de
la guerre.
Conge
ou miſſi-
on legiti-
me.
Cōge ou
miſſion
cauſee, &
neceſſaire

Conge in-
fame ou
miſſion
ignomi-
nieuſe.

Aage cō-
pctent
pour eſtre
employe
au faict de
la guerre.

Deſcription de Leurope.

Tiltre de
citoiẽ ou
bourgeois
de Rõme.

Decuriõs
ou maires
magi-
ſtratz des
petites vil-
les ſubie-
ctes a la ci-
te de Ro-
me quõ di-
ſoit Muni-
cipia.

les citez de Litalie eſtoient ou allies, & de la ligue ancienne avec la cite de Rome: ou peuples de citoyens Romains, ou ſubiectes a la dicte cite de Rõme. Les habitans es villes de ceſte derniere qualite, aucuns par ſuffrages eſtoient honorez du tiltre de citoien, ou bourgeois de Rõme. Les autres auoient ce tiltre, & priuilege ſans aucuns ſuffrages. Ceulx qui eſtoient habitans es Colonies ceſt adire villes auparauãt peuples de gens Romains, eſtoient reputez comme membres de la cite de Rome, & viuoient ſelon les loix Romaines, en quoy ilz differoient aux citez de la precedente qualite, leſquelz viuoient a leur loix, & auoient particuliers ſtatutz, & autres certains iuges, & magiſtratz quilz appolloient Decuriõs, qui auoient telle auctorite, que a Rome les ſenateurs. Les habitz de pourpre donnoient a congnoiſtre les Patrices dentre les cheualiers: leſquelz de rechef on congnoiſſoit dentre le populaire a vne certaine chainne dor, quilz ſouloient porter. Les criminelz & accuſez de leze maieſte eſtoient iugez par la commune, des autres crimes emportans peine capitale, congnoiſſoient certains iuges a ce commis, & deputez. La compagnie de ceulx qui en vne annee auoient la charge de la choſe publique, congnoiſſoient durant ce temps des matieres

ciuiles. Le preteur aussi & autres magistratz auoient la congnoissance de certaines autres causes, & matieres. Telles estoient le plus communement les facons de faire des citez, & peuples de Litalie, lesquelz tenoient la plus part des loix establies, & choses instituees par Romul⁹, lequel apres auoir fortifie la cite de Rome de murailles, fossez, & autres munitio^{ns} necessaires, ordōna pour lestat des citoiens de sa ville ses subiectz, les choses qui ensuiuent. En premier lieu il diuisa tout le peuple en trois parties, & sur chascune de ses compaignies establīst vng excellent chef. Il diuisa de rechef chascune des trois en dix compaignies, & sur chascune dicelles establīst pareillement quelques personages, tous gens de bien de scauoir, & reputation: quant aulx trois premieres il les appella tribus, ou les trois communaultez, les autres inferieures furent par luy appelees & nommees cours, ou quartiers. Ceste partition faicte, il diuisa toutes les terres de ce pays en trente parties, & a chascune desdictes cours, ou quartiers, assigna sa part & portion, quant a luy il en retint seulement autāt quil en estoit de besoing pour faire les sacrifices. Il en retint aussi pareillement vne part et portioⁿ pour subuenir aulx necessitez et affaires de la chose publicq^e, en sorte quē faisa^t

Preteur,

Gouuer-
nemēt &
ordōnan-
ces de Ro-
mulus.

Diuisioⁿ
des citoi-
ens de Ro-
me en
trois es-
tatz.

Description de Leurope.

Peres de
Romme.

Patrices
ou Patri-
ciens.

ce partage il obserua vne equalite, & contente-
ment enuers ses subiectz, & ne delaiſſa en ar-
riere le bien publicque. Oultre ce il despartist
entre ses subiectz, Les hōneurs & estatz, selon
que vng chascun le meritoit: par ce que il con-
stitua les nobles, & extraictz de noble lignee,
& gens vertueux en plus hault degre dhon-
neur, que les simples gens de basse condition,
mesmes aux premiers donna ce surnom de
Peres, aux autres nom de Plebeiens, de ce est
aduenu que ceulx qui sont descenduz de ces
nobles, quil appella peres: ont este depuis ap-
pellez patriciens. Ceste distinction faicte en-
tre les plus nobles, & la commune, il establist
loix particulieres, selon lesquelles vng chascū
en son endroict estoit tenu de soy gouverner.
Les Patrices estoient tenuz de donner ordre,
a ce que les sacrifices des dieux fussent entre-
tenuz: estoient aussi chargez des magistratz,
& offices publicques, & de donner ordre aux
affaires suruenans en la cite. Les Plebeiens es-
toient exemptz de telles charges, comme ne
y estans idoines, partant pour sentretenir leur
estoit enioict de se appliquer au labourage, &
a nourrir bestail ou de se mesler de quelque
vacation, & mestier. Et a celle fin quil ne sur-
uint aucuns discors entre eulx, ou que les plus
riches ne foulassent les plus petitz. Il enchar

gea aulx Patrices quilz eussent en recōmēda-
 tion la protection des pauures gēs: & permist
 a vng chascun du cōmun peuple de pouuoir
 choytir vng des patrices pour son protecteur,
 & patron, & par ce moyen ayāt pourueu a ce
 que les riches supportassent les pauures, et que
 les pauures eussent en reuerēce les riches, fist
 en sorte que tous ces deulx estatiz viuoient en
 grande cōcorde, & vnanimite, & nestoit moi-
 dre lamytie entre le patron, & son client, que
 enuers le pere & le filz: tant estoient promptz
 a faire leurs debuoirs les vngs enuers les au-
 tres. Et auoient quelques particulieres fautes
 quilz estimoient execrables, & du tout inter-
 dictes entre eulx, comme de saccuser lung lau-
 tre ou de porter tesmoignage lung contre lau-
 tre lautre, ou de fallier des ennemys les vngs
 des autres, & par ce moyen estoient les amy-
 tiez, & alliāces plus fermes entre les Romāis.
 En apres il institua cent gens de cōseil, lesq̄lz
 il choyfist du nombre des patrices, & en fist
 leslite en la maniere qui sensuit. En p̄mier li-
 eu il en esleut vng en la prudence duquel il se
 confioit par dessus tous autres, auquel il dōna
 la superintendence de toutes choses suruenā-
 tes en la cite, pēdent le temps quil seroit hors
 de son royaulme, pour les affaires de la guer-
 re, & a chascūe des trois principales parties,

Origine
des Pa-
trons &
Clientz.

Loix par-
ticulieres
entre les
patrōs &
Clientz.

Institutio
des cēt cō-
seilliers.

D.iiij.

Description de Leurope.

& compagnies de toute la cite, commanda quilz eussent a eslire trois personnages lesq̃lz en aage, noblesse, & bon entendement excédassent les autres, apres quil en eust en telle maniere choisy trois de chascune de ses compagnies, qui estoient en nombre neuf par luy assemblez: il commanda que chascune des autres trente particulieres compagnies eust, a choisir en chascune trois autres personnaiges de pareille qualite que les dessudiectz: en sorte que apres auoir assemble ceste hōorable compagnie, qui estoit de nonāte en nombre, avec les neuf precedans, & celluy quil auoit premier choisy se trouuerent cent Senateurs, & ainsi appelez au moyen de leur vieil aage, ilz estoient avec ce appelez Peres a cause de leur auctorite. La compagnie assemblee estoit appelee le Senat. Depuis il choyfist trois cens personnaiges gens deslite, & pour icelluy nombre accomplir de chascune des trente cours en appella dix des plus vaillans de leurs compagnies, selō le rapport qui luy en estoit faict de par icelles cours, & communantez. Ceste compagnie coustoiet tousiours Romulus quelque part quil allast & furēt to⁹ appelez Celeres, a cause quilz mettoiēt en diligēce a execution tout ce qui leur estoit commandē: & auoiēt la garde de la psonne du roy.

Senes en
latin signi-
fie vieulx
& anciē
en fran-
cois.
Senat.

Celeres a
lex emple
desquelz
on pour-
roit dire
les deulx
cens gen-

Au regard des affaires desquelles le roy sentremettoit, en premier il auoit la preeminence p-dessus tous autres quant au faict des sacrifices, & choses concernantes leurs temples, & honneur de leurs dieux, & religion. Dauantage a luy appartenoit la sollicitude de faire obseruer, & garder a vng chascun les loix, & statutz p luy establiz, d'assembler le Senat, & les comunautez quant bon luy sembloit: & quil en estoit necessite, & de se vèdiquer puissance, & tiltre Deyeur ou chef de larmee, quant il estoit question de guerre. Il donna telles prerogatiues a la commune, cest assauoir de creer magistratz, de approuuer ou iprouuer les loix quon voudroit nouuellement mettre en termes, & deliberation: de donner leur aduis sur le faict des guerres, quant le roy entreprendroit, toutesfoies il ne voulut a telz aduis, et deliberations donner auctorite absolue, sinon quant le Senat y eust donne consentement. Et ne bailloient to^r ceulx de la comune leur aduis lūg apres lautre, ains arregardoit on seullemēt, si dūg mesme aduis se trouuoient plusieurs cours, ou cōpaignies. Auourd'hui ceste facō de faire est reuersee en plusieurs lieux, ou au Senat nappetient lemologatiō de ce quant la comune auroit delibere, ains a la comune de ce quant le Senat auroit mis en termes, est attribue laprobation, & ratification. Ceste affaire estant

tilz hommes de la maison du roy auoir ceste instituez ou les archers de la garde.

D.iiij.

Description de Leurope.

obseruee, les Celeres dessudiectz mettoiēt a execution non seulement ce qui estoit ordonne pour la police, mais aussi pour le faict de la guerre: tellement que quant il n'estoit plus question sinon de conduire l'armee, il n'estoit necessaire que les Capitaines fussent creez p les trois principales communautéz, ou que les Centeniers fussent esleuz par les cours, & cōpaignies dessudiectes, n'estoit semblablement question de creer nouveaulx capitaines de gēs de cheual, ains auoit le roy ses capitaines to^o prestz ausquelz il commādoit damasser leurs gens & de donner ordre a ce que les caps des quadre & centeniers eussent a se tenir prestz eulx & leurs gens de guerre, en sorte que en peu de temps estoiet tous en ordre pour marcher & en bon equipage. Il esleust mille compagnons de guerre tous excellens par dessus tous les autres, quilz appella milites pour ceste raison quilz faisoient & accomplissoient le nombre de mille (ainsi que aucuns racōptent & escripuent). En apres il sappliqua certains habitz, & aornemēs par lesquelz il voulust quon sceust & apperceust son excellence, & maieste dempereur, & roy, entre les autres dignitez, des magistratz, & fist marcher deuant sa personne douze estafiers, par lesquelz moyens se redist plus hōnore, & redoubte du

Ornemēs
& habitz
particuliers
du roy
Romulus
& ses suc-
cesseurs.

peuple, et plus excellent que tous les autres gou-
 uerneurs, de la chose publique par luy esta-
 bliz. Aucuns ont eu ceste fantasie, que douze
 vaultours quil aduifa vng iour voler par des-
 sus son chef, luy engendrèrent vng presage en
 son esprit, en interpretant lequel en soy mes-
 mes, trouua que cela luy signifioit quil debuoit
 mettre sus ceste compaignie de douze estafiers
 par les mains desquelz il faisoit mettre a exe-
 cution toutes peines desquelles il ordonnoit
 estre puniz les infracteurs de ses loix & com-
 mandemens. Aucuns iugeroient plustost quil
 eust retenu ceste maniere de establir execu-
 teurs de iustice iusques a tel nombre, des peu-
 ples de la Toscane lesquelz estoient diuisez en
 douze ligues, ou cantons, & auoit chascune li-
 gue ou canton son appariteur, lequel il don-
 noiēt tous a vng seul magistrat, quilz esliſoiēt
 pour administrer p tout le pays desdictes dou-
 ze ligues le faict de la iustice cōtre to^r malfai-
 cteurs. Quant au char triumpgant, manteau
 & autres habitz, & aornemens royaulx, il est
 certain que Romulus les a retenuz dudiēt ma-
 gistrat du pays de la Toscane. Voulant aussi
 lediēt Romulus accroistre les forces & puissā-
 ce de sa cite, inuenta vng moyen hōneste pour
 y paruenir, icelluy referāt a lhōneur de Dieu,
 car il edifia vng temple en vng lieu fort vm-

Appari-
 teurs des
 ligues an-
 ciennes
 de la Tos-
 cane,

Afile ou
 temple de
 Frāchise.

Description de Leurópe.

brageux, & donna seurete & franchise a tous ceulx qui se y retireroient, soubz le pretexte de la reuerence quil se disoit porter aux dieux: tellement que ceulx qui se y retiroient estoient asseurez quilz nauoiēt aucun mal de par ceulx qui les poursuyuoient, & encores si ilz vouloient demeurer en la cite de Romme, il les y recepuoit, & leur faisoit quelque assignation des terres de son royaume: mesmement de celles qui luy estoient accreues par guerre. Dauantage il eust ceste obseruation de ne raser iamais les villes par luy prinſes d'assault, ou par force, ne redigeoit pareillement les habitans dicelles villes en son obeissance, ains enuoyoit certain nombre de citoyens Romains pour habiter en icelles, & par ce moyen rendoit icelles citez, colonies de la ville & communaulte de Romme & les faisoit participans des priuileges franchises & libertez de ladicte ville. Or apres que Romulus eust tue Titus Tatius, avec lequel cinq ans entiers il auoit en commun gouuerne les deux peuples des Romains & Sabins, qui estoient redigez en vng il se addonna a faire & establir maintes loix sur le faict tant de la religion que de lestat de la cite en public & particulier. Quant a lestat de mariage, il ordóna que la femme seroit cõmunee en tous biens avec son mary, a la maniere

Colonies

Titus Tatius roy des Sabins.

Loix de Romulus pour lestat des

de viure duquel elle se conformeroit, & en ce
 faisant seroitensee dame & maistresse de la
 maisō, ne plus ne moins que le mary en estoit
 reputé seigneur & maistre. Si le mary dece-
 doit sans enfans elle luy succedoit, si il delaif-
 soit aucuns enfans heritiers, elle y succedoit
 avec eulx par egalle portion. Si vne femme e-
 stoit conuaincue dadultere son mary ensem-
 ble ses parens la pouuoient tuer, elle encouroit
 pareilles peines, si il estoit trouue quelle eust
 beu du vin: & estoit ceste faulte facilement
 apperceue, par ce que les Rommains (ainsi
 que Portius Cato a escript) toutesfois & quan-
 tes quilz entroient en leurs maisons auoient
 acoustume de baiser leurs femmes & filles, &
 ont obserue ceste loy pour ce quilz ont eu ce-
 ste opinion, que ebriete estoit laiguillon de
 lubricite, & lubricite l'entree de deprauation
 totale de lesprit. Ordonna dauantage Romu-
 lus que les peres auroient puissance absolue sur
 leurs enfans, et fust il questiō de les chastier, &
 punir corporellement, ou de les employer au tra-
 uail du labour, & autres oeuvres rustiqs, mes-
 mes leur permit de les pouoir vèdre & tuer.
 Si aucū estoit vèdu p sō pere, & que p sō indu-
 strie se rachaptast, et remist en liberte, il estoit
 remis iusq̃s a la tierce fois a sō pere de le reue-
 dre. Et fust ceste loy trois cēs ans apres quelle

gens mas-
riez.Peines
des fem-
mes trou-
uees en a-
dultere
ou ayans
beu du
vin.Rommains
auoient
coustume
de baiser
leurs fem-
mes en en-
trant en
leurs mai-
sons.Ebriete
ou yron-
nerie ai-
guillon
de lubrici-
te.Puissance
des peres
sur leurs
enfans.

De scriptionde Leurope.

fussent publiee redigee par escript, entre les loix des douze tables. Toutefois Numa Pōpilius addoulcist vng peu lausterite dicelle, le quel voulut que celluy filz qui auroit pris femme du consentement de son pere, seroit exēpt de la puissance dicelluy. En apres furent autres ordonnāces establies, & entre autres vne, par laquelle estoit prohibe a tous gens destat & de franche condition, de ne vacquer a aucun vil oeuvre, & mechanique, & enioinct de s'appliquer a lart militaire, & faict de la guerre, ou a lagriculture, & labouraige & de ce a este vsite entre les Rommains que quāt ilz ont voulu louer aulcun, entre autres vertus ilz mettoient en auant quil estoit bon hōme de guerre, & bon laboureur. En sorte qnon peult iuger que ce roy na trouue cōuenable de separer lune de ces deux sciences de lautre, par ce que ces deux vacations ne doibuent iamais estre intermises en vne Re publique bien instituee, comme se trouue introduict par la loy des Lacedæmoniens. En temps de paix il ordōna que vng chascun saddonnast a lagriculture, il permit aussi quon exercast train de marchandise des choses qui estoient deffaillantes a sa cite. Et ayāt en affectiō la religion edifia maintz temples & lieux propres a sacrifier aux Dieux: avec ce il institua certains iours de festes

Lagricul-
ture & art
militaire
en hon-
neur par
dessus tou-
tes autres
sciences
enuers les
anciens
Rommains

Romulus
non seule-
ment ad-
donne au

& sacrifices, & encores quelques assemblees & plusieurs autres choses en lhonneur des Dieux. Quant aux autres sacrifices que souloient obseruer les nations estrangieres, il ne voulut quon les obseruast en sa cite, mesmemēt ceulx qui se faisoient a limitation des grecz, fors & excepte les sacrifices quon faisoit a Hercules: lesquelz lon temps au parauant auoient este instituez en ce pays du temps de Euāder: Denys alicarnassien suyuant lopinion de Varro dict que Romulus institua soixante sacrificeurs, ausquelz il donna charge de faire les publiques sacrifices en chascune contree, ou quartier de la cite de Rome: a ce nombre furent adiouxtez les diuinateurs quilz appelloient Aruspices qui interpretoient les choses a aduenir. Chascun quartier de la ville auoit sō particulier Idole ou esperit maling, auquel ilz faisoient leurs sacrifices, & auoient leurs ministres particuliers, ilz faisoient tous en cōmun certains sacrifices, en lhonneur de la deesse Vesta: & fut des ce temps lannee diuisee en dix moys: parquoy on ne peult ignorer que Romulus aye eu quelque congnoissance grande, non seulement des affaires humains, mais aussi des choses quilz estimoient estre concernantes lhonneur des Dieux, tellement quon doibt iuger lopinion pour faulse de ceulx qui

faict de la
guerre
mais aussi
a la reli-
gion.

Euander
premier
en Italie
institua
sacrifices
en lhon-
neur de
Hercules.

Diuiua-
teurs ou
deuiēss ap-
pellez A-
ruspices.

Description de Leuopé.

Numa suc-
cesseur de
Romulus

Iours fa-
stes & ne-
fastes.

diset que auant le regne de Numa, le peuple Rommain auoit vescu sans aucunes certaines loix & institution de la religion: car toutes les ordonances & ceremonies dessuictes furent establies par Romulus, bien est vray que Numa y en adiouxta plusieurs autres, si tost qui luy eust succede au royaume, il diuisa l'annee en douze mois, en se reiglât au cours de la lune: & en immuant le premier ordre du nombre des dix mois, par Romulus son predecesseur au parauant instituez. Il fist que le mois de Mars qui souloit estre le premier, fut le tiers en ordre par ce quil fist que l'annee se commenca par le mois de Ianuier, apres lequel suyuoit le mois de Feburier, qui furent les deux mois par luy inuentez. Il institua dauantage certains autres iours, pedant lesqz estoit interdict aux citoiens de faire quelques oeures ou traffiques: & durât ce temps cessoient toutes playderies, & estoient ces iours appelez nefastes: au contraire les autres iours estoient appelez fastes. Il institua vng certain sacrificateur en lhonneur de Iupiter lequel fut appelle le Diule, & luy donna certains riches aornemens, & vng chariot triumpant. Il en adiouxta deux lung a Mars, & lautre a Quirinus: & furent appelez Flamines, quasi filamines, au moyen de certains aornemens quilz portoiēt sur leurs

chefz. Il deputa certain nombre de vierges au
 seruice de lidole de Vesta, lesquelles pēdāt les Vesta &
vierges ve
stales,
 dix premiers ans de leur entree en religion, ne
 faisoient autre chose, sinon que apprendre les
 ceremonies des sacrifices: les dix ans ensuyuās
 elles vacquoient a iceulx sacrifices: les autres
 dix ans consentifz elles instruisoient les no-
 uices, apres ce temps acomply il estoit en
 leur option de demeurer, ou de se marier. Il
 leur donna salaire des deniers de la chose pu-
 blique: & estoient ces religieuses grande-
 ment reuerrees: par ce quelles estoient vier-
 ges, & scauoient maintes ceremonies. Si au-
 cune estoit conuaincue dauoir commis ince-
 ste ou fornication, elle estoit menee en pre- Peine de
Vestalles
reprises &
conuain-
cues de
fornica-
tion.
 sence de tous les citoiens en grand silence, &
 dueil iusques a la porte Colline, & la estoit
 enterree toute viue. Il institua dauantage en Saliens.
 lhonneur de Mars douze Saliens, lesquelz
 par certains iours du moys dict mars en lhō-
 neur dudiēt idole Mars, menoient vng bal
 ou brāle fort beau & solemnel, es lieux & pla-
 ces les plus dignes & les plus renommes de
 toute la cite, & estoient vestuz de mante-
 aux de diuerses couleurs, & my partiz de
 draps de couleur descarlate, & de plusieurs
 autres, & auoient a leur ceinture vne espee,
 & vng baudryer, & oultre ce encores ilz

Description de Leurope.

Erection
dūg grād
prebſtre.

Erection
des he-
raulx Dar-
mes dūciz
Foecioles
en latin.

portoient a la main dextre vne picque, & vne verge. & a la main fenestre portoient vng escu ou pauoys, et couuroiēt leurs chefz de haultz chapeaulx poinctuz. Denys Halycarnassien, a existime que ceste maniere de gens estoit du tout ſéblable a ceulx que les Grecz appelloiēt Curetes, & furent les dessusdictz appelez par les Romains Saliens, par ce quen leurs solēnitez & dances dessusdictes, ilz faultoient incessamment. Depuis fut par Numa erige vng estat & dignite de grand prebſtre ou Pontife, celluy qui eust ceste charge & ses successeurs en ceste dignite, eurent la superintendence par dessus tous les sacrifices, & a eulx appartenoit de dire en quel temps on debuoit sacrifier & de quelles bestes, & en quelz temples. Il fut pareillement estably vng certain nombre de heraulx, lesquelz eurent la charge de faire les solemnitez, en denoncant quelque guerre, par lesquelles on congneust que les Romains en leurs guerres estoient meuz de iustes causes & raisonnables, meſmement leur charge estoit si aucune chose auoit este ostee estat des appartenances de la ville de Rome, de la repe- ter & en cas de refus de leur denoncer auec certaine obseruation de parolles & ceremonies, la guerre de par le peuple Romain. Ilz auoient aussi la puiffāce de faire restituer aux

natiōs eſtrāgieres ce q leur eſtoit oſte par les ci-
toyēs de Rōme: meſmes de leur liurer telz mal
faicteurs, ſi faire ce debuoit, pour en faire la
puniſſion. Ilz auoiēt pareillemēt la cōgnoiſſāce
& correction des oultrages que lō faiſoit aux
ambaffadeurs eſtranges, de faire garder & en-
treenir tous traiçtez & accordz de paix, &
icelle arreſter avec les eſtrangiers: & ſi aucu-
nes cōuentiōs ou accordz eſtoient moins que
deuemēt faiçt, les reſcinder de reparer & a-
mēder les fautes que feroit vng chef darmee
ou larmee meſmes cōtre le ſermēt & promeſſe
faicte p la Republique de Rōme, a quelq natiō
eſtrāge. Il deſſendit de ne mener dueil pour la
mort dūg enfāt qui decedoit en laage de trois
ans: & encores que decedaſt vng enfāt de plus
grād aage, il ne voulut q les parēs en menaſſēt
dueil, ſinō autāt de moys que le deſſūct auroit
veſcu dās: & encores ordōna que le plus long
dueil ne dureroit q dix moys. Il approuua les
cōmunaultez des gēs de meſtier, cōc de macōs
charpētiers, tainçturiers, cordoenniers, menui-
ſiers, menetriers, potiers, & autres artiſans, & a
chaſcū meſtier institua certaines cāremonies
& ptiçuliers ſacrifices. Le roy Seruius Tullius
diuiſa tout le peuple par bēdes, cōme des opu-
lenty en feiſt certaines centuries, qui ſe trou-
uerent quatre vingt en nombre, & furent

Seruius
Tullius.

E j

Description de Leurope:

mis en ceste bende ceulx qui auoiēt cēt mil sesterces vaillāt, & estoit ceste bendeensee la premiere et cōsistoit ce nōbre tāt en ieunes, que anciēs p̄sonaiges, dōt les derniers estoient a la deffence & garde de la chose publique, les autres alloient guerroyer cōtre les ennemys, & estoit vng chascū tenu de auoir en sa maiſō armeures de toutes pieces, avec le bouclier: & quāt estoit questiō de cōbatre debuoiēt estre garnys dune halebarde, & dune espee. A ceste cōpaignie fut adiouxte vng certain nōbre de manouuriers, iusques au nōbre de deux cēs, lesquelz auoiēt la charge de faire cōduire & traîner lequipage du cāp, & monitiōs: ptāt nestoiēt tenuz de porter bastōs de guerre, ne autres armeures. Lautre & seconde bende cōsistoit en vingt cēturies de citoiēs, desquelz le vaillant estoit estime de septāte & cinq a cēt mil sesterces, lesquelz nestoient tenuz sinō destre garnis darmeures a la legiere, toutesſois quant estoit questiō de batailler, ilz estoient tenuz de porter ſēblables bastōs que les premiers, & estoiet employez en mesmes affaires & charges & selon leur aage. Ceulx de la tierce bēde estoient en pareil nōbre de cēturies, et en icelle estoiet cōprins ceulx dōt le vaillāt nestoit que de cinquāte mil sesterces, & quāt aux harnois, ne differoiēt en rien aux precedās, fors qlz nestoiēt

Seconde
bende.

Tierce
bende.

ténuz destre garnyz darmures des iâbes. En la ^{Quatre} ^{bende,}
 quarte estoiet ceulx q auoiet vaillât de vingt
 & cinq a cinquante mil sesterces, lesquelz ne-
 stoient tenuz destre garnyz sinon dune iaueli
 ne. En la cinquiesme furent redigees trête cētū ^{Cinquies} ^{me.}
 ries de citoiens, ausquelz estoit seulement en-
 ioinct destre munys de fondes, & de pierres,
 quāt il seroit question de batailler, les trôpetes
 fifres, & tabourins, furent mis en ce ranc, des-
 quelz furent faictes trois cēturies, & en icelle
 bēde estoiet ceulx desquelz le vaillât ce mōtoit
 a quarāte mil & au dessoubz. Ceulx qui auoiet
 mois vaillât estoiet au dernier rāc & a ceulx
 cy fut donnee immunité de tributz a cause de
 leur paouurete, avec exēption de toutes char-
 ges de guerre p le roy Tullus Hostilius, lequel ^{Tullus} ^{Hostili⁹.}
 fist a tous ses citoies faire le sermēt de dire en
 verite la valeur de leurs biēs, ensēble de q̄lz pa-
 rens ilz estoiet descenduz & quel estoit le nō-
 bre de leurs enfās, leur aage, & de leurfēmes, en-
 sēble de dire le nō de to⁹ les dessusdictz, avec
 leur demeurāce, & estoiet ceulx q faisoiet frau-
 de a ceste loy vēduz, & mis en seruitute, apres
 auoir este batuz de verges. Apres quil eust dres-
 se vng nōbre de gens de pied. Il ordonna en-
 cores vng nombre de gens de cheual, en sor-
 te que avec la compaignie dressee par Romu-
 lus, & ceulx qui depuis y furent adiouxtez par

Description de Leurope.

Tarquinius, sen trouua dixhuiet centuriers, a tous furēt dōnez certains deniers, de p la chose publicque pour sequiper de cheuaulx: & encores quelque sōme pour les nourrir p chascū an. Ilz furēt en nōbre cēt nonāte trois cēturi-
rs, tāt de gēs de cheual que de gēs de pied, atou-
tes lesquelles quāt il estoit question de delibe-
rer des affaires, estoit gardee son autorite, &
preemināce selō la bēdeet rāc duquel ilz estoiet
cēsez: & aussi p lordōnāce du roy Seruius Tul-
lius, fust introduict que le peuple ne seroit pl^o
coctise a payer le tribut esgallemēt p testes, se-
lon que au parauant estoit obserue, ains que
chascun seroit coctise, eu esgard a ses facultez
le fort portāt le foible, et en recōpēse de ce vou-
lut que les citoiēs de la premiere bēde, q estoiet
les plus opulētz fussent les premiers appelez
pour dire leur aduis, & deliberer des affaires
de la chose publicque. Or (cōme nous auōs dict
cy dessus) ceste premiere bēde cōtenoit quatre
vigtz cēturies dhōmes de pied & avec ceste bē-
de estoiet les cheualiers appelez pour delibe-
rer, & dire leur aduis (ainsi que recite Denys
Halycarnassien) en sorte quen ceste premiere
aslēblee estoiet nonāte & huiet cēturies dopi-
nās, pce q ce nōbre excedoit le nōbre restant de
toutes les autres bēdes, il aduenoit q tout ce q
estoit arreste par ceste premiere bende, & as-

Tullius.
Preroga-
tiue des
citoyēs de
la premie
re bende
es delibe-
ratiōs des
affaires.

semblee estoit mis a execution, de quelque importance que fust la chose pour laquelle le peuple auoit este assēble. Et si il aduenoit quelquefois que ceulx de la premiere bēde se trouuassent partiz en leurs opinions, on faisoit opiner les centuries de la seconde, & encores les centuries de la tierce, si ceulx de la secōde se trouuoient ptiz cōme les premiers, & aīsi cōse quāment des autres bendes, & par ceste prouidence, se trouuoiet le plussouuēt les choses si bien arrestees par les citoiēs du premier & secōd rāc, & ordre qui estoiet les pl⁹ apparentz, quil nestoit de besoing attēdre ladiuis de ceulx des dernieres bēdes. Et pourueust tresbien la prudēce du roy Tullus Hostili⁹ a ce que ceulx qⁱ portoiēt le plus grād faix en la chose public que, eussēt le plus dauthorite es cōclusions des affaires suruenās en icelle pour recōpēse de la charge qⁱ leur estoit iposee: & neātmoins drefa les choses en si bō estat, que les gēs de moindre qualite, ne se eussent peu bōnement plaindre, cōme estās frustrez de lauthorite de dire leur aduis, & deliberer des choses cōbien quen effect ilz sen trouuassent presque du tout frustrez: dautāt que les premiers ordres & bēdes dessusdictes excedoient les inferieures en nōbre, & cōsequamment tout ce qui auoit este entre eulx arreste, estoit mis a execution, tel-

Description de Leurope.

Tarquin-
nius ex-
pulse.

Erection
de cōsulz
en Rome

Brutus &
Collatin⁹
premiers
consulz
de Rome

Augmen-
tation du
nombre
des Sena-
teurs de
Romme.

Valerius
Publicola

Auctorite
de la com-
mune.

lement ql estoit en leur pouuoir de creer telz magistratz quilz vouloient, establir loix, & li-
urer guerres selon que bon leur sēbloit: ce que
au cōmencement auoit Romul⁹ attribue a lu-
niuersel peuple de Rome. Depuis aduint que
Tarquini⁹ dernier roy dict le superbe fut chaf-
se de Rome, au moyen de quoy furent les gou-
uernemens de ceste cite aucunement immuez
En lieu de roys eurent les consulz la supreme
administration, & a iceulx furent deferez to⁹
aornemens & habitz royaulx, excepte la cou-
rōne, & le mâteau royal, & des ce temps Brut⁹
& Collatin⁹ autheurs de ceste liberte publique
furent esleuez en ceste dignite de Cōsulat, les-
quelz firent prester serment a to⁹ les Romais
de ne pmettre que a laduenir aucū regnast sur
eulx. Depuis ilz augmenterent le nōbre des se-
nateurs iusques a trois cens. Et au lieu du roy q
presidoit es sacrifices, icelluy Brut⁹ erigea vne
dignite dūg roy des sacrifices. Le tiers consul
apres eulx qui fut Valeri⁹ Publicola ordonna
que des consulz on pourroit appeller par de-
uāt le peuple, & que celluy qui sans lauctorite
du peuple aspireroit a quelques magistratz, se-
roit puny de mort. Pareillement il abolist to⁹
subsides, & impositions, & de ce aduint que les
citoiens furent plus enclins & plus deliberez
a oeuvres manuelles, & a besongner de plusi-

eurs sciences & de diuers mestiers. Dauantage il ordonna que quiconques seroit cōvaincu dauoir affecte tyrānie, seroit puny de mort, & pourroit estre tue par le premier sans en encourir par celluy qui lauroit occis aucune peine. Il ordonna que les deniers cōmuns & tresor de la cite seroient mis en vng lieu certain, dedās le temple de Saturne. Il pmist au peuple creer deux recepueurs des deniers cōmuns. Peu apres fust estably vng magistrat quon disoit Dictateur, q eust ceste auctorite que de ce quil ordonnoit nestoit permis dappeller ne reclamer: & fut appelle dictateur a cause de la grande auctorite, & force des choses quil dictoit, ou par ce que il nestoit esleu par le peuple, ains par celluy qui auoit la plus grande puissance, & autorite en toute la cite comme le consul. Les Rommains ont retenu ceste maniere de creer dictateurs, des institutions, & magistratz de Grèce, lesquelz (ainsi que escript Theophraste en ses liures traictans de lestat dung royaulme) auoient acoustume de eslire vng certain supreme & gouuerneur, quilz appelloient tyran, pour gouuerner. & administrer par quelque espace de temps & conduire comme chef & maistre les affaires de leurs choses publiques, & les appelloient p vng autre nom Esymnetæ. Ce ma

Deniers
publicques
mis en re
serue en
vng tem
ple.

Erection
de dicta
teur.

Tyrant
estoit
non hon
orable
dūg gou
uerneur
de Grece.

Description de Leurope.

Cemot
de Cōne
stable a
este vsur-
pe icy a-
pres mon
sieur Bu-
de pour
vng chef
de guerre
quon ap-
pelloit en
Rōme ma-
gister e-
quitum.

Tribuns
du popu-
laire ou
prote-
cteurs.

gistrat ne pouuoit estre exerce p aucun lespace
de plus de six mois entiers, & ne estoit erige
ou auoit cours sinō lestat de la chose publique
estāt en quelque peril & dāgier: & luy estoit p
mis de pourueoir aux magistratz & offices cō
me de cōestable, & estoit le cōestable celluy
qui en la cōduicte des guerres, & grandz affai-
res auoit la plus grande auctorite, & superin-
tendence apres le dictateur, mesmement sur
la cheualerie, & gens des ordonnances, & au
dictateur assistoit en tous ses affaires, ne plus
ne moins que au parauant aux roys souloiet
assister les colonnelz. Au temps que Spurius
Cassius & Posthumius cominius furēt cōsulz
il fust octroye a la cōmūe de Rōme de se pour-
ueoir dūg particulier magistrat: qui seroit re-
pute sainct & inuiolable ne pl^r ne moins que
vne chose faicte & sacree: & lequel estoit tenu
de supporter le commū peuple & le deffendre
si il aduenoit que p lausterite des consulz, il
fust foudre ou mesprise en aucune maniere, &
estoit deffendu a to^r les Senateurs daspirer a ce
magistrat qlz appelloiet tribun de la cōmune.
Ceulx q furēt esleuz en ce magistrat p succes-
sion de tēps furēt si insolēs, a cause de leur aucto-
rite, q tout ce q estoit ordōne par les cōsulz ou
Senateurs, ne sortissoit aucun effect sinō ql fust
a leur gre, Ilz estoient esleuz en assemblee du

peuple, & soit quilz ayent esté induictz a cre-
 er telz magistratz par presages, ou par les ce-
 remonies de leur religion, ilz en esleurēt seu-
 lement deux pour la premiere erection puis
 apres on en adiouxta trois, finablement en fust
 adiouxte iusques au nombre de cinq. Trois
 sortes de congregations furent anciennemēt
 obseruees en la cite de Rōme. La premiere es-
 toit quant en chascune de cours, ou compai-
 gnies diuisees par Romulus se faisoit vne es-
 lite, de certains personages, pour deliberer, et
 se trouuer a lassemblee qui estoit signifiee par
 vng officier, en chascune desdictes cours, & cō-
 paignies, & pour ceste raison estoit dicte curi-
 alle. L'autre quon appelloit centuriale, se fai-
 soit par les centuriers de la premiere bende,
 qui estoient des plus opulenz, & encores de
 quelques aultres centuries, des plus anciens, &
 estoit signifiee par la trompette. La tierce es-
 pece de congregation estoit, quant sans aucu-
 ne autre distinction, tous les habitans de la
 ville estoient appelez, selon leur quartier, &
 region en laquelle ilz habitoient. Les Sena-
 teurs en assemblee des centuries, establirent
 certains magistratz, qui furent a cause de leur
 nombre appelez Decemvires, sans que de
 ceste nouuelle erection de magistratz, aucune-
 ment fust appelle, ne reclame. Les cōsulz leur

Trois sor-
 tes d'assem-
 bles pour
 traicter
 des affai-
 res.

Erection
 des Decē-
 vires ou
 dix gou-
 uerneurs.

Description de Leurope.

Auctorite
des decen
uires ou
dix gou-
verneurs.
Decenui-
res suppri-
mez.

Peine de
ceux qui
oultrage-
oient les
Tribuns
ou prote-
cteurs de
la cōmūe.

transférerent toute puissance de regir lestat
de la cite, en sorte quilz eurent lauctorite de
pouuoir faire nouuelles loix, & ordonnances,
& par chascun iour les vns apres les autres
demesloient tous differentz, & affaires surue-
nans : & furent toutes leurs loix redigees par
escript, en douze tables, & de puis publiees
en pleine assemblee de tout le peuple. Celluy
qui estoit en son tour pour presider, auoit ces
douze appariteurs deuāt luy les autres auoient
chascun vng officier seulemēt. Toutefois ce
ste sorte d magistratz ne dura gueres en la ci-
te, par ce quelle fust supprimee p les Tribuns,
& protecteurs de la cōmune, quāt ilz appceu-
rēt que cestoit vne iurisdiction inuētee de par
les Senateurs, pour supprimer leur puissance.
En sorte que depuis fust faicte vne ordōnan-
ce, par laquelle fust introduict que tout ce qui
auroit este arreste, par la cōmune, seroit repu-
te pour loy fust de rechef introduicte aultre
loy par la quelle fust ordonne, que quiconq̃s
oultrageroit vng tribū de la cōmune, ou vng
escheuin, auroit la teste tranchee, & dediee a
Iuppiter: & que toute sa famille seroit vendue
publiquement, pres lesglise de Ceres. Dauan-
taige fust statue que de deux consulz, lung se-
roit esleu de ceulx de la cōmūe, & que les Ple-
beiens pourroient espouser filles de la maison

des nobles, & les nobles pourroient pareillement prandre party es maisons des Plebeiés. En apres furent creez deux Cēseurs, ausquelz la charge & supintēdēce par dessus les notaires, & garde des registres publicques fust cōmise. Et fust ceste charge de petite auctorite au commencement de son erection toutesfois depuis par succession de temps accreust a merueilles la dignite, et reputation de cest estat, car les Censeurs furent redoubtez en telle sorte, que a eulx seulz appartient la reformation de toutes loix, & statutz & manieres de viure des Romains: mesmes auoit auctorite sur le Senat, & Cheualiers, & le pouuoir de les faire declarer infames, pour aucuns cas par eulx commis, de soy enquerir de leur conduite, & gouuernement tant en priue, que en public de bailler a ferme le domaine de la ville de Rome: de tenir les registres des biens, & facultez dung chascun: de decerner supplications publicques, affin de contregarder la Cite de toutes maledictions: de deposer les Senateurs de leur magistrat. Et estoient les Censeurs creez de nouuel, de cinq ans en cinq ans. Dauantaige vng autre Magistrat fust institue en la ville & cite de Romme pour l'exercice de la iustice, lequel on appella Preteur a cestuy fust permis, & donne pouuoir, de vui-

Creation
des Cen-
seurs.

Auctorite
des Cen-
seurs.

Creation
des Pre-
teurs.

De scription de Leurope.

Preteur
forain.

Iules Cæ
sar remist
sur lestat
de monar
chie.

Ieuz & re
creations
publiques
instituez
en Rôme.

der tous procès, & de faire droict a vng chascun mesmes luy fust donne auctorite, de faire et establir loix institutiōs nouuelles, et abroger les anciennes: & en fust vng seul premierement eriger, lequel estoit appelle Preteur de la cite, or par ce que vng seul Preteur ne pouuoit suffire pour exercer, la iustice tant entre les citoyens quentre les forains, pour la grande affluence diceulx, il en fust cree vng autre, qui fust appelle Pretur forain par ce quil auoit la charge dadministrer iustice entre les forains, & estoit ce magistrat appelle honoraire, pour le grand honneur quon luy deferoit par ce quil auoit pareille suite ou bien peu sen failloit quun roy, ou vng cōsul. Et demeura la cite en tel estat, iusques au temps de Iules Cæsar, lequel introduist de rechef lestat de monarchie, laquelle a depuis continue dūg Empereur en autre iusques a present. On celebroit a Rôme certains spectacles, & ieuz solenels, quon appelloit quelquefois ieuz solenels, quelquefois ieuz Circenses, & ieuz populaires. La monstre de ces ieuz estoit conduite depuis le Capitolle iusques au marche publique, et de la iusques au Cirque en tel ordre. Les enfans des cheualiers estans en aage telle quilz debuoient pour estre employez a la premiere guerre aduenant pour seruir de gēs

de pied, marchoient les premiers selon leurs bendes, en bon ordre affin que les estrangiers congneussent par la, l'esperance laquelle se pouoit bonnement promettre la cite de Rome, de la prouesse de ceste ieune cōpaignie pour laduenir. Apres ceste compaignie marchoiēt chartiers cōduisantz les chariotz triumphās, garnyz de beaulx roncins. En apres marchoiēt ceulx que debuoiēt s'exerciter a la lucte, & cōbatz, les vns contre les autres, ayant tout le corps nud reste leur nature. Puis suyuoient ceulx qui se debuoiēt exercer a saulter, les plus aagez les premiers, & les plus ieunes apres. Finablement suyuoit la bende des mene triers, fifies, ioueurs d'flustes, d'harpes, & lutz. Les sauteurs pour tous habitz portoient certaines chamarres, par dessus lesquelles portoient ceintures a boucles de cuiure: & vne espee a leur coste, ensemble vng dard, & vng heaulme en la teste garny de plumars. Audeuāt de chascune bende marchoit vng homme, a limitation & gestes du quel, ceulx qui le suyuoient marchoiēt, en obseruāt certains pas, & saultz par lesquels ilz se faconnoient a marcher en ordonnance de guerre, & vsoient de mesure, compensans leurs pas, les vns aux autres. Ilz s'exercitoient souuēt a la facon de saulter qu'on appelloit Enoplie, & par vng autre nom sault

Description de Leurope.

Silenes &
Satyres ei
toient gés
faulx ages
que lanti-
quite te-
noit pour
dieux,

La gran-
deur du
Cirque ou
estoit ce
lebrez les
ieuz pu-
bliques.

Pyrrhique: lequel fust inuente par Pallas, cō-
me tesmoingnent aucuns, ou selon lopinion
des autres des Curetes. Apres ceste cōpaignie
suyuoit vne autre bēde de Satyres, ainsi appel-
lez p ce qlz estoiet desguisez en Silenes & Sa-
tyres lesquelz en leurs gestes represētoiet vne
maniere de moqric, & badinage. Apres ceste
bēde suyuoiet encores quelques menetriers, et
harpeurs, ceste bēde passee suyuoient certains
Encēseurs, lesquelz dedās certains encēsouers
iectoiet encens, & autres especes odoriferātes,
desquelles ilz pfumoiet les simulachres dor,
& dargēt de leurs dieux. Finablement marchoi-
ent en bel ordre les officiers, et magistratz de
la ville. La qdrature de la plate forme du cirq
dedās laqlle ce faisoiet les spectacles, & ieuz,
auoit de lōgueur trois stades et demy, et qua-
tre arpēs de largeur, autant q cōtenoit de plat
pays ce q estoit entre le mōt Palatin & mont
Auētin. De trois costez y auoit galleries, & es-
chaffaulx, esquelz se pouuoiet rēger cent cin-
quāte mille spectateurs: dauātaige a lētour de
la plate forme, y auoit sieges macōnez de cy-
mant, pour asseoir encores qlque autre nōbre
de spectateurs. Les farces & comœdies y estoi-
ent recitees avecqs telle magnificēce. Premie-
remēt dācoiet qlqs gēs, quon faisoit venir ex-
pres du pays de la Toscane, lesquelz auoient

grād grace, p ce q̄ en dāsant ilz tenoient vne
 decēte mesure. Les ieunes gēs de Rōme festu
 dierēt a imiter ces dāceurs: & se misrent a cō
 poser quelques inuentions de mesure, a la ca
 dence desquelles ilz obseruoient si bien leurs
 gestes, & mesure de leurs pas, que finablemēt
 il ne fust plus de besoing en enuoyer char
 cher, en la Toscanie par ce que ceulx de la Ci
 te mesmes, en furent par succession de temps
 ouuriers, & furent finablement appelez les
 expertz en cest art Histrions, par ce que les
 plaisanteurs & autres manieres de gens ser
 uans a donner passetemps furent appelez Hi
 stres au pays Toscan. Ceste maniere de gens
 finablement se misrent a chāter, & reciter nō
 des carmes rudes, respondātz lūg a lautre cōe
 ilz fouloient faire au cōmancemēt a la mode
 des dictons, & vers fescēnins: ains satyres en
 tieres furēt par eulx mises en chāt, & recitees:
 Liuius Andronicus, delaissant ceste facon de
 reciter Satyres, se mist a cōposer des farces, &
 comoedies: lesquelles il recita luy mesmes, par
 plusieurs fois & apres quil eust pdu la voix, &
 grace de prononcer, il fist chāter sesdictes fa
 bles, p vng ieune garson, auquel il bailla pour
 gouuerneur de ses gestes, & changemens de
 voix, & accens, vng fivre. De ceste facon de
 faire fust vsite, que les ioueurs de farce auoiēt

Origenes
 des Histri
 ons ou ba
 teleurs.

Liuius An
 dronicus
 Comique
 ancien.

Description de Leurope.

Ioueurs de
Comoe-
die aydez
de musi-
que,

Pompes
funebres
des Empe-
reurs Ro-
mains &
autres
grand per-
sonnages.

 quant & eulx en iouant leurs farces, & comoe-
dies, vng fifre, ou ioueur de fluste, pour a ce sō
conduire leurs voix, & accentz. Et dautāt que
par telle exercitation ceste maniere de passe-
temps ne fust plusensee pour quelque badi-
nage, ou plaifanterie, ains pour vne liberalle
delectation, & de grande industrie, lhors les
ieunes gens de Rōme, en delaissent la pronun-
ciation de comoedies aux Histriōs, se seroiēt
addonnez aux anciens dictons, & railleries:
& donna ceste maniere de faire commence-
ment aux fables Atellanes, & ne fust permis
aux Histrions de verser ceste priuaulte de se o-
fer entremettre de telles gaudisseries, & rises
par ce quelles seruoient dūg particulier es-
batement aux ieunes gens de Rōme. Icy me
semble bon de reciter la maniere par laquel-
le les Romains auoiēt acoustume deferer di-
uins hōneurs a leurs Senateurs, & Empereurs
apres leur mort. Herodian escript, que soubz
le portail de leur maison, on esleuoit vne p-
traicture du deffunct, dessus vng liēt dyuoire
garny de draps dor, & estoit ceste protraictu-
re en forme de telle que eust peu estre le def-
funct, gisant au liēt malade: au long de ceste
couche assistoit le Senat la plus part du iour,
en habitz de dueil, & ce du coste dextre, & du
coste gauche les matrones, & plus honnora-

bles femmes de la cite de Rome assistoient en habitz blancz: par ce que ceste couleur portee par les femmes signifioit dueil, & ne portoient autres habitz l'espace de sept iours entiers. Ce pendant les medecins tenoient contenance, ne plus ne moins que si ilz fussent vuz visiter le malade encores viuât, & disoient que sa maladie empiroit de iour en iour, comme si il eust encores a trespasser. Finablement comme sy la mort de ce personnaige leur eust este fraichement signifiée ilz faisoient porter ceste figure, sur ledict liêt par vng certain nombre de ieunes gentils hommes, enfans des Senateurs, & Cheualiers, depuis la maison du deffunct, iusques a la grand place ou se tenoit le Senat, & ce faisoient assemblees publiques, & prenoient leur chemin par la rue, qu'on appelloit rue sacree: & apres quilz auoient assis le liêt sur les eschafaux a ce dediez: les ieunes filles & enfans se régeoient apt les vns des autres, & chatoient quelques châtz funebres, plaïs de lamétation. De ce lieu ilz en leuoient apres ceste lamétation faicte, ce liêt & le portoient iuf q̄s au chāp denōme du non de leur dieu Mars chāp martial. En ce lieu ilz dressoient vng autre eschaffault quarre, tout edifie de charpēterie, & au long faisoient faire plusieurs marches, esleuees plus hault q̄ nestoit le dedās du

Campō
Martio.

F.j.

Description de Leurope.

dict eschaffaulx: & dessus icelles y auoit cou-
uertes de draps dor, et de pourpre: ensemble
plusieurs ptraictures dyuoire, & plusieurs ri-
ches painctures: & tāt plus haultes estoiet ces
marches, & plus ayseemēt apparoissoiet les y
mages, lesquelles estoiet de plus petite pporti-
on que lesdictes Marches, Dedās le parc de le
schaffault estoit dressē vng amaz de menu bo-
is sec, leffigie du trespasse estoit assise sur la se-
conde marche, & a lentour dicelle on appor-
toit maintes bōnes senteurs, parfungs, & espe-
ces odoriferātes, les ieunes gētitzhōmes enui-
ronoiēt, & couroiēt ioignāt icelluy eschaffault
sur leurs cheuaulx vestuz de leurs casaqs on
faisoit aussi rooller tout alētour, les chariotz
triūphās, des grās psonaiges, & q auoiēt bien
merite de la chose publicq. Finablemēt celluy
q succedoit en lestat du deffūct, mettoit le feu
dune torche dedās cest amaz de menu bois: le
peuple de rechef apres que ce successeur auoit
encōmāce y mettoit le feu pdeffoubz de tous
costez. Or sītost que le feu cōmācoit a gaigner
le hault, laigle qui estoit cachee audessus de ce
tabernacle soubdain pnoit vol, p laquelle on
iugeoit que lame du deffunct seigneur estoit
emportee au ciel. Celluy prince ou Empereur
auquel ceste cerimonie estoit faicte, p vne fol-
le supstition estoit repūte p les Romains vng

Liure Troiesme. ccxxxiiij.

de leurs dieux, en sorte qlz ladoroiet, et luy fai
 soiēt annuelz sacrifices. Tel estoit l'anciē estat
 de la cite de Rōme. Pour le present toute Li- Recentes
manieres
de viure
de Litalie
 talie est cōuertie en la foy Chrestienne, & selō
 icelle est tressainctement regie, & obserue les
 manieres de faire de lesglise romaine, fors en
 quelques ēdroictz vers la fin dicelle, ou ilz ob
 seruēt la mode de lesglise de Grece, par ce qlz
 sont descēduz des Grecz. Ilz obseruēt le ma-
 riage avecques vne seule femme, & ce sans la
 pouuoir repudier (cōme on faisoit le tēps pas
 se) sinon pour aucune grāde cause, & par la p-
 mission, & cōge du Pape de Rōme. Les filz ais
 nez des roys, & grāds princes, par vne anciēne
 coustume succedēt seulz aux royaumes, et pri
 cipaultez: entre gēs de plus basse condition les
 enfans masles succedēt esgallemēt. Litalie est
 regie par trois sortes de loix. Cest assauoir des
 loix Imperialles, Papalles, & de statutz parti-
 culiers, lesquelz sont diuersifiez, selon la diuer
 site des villes lesquelles en vsent en vng lieu
 autrement quen lautre, & pour bonne & iu-
 ste cause. En aucuns lieux la iustice est admi-
 nistree par vne compaignie de gens de qua-
 lite, es autres par vng seul magistrat, & iuge
 particulieremēt a ce depute, tellement que le
 gouuernement & regime de leurs villes, & ci-
 tez nest semblable lung a lautre.

Anoblisse
 ment par
 armes &
 faict de
 guerre re-
 nu le pre-
 mier en
 litalie.

F.ij.

Description de Leurope.

Ceulx qui s'addonnent aux armes, & y acquièrent bruit, & renom sont tenus les plus nobles: & sont les plus honorez. Puis apres, sont ceulx qui acquièrent reputation par lettres, & sciences. Les gens de glise sont reputez par eulx plus reuerentz, que anobliz par leur profession. Quant a ceulx qui sont anobliz par lettres, les Theologiens sont mis au premier rang. Au second les docteurs en droit. Les Medecins aussi sont honnorez: toutes fois leur honneur n'est si grand que le profit qu'il font de ceste science: les Mathematiciens, Dialecticiens, Astrologues, Poetes, ont envers les gens de savoir, grand credit & ne sont gueres honorez de la commune. Les maistres & professeurs de grammaire sont en moindre reputation que les autres, par ce qu'ilz consomment leur aage a instruire & fonder les petitz enfans. Pareillement les predicateurs qui ont la langue diserte, & une faconde, acquièrent grand honneur, & sont grandement reuerrez, & par ce que le peuple est addonne a deuotion ilz ont trop plus grand theatre, & plus bel auditoire que n'ont les Orateurs des causes, qui nous appellons aduocats, lesquels n'ont si grand bruit, & renom, & se contentent du grand gain, & lucrative qu'il font. L'estat de marchandise y est aussi en grande reputation, joint que ce n'est de ce temps que les richesses, et auoir

ont acoustume estre en credit. Les Paintres, tailleurs, dymages, fodeurs, y sōt en plus grād renom & admiration q̄ les bōs laboureurs, cōbiē q̄ au tēps passē, ceulx cy ayēt este ē hōneur pdeffus tous autres estatx, cōme nous auōs recite cy dessus. En la Romaine ilz sont trop plus addōnez a nourrir bestail quē nulle autre partie de Litalie: & toutesfois prēnēt es autres pties leurs bergiers, & seruiteurs. Les Italiēs portent diuers habitz les vns des autres. Les Venitiēs portēt leurs habitz lōgs, & āples a merueilles, & encores entre eulx les habitās des villes les portēt pl⁹ sūptueulx q̄ ceulx des chāps, & habitās des bourgades. Apres les Venitiēs, les Florētins, & autres du pays Toscan, portēt les pl⁹ mistes & plus ppres habitz. Au pays Milanois, de Gennes, & Boulongnois, ilz portēt habitz vng peu plus estroictz, & neantmoīs sōt braues. A Rōme les habitz des courtisans excellēt tous autres, en magnificēce & variete de liurees. Les Romains ne sont du tout si sumptueux en habitz, & neātmoins ne delaisfēt a estre ppres, & netz, mesmeēt ceulx des fēmes. A Naples les habitz sōt pl⁹ mistes q̄ sumptueux, & y sōt les estrāgiers mieux en ordre q̄ ceulx du pays. En tout le reste de Litalie ilz ne sōt curieux en habitz, encores qlz en portēt en diuerfes facōs, & que de iour en

Diuerfite
dhabitx
entre les
Italiens.

Description de Leurope.

jour on les diuersifie. Au pays Boulongnois, et par toute la Lombardie les femmes d'apparence sont acoustrees a la mode Espagnolle. Les hommes s'accoustrent a la mode Francoise. A Rome depuis quelque temps en ca on a veu les femmes abillees a la Toscane, ou Florentine. Les dames de Venise ont pareillement na pas long temps porte leur estomac, & croisee des espaulles toute descouuerte: auioirdhuy elles sont toutes couuertes, & portēt māches larges, & approchent a la guise des Espagnolles. Les anciennes statues, & monnoyes, mōstrent euidēment que les anciēns Romains ne souloiet auoir leur testes couuertes, & nauoiet aucunes chausses sinō quē guerre ou ilz portoiet armures de iābes: auioirdhuy nul ne sen passe. La mode de se couvrir la teste est venue dailleurs en Italie, cōe il est vray sēblable Et ne souloiet porter chemises d'toille, ou de laine le tēps passe, cōe on voit peillemt par les figures des anciennes statues, auioirdhuy cest toute la gētillese que dē porter de bien pourfilees: & en sont curieux les ieunes gēs a merueilles. Le langage auioirdhuy vsite en Italie nest tel quil souloit estre le temps passe, & est maītenēt corrópu de plusieurs motz estrāges, en aucuns ēdroictz plus que aux autres, selō que vne regiō a este plus lōgue espace de tēps

Diuerfite
de langage
en Italie.

detenue p les natiōs eſtrāges que lautre. Au pa
ys Venitien ilz ōt vng pler graue, & orne de
plusieurs graces de pler des autres lāgues. ce q
a eſte facile a aduenir, par ce que ceſte ville eſt
la plus frequentee de toutes manieres Ditali
ens, & autres gens, que nulle autre cite de tout
ce pays. Le temps paſſe ilz ne ſouloient en ce
ſte coſte vſer dung ſi aorne lāgage, ne ſi gra
cieux aux oreilles. Le lāgage Carnique eſt di
uerſifie de plusieurs lāgues, & differe aucune
ment de Litalien. En tout le pays Treuiſin, de
Padoue, Verone, Vicence, Mātoue, & Ferrare,
ilz ont vng langage plus doux, & encores en
ceſte grace de lāgage, ceulx des villes, excedēt
les habitāns des chāps. En Lōbardie ilz ont vne
maniere de parler plus eſtrāge, au reſte ilz ne
cedent a aucune autre contree de Litalie, ſoit
en honneſtete de vie, ou en magnificence, &
beaute de villes. A Rauēne, Reimino, Peſere,
Fauence, Bolongne, & en toute la liſiere de Le
milie, & Flaminie, ilz ont vng langage plus
aorne. En la Toſcane, leur parler eſt plus ſuc
cinct, & quaſi reſemblant en briefuete au par
ler des Laconiens, & eſt mieulx ſeant quant
il eſt prononce par autres Italiens, que quant
il eſt prononce par les Toſcans meſmes. Cel
le facon & maniere de parler nagueres vſitee
a Rōme, & meſlee de tous autres particuliers

F.iiij.

Description de Leurope.

langages:senrichist,& amède de iour en iour
en la Marq̄ Dácone pays des Sabins,& Mar-
ses,il est vng peu plus pesant,& cōtrainct. Au
pays des Vmbriens,de la Pouille, Lucaniens,
la bruce, & Samnites,et en tout le reste de Li-
talie, ilz ont vng langage plus rude,& moins
diuersifie de motz des nations estranges,exce-
pte a Naples, ou plusieurs sestudient a appro-
cher du langage Espagnol.En somme, si au-
cun y veult biē aduiser,il trouuera que en tou-
te Litalie il ny a cite,ne peuple, qui ne differe
en quelque particularite, des peuples circon-
uoyfins,ainsi que dict Antoine Sabellique au
premier liure de Ionziefme Enneade.

¶ De Ligurie autrement appellee
terre de Genes & meurs
des Genneuois.

Chap.xx.

Ligurie est vne regiō en Italie,mō-
tueuse la pluspart, situee entre les
riuieres du Var,& la Macre, ayāt
dung coste le mont Apennin, &
dautre la riuiere du Po, & cōtigue au pays de
la Toscane, la ville capitale de ce pays est la
cite de Genes Lautheur Fabius,le painctre,

Genes.

dict quelle fust appelee Ligurie dūg Ligystus, filz de Phaetō, la lettre de y chāgee en v. Thucydide est de ceste opinion, que les Siciliens ont premierement habite en ce pays, & apres quilz furent chassez par les Oenotriens, ilz alerent habiter en ce pays que nous appellons auiourdhuy la Secile. Les Ligures ou Geneuoys viuent en continuel labeur, & s'addōnent a faire nauires, par ce que leur pays consiste la pluspart en arbres de si grosse espesseur, quil sen trouue de gros de huiet piedz Parquoy les vngs dentre eulx s'addonnent a abatre boys, les autres a labourer a grande difficulte les terres, car le pays est si pierreux quil ne luy peuvent donner aucune facon quilz ny trouuent tousiours pierres, au moyen de quoy estans accoustumez a vne vie penible, encores quilz travaillent incessamment, toutesfois ne fōt grandement leur profit, & ce pendāt ce continuel exercice et parcimonie de vie, les rend maigres, et neantmoins robustes et puissans. Les femmes de ce pays s'appliquent a la peine et travail cōme les hōmes. Ilz s'addōnent souuēt a la chasse, et des bestes sauuaiges quilz prennent subuiennent en partie a la sterilitē d'autres biens. Dauantage a cause des montaignes et continuelles neiges qui y sont, et ausquelles ilz sacoustument, ilz sont allegres de corps,

Pays Geneuoys
parquoy
dict ligurie.

Application des
Geneuoys.

Description de Leurope.

Nourritu
re des Ge
neuois.


Habitz &
armures
des Gene
uois.

& dispositz a merueilles. Aucuns a cause de la
sterilite des bledz, viuent de quelques chairs
de bestes quilz nourrissent en leurs maisons,
ou de venaison pour toute nourriture, & ne
boyuent que de leaue. Ilz vsent aussi de her-
baiges es endroiectz ou leur terrouer est bon
aux iardinaiges. Il ny croist ne vins ne bledz
qui sont deux manieres de biens de dieu les
plus requis pour substantier la vie humaine. Ilz
couchēt la pluspart a mesme terre, & bien peu
en y a qui couchent dessoubz toictz, & a cou-
uert, Il y en a plusieurs entre eulx qui se reti-
rent dedans cauernes, & rochers, pour reposer
a couuert ainsi viuent selon leur ancienne fa-
con de viure ces peuples. Ilz portent armeures
plus legieres que les Romains, & se couurent
cōmunement en cōbatant de certains longs
pauoys, ou haulters, & sont vestuz de casagues
Ilz sarment quelque fois de peaulx de bestes
sauuaiges, & portent espees de moyenne lon-
gueur. Aucuns dentre eulx par la frequenta-
tion quilz ont eu auecques les Romains se
sont armez a leur mode, ilz sont hardiz & in-
genieux non seulement en guerre, mais aussi
en to^r leurs autres entreprises. Ilz fōt train de
marchandise & frequētēt en la coste Daphri-
que, & de la Sardaine. Ilz sexposēt en maintz
perilz & dāgiers, par ce quilz se mettēt main-

tesfois sur mer, sans auoir autres nauires que Esquifes, non equipees a la facon des autres galleres & nauires, en sorte que la tourmente aduenant ilz sont souuent en dangier de leur vie. Ceste nation (ainsi que recite Anthoine Sabellique au premier liure de sa septiesme Enneade) est encores pour le present felonne & naturellement encline a reuolter tenant ce naturel de ses ancestres lesquels ont dōne maĩtz affaires aux Romains le temps passe. Ilz se nourrissent communement de chairs de leurs bestailz & boiuent laictages & quelques breuages brassiez avecques de lorge.

Naturel
des Gene
uois.

¶ De la Toscanne, & meurs
des Toscans. Chap.xxj.



A Toscanne est vne region celebre en Italie, anciennement dicte Tuscie, au moyen des frequētz sacrifices, p ce que ce mot Thyin en grec signifie sacrifier, ou selon laduis des autres, de ceste diction Thus q signifie encēs, q est vne chose tresrequise es sacrifices, les pl^{rs} anciēs disēt q̄lle fust appelee Tuscie, dūg filz de hercules, leq̄l eust nom Tusculus. Au parauant estoit nommee Thyrhenie du nō de Tyrrhenus, filz de Atys, ou de Hercules & Omphale, ou selon l'opinion

Toscane
dicte Tu-
scie &
pour quel
le raison.

Tuscie di-
cte Tyr-
henie.

Description de Leurope.

Mer Tyr
rhene.

Lombars
& Lom-
bardie.

des autres filz de Telephus, lequel amena en ce pays gens pour y habiter. Denys Halycarnassien est d'aduis que ce pays fust dict Tyrrenie, au moyen d'une maniere de edifices, vsizez en ce pays, quilz appelloient Tyrfes. Les Rommains ont appelle les peuples de ce pays aucũesfois Tusques, et quelq̃fois Hetrusques ou Hetruriens. Les grecz les ont appelez Tirrhenes. Le nom qui fust impose anciennement a ceste coste de mer qu'on disoit mer Tyrrhene, tesmoigne assez de la grande richesse des peuples de ce pays, ioinct que leurs limites sextendoient autāt que les deux mers enuironnent de litalie, presque iusques aux Alpes. Cest vne chose bien certaine, que ce qui est de pays depuis les Alpes, iusques au mont Apennin, estoit le temps passe detenu par les Vmbriēs, lesquelz en furēt chassez par les Tyrrenes, les Tyrrhenes par les Gauloys, les Gaulois par les Rmains, les Romains par les Lombars: lesquelz finablement ont donne le nom que encores aujourd'hui ceste terre retient. & pour monstrier que la Toscane a este la plus renommee region de toute litalie, les Grecz ont tousiours soubz ce nom de Tyrrhenes, cōprins mesmes la Romaine, Vmbrie, & Ausonie, aucuns ont dauantage estime la cite de Romme ville de Tyrrhenie. La nation

des Tyrrhenes ou Toscans, a este magnifique & a regne sur plusieurs autres regions, auecques ce par ceste nation ont este maintes citez edifiees riches, & belles en perfection. Dauantage ilz se sont monstrez puissans sur mer, tellement que se voyant dominateurs de toute la coste de la mer Italique, ilz ont appelle icel le mer Tyrrhene. Pareillement durant quilz estoient puissans tant en armees de mer, que par terre, ilz inuenterent l'usage de la trompete, qui est vng inuention tresnecessaire en faict de guerre & appellerent les Toscans cestuy instrument Tyrrhene. Ilz ont pareillement inuente certains equipages de leurs chefs darmees, comme le chariot triumpant, les estafiers, le manteau dhonneur, les masses, le sceptre dyuoire, & maintes autres magnificences. Ilz ont aussi inuente la maniere de faire porches & galleries, pour retirer a couuert lafluence des seruiteurs & gens suruenans, en quoy les ont ensuiuy les Romains, & ont enrichy les inuentions dessusdictes de bien en mieulx, apres quilz eurent estably leur republique. Dauantage les Toscans se sont fort adonnez a la congnoissance des lettres, & mesmement en la congnoissance des choses diuines, & naturelles, & par dessus tous autres sappliquoient a interpreter les presages des ton-

Gestes
des Tos-
cans.

Mer Tyr-
rhene.
Inuentiō
de la trō-
pete.

Inuētions
des Tos-
cans.

Description de Leurope.

noirres & a diuiner les choses futures a la diuersite des chantz des oyseaulx, & encores de present ilz font en ce pays estime de gens qui se meslent de diuiner, & sen seruēt & aydent. Et en la science de faire les anciens sacrifices, ont este ceulx de ce pays si expertz, que les Romains lesquelz auoient desir non seulement de entretenir leur religion, mais aussi de laugmenter enuoyerent dix enfans des plus gros personages de la cite es dix cantons de Toscane pour estre instruietz en leur religion, & maniere de faire sacrifices, & ce par arrest & deliberation du Senac, & de ce comencement ont pris source toutes idolatries, & adoration des esperitz malings en la cite de Rome. De ce pays furent amenees les Bacchanales, lesquelles come estās pernicieuses, & infames furent reprouuees & aboliees par toute Litalie, par la cōduicte & poursuite de tous les gens vertueux & dhonneur, & les auteurs dicelles punys selon quilz meritoient. Le pays habite par les Toscans est fertile, & encores le rendent meilleur pour la peine & diligence quilz mettent a lamender. Ilz ont coustume de faire deux repas le iour, & en iceulx se traicter de toutes viandes exquisies en abundance. Dauintage ilz vsent fort de cortines magnifiques, & robes pourfilees, & garnies de brodu-

Baccana-
les festes
obseruees
en Hetru-
rie & de-
puis a Ro-
me.

Fertilite
de la Tos-
cane,

res, enſemble de vaiſſelle dor, & d'argent, & ſe ſer-
uēt non ſeulement de ſerfs, & eſclaues mais
auſſi de gens de franche condition. Ceste na-
tion encores de preſent eſt plus addonnee a
ſuperſtition, que a la guerre.

¶ De Galatie region de Leu-
rope, & meurs ancien-
nes des Galates.

Chapitre. xxij.



Galatie a eſte vne grande region
en Europe, oultre la Celtique,
tirant ſur le midy, mer Oceane
& pays adiacens, & au mont
Hercinie, ainſi que recite Dio-
dore Sicilien, & de la ſeſtend iuſques en Scy-
thie, & fuſt ainſi appelee dung filz de Hercu-
les nomme Galate, quil euſt dune fēme Cel- Galatie
tique. Ceste region eſtoit habitee par diuerſes pour-
natiōs, & par ce quelle eſt ſeptentrionale, elle quoy ain
eſt merueilleuſemēt froide en ſorte q̄ en yuer ſi appel-
lee.
pour toutes eaues, ne ſe trouue q̄ neiges dōt el-
le eſt toute couuerte, & y eſt la glace ſi ferme
ſur les riuieres, que non ſeulement les hōmes
peuent ſeulement paſſer p deſſ^{us}, mais auſſi vne
armee avec tout ſon equipage, Il y a maintes

Desciption de Leurope.

Riuieres
de Gala
tie.

Calates
proinzprz
a seny-
urer.

grandes riuieres, lesquelles descendent en diuers endroitz en ce pays, tant des montaignes que des profondz lacz, les vnes tumbent en la mer Oceane, comme le Rhin : les autres en la mer Pontique, comme le Danube: les autres en la mer Adriatique, comme Eridanus autrement dict le Po. toutes lesquelles en tēps dyuer sont couuertes de glace, en sorte que les passans seurement peuuent marcher dessus, moyennant quelque peu de paille qu'on gecte par dessus de paour que le pied ne glisse ou faille. Ceste region a cause de la grand froidure qui y regne ne produit vins, ne huyles, par quoy sont les habitans de ce pays contrainctz de faire quelques boissons deaues brassées avec de lorge: ilz boyuent pareillemēt les eaues dedens lesquelles ilz ont laue les marcs que rendent leurs mousches a miel. Ilz prēnēt vng merueilleux plaisir a boire du vin, tellement quilz boiuent celluy quon leur admene en ce pays tout pur, & sen enyurent de peu, en sorte que incontinent ilz sendorment, ou perdent lentendement, au moyen de quoy plusieurs marchans Ditalie pour esperance de lucratiue, en font conduire en ce pays, tant par mer que par charroy en grande quantite, & pour vng petit demy quart de poinsson de vin, on leur baille en eschāge, vng ieune serf & esclau.

ue, propre pour seruir a table, & preseter a boire. En tout le pays de Galatie ny a aucunes mines d'argent, toutesfois il'y a de lor en abondance, par vne liberalite de la nature de ce pays.

Galatie
abundante en or.

Car lors que la creue vient en ce pays, & que les riuieres senflent au moyen des eaues qui tumbent des montaignes: es sablons que delaisent ces torrentz, es endroictz ou ilz ont passe, se trouuent quelques petites arenes dor, que les habitans de ce pays affinent, & en enrichissent leurs habitz, tant hommes que femmes, & font faire aneaulx, & braceletz, & quelques grosses chaisnes, quilz portent en leur col. Ilz font semblablement enrichir leurs chemises de pourfileures dor, les plus grandz seigneurs de ce pays ont vne particuliere obseruation, & facon de faire es esglises, & temples: cest quilz espandent vne grande quantite dor dedens iceulx temples, en lhonneur des dieux quilz adorent, & ny a aucun des gens de basse condition, encores quilz soient tous conuoiteux dauoir or, qui ostant y toucher pour vne reuerence quilz portent es esglises. Les Galates sont gens delicatz, & effemines & ont vne chairneure blanche & long corsage, & oultre ce quilz ont naturellement le poil roux, encores par art augmentent en eulx icelle couleur. Ilz vsent de

Galates
delicatz
& effeminez.

Description de Leurope:

fers & instrumentz pour testonner leurs per-
ruques, & les chassent de dessus leurs fronz
& renuersent par derriere, & les laissent ve-
nir si fors quil sembleroit que ce fussent hu-
res de cheuaulx, en sorte quilz portent mi-
eux a quelques satyres, & ieunes enfans, que
a portz, & contenances dhommes. Aucuns
dentre eulx font abatre leurs barbes, les au-
tres les laissent deuenir grandes, mesmemēt
les plus grandz & les plus nobles, lesquelz lais-
sent venir leurs barbes si longues, que bien
souuent elles leurs couurent lestomac, & sont
si espees leurs dictes barbes, que quant ilz
mangent il demeure maintz morceaulx de
viande dedans le poil dicelles & maintes gou-
tes de vin quant ilz ont beu. Quant ilz pren-
nent leurs repas, ilz sont assis non pas sur
sieges ny chaires, ou escabelles, ains dessus
des tas, & amas de peaulx de loups, ou de
chiens. Ceulx qui les seruent a table sont ie-
unes gens, & disnent & souppent en ce lieu
mesmes, ou leurs viandes sont cuictes, & ap-
prestees: enuers les gens dhonneur ilz sont
plus magnifiques, & les traictent mieulx
quilz ne font autres gens, a lexemple des prin-
ces de Grace, lesquelz (selon que recite le
Poete homere) feisrent vng festin tresma-
gnifique, & sumptueux a Ajax, quant il eust

soubstenu seul, & attendu au combat le preux Hector. Quant quelqu'un se presente en leurs festins, & banquetz ilz senquierent qui il est, & pour quelle cause il est suruenue. Apres quilz ont pris leur refection, ilz ont acoustume de entrer en parolles, & contentions, selon quilz se rencontrent par cas fortuit, de ceste maniere de contentions ne se departent que par bateries, & combatz quilz se liurent les vngs aux autres sans auoir aucune crainte de leurs vie: & ce au moyen quilz croient en l'opinion de Pythagoras, lequel a dict que les ames immortelles des personnes, apres certain temps retournoient en autres corps nouueaulx, tellement que aucuns dentre eulx gettent dedans lamaz de bois sur lequel le corps dung deffunct debuioit estre brusle, maintes epistres, comme si lame du deffunct les debuioit lire puis apres. En allant sur les chāps & en guerre ilz saydent de chariotz, quilz font conduire par chartiers, & gens experts & propres a les mener. Au premier assault quilz liurent a leurs ennemys, ilz lancent leurs dartz de leurs chariotz, puis apres descendent hastiuemēt tous ensemble de leurs chariotz, & combattent a pied, aucuns dentre eulx se soucyent si peu de mourir quilz combattent tous nudz, & ne craignent leurs corps.

Festin des priaces de Grece a Ajax quāt il se fust p fete cōtre Hector & icelluy re poulse.

Opinion du Philo- sophe Pythagoras.

Description de Leurope.

Equipa-
ge de guer
re des Ga
lates.

Ilz ont quelques seruiteurs avecques eulx pour leur deffence, quilz choisissent entre quelques paouures gens de franche condition, lesquelz a vng besoing leurs serue ut a conduire leurs chariotz, quant il est question de combattre, & portent lescu, ou hauber de leurs seigneurs. Dauantage ilz marchent dauant lauagarde, & prouocquēt les ennemys de leurs seigneurs, a se combattre seul a seul, & affin de plus estonner leurs ennemys esbranlent ce pendant quilz leurs tiennent ses propos leurs bastons, & harnoys. Quant aucun des Galates a combatu vaillamment, en la bataille ilz se mettent a extoller tant la prouesse de cestuy, que de leurs ancestres, & ce pendant attenuent par vne maniere de contemnement les faictz & prouesses de leurs ennemys, en somme ilz sont curieux a louer tous hommes preux & hardys, quilz trouuent entre eulx. Ilz attathent au col de leurs cheuaulx, les testes de leurs ennemys quilz ont abatuz & acablez: & baillent tout le butin quilz peuuent amasser de la despouille de leurs ennemys, a leurs seruiteurs tout enseglante, & leurs comādēt de afficher tout ledict butin aux portes de leurs maisōs, en menāt grād feste, & chātās en triūphe de leur victoire, au tāt en fōt des bestes sauuaiges p eulx tuees &

prinſes a la chaffe. Si ilz ont eue quelques gros perſonaiges de leurs ennemys, ilz en retiennent les teſtes & les eſtuyent bien ſongneusement en des eſtuyz, apres quilz les ont confiſtes avecques quelques pretieux parfungs, & vnguentz, & prennent plaisir a les monſtrer aux eſtrangiers, auſquelz ilz en font ſi grande eſtime que pour choſe du monde ilz ne les voudroient vendre. Pour ſe rendre plus eſpouuentables ilz portent tous robes de draps de diuerſes couleurs non tonduz, ne parez, & appellent telz habilz braccas, & oultre ce portent quelqs ſayons, ou palletotz qui ſont en yuer doubles, & en eſte fort minces, & ſimples. Ilz ſe ſeruent de potz de terre fort maſſifz & ayantz par deſſus quelques fleurs figurees, Ilz portent harnoyz & eſcuz, ou pauoyz longs, ſelon la proportion de leur grandeur, & les enrichiſſent chaſcun ſelon leur fantaſie. Aucuns deſſus leurs eſcuz portent des ymages de cuiure, & protraictures de diuerſes beſtes, leſquelles redent leurs eſcuz plus beaulx, & ſoubſtiennent quelques coups, ou arreſtent en ſorte que ceſte facon leur ſert de grande deffenſe. Ilz armēt leurs cheſz de teſtieres & ſalades de cuiure, vng peu plus apparentes que les autres, & y ſont faire des cornes en ouurage, ou quelqs figures doyſeaux, ou autres beſtes

Cruaulte
des Gala-
tes.

Armeures
des Gala-
tes.

Description de Leurope.

Espees
des Gala-
tes.

Cōtenāce
& langa-
ge des Ga-
lates.

Bardes
musiciens
des Gala-
tes.

Ilz ont acoustumē dauoir des trompetes de fa-
con estrange, & dūg son rude. Aucuns dentre
eulx portent halecretz de fer, les autres nont
autres armeures sinon celles que nature leur
a donnees, & combattent tous nudz, leurs es-
pees sont grandes, & les portent a coste dex-
tre, attachees a chaines dairain. Aucuns por-
tent ceintures dor, & dargent, & vsent de pi-
ques en bataillant, quilz appellent lances, les-
quelles ont le fer de la longueur dune coul-
dee, & large de pres de deux paulmes de la
main, leurs espees sont aussi longues comme
les voulges, & espieux de ce pays, & les ont
courbes, & droictes selon leur fantasie, &
sont aussi commodēs pour donner de la poin-
cte, comme de taillant. Ilz ont vng espou-
uentable regard, & vne parolle graue, & au-
stere, leur langaige est vng peu brief, & ob-
scur, & saddonnent a parler indiscretēmēt, &
tenir propos de leurs louenges, & en mespri-
son des autres a vng chascun qui les escoute
pler. Ilz vsēt souuēt de menaces & prēnēt plai-
sir a mal parler des autres peuples, auecques
ce ilz sont presumptueux a merueilles, &
sont ingenieux & non du tout ignorans des
artz & sciences. Dauantage ilz ont des mu-
siciēs entre eulx quilz appellēt Bardes, lesquelz
au son de harpes & dorgues chātent quelques

châsons, lesquelles ne sôt faiçtes sur autre argument que sur leurs louenges, et vitupere des autres nations. Oultre ce ilz portent grand honneur aux Philosophes, et autres personnes lesquelles saddonnent a la contemplation des choses diuines, quilz appellent Saronides. Dauantage ilz saydēt fort de diuinateurs, lesq̃lz sôt par eulx grādemēt reputez & estimez, dautāt quilz leurs predisent les choses a aduenir, en sorte quilz font ce qui veulēt du cōmun populaire. Quāt ilz sont en termes de deliberer de quelques affaires dimportance, ilz ont vne estrāge & incroiable maniere, et obseruatiō de faire: cest quilz trāchēt la teste a vng hōme, & par la cheute quil faiçt du coup quil recoit & de lentameure qui se faiçt des membres dicelluy, & sang qui en sort, iugēt a leur fātasie de lissue qui doibt aduenir de leur entreprise. Plus ilz ont vne autre obseruation de ne faire iamays sacrifice, quil ny assiste vng Philosophe: iugeans que ses personages ont quelque cōmunicatiō des choses diuines & consequāment quilz doibuent plustost que nulz autres assister aux sacrifices, comme plus approchās de Dieu, et sôt de ceste opinion que par leur intercessiō doibuēt estre demādez et requis aux dieux, tous biens: et vsēt de leur conseil. et aduis tant en paix que en temps de guerre. Les

Saroni-
des philo-
sophes
des Galates.

Philosophe
assistent
aux
sacrifices
des Galates.

Description de Leurope.

Espees
des Gala-
tes.

Côtenâce
& langa-
ge des Ga-
lates.

Bardes
musiciens
des Gala-
tes.

Ilz ont acoustumie dauoir des trompetes de fa-
con estrange, & dūg son rude. Aucuns dentre
eulx portent halecretz de fer, les autres nont
autres armeures sinon celles que nature leur
a donnees, & combattent tous nudz, leurs es-
pees sont grandes, & les portent a coste dex-
tre, attachees a chaines dairain. Aucuns por-
tent ceintures dor, & dargent, & vsent de pi-
ques en bataillant, quilz appellent lances, les-
quelles ont le fer de la longueur dune coul-
dee, & large de pres de deux paulmes de la
main, leurs espees sont aussi longues comme
les voulges, & espieux de ce pays, & les ont
courbes, & droictes selon leur fantasie, &
sont aussi commodés pour donner de la poin-
te, comme de taillant. Ilz ont vng espou-
uentable regard, & vne parolle graue, & au-
stere, leur langaige est vng peu brief, & ob-
scur, & saddonnent a parler indiscretement, &
tenir propos de leurs louenges, & en mespri-
son des autres a vng chascun qui les escoute
pler. Ilz vsēt souuēt de menaces & prēnēt plai-
sir a mal parler des autres peuples, avecques
ce ilz sont presumptueux a merueilles, &
sont ingenieux & non du tout ignorans des
artz & sciences. Dauantage ilz ont des mu-
siciens entre eulx quilz appellēt Bardes, lesquelz
au son de harpes & dorgues chātent quelques

châsons, lesquelles ne sôt faiçtes sur autre argument que sur leurs louenges, et vitupere des autres nations. Oultre ce ilz portent grand honneur aux Philosophes, et autres personnes lesquelles saddonnent a la contemplation des choses diuines, quilz appellent Saronides.

Dauantage ilz saydēt fort de diuinateurs, lesq̃lz sôt par eulx grādemēt reputez & estimez, dauāt qu'ilz leurs predissent les choses a aduenir, en sorte quilz font ce qui veulēt du cōmun populaire. Quāt ilz sont en termes de deliberer de quelques affaires dimportance, ilz ont vne estrāge & incroiable maniere, et obseruatiō de faire: cest quilz trāchēt la teste a vng hōme, & par la cheute quil faiçt du coup quil recoit & de lentameure qui se faiçt des membres d'icelluy, & sang qui en sort, iugēt a leur fātasie de lissue qui doibt aduenir de leur entreprīse.

Plus ilz ont vne autre obseruation de ne faire iamays sacrifice, quil ny assiste vng Philosophe: iugeans que ses personages ont quelque cōmunicatiō des choses diuines & consequāment quilz doibuent plustost que nulz autres assister aux sacrifices, comme plus approchās de Dieu, et sôt de ceste opinion que par leur intercessiō doibuēt estre demādez et requis aux dieux, tous biens: et vsēt de leur conseil. et aduis tant en paix que en temps de guerre. Les

Saroni-
des philo-
sophes
des Galates.

Philosophe
phes assiste
nt aux
sacrifices
des Galates.

Descriptiō de Leurope.

Poetes en
reputatiō

Poetes sont en si grād hōneur, & reputatiō en uers eulx, que si il aduenoit quilz se presentassent lors que cōmence la bataille entre eulx & leurs ennemys, leur aduenemēt faisoit cesser nō seulemēt leurs amys & gēs de leur cōgnoissance, mais aussi leurs ennemys mesmes, & se departoient de la bataille, tellemēt que entre ces nations Barbares la fureur cedit a sagesse,

Stature &
force des
fēmes des
Galates.

& Mars quilz disent Dieu de guerre reuerroit les Muses. Les femmes des Galates sont sēblables aux hōmes non seulemēt en grādeur de corps mais aussi en force, leurs ieunes enfans ont leurs cheueulx tous blancs, & quant ilz viennent sur aage, ilz changent de couleur, & commencent lors a ressembler

Nota quil
a dict cy
dessus les
hōmes de
Galatie
auoir le
poil roux

a la couleur du poil & visages de leurs peres. Aucuns des Galates habitans le plus pres de Septentrion, & qui sont les plus approchans de Scythie, sont plus sauuaiges que les autres, & viuent de chairs humaines, comme ceulx qui habitoient en icelle contree Dan-

Cimeriēs
ou Cim-
bres peup-
les belli-
queux.

gleterre quon appelloit Iris, leurs forces, & cruaulte sont assez diuulguees, par ce quon dict que ce furent ceulx lesquelz anciennement ont faict maintes courses sur le pays Dasie, & lesquelz estoient nommez & appelez Cimeriens, & peu apres leur nom corumpu furent appelez Cimbres, aujourd'hui ilz

tiennent encores des facons anciennes: & pillent les biens d'autrui sans faire aucune estime de leurs biens propres. Ce sont ceulx lesquels apres auoir pris la ville de Rome, & le temple dedie a Apollo, en Delphes, rendirent vne grand partie de Leurope, & de Lasie tributaires, & se misrent en possession des terres de ceulx quilz auoient subiuguez. Aucuns dentre eulx enuahirent vne partie de la Grece & appellerent Gallogrece, le pays par eulx occu-
pe, & Galatie, qui estoit vne region en Asie la mineur, laquelle a la riuere Halys, & la Cappadoce du coste Dorient, & deuers Occident est contigue au pays de Bythynie: & a Pamphilie vers le Midy, & la mer Euxine du coste de Septentrion, pour pays adiacentz. Les
Cimbres dont nous auons commence a parler sont gēs cruelz a merueilles, & inhumains
oultrageusement au faict de leurs sacrifices, par ce quilz auoient certain nombre de femmes, a la suite de leur camp, lesquelles se mes-
loient de faire les sacrifices, & de diuiner en telle maniere, ilz couroient a lencōtre des captifz avecques leurs espees, toutes nues & apres quelles les auoient tuez: elles les appro-
choient au long dune grande chaudiere, puis montoient sur vng petit eschaffault, & enle-
uoient le corps de ce captif auquel ilz coupoient

Galatie
en Asie.

Cruaulte
des Cim-
bres.

Description de Leurope.

Cruaulte
des Sortie
res des
Cimbres.

Cimbres
empaloi-
ent les de
linquâtz.

la gorge, & recueilloient le sang dedans vne poisle, & a laffluence de laquelle il sortoit, diuinoient. Les autres fendoient le ventre de leurs captifz, & par inspection des entrailles, promettoient victoire a leurs gens. Ces femmes forcieres estoient vestues de robes blanches, & auoient corsetz pardeffoubz de vieulx caneuaz lacez a boucles de cuiure, & auoient leurs piedz nudz, & estoient leurs cheueulx tous blancz. Dauantage les Cimbres auoient acoustume de garder les condamnez a mort l'espace de cinq ans, puis apres les sacrifioient en les empaloient, en semble les bestes qlz auoient prinſes sur leurs ennemys, ou les brusloient dedans vng grand feu. Et iacoit ce que les Cimbres dessudictz ayēt belles fēmes, neāt moins ilz sont promptz a lubricite cōtre nature. Ilz couchēt la nuit dessus des peaulx de bestes sanluages & ont seruiteurs qui veillent ce pendāt tant a dextre que a fenestre. Ce pēdant quilz cōbatēt en bataille, ilz dōnēt de si grādz coups sur les couuertes de leurs chariots, lesquelles sont de peaulx tēdues, que cela estōne leurs ennemys du grād bruiēt qui sen esmeut. Ilz ont autres imperfections indignes destre recitees, Valere le grand recite que les Cimbres, & celtiberiens menent vne grand ioye quant il est question de batailler, ayāt ce

ste opinion que mieulx ne sçauoiēt mourir,
que par ce moyen. Et aucontraire quilz lamē
tent, & menent grand dueil, quant ilz tum-
bent malades par autres accidentz, comme si
ilz reputoient la mort qui leur en peult adue-
nir miserable & ignominieuse.

¶ Du pays de la Gaulle & des recen-
tes & anciennes meurs des
Gaulloys.

Chap.xxiiij.

LA Gaulle est vne region de gran-
de estādue en Europe, situee entre
la mer interieure Gallique, et mer
Oceane de la coste dangleterre, ri-
uiere du Rhin, & les Alpes, & montz Pyre-
nees. Deuers Occidēt elle est enclose des des-
sudiētz mōtz Pyrenees, deuers Septétrion &
vēt de gallerne de la mer Galliḡ, & mer Ocea-
ne de la coste dāgleterre: deuers Oriēt le rhin
en fait la sepation depuis les Alpes iusḡs a la
mer Oceane, ne plus ne moins q̄ les mōtz Py-
renees, depuis la mer iterieure iusḡs a lextéri-
eure mer Gallique, quant alēdroit du Midy, el-
le est bornee de la mer Mediterranee, estant
en la coste de Narbone. Et a este ce pays appel-
le Gaulle au moyen de la naturelle blācheur

Description de Leurope.

des habitans en icelluy par ce que Gala en Grec signifie laiët. Ladicte Gaulle est diuisee en trois. Lune des parties est dicte Gaulle aux Toges & longues robes que les Romains autrement ont appellee Gaulle cisalpine, & est ceste partie comprinse soubz Litalie. Toute la Gaulle que les Romains ôt appellee trās alpine, autrement la Gaulle comee, ou perruquee est de rechef par les hystoriographes diuisee en trois prouinces, aumoyen des trois diuers peuples qui y sont compris, les premiers sont les Belges, puis apres les Celtes, les Aquitaniens font la derniere prouince. Les limites de chascune dicelles prouinces sont a prendre la prouince Belgique depuis la Scalde iusques a la riuiera de Seine, & la Celtique depuis la riuiera de Seine, iusques a la Garōne: que les autres ont appellee Gaulle Lyōnoise: de la Garonne iusques aux montz Pyrenees festādoit la Gaulle Aquitanique, anciēnement appelee Aremonique. Auguste la diuisa en quatre prouinces, par ce quil mist apart la partie de Gaulle que nous disons Gaulle Lyonnoise. Ammian en a faict plusieurs autres diuisions, parce quil diuisa la Gaulle Lyonnoise en deulx. Laquitannique pareillement en deulx. Puy y comprint la Gaulle Narbonnoise, que autremēt on appelle Gaulle Braccee au moy-

Gallia togata.

Trois diuerses parties de nostre Gaulle dicte France.

Gaulle lyonnoise ou pays de Lyonnois.

en de certains habitz que portoient ceulx de ce pays quon appelloit Braces, & Gaulle Belgique. Quant a la dicte partie Belgique ce q est le long du riuage du Rhin vse la pluspart de langage Alemant. Et contient en soy plusieurs autres particulieres prouinces, come Souysse, Alsatic, Lorraine, Lucembourg, Bourgonne, Brabant, Gueldres, Holande, & Zelande. Tous lesquelz pays debueroient plustouft estre nombrez entre les Germanies, nestoit que le Rhin a tousiours este l'ancien limite dentre ces deux Regions, car auiourdhuy les riuieres, ou montaignes ne font point la separation des regions les vnes dauec les autres, ains les langages, & estades des Empires, & principautez. Les anciens Grecz ont appelle les peuples de la Gaulle dung comun nom Celtes, aumoyen dung roy de ce pays appelle Celta, & du nom de la mere de ce roy les ont appelez Galates. Auiourdhuy sont ces peuples appellez Francoys, & le pays France, aumoyen de certains peuples de Germanie nomez Francoys, lesquez ont quelque temps subiugue, & detenu, tout ce pays selon lopinion de Baptiste mantuan, en son oeuvre intitule Dionysius & de Marc, Anthoine, Sabellique, au tiers liure de sa dixiesme Enneade. Cesar le dictateur a dict q les Gaulois differoient entre eulx,

Rhin ancien limite
te faisant
separatiō
entre les
Gaulles &
Alemaignes.

La Gaulle
pour
quoy depuis
appellée France.

Description de Leurope:

Cōmune
de Gaulle
de peu
d'auctori-
te.

Cheuali-
ers & Dru-
ides,

tant en langage, que en meurs, & institutions
de leur vie, & neantmoins quilz auoient plu-
sieurs facons de faire communes comme de
exciter factions, & seditions, non seulement
les cites les vnes contre les autres, mais aussi
famille contre famille en sorte que ceulx qui
eurent auctorite & richesses estoient en con-
tinuelle contention, & different, pour obtenir
la principaute sur la commune, & a celle fin
d'obtenir ce poict quelle se gouuernast a leur
appetit, & semble que ceste enuie aduienne
pour le bien de la commune, laquelle autre-
mēt eust este subgecte, a estre oultragee main-
tesfois p les plus riches, par ce q l ny a pays au
mōde ou elle soit plus cōtēnee, tellemēt que le
temps passe le cōmun peuple estoit presque re-
duit en seruitute, & ne se entremetoit en facō
quelconques des affaires de la chose publique
tellemēt que la plus part, ou pour saffranchir
des tributz, & impositions, ou pour se mettre
en seurete, & frustrer leurs creanciers, se met-
toient a suiure les nobles, ne plus ne moins q
si ilz eussent este leurs seruiteurs, & esclau-
es. Il y auoit le temps passe deux manieres de gēs
en ce pays lesquelz estoient en grand hon-
neur par dessus les autres. Cest assauoir les che-
ualiers, & les Druides ausquelz les autres ad-
iouxtent les Bardes & les Vacien les premi-

ers desquelz estoient addonnez a la contēpla-
tion & inuestigation des causes des choses na-
turelles, les autres a louenges & choses poeti-
ques. Cesar comprend toutes ces sortes de con-
templatifz soubz le nom de Druides, & dict
que leur vacatiō estoit de faire les publiques
sacrifices, & particuliers: dinterpreter la reli-
gion, & choses concernantes lhonneur quilz
deferoient a leurs dieux, dinstituer les ieunes
enfans en bonnes lettres, & sciences, de don-
ner leur ingemēt sus les meurtres accidētz, &
differentz q suruenoiēt des limites, & bornes
dheritages, entre deux ayātz terres voylines:
ensemble dappaiser tous autres differētz et im-
poser penes contre les maluersans, & entre
autres auctoritez ilz auoiēt ce pouuoir de def-
fendre a tous cōtreuenās a leurs edictz, de ql-
que qualite quilz fussent, de ne se trouuer aux
sacrifices solēnelz: q estoit vne des peines laq̃l
le ilz craignoient le plus. Les Druides avecq̃s
ce fuyoiēt toutes frequētatiōs des autres hom-
mes, & le pler: cōme si par ce la ilz se fussent
estimez estre entachez: ilz auoiēt vng chef p-
dessus eulx leq̃l auoit puissance supreme &
sans cōiurāt, et la mort dicelluy aduenāt vng
autre estoit surroge en la place du deffunct, &
fassēbloit toute leur cōmunaute en certai tēps
de lannee vers les lisieres du pays Chartrain.

Aucis ap-
pellent
Dreux le
lieu cy
mētione.

Description de Leurope.

Et est ce lieu presque au meillieu de toutes les Gaulles en ce temps determinoiēt de tous differentz qu'on leur proposoit, & depuis a este receue ceste facon de faire vuider tous proces & differentz par cōmunautēz de gens de scauoir & depuis vsitee en ce pays & ont este appelees Parleментz: dont nous parleront parcy apres, & a este tiree ceste facon de faire du pays de Angleterre par ceulx des Gaulles. Outre ce que dessus auōs recite les Druides estoient exemptz daller en guerre, & de payer tributz. Ceulx qui vouloient apprendre leur science sestudioient a retenir en leur memoire plusieurs milliers de vers, ou carmes, en sorte que maintz y en auoit qui estoient plus de vingt ans auant que apprendre leur science, & nestoit permis a aucun rediger par escript ce qui concernoit leur dicte science, par ce qlz estimoient que cela rendroit les memoires de celles choses moins seures, & fidelles: & que par ce moyen lauctorite de leur scauoir amoin-driroit. Les lettres grecques le temps passe estoient vsitees en la Gaille. Les Druides auoient ceste fantasie que les ames changeoient, & estoient transferees de corps en autres: & par ce moyen les Gaulloys qui les suyuoient en ceste opinion en redoubtoient moins la mort, & estoient plus hardyz a se mettre en

danger de leur vie. Ilz traiectoient plusieurs questions des astres, de la grandeur du monde, et terres contenues en icelluy. De la nature & propriete des choses crees, & de la puissance des dieux. Disoient outre que le monde estoit vne chose eternelle, & que le feu & leau surmontoient chascun l'aultre a diuerses fois. Quant a l'autre maniere de gens de ce pays qui estoit des cheualiers. Iceulx estoient par dessus les autres ceremonieux, & sacrifioient corps humains, par layde, & conseil des Druides toutesfois & quantes quilz estoient griefuement malades, ou constituez en danger de leur vie. Les autres auoient des simulachres d'une merueilleuse graceur, faictz dosier & les emplissoient de quelques corps humains to^r vifz, puis les brusloient. Ilz estimoient que les tormetz quilz faisoient endurer a ceulx qui estoient couaincuz de quelques larrecins, ou autres crimes, estoient tresagreables aux Dieux. Ilz reueroient grandement Mercure, auquel ilz attribuoient linuention de toutes artz, & sciēces, & croient avecques ce, quil est celui qui guide sur les chemins les viateurs, & qui ayde aux marchāz, & autres gens, qui aspirent a la lucratiue. Toutesfois & quantes quilz se preparoient pour batailler, ilz faisoient veuz a Mars de luy presenter tout le butin quilz

Veuz des
anciens
gens de
guerre de
Gaulle,

H.j.

Description de Leurope.

pourroïent faire sur leurs ennemys, & au moy
en de telz veuz on veoit en maintes places
publicques, des villes de Gaulle plusieurs mō-
ceaulx darmures, & autres maniere de har-
noys & despouilles de guerre. Si aucun re-
tiroit quelque chose a part du butin qui a-
uoit este par luy faict, il estoit griefuement
puny. Ilz se sont persuadez quilz estoient de-
scenduz de Dis, autrement dict par les Poe-
tes le dieu Plutus: quilz disent estre domina-
teur es enfers, & a ceste cause commancoient
a celebrer leurs iours de solēnitez, des la nuit
precedante le iour quaduenoit ladicte feste, et
solēnite publique, estimans que la nuit deb-
uoit estre solennizee en lhonneur dicelluy
Dis comme luy estant dediee. Ilz ne permet-
toient que leurs enfans se presentassent de-
uant eulx plustost quilz fussent dextres, & en
aage pour porter armes, & aller en guerre, par
ce quilz iugeoient que cestoit vne chose inde-
cente quun ieune garson inutile pour sa gran-
de ieunesse fust a la suite de son pere. Les ma-
ryz estoient tenuz de contribuer, & mettre en
cōmun autant dargent que ce mōtoit ce quil
auoient eu de leurs femmes en mariage tout
le profit prouenant de ceste cōmunauté estoit
cōmun entre eulx, & demeuroit au suruiuant.
Les hōmes auoient tant enuers leurs femmes

Communaute an-
ciēnemēt
observee
en toute
la Gaulle
entre le
mary & la
femme.

que enuers leurs enfans toute puissance, mes-
me de les tuer. Si vne fême estoit cōuaicue da-
uoir p̄sente poison a son mary, elle estoit brus-
lee viue p̄ les parēs de son dict mary, en faisāt
funerailles a aucūs trespassez, ilz auoiēt acou-
stume de mettre en cēdres quāt & le corps du
deffunct, tout ce q̄ luy auoit aggree en son vi-
uant, mesmes ses cheuaulx, & autres bestes, &
encores vng peu auparauāt q̄ Cai⁹ Cesar eust
subiugue ce pays, ilz brusloiet quāt & le corps
du trespasse ses seruiteurs, & tenātz deluy. En
toutes les citez de ce pays les mieulx reglees,
les principaulx de la cite iusques a vng certai
nōbre, auoiēt le gouuernemēt & supintendēce
de tout, & au cōmācemēt de chascune annee
eslisoiet vng chef, q̄nt estoit q̄stiō de guerroi-
er la cōmune eslisoit vng Emp̄eur, & chef de
guerre. Si aucū auoit entēdu q̄lq̄ cas des circō-
uoyfins, cōcernāt lestat de leur cite, il estoit te-
nu de le deferer aux gouuerneurs de la ville
q̄nt bō leur sembloit ne cōuīquoiēt de ce au-
cune chose a la cōmūe: q̄lq̄sfois ilz la faisoiet
assembler pour en deliberer. Il nestoit licite de
pler de lestat d̄ la chose publiq̄ sinō en public.
Qui venoit le dernier a lassēblee pour en deli-
berer, estoit mis a mort. A celluy q̄ lassēblee
tenāt faisoit q̄lque tumulte estoit euoye vng
Estasier, le quel acouroit a luy tenāt vne espee

H.ij.

Description de Leurope.

Habitz
anciés des
Gaullois.

Beaute de
corps des
Francois.

desgaineé, & en le menacât luy cōmãdoit de se taire, si il ne cessoit de tumultuer, on luy en uoyoit vng pareil messaige, iusques a la troisieme fois: finalement si il perseueroit, lestafer luy coupoit vne si grande piece de sa robe, que le reste qui luy demeueroit luy estoit inutile. Les gouuerneurs portoient certains ornemens dor, comme braceletz & aneaux en leur doigtz, & braz, & chaisnes dor a leurs colz. Le commun populaire pour tous habitz portoient sayôs, & chamarres, & par dessus, quelques manteaulx si cours que a grand peine leurs pouuoient couvrir la moitie du corps: & estoient leurs draps de grosse laine, & non tonduz ne preslez, aucuns portoient des haulbergeôs faictz a laiguille. daussi grosse laine que cy dessus nous auons dict. Ilz sefforcoient de faire venir leur perruques longues, ilz sont communemēt dung hault corsage, & blancz leurs armures, & bastons sont proportionnez a leur grandeur, car ilz portent espees, picques, & pavoys, plus lōgs que les autres natiōs. Ilz vsent souuent d'arcs, & en tirent seurement, ilz sen aydent principalement quant ilz passent le temps apres le gybier, & oyseaux. Ilz n'usent gueres de fondes, ou de leuiers en guerre. Ilz se couchēt a mesme terre, qnt ilz veullēt māger ilz font des sieges de boteaux de paille: ilz

visent avec les laiçtages de plusieurs viandes, car ilz ont toutes sortes de chairs, & entre autres, chairs de porc tât fraisches, que salees. Ilz font grande nourriture de porcz, lesquelz encores quilz deuient haultz, & gras a merueilles, neantmoins sont dangereux, en sorte que si aucun par in aduertance les irrite, ou heurte, ilz le poursuiuent par grande celerite, tellement quil est maintesfoys en grand dangier de sa personne, ne plus ne moins que sil estoit assally des loups. Ce pays est si abūdāt ē porcs & moutons, que il en fournyst non seulement la cite de Romme de lardz, mais aussi plusieurs autres parties de Litalie. Ilz faisoient le temps passe leur maisons de bardeau & charpenteries, toutes en voulte: & y faisoient maintes croisees, & ouuertures. Ilz sont naturellement dung esperit haultain: toutesfois ilz sont si simples, que leurs forces leurs seruent plus en guerre, que leur conseil, & saddonnoient le temps passe plus a la guerre, que a lagriculture, leur femmes estoient fertiles, a merueilles, en sorte que en la seule partie des Belges, on pouuoit mettre trois cens mille hommes de guerre en armes. Ilz estoient incomparablemēt insolentz, & fort resiouyz, quant ilz auoient obtenu victoire, & estonnez plus que nulz autres, quant ilz auoient este com-

Abundance de toutes chairs & principalement porcz en France.

Simplicité des François,

Peu de femmes steriles en France.

Description de Leurope.

batuz et vaincuz. Quant ilz se departoient de la bataille, ilz pendoient au colz de leurs cheualx les testes des ennemys quilz auoient tuez, & les portoient iusques en leurs maisons, & en icelles les attachoient contre les poultries, & aux planchez, pour en faire monstre a leurs familiers. Si cestoient testes de quelques gens de renom: ilz les couuroient de cedre, & ne les eussent voulu changer a autant de pesant dor. Oultre les aornemens dor quilz ont acoustume de porter (comme cy dessus nous auons recite) ilz ont acoustume de faire faire maïtes broderies, & ouurages dor sur leurs habitz. Quant ilz veulent faire leur sort, ilz ont vng homme a ce dedie, et destine, auquel ilz donnent infiniz coups de baston, & selon limpatience, & torment quilz appercoient, que ce pauvre patient sent en soy, ilz coniecturent & prenent presages des choses qui leurs doibuent aduenir. Ont recite avecques ce maintz sacrifices, que ont faictz le temps passe les Gaulloys de corps humains, & comme ilz en tuoïent aucuns a coups de fleches, puis les pendoient dedans leurs temples comme de rechef ilz auoient acoustume de faire vne grande statue de foing lye ensemble dessus la quelle ilz iectoient grande quantite de boys, & encores par dessus cest amaz

Maniere
de Gaul-
loys a fai-
re leurs
presages.

quelques moutons, & plusieurs autres bestes, avecques quelques hommes, & le tout brusloient ensemble par forme de sacrifice. Les Gaullois au moyen du continuel travail labour, & exercice & soing quilz prenoient, estoient le plus communement maigres de corps, & nestoient aucunement ventruz. Ioinct quilz craingnoient si fort de leurs engreffer, que les ieunes enfans, qui auoient le ventre si grand, quil passoit la mesure de leurs ceintures, pour ce estoient condamnez en quelques amandes, qui sur eulx estoit iposee publicquement. Depuis ce par la frequentation quilz eurent avecques les Romains, leurs facons & maniere de faire sont changees, & par succession de temps la plus part en mieulx. Et en sorte que de present ilz sont vrayz catholicques, & fidelles, & sont tous gouuernez par leur roy. Ilz tiennent les loix de mariage communement observees en Italie. Ilz saddonnent la plus grande part aux sciences & artz liberaux, & mesmement aux saintes lettres, ce que est maintenant assez demostre par luniuersite de Paris, laquelle est la plus fameuse de tout le monde & la plus renommee. Dauantaige ilz sont curieux de auoir la congnoissance des lettres latines, grecques & autres. Aux magistratz appartient le pouuoir de iuger, & au roy de

Meurs & maniere de viure desabolie moyenant celles des Romains

H.iiij.

Description de Leurope.

Maniere
de proce-
der en
guerre.

choysir, & eriger les magistratz. En leurs batailles ilz se seruent dhommes darmes, & de gens de pied armez a la legiere, ilz ont aussi quelques archiers, qui ont leurs arcs plus longs & dautre matiere, que nont les Scythes lesquelz en ont de corne comme tous les autres peuples dorient & auregard des arcs des Gaullois, ilz sont la pluspart de boys deif, ou aultre plus dur. Ilz ont en leur armee grande quantite dartillerie, quilz font conduire par charroy. Ilz combatēt plus par rancs, que par tropes de gēs de guerre: & ot plus de hardyeffe, que dindustrie en bataillant: cōbien que ilz ne veullent faire les choses sans conseil, & de liberation. Ilz ont leurs heraulx darmes, lesquelz sont comme messagiers de paix, & de guerre, & assistent ordinairement pres de la personne du roy, auquel ilz font lhonneur et ceremonies, telles quilz sont tenuz, & acoustumez de faire. Ilz sont fort addonnez a deuotion, comme se monstre assez en leurs esglises, & deferent grandement aux seigneurs & prelatz de lesglise. Lestat & ordre du clergie y est pareillement reuere ainsi quil est besoing, & quil appartient. En leurs diuins seruices ilz vsent grandement de chantz de musique au moyen de quoy il sapplicquent, & arrestēt a cest art, plus q̄ nulles autres natiōs.

Obseruā-
ce des cho-
ses saintes.

Leurs habitz & chausseures changent souuen
 teffois. Sabellique dict que de son ieune aage,
 il a veu tous les gens frequentans la court du
 roy de France, excepte les gens desglise, portās
 petitz sayons a manches, cours comme haul-
 bergeons, ayantz plusieurs pliz depuis le colet
 iusques au bout, & nerueures aux deux costez
 des espaulles, dict de rechef, que leurs foulers
 estoiet cornuz en poincte par deuant, ladicte
 corne ayant demy pied de longueur, a la for-
 me des escalpins, quon voit en paincture en
 ces figures de tapicerie. Dauantage quilz auoiet
 des bonnetz fort creuz, & parfondz. Depuis
 dict icelluy Sabellique, que toute ceste facon
 dhabit est changee, mesmes leurs foulers au
 iourd'hui sont larges par deuant a merueilles
 en forme dune pate dours, & par derriere sont
 si iustes, que a grand peine si peuuent tenir
 leurs talons. Dauantage leurs habitz sōt plus
 amples, & plus longs beaucoup quilz ne sou-
 loient estre au parauant, & leurs descendent
 iusques a my iambes: les manches de leurs ha-
 bitz sont pareillement amples larges, & de-
 coupees en aucuns endroitz & ont bandes de
 draps de foye, ou autres de diuerses couleurs
 cousues par dessus, & au bordz de leurs sayōs
 & robes. Leurs bonnetz semblablement sont
 plus grandz, & la plus part sont descariate, en

Maniere
 de leur ha-
 biller &
 vestir.

Description de Leurope.

maniere ql nest riē si ppre quest ceste natiō,
Ceulx de nostre pays ont eu puis nagueres en
uie de saccoustrer a ceste mode, tellemēt quen
toute Litalie on a veu Italiens la pluspart ve-
stuz a la Francoise, qui a este vng manifeste
presage des choses qui nous sont depuis adue-
nues. Les habitz touteſſois des femmes ne sōt
ce pendant changez. Baptiste mantuan en son
oeuure intitule Dionysius au second liure a
faict en vers vne description de la Gaulle des
quelz vers la translation sensuit.

Vers de
Baptiste
mantuan
de la Gau-
le.

France nest de la terre vne petite part:
Mais longue & lee, avec lespaigne se depart.
Du coste doccident: & deuers Orient,
A Litalie ioinct: & dou Auster suruiuent.
A nostre mer se rend, & vers Septentrion,
A la mer Ocean, dont faict impression
La froide bize, aussi elle est du Rhin bornee.
Et tant en gens que en biens tresheureuse cō-
tree:

Par sa fertilite maint bestail se y refaict.
Exempte elle est de peste, & de tout air in-
faict:
Venins cōe en Laphrique, ou froid intempere
Ny ont cours cōme vers le mont Hyperbore.
Des Indes na lardeur la nuit dessoubz larc
ture.

Six moys entiers darāt ce pays poict nobscure

Côme il faict la grand ille appelée Thile
Aussi nest ce pays côme Egypte mouille,
Par inundatiōs ains a terre si bonne
Que de fertilite la louenge on luy donne
Et vng peu apres.

Frācois ont esperitz ardētz, au corps blācheur
Le nō de Gaulloys ont pour icelle couleur.

Le foeminin visaige est de couleur vermeille,
Qui rend ceste blācheur naturelle plus belle.

Ilz sont deliberez a dāncer, & chanter,
A lubricite promptz, et a banquetz hanter.

A seruir Dieu matin, et fuire hypocrisie,
Ilz ont le cueur haultain loing de melencolie.

A chasser et voller par plaines et mōtaignes,
Et a piquer cheuaulx sesbatēt es campagnes.

De harnoys se garnyr cest leur vraye nature,
De pauoys, flesches, arcs, et coucher sur la du-
re.

Destre a la pluye et ventz, ce leur est a plaisir,
Destre de chault haslez, et trauail ont desir.

Estre fouillez de pouldre, et soubz armes suer,
Ce leur est coustumier, aussi se font tuer.

Pour leur prince, pays et parēs dūg grād cueur
Si leur ennemy est par fortune vaincueur,

Le capricorne a sur ceste nation,
Sa totale vertu, et domination.

Lequel si nous donōs ce pouuoir aux estoilles,
Muables les faict, estre aymāschofes nouuelles.

Vers du
mesme au-
teur de
la manie-
re de vi-
ure des
Gauloys.

Description de Leurope.

Parlemēt
& manie
re de pro
ceder es
causes
proces.

¶ Il me semble que ce ne sera hors de propos, si nous recitons quelque chose des Parlemētz de France, qui sont les principaulx aornemās & quasi lhonneur de tout ce pays, & par qui ilz auroient premierement este erigez. Les auteurs, quant a lorigine nen escripuēt autre chose, sinon que ce fust vne chose anciennement introduictes a lexemple des Druides. Car tout ainsi que lassemblee des Druides ce faisoit tous les ans au pays Chartrain, aussi sassembloient les seigneurs & conseilliers du Parlement anciennement en certaine ville deputee de par le Roy, pour exercer le faict de la iustice, & ce en la maniere qui ensuit. De toutes parts de ce royaume sassembloient gens scauans en droict, & entendans les statutz, & coustumes particulieres de chascune ville, lesquelz estoient a cest estat & office instituez de par le roy & vuidoient tous differentz resortissans par appel intergecte des sentences des iuges inferieurs, par deuant eulx. Toutefois par ce que le lieu, ou ilz se debuoiēt assembler estoit muable, & incertain lors fust erigee, la court d parlemēt a Paris, & y fust estably vng nombre de conseillers pour y resider & diffinir toutes causes dappel. Ilz furent quatre vingtz en nombre, lesquelz auoient tous garges du prince, & estoient partiz en quatre

chambres, & estoient ces compagnies sepa-
rees les vnes des autres, & auoit chascune
chambre ses presidentz. En la premiere quilz
appellent auioirdhuy la grand chambre pre-
sident les quatre supremes presidents, & trente
conseillers lesquels vident les appellations
verballes & mathieres summaires. En la secō-
de & tierce chambre y a dixhuiet conseillers
en chascune, on appelle ses chambres les en-
questes, par ce quilz vident communement
les proces appoinctez en droit & instruietz
par deuant les iuges inferieurs. Les conseillers
de toutes les chambres dessusdictes sōt partie
seculiers & laiz, partie gens desglise, les arrestz
quilz dōnēt sont prononcez en certains iours
a ce deputez, & en sont recitez quelques vngs
par lung des Presidents supremes, & pour ceste
cause sont appelez telz iugemens, arrestz, par
ce quil n'ya poinct d'appel dicculx, ains demeu-
rent en leur force & vertu. Celluy qui est trou-
ue follement auoir appelle en ceste court est
condamne en soixante liures parisis d'amen-
de, quelque fois en plus, cōme si il succumbe en
faict de proposition derreur, auquel cas il paye
double amende, laquelle il est tenu de consi-
gner au parauant que destre receu a proposer
aucune chose contre lesdictz arrestz. La qua-
triesme chambre & compagnie est des cōseil-

Les qua-
tre cham-
bres de
parlemēt.

Description de Leurope.

liers des requestes, lesquelz sont deputez pour congnoistre des causes des officiers de la maison du roy, & autres lesquelz p priuilege ont leurs causes commises par deuant eulx, & sont six en nombre. De leurs iugemens ont peult appeller en parlement. En la decision des causes de grande difficulte, & importance on a acoustume de assembler toutes les chambres, ce que on faict pareillement es affaires suruenans au Roy pour le gouuernemēt de sō royaume, car communement les choses dimportance sont discutees en ceste court. Le parlement a pareillement des autres personnages de iudicature, lesquelz sont concurrentz avecques les conseilliers de ceste court, comme les peres de France & maistres de requestes de la maison du roy, lesquelz sont les premiers en ranc dhonneur, apres les Presidentz supremes de ladicte court. Et leurs sont particulieremēt commises certaines causes, pour les iuger ensemblement comme les droictz de regalle & causes desdictz Peres de France, lesquelz sont en nombre douze. Cest assauoir l'arceuesque & duc de Reims, les euesques & ducz de Langres & de Laon, les euesques & cōtes de Beauuais, Noyon, & Chaalons. Les peres laiz sōt les ducz De bourgongne, Normandie, & Aquitaine, & les Contes de Flandres, Tho.

Les peres
de Frāce.

loze, & Champagne. Charlemaigne fust le premier, selon que dict l'autheur Robert en sa cronique, lequel les institua, & le mena quant et soy en guerre, leur donnant ce nom de Pers ou peres, par ce quilz auoient autant de credit enuers luy lung comme lautre & n'estoient subgectz a aucun iugement, sinon que a celluy de la court de Parlement & debuoiēt assister au sacre & coronnement du roy. Telles ont este ou sont de present les facons de viure & plus notables ceremonies des Gaulloys autrement dictz Francoys.

Charle-
maigne
institu-
teur des
peres de
France,

¶ De Espagne & meurs des
Espagnolz.

Chap.xxiiij.



Espagne est vne tresgrande re-
gion en Europe, situee entre
Laphrique, & la Gaulle: elle
est enclose de la mer Oceane,
& montz Pyrenees, & est a
comparager aux meilleures terres, & ne cede
a aucune soit en bledz, ou en vignobles, ou en
fruietz darbres: elle a affluēce de toutes choses
necessaires e et requises a lhōe, en sorte quelle
nē pduit seulemēt pour les habitāz du pays: aīs

Louen-
ges de les-
paigne.

Description de Leurope.

en fournist largement a la ville de Rome , & a toute litalie. On y trouue pierres precieuses & mines dor & dargent, & de fer, elle nest surmontee par aucune autre prouince en noblesse de vins, elle excelle toutes autres terres en huyles, il ny a aucun terrouer sterile , & quil ne apporte quelque profit, ilz ne font cuire en ce pays le sel: ains le fouillent en la terre. Elle nest bruslee par trop grande ardeur du soleil, comme Laphrique, nest tormentee de grandz ventz, comme la Gaulle, la salubrite, et temperature du ciel y est esgallemēt en toutes pars, elle nest infectee de puantes vapeurs, & exhalations de maraiz: ains a vng doux vent marin: il y a en ce pays grande quantite de lins: & ny a aucune terre pl^e abūdāte en mathieres propres a faire tainctures. Les cours des riuieres ne y font violentz, comme torrentz, & ne portent aucuns dommages: ains sont tranquilles & doux enuironnez de vignobles & se resident dedans iceulx maintz poissons de la mer Oceane. La chose dont elle a le plus de loz, & renom est la vistesse, & agilité ou manymant des cheuaulx de ce pays, que les iumentz en aucuns endroiētz concoipuent de vêt ainsi q̄ aucuns ont escript. Espagne commēce depuis les montz Pyrenées, & dela sextent, en enuironnant les colomnes de Hercules, iusques a la

Che.
naulx des
paigne.

grand mer Oceane de la coste du vent de Galerne, en sorte que tout ce circuit est cense de lespagne, La largeur & l'ogueur de ce pays ain si que tesmoigne Apian, est de dix mil stades, la longueur seble estre pareille, elle est ioignā te a la Gaulle dung coste seullememēt, cest assa uoir vers les montz Pyrenees, au reste est tou te enuironnee de la mer. Elle est diuisee en trois parties'ayans chascune son nom particulier, lune est dicte Tarraconnoise, la seconde Be tique, la tierce Lusitanie. En la premiere estoient anciennement deux tresbelles villes, lune appelee Pallantia, & lautre Numantia, quon appelle auourd'hui Sorie, & est conti gue ceste partie dung coste a la Gaulle, & dautre aux parties de Lusitanie, & Boetique, les costes restans sont enuironnees de mers, cest assa uoir la coste deuers le midy, de la mer Mediterranee, & la coste de Septentrion de la mer Oceane, les autres deux parties sont se parees lune de lautre de la riuierē Ana, tel lement que la Boetique, en laquelle sont les belles villes Hyspali, & Cordua, est au re ste enuironnee de la mer que on appelle Atlantique vers Occident, & deuers le mi dy Mediterranee. Lusitanie est enuironnee seullement de la mer Oceane, en icelle an ciennement estoit vne tresbelle ville appelee

Largeur
& lon-
gueur de
lespaigne.

Trois par
ties de les
paigne.

Description de Leurope.

Emerite
ville de
Lusitanie

Iberie.
Hesperie.

Emerite. L'espagne fust premierement appelee Iberie du nom d'une riuere appelee Iberus, puis apres fust appelee Hesperie, du nom de Hesperus frere de Atlas, finalement du nom de Hispali aujourdhuy dicte Sebilie, cite de ce pays, fust appelee Espagne. Les espagnolz sont nez a endurer fain & trauail, leurs couraiges sont promptz en guerre, & ne doubtent la mort, ilz viuēt tous fort simplement & paouurement. Ilz ayment mieulx la guerre que repoz, si aucuns ennemys estrangers ausquelz ilz puissent auoir guerre leurs defaillet ilz la suscitent les vngs cōtre les autres. Ilz ont maintesfois endure griefz tourmens pour reueler quelques secretz, ce quilz ne voulurent oncques faire, ayantz en plus grāde recōmendation destre fidelles & secretz, que nestoit la force du mal quilz sentoient. Ilz sont gēs fort allaigres, & dispotz a la course, & ont espritz continuellement sans repoz & entētifz a quelque entreprise & nouueaulte, cheuaulx de guerre & harnoyz leurs sont plus chers, & les ont en plus grande affection, que leur sang mesmes. Ilz nont acoustume de faire aucun repas ou banquet magnifique, sinon les iours de festes, ilz ont appris des Romains de se estuuer es baings, apres que la seconde guerre Punique fust finie. Ilz ont este long temps

fans auoir aucun excellent chef de guerre,
 fors vng Viriatus, lequel a dix ans entiers
 ordinairement guerroye contre les Romains
 & leur donna beaucoup d'affaires. Les fem-
 mes des espaingnoz ont la sollicitude des affai-
 res domestiques, & rustiques, ce pendant que
 les hommes sont en armes, & au pillage. Ilz
 vsent de robes courtes de draps noirs ayant
 le poil long. Ilz portent arondelles, ou pauoys
 en guerre de nerfz & autres dures mathieres
 & sen couurent par grande dexterite quant
 ilz combattent. Ilz vsent de dardz, de demy pi-
 ques, et hallebardes, & sont communement ar-
 mez par la teste, & portent grandz plumars
 sur leurs cabassetz, ilz vsent de courtes espees
 tranchantes a merueilles, & sen aydent quāt
 il est question de combattre en vne presse, &
 meslee. Ilz font grand prouision de fer pour
 forger harnoys & espees, & en cachent des-
 soubz terre grandes lames, quilz laissent
 si long temps en ce lieu, que le plus gros fer
 est tout consomme de rouilleure, & ne de-
 meure que le plus fin, dont ilz font de tres-
 bonnes espees, & autres harnoys conuen-
 ables & bien vtilles a lexercice de la guer-
 re, & sont les espees forgees de ceste mathie-
 re avec lart, & industrie quilz y adiouxtent,
 si bonnes & si puissantes quil nya si fortz ne si

Viriatus
 excellent
 chef de
 guerre es-
 pagnol.

Capes es-
 pagnol-
 les & fri-
 ses despa-
 gne &
 mantes.

Espees es-
 pagnol-
 les.

Description de Leurope.

Espa-
gnolz
vraiz gēs
de guerre.

Courtoi-
sie des ef-
pagnolz
enuers les
estrang-
giers.

bons harnoys ne boucliers qui ne fēdēt. Quāt
leurs gens de cheual ont deffaiēt la compai-
gnie des gens de cheual de leurs ennemys,
ilz se mettent a pied, & prennent leurs espees
& aydent aux gens de pied. Ilz sont dextres
a getter dardz dune tresgrande roideur; ilz
soubstiennent & resistent vertueusement en
combatant. Dauantage ilz sont allegres, & a-
giles de corps, en sorte quilz scauent bien fai-
re vne bōne retraicte au besoing, & de rechef
se remettre en bataille, & fuyure leurs en-
nemys. Anciennement ilz obseruoient quel-
ques mesures en marchant en bataille, & se
presentoient promptement au combat en chā-
tant. En temps de paix ilz saddonnoient a ba-
ler, & en balant sefforcoient de faire maintes
gentilleses, & gambades, & ont leurs iambes
fort a commandement, & souples a merueil-
les. Ilz sont cruelz & rigoureux enuers les gēs
mal viuās, & delinquans, & enuers les forains
& estrangiers doulx & gracieulx: & iusques
ales recepuoir liberallement en leurs hostelz
tellement quilz sefforcent a vaincre les vngs
les autres en ceste sorte de courtoysie, & hu-
manite, & sont ceulx qui ont la plus grande
suite destrangiers apres eulx, louez du peu-
ple, & reuerz presque comme dieux. Les
femmes eurent iadys coustume de porter

chaisnons de fer a leur col, & sur leurs cheffz auoient quelques agraphes qui leurs tumboient sur le fronc, & a icelles accrochoient leurs cornetes, a celle fin quelles donnaissent vmbrage a leurs visaiges, et ont tenu ceste mode pour vng aornement propre & magnifique. En aucuns endroictz ilz ont acoustume de porter aucuns atours, & aornemens de teste quilz lient a lentour de leurs cheffz, & se espend, & eslargist par le dessus. Les autres ont eu ceste coustume en ce pays de ce faire oster les cheueulx de derriere la teste, & se tenir plus descouuertes en cest endroict que leurs fronz mesmes les autres auoient vng fer en poincte, haulsant de la haulteur dung pied, & a lentour de ce fer trouffoient leurs cheueulx, & par dessus se couuroient dung feutre noir. Ilz ont diuersite de chairs pour leur nourriture. Ilz font breuuages de miel, dont ilz ont grande abundance en ce pays. Ilz boient vins, tant de leur region que dautres qui leur sôt amenez dailleurs p les marchās. Ilz ont eu vne facon de faire fort orde, & sale encores que au reste & en leur manger ilz soient propres & netz. cest quilz se lauent le corps de leur vrine, & sen lauent les dentz ayans ceste opinion quil nest rien qui plus les conserue. Toute ceste terre (a celle fin quil

Description de Leurope.

Espagne
diuisee en
deux.

ne soit par nous rien obmis qui serue a la cō-
gnoissance dicelle) a este diuisee en deux es-
paignes , cestassauoir la citerieure, & vlterieu-
re. La citerieure estoit celle quon dict autre-
ment Tarraconoise , laquelle sextend ius-
ques aux montz Pyrenees . Lulterieure ou la
plus eslongnee & reculee, estoit mise & diuisee
en deux prouince . Lune on disoit Betique , &
lautre Lusitanie . Depuis quelque temps les-
paigne a este diuisee en cinq royaulmes, cest-
assauoir Castille, Aragon, Portugal, Nauarre
& Grenade.

Cinq roy
aulmes en
espagne.

¶ De Lusitanie, quon appelle de pre-
sent royaulme de Portugal, &
moeurs des Portugalois,
anciennement dictz
Lusitaniens.

Chap.xxv.

Lusitanie
Portugal.



Lusitanie est vne partie de la pl^e
remote, & vlterieure Espaigne,
quon appelle aujourhduy Por-
tugal. La partie de lespaigne di-
cte Betique, luy est adiacente
deuers midy, deuers Orient, la Tarraconnoi-
se. Et du coste doccident, & Septentrion, la mer

Oceane. Elle fust ainsi appellee selon que dict Pline, du nom dung Lusius lequel acôpaigna Baccus en tous ses voyages, & dune nommee Lyfa, laquelle entra en fureur Bacchique avecques ledict Lusius, les Portugalois sont plus fors que ne lesfôt autres espagnolz, & curieux de cōgnoistre les terres estrāges, & les descou-
 urir, grandz dissimulateurs, allegres, & prōptz a cōduire vne entreprise. Ilz vsent de pauoys larges de deux piedz, nayātz aucunes boucles ou poingnees & au lieu de ce les bordz sont courbes par dedans: ilz sen aydent en guerre, avec si grande dexterite quilz en arrestent maintz coups despee & de traict. Ilz ont a leur coste quelques petitz poignardz. Ilz vsent fort de chemises de lin ouurees, & pourfilees. Ilz ne saydent gueres de hallecretz, ou de heaulmes emplumez. Aucuns dentre eulx portent quelques testieres faictes en maniere de secretes, de quelques nerfz assemblez lung a lautre. Ilz lancent loing vng dard, & avec grand industrie: & sont si agilles de corps que facilement ilz se peuuent retirer du combat & de rechef subitemēt dōner nouuel alarme a leurs ennemys, presque en vng instant, & sont de longue resistance. Leurs gens de pied vsent de brodequins, & portent chascun plusieurs dards, aucuns vsoiet de piques, & halle-

Lusitanie
du nom
de Lusius.

Moeurs
des Portu-
galois.

Description de Leurope.

Harnoy
& bastōs
des Portu
galois.

Portuga-
lois sou-
bres.

Cruaulte
des Portu
galois.

bardes ayantz la poincte de cuiure, le temps passe. On dict que aucuns de ce pays habitans pres la riuere Durie, viuent a la mode des Sparthes, ou Laconiens. Ilz vsent de quelques vnguentz, & parfungs, & ont pierres ardentes pour eulx eschauffer, & se baignent en eaues froides. Ilz ne mangent communement que dune viande a vng repas, laquelle est proprement apprestee, & sans grande curiosite, ne sumptuosite, Ilz fouloient dauantage estre le temps passe addonnez a faire sacrifices, & coniecturoient les choses a aduenir par linspection des entrailles des bestes quilz vouloient sacrifier, & quelquefois obseruoient ceste maniere de sort non seulement par linspection des entrailles de leurs bestes, mais qui plus est de leurs prisonniers de guerre, desquelz ilz en choyissoient vng, quilz couuroient de leurs manteaulz, puis luy donnoient vng coup au trauers du corps, & lors prenoient leurs forciers & diuinateurs, leurs presages sur la cheute qui estoit aduenue a ce paouure prisonnier, du coup quil auoit receu. Dauantage ilz auoient ceste coustume de couper les poingz de tous leurs prisonniers de guerre: & en faire offrendes a leurs Idoles. Ceulx qui habitent es montaignes de ce pays, viuent plus

pauurement que les autres, ilz ne boient que de leue, & couchent a mesmes terre. Ilz souloient laisser deuenir leurs cheueulx longs, tans hommes que femmes, & portoient mitres sur leurs testes en marchant en bataille, & allantz au combat. Ilz se nourrissent de chairs de boucz, desquelles ilz faisoient sacrifices a Mars: au quel par plus grande cruaulte, ilz sacrifioient leurs prisonniers, & cheuaulx. Ilz font semblablement vne maniere de sacrifices quilz appellent Hecatombes, cest adire sacrifices de cēt bestes, et ce a la mode des grecz lesquels comme recite Pindarus obseruoient ceste maniere de faire sacrifices par centenes. Ilz obseruent pareillement & celebrent quelques iouxtes, & tournoys, a lexēple des iouxtes Gymniques, obseruees en Grece, & sexercitēt en icelles iouxtes, & tournoyz, aux armes, & a ruer la barre, ou a ce combattre a leuiers, & masses, a la course, & a voltiger, ou a combattre par bendes. Les habitans des montaignes viuent la plus part de lannee de gland quilz font secher, puis le font mouldre, & en gardent la farine pour en faire du pain a vng besoing. Ilz ne boyuent sinon quelques breuages brassiez avec de lorge, par ce quilz nont aucuns vignobles en ce pays. Quant les parentz se font banquetz les vngs aux autres en

Pourete
des pay-
sans habi-
tans aux
pays mō-
tueux de
Lusitanie

Hecatombes
sacrifices
de cēt
boucz.

Exercitation
des
Portugaloys.

Description de Leurope.

Bastera-
nes peu-
ples de lu
Stanie.

lieu dhuyle, ilz apprestent leurs viandes avecques du beurre, & prennent leurs repas tous assis. Ilz ont communement quelques sieges esleuez dedans les murailles de leurs logis. Et prennent curieusement garde que les plus aagez & les plus apparentz soient assis es plus honorables places, encores que leurs tables soient toutes rondes. Entre leurs repas ilz ont acoustume de dancer au son dune fluste dalletment ou haultboys, ou dune trompette: & font plusieurs gestes recreatifz de leurs poulxes. Les femmes des Basteranes dancent ayant leurs mains entrelacees les vnes aux autres. Ilz sont presque tous vestuz de robes noires, & capes, desquelles ilz senuelopent pour toute couuerture, & couchent dessus paillasses, & nont autres ayfances pour prandre leurs repoz. Ilz vsent communement de potz de terre come font les Gaulois. Les femmes de ce pays prennent plaisir destre garnies de roses en tous lieux ou elles frequentent, & veulent estre assises sur tapis sur les quelz sont semees force fleurs. En lieu de nombrer argent en payement des marchandises quilz acheptent. Ilz baillent par eschange quelques autres espees de marchandises au poyx, ou vne piece de quelques lingoz dor ou argent. Ilz acablent a coups de pierres ceulx qui sont condamnez

a mourir. Ilz iectent les Parricides du hault
en bas des montaignes, ou les acablent de pi-
erres, au lōg de quelques riuieres. Ilz font ma-
riages a la mode des Grecs. Ilz metēt les ma-
lades es places publicques, a la facon des Egy-
ptiens, acelle fin que ceulx qui sont eschappez
de telles maladies, se puissent adresser a eulx
& leur dire le remede par lequel ilz ont eu
guarison. Telles sont les maniere de viure &
obseruations des habitans es montaignes de
Lusitanie & autres peuples Despaigne, habi-
tans vers le vēt de Galerne. On liēt des Can-
tabres qui sont autres peuples Despaigne ha-
bitans es lisieres de Lusitanie, quilz chantent
en signe de grand ioye quant leurs ennemys
(entre les mains desquelz ilz sont tumbes) les
font mourir en croix. Dauantage, que les hō-
mes de ce pays apportēt dot a leurs femmes,
& que les femelles excluēt leurs enfans mas-
les des successions de leurs peres & meres, &
quelles prēnent la charge de pourueoir leurs
freres, & leurs moyennent des partyz. On a
escript outre, quilz sont gens si cruelz, que les
meres tuent leurs enfans, & les enfans leurs
peres, & meres, de paour quilz ne tumbent es
mains de leurs ennemys. Ilz font quelques sa-
crifices a vng certain idole, le nom duquel est
encores pour le temps de present incongneu.

Peine des
parricides

Meurs des
Cātabres

Preeminā
ce des fē-
mes des
Cātabres.

Cruaulre
des Can-
tabres.


Description de Leurope.

Les nuietz quil faiet clair de lune ilz ot acoustume de dancer en branle deuant leurs maisons, & veiller en ceste sorte tant que la nuit dure. Tous les emolumentz, et auantaiges qui aduiennent a vng de deux cõioinctz par mariage, sont communs entre eux. Les femmes se meslent des affaires champestres & entretenement des terres & labourage et peu de temps apres quelles ont acouche et redu leur fruiet retournent a leurs negociations acoustumees. Ilz ont pareillement en Espagne au tresfois eu ceste mode de presenter en toutes assemblees vne espee de poison, quilz compo soient de quelques herbes meslees avec de la fche, et faisoit ce poison mourir vne personne sans aucune douleur. Et a ceste fin estoit presente en toutes assemblees que ceulx ausquelz par cas fortuit suruenoit quelque malencontre, auquel il ne pouuoit remedier: par ce moy en obuiasent a la continuelle douleur et passion la quelle autrement ne pouuoient euitier. Ilz eurent pareillement vne autre particuliere obseruation, de se presenter pour estre sacrifiez, et mourir volontairement pour leurs plus particuliers amys, et alliez.

Deux anciennes
obseruations
des espaignolz

Des pays Dangleterre, Escosse,
Hybernie, & de plusieurs au-
tres isles, & meurs des
habitans en icelles.

Chap.xxvj.



Angleterre que les gens doctes
appellent pareillement. Britan-
nie, est vne tres belle isle en la
mer Oceane, en forme de trian-
gle comme est la Secille, elle est
de tous coustez enuironnee de la grand mer,
& totalement separee du reste de la terre, el-
le a este anciennement dicte Albion au moy-
en de certains rochers lesquelz apparoissent
blancs de loing a ceulx qui tirent par mer en
ce pays. Les Troians ont habite quelque tēps
en icelluy, lesquelz y aborderent par la respō-
se quilz eurent d'ung oracle de leur Idole, quilz
disoient la deesse Pallas: laquelle apres la de-
struction de Troie leur mist en fantasie de
venir habiter en ce pays, comme finablemēt
ilz firent & en chasserent les Geans lesquelz
y habitoient: apres les auoir maintesfois vain-
cuz, & subiuguez. Ceulx cy mesmes furent de-
puis expulsez de cest isle par lune des plus no-
bles natiōs de toute la Germanie cest assauoir

Angleter-
re dicte
Britānie.

Angleter-
re dicte
Albion.

Troians
ont habi-
te en An-
gleterre &
depuis en
ont este
expulsez
par les Sa-
xons,

Description de Leurope.

les Saxones & cè par la conduicte de leur roy ne nommee Angla en sorte que puis apres ilz departirent entre eulx les terres et possessions de ses Insulaires, et affin qlz delaislassent ppetuelle memoire de eux, & de leur Royne en ceste, isle ilz la nommerent: Angleterre au moyen que leur Royne auoit nom Angle, toutesfois il y en a plusieurs qui ont iuge quelle estoit appelee Angleterre, comme faisât vng des Angles de ce monde. Elle est opposite a la Gaulle, & Espagne deuers Septentrion. Le circuit de ceste Isle contient neuf centz cinquante mille pas, les plus longs iours en Angleterre sôt dedix sept heures, et en este ilz sôt claires les nuictz. Les Angloys ont les yeulx pers, & si beaulx visages, & statures de corps si hautes, que Sainct Gregoire vne fois voyant des ieunes enfans a Rome, de ce pays Dangleterre. Ilz ne sont certes mal appelez Angliques (dist il) par ce que ilz ont faces angeliques, il leur fault monstrer le chemyn de leur eternal salut. Ilz sont courageux en guerre, & bôs archiers a merueilles. Leurs femmes sont blâches, & ont vne grâde beaute de visage. Le cōmun peuple de ce pays est cruel, & intractable. Les gens nobles y sont plus benings & plus promptz a faire tous debuoirs dhumante, & sont tous faictz a maintes hōnestetez, cō

En ceste
dimensio
de circuit
auons en
sintuy Plin
ne au cha
pitre, xvi.
de sō qua
triesme li
ure.

me a saluer leurs hostes avecques vne grande reuerense & si se sont fēmes les baissent, & les menēt en tauerne pour bāqueter ce q nest aucunement reprouue en ce pays moiēnēt quon ny trouue lubricite. En leurs guerres ilz ne se forçēt de gaster les chāps, ou ruiner les villes, ains taschēt seulemēt a deffaite leurs ennemys: & leur est assez q apres victoire par eux obtenue tout se rēde a eulx. Ce pays est des premieres puinces conuerties a la loy de Iesuchrist. Il ne se y trouue aucūs loups: & encores quō y en amenaist dailleurs ny viuroient pas. Au moyen de quoy leur bestail est maintesfois aux pasturages sans aucun berger & ne laisse a estre en grande seurete. Langleterre est pareillemēt riche en metaux cōme en mines dor & dargēt, destain, & plōb. On y trouue quelqs perles, & vne pierre precieuse quō appelle Gagates, laq̃lle brusle dedās leaue, et sextainct en huyle. Ce pays ne pduit aucūs vins, & en lieu de ce boiuēt de la ceruoise. Ilz boyuēt qlqs vīs des pays estrāges. Il y a plusieurs villes en Angleterre, et grād nōbre de bourgades. Lōdonie autremt appellee Lōdres, est la capitale ville de tout le royaulme fort frequētee p les marchans. Telles ont este depuis quelques temps en ca les meurs des Angloys, toutesfois du temps de Cesar elles estoient toutes diuerſes.

Mode des
Angloys
de mener
femmes ē
tauernes
pour boī
re & man
ger.

Angleter
re est sans
loups.

Gagates pi
erres pre
cieuse de
la quelle
traicte Pli
ne au xix.
chapitre
de son trā
tefixies
me liure.
Londres.
Superstiti
ons anciē
nes des
Angloys.

Description de Leurope.

Ilz ne leur estoit en ce temps la permis de māger dung lieure, dune poulle ou dune oye encores qui leur fust p̄mis den nourrir par maniere de passe temps. Plusieurs habitans de ce pays, & les plus eslongnez de la mer, viuoient de laictages, et chairs, sans vser daulcū bledz, ne fromens, & estoient vestuz de peaulx de diuerses bestes. Ilz se paingnoient leurs visages dune maniere de paincture perse, pour se rendre plus espouventables quant il estoit question de combattre contre leurs ennemys : & portoient leurs perrucques fort longues, au reste ne soufroient aucun poil sus leurs corps. Ilz auoient ceste coustume de prandre femmes en mariages, & maintesfois s'assembloient dix, & dauantage, qui prenoient tous en communaulte, plusieurs femmes, mesmes les freres auoient leurs femmes en commun, & les peres semblablement auoient femmes en cōmun avecques celles de leurs enfans. Ceulx q̄ estoient nez en ceste communaulte estoient reputez vrais legitimes enfans. Strabo dict que les Angloys sont de plus haulte stature de corps que les Francoys, & quilz portent plus courtes perrucques, & en ce repugne a ce quen a escript Cesar. Dict dauantage que leurs forestz estoient encloses en forme de parcs, & leur seruoient de villes, par ce que chascun y

Stature
des An-
gloys.

auoit sa petite maisonnete & toictz, soubz lesquelz ilz se reposoiēt eulx et leur bestail. Dict outre que le clymat de ceste regiō est plus subiect a pluies que a neiges: & quant le temps se obscurcist maintesfois sont les nuees si grandes & si espesses, que en plain Midy ilz sont encores apres plus de quatre heures sans auoir clarte du Soleil.

¶ Escosse est la derniere partie d'agleterre, du coste de Septentrion: dicelle separee d'une petite riuere seulement, vng peu pardela est Hy bernie, vulgairement appelee Hyrlande.

Descripti
on de Es-
cosse.

Ces insulaires nont aucune certaine forme d'habitx, ne aucune reigle en leur vie, ilz ont vne semblable contenance & port, les vngs comme les autres: & vng semblable langage, ilz sont soubdains & vindicatifz & gens puifsans & hardys en faiēt de guerre, & endureciz a porter patiemment la famine: & de belle stature, & forme de visage: mal ppres & mal addroictz, toutesfois en leurs habitx, & acoustremans. Aucuns ont dict que ce nom de Scotz ou escossois leur a este donne par ce qlz auoient acoustume de se paindre le corps, & de faire certaines figures decre sur leurs braz & mains. Ce que encores est commun & con gnoist on de present entre quelques gēs de ce pays quon dict les sauuaiges. Les anciens Au-

Sauuaiges
en Escosse.

K.j.

Description de Leurope.

theurs escripuent que les Angloys ont eü ceste facon de paindre leurs corps toutesfois & quantes quilz vouloient liurer la bataille a leurs ennemys, & ce pour les espouenter (comme il est vray semblable. Escossoys sont naturellement conuoiteux, & contemnent toutes aultres nations. Ilz sont curiculx a merueilles de se de qlque honeste lignee de gēs nobles, tellement quilz sen trouue de fort pauvres, qui se vantent destre descenduz de la lignee de leurs roys. Ilz prennent plaisir a dire men songes, & ne sont si amateurs de paix que les autres Angloys. Le Pape Pie dict q̄ ē yuer les iours en quelque temps ne quelque saison qui vienne ne durent que trois heures. Dict dauantaige quil y a veu vne chose estrāge, a merueilles, cest que ceulx du pays donnent aulx pauvres qui sont pres des esglises, des pierres, que les pauvres recueillent & amassent pour en faire du feu. Il ny a que bien peu de boys en ce pays, au moyen de quoy se chaufent & font feu desdictes pierres, lesquelles participent de qualite de souffre. Dict dauantaige le dict Eneas (depuis dict Pape Pie) quil mist poene de charcher & sefforcea de trouuer en ce pays vng arbre, que les Cosmographes recitēt auoir telle propriete, que les fueilles q̄ en tūboient dedans la riuiera, au riuage de la

Pierre ser
uant de
charbon
en Escosse

quelle il estoit situe, se transmuoient en oise-
aux: & quil ne sceust onques trouuer ledict ar-
bre, toutesfois dict que depuis il entedit dung
des habitans de ce pays qui auoit este iusques
sur les lieux que ce miracle se trouuoit en vne
des isles Orchades. Hybernïe est vne isle en-
tre Occident & Septentrion la moitie moin-
dre que Angleterre a la quelle elle est prou-
chaine, elle est appelee Hybernïe, au moyen
de lyuer qui y regne plus que nulle autre sai-
son de lannee: elle est si fertile & si abundan-
te en pasturaiges & nourritures que si le be-
stail en temps de este nestoit ramene dheure,
& quon les laissast paistre tant comme il vou-
droient, il en prendroient tant quil sen pour-
roient empirer, & en mangeroient les bestes
iusques au creuer.

Hybernïe
autremēt
diſte Hyr-
lande.

¶ Ceste isle ne porte aucunes bestes venimeu-
ses qui puisse porter nuissace, & dauantaige
ne se y trouue aucunes grenoilles, ou araigne-
es. Toutes bestes dangereuses apportees en ce
pays meurent par la seule force de la pouldre
quon leur geſte de ceste terre. Il ny a aucu-
nes mousches a miel, combien que le clymat
de ceste isle soit merueilleusement tempere,
& le pays tres fertile. Toutesfois les peuples
y habitans sont fort inhumains, estranges &
cruelz. Apres qlz ont tue qlquū de leurs enne-

Meurs
des Hy-
bernïens;

K.ij.

Description de Leurope.

mys ilz en beuent le sang, puis sen souillent leurs visages. Ilz nont aucune craïcte de mal faire. Incontinent que vne femme est deliuree de son enfant si cest vng masse la premiere viande quelle luy donne a manger, elle luy presente sur la poincte de lespee de son mary, & le voue aux armes, ne plus ne moins que si il estoit question que lenfant le iour en suyuant deust mourir en la bataille, ou en cōbatant. Ceulx qui sont plus curieulx dauoir quelque chose exquisite garnyssent la poignée de leurs espees de quelques dētz de gros poissons de mer, lesquelles ne sont moins blanches que yuoire. Le principal honneur que puisse acquerir vng homme est de faire quelques prouesses en faict darmes, les habitans es montaignes de ce pays viuent de laiēt, & fruiētages, & saddonnent plus a la chasse & semblables exercices, que a lagriculture. La mer qui faict la separation entre ce pays & celluy Dangleterre, est la plus part de lannee subiecte a grand vagues, & tourmentes, excepte en temps destē que elle est nauigable par quelques iours, ilz ont vne maniere de petitz vaisseaulx en forme desquifes quilz couurēt de cuirs de busles, dont ilz saydent ordinairement quant ilz veulent passer dune isle en lautre & tant quilz sont sur mer nosent man

ger de quelque viande que ce soit , ceste mer est large dung port iusques en lautre , de six vingt mille pas , selon que recitent ceulx qui en ont la vraye congnoissance.

¶ Ceulx qui habitent en vne autre isle appellee Syllura nont en rien change de leur ancienne maniere de viure , ilz ne veulent frequenter les foires, & ne baillent leurs marchādises a pris , ains seulement les eschangent a quelques autres marchandises dont ilz ont necessite. Ilz adorēt plusieurs dieux & se meslent de diuiner les choses futures tant hommes que femmes.

¶ Ceulx qui habitent aux cinq isles Ebudes nusent daulcuns bledz , & viuent seulement de laiētaiges & poissons. Sur tous les habitās de ses cinq isles y a vng roy, & conuient entēdre quil ny a grande distance dune de ses isles iusques a lautre. Ce roy na rien particulier a soy, ains est entretenu des deniers commūs de ses peuples, & est contrainct & subiect aux loix plus que sil estoit personne priuee . Il na aucune femme en particulier pour sa compaignie , ains emprunte la femme de lung de ses subiectz, puis la femme dung autre, selon que sa fantasie le meut dauoir compaignie, & qlque plaisir mōdain avec les femmes, & par ce moyen luy est ostee toute esperāce dauoir li-

Syllura.

Isles Ebudes.

Roy des Ebudes.

Description de Leurope.

Thyle
isle.

gnee, & generation humaine. ¶ Thyle est la derniere de toutes les isles de la coste d'angle terre, en la quelle au solstice de leste, lors que le soleil passe par dessus le signe de Cancer, n'apparoissent aucunes nuictz. Et au contraire nulz iours au solstice hyemal. Il y a grande abundance de pommes. Les habitans de ce pays au commencement du printemps viuent entre les bestes, & repaissent quant & elles, & en yuer mangent leurs fruiçtaiges destrâpez dedans du laiçt. Ilz vsent de femmes en commun, sans quil y en ayt aucunes plus particulieres aux vngs que aux autres. Il y a quelques autres isles tirans vers Occident, en la mer toute fois mediterrancee, lesquelles sont appellees par les Grecz Gymnesies, au moyen que les habitans en icelles la plus part ont accoustume destre nudz en temps de este. Par les Romains et habitans dicelles isles elles sôt nômées & appellees Baleares, Celle qui est au meilleu est la plus grãde & la pl^e spacieuse de toutes les autres isles qui soient en la mer mediterrancee, apres les sept principales, qui sont Secille, Sardaine, Candie, Euboea, quon dict de present Negrepont, Cypre, Cyrno, Lesbos, quon dict la Meteline. La Mallorque est distante de L'espaigne enuiron dune iournee par mer. La Minorque tire vers Orient,

Isles Gym
nesies au-
trement
dictes Ba-
leares.
Les isles
Baleares
de present
sôt appel-
les l'une
Mallorca
l'autre Mi-
norca.

Liure Troisième. cclxviij.

& nourrist grande quantite de tropeaulx de Muletz
boeufz, & bestes cheualines, & principale- de la Mi-
ment grand nombre de muletz & mulles du norca.
ne fort belle haulteur & ayantz vng cry fort
retentissant. Toutes ces deux isles sont ferti-
les, comme assez le demonstre le nombre des
habitans en icelles, qui se monte a plus de trē
te mille hommes. Ilz sont enclins a boire lar-
gement vin, par ce quil nen croist que bien
peu en leur pays. Ilz nont aucunes huyles, &
partant en lieu que les autres nations le tēps
passe auoiet acoustume de oindre leurs corps
dhuyles, les habitans de ce pays faisoient vng
onguent de lentisque, & de la Procidipe, mes-
lez ensemble & lappliquoient a oindre leurs
corps. Ilz sont si couuoiteulx de femmes, que
quant les corsaires leurs en volent & enle-
uent quelque vne, ilz ne font nulle difficulte
de bailler trois ou quatres hommes pour la
rachepter. Ilz habitent entre les pierres, & de
dans cauernes par eulx creusees pour se repo-
ser & heberger & tenir a couuert. Ilz nusen-
tent de monnoye dor, ou dargent, & ne souffrent
quon leur en apporte en ce pays: ayans ceste
fantasie & opinion que mieulx ne se scauroi-
ent exempter ne eschapper de tous dangiers
dēnemys, ou incursions de coursaies, que par
ce moyen destre sans or, & sans argent.

K.iiij.

Description de Leurope.

A ceste cause vng temps quilz furēt a la soulde des Carthaginiens ne voulerent emporter l'argent quilz receurent en leur pays, ains lemployerent tout en marchandise de vins quilz emmenerent quant & eulx. Cest vne chose merueilleuse que de leurs facons de faire en leurs festins, & banquetz quilz font a leurs parens & amys, lors qui se marient, car il ny a celluy de tous ceulx de l'assemblee qui naye vne compaignie avecques l'espousee, auāt que le mary en puisse iouyr, & commencent les vngs apres les autres selon leur antiquite. Ilz ont pareillement vne autre particuliere observation quant aux sepulchres quilz dressent a leurs parentz deffunctz, car apres quilz ont mis par quartiers le corps dung deffunct ilz les mettent dedens quelque vaisseau, & le couurent de pierres. Leurs armes estoiet trois fondes de lune desquelles ilz faisoient vne ceinture, de lautre ilz en couuroient & environnoient leurs testes, & tenoient la tierce en leurs mains. Ilz ruent en bataillant si grosses pierres, & de si grande roideur, que lon iugeroit que telles pierres seroient tirees & iettees par engins, & machines de guerre, tellemēt que en donāt lassault cōtre quelq̃ ville, endōmaigēt grādemēt ceulx qui sont a la deffence des murailles, & aulx bastillōs, & en cōbatant

en plain champ ny a si fort harnoys ne bou-
 clier, quilz ne brisent, & sont si dextres a ruer
 pierres quilz ne faillent iamais a attaindre
 ceulx quilz poursuiuent. Ilz saddonnent a
 ceste maniere dexercice des leur ieune aage, &
 y sont contrainctz par leurs meres, lesquelles
 mettent vng quartier de pain au feste de quel
 que boys debout, & ne mangent aucune cho-
 se iusques a ce quilz ayent abatu ce quartier
 de pain. Or me semble bien a propos de reci-
 ter quelque chose dune certaine isle depuis
 quelque temps enca descouuerte, enseble des
 choses que lon recite dicelle qui me semblent
 presque incroyables. Et fault presupposer quil
 y eust vng ieune personnage nomme lambo-
 lus, filz dung marchand nourry en lestat &
 vacation de so pere, en sorte que apres la mort
 de sondict pere il continua le train de mar-
 chandise par mer, & passant vne fois par La-
 rabie pour aller aux espiceries, il fut pris des
 larrons, ensemble toute sa compagnie, & fust
 en premier lieu, avec vne autre de sa bende
 faict pasteur, depuis aduint quil fust pris avec
 uec son compaignon par quelques Ethiopiés:
 et fut par eulx mene par dela Lethiopie ma-
 ritime. Et par ce que luy & son compaignon
 estoient estrangers, ilz furent choisis pour e-
 stre employez a vng acquit dune ceremonie

Gens sad-
 donnans
 a lexerci-
 ce de la
 fonde.

Voyage
 de lambo-
 lus.

Description de Leurope.

quilz ont acoustume de faire enuers leur dieū pour la conseruation de leur pays, par ce quilz auoient ainsi acoustume de faire par vne inspiration quilz eurent de leurs oracles plus de six cens ans au parauant & y employent ordinairement deux hommes, en telle maniere, cest quilz ont vne petite barque toute propre pour euader les tourmentes de la mer, & de si aysee conduicte que deux hommes la peuuent gouverner. Ilz misrent dedens ce vaisseau autant de viures quil en failloit pour six moys a lambolus & son cōpaignon: & en mettāt ses deux personages dedens leurdicte barque leurs donnerent charge selon quilz auoient acoustume de faire, & quilz estoient conseillez par loracle, de tirer vers la coste du midy, leur asseurant quilz aborderoient a vne isle heureuse, & en laquelle ilz trouueroient gens humains & dune vie parfaicte bonne. Ilz auoient aussi ceste fantasie que si les personages arriuoient en ceste isle que leur pays seroit six cēs ans en heur & felicite, Et au cōtraire si par crainte & pusillanimite ilz eussent voulu retourner & ne passer oultre, auoient ceste opinion quilz seroiēt cōme gens abominables & malheureux a cause des maulx & calamitez infinies qui disoiēt debuoir infalliblement aduenir sur eulx & leur pays pour ceste faulte. Et a

celle fin que telz pelerins puissent acóplir leur voyage, ces Ethiopiens ont ocoustume auant que les enuoier, & equiper leur barque, faire quelque feste & solemnite au riuage de la mer. Ces pelerins apres qlz ont este l'espace de quatre moys entiers surmer agitez de vêts & tour mêtes, finablement arriuent a ceste isle, laquelle est røde & a de circuit cinq mille stades. Si tost que ces pelerins approchent de ce lieu les habitans en quelque nombre vont au deuant avec quelques esquifz, les autres viennent & accourēt au deuant iusques au bord de la mer & monstrans signe destre quelque peu estonnez de ce quilz ont peu aborder en leur pays, finablement les recoipuent humainement, & leur departent de leurs biens. Ces peuples ne sont de semblable stature de corps, & nont semblables facons de viure, que nous: combien quilz ne soient dautre forme, ilz sont cōmunement plus haultz que nous autres de quatre coudees: leurs oz se ployent ne plus ne moins que nerfz sont neantmois telz hommes fortz & allegres: tellement que si ilz empoignent quelque chose de leurs mains, il ny a hōme qui leur puisse oster par force ce quil ont empoigne. Leur chairneure est polie a merueilles, & napparoist sur icelle aucun poil. Ilz sont beaulx & bien aduenans, & dūg corps

Isle des-
couuerte
par Iam-
bolus,

Description de Leurope.

bien proportionne. Ilz ont les cōduictz de leurs oreilles plus ouuertz que nous nauons, & ont leurs lāgues grādement differētes aux nostres, & avecques quelques proprietiez que nous nauons, par ce que leurs langues sont par desfoubz diuisees en deux, en sorte que lon iuge-roit quilz les eussent doubles, & ont la parolle si a commandement, quilz imitent & scauent promptement contrefaire non seulement les voix des hommes, mais aussi les chātz ramages de tous oyseaulx. Et encores qui est vne chose plus digne de merueille, ilz peuuent en vng mesme instant parler parfaicte-ment, & respondre a deux personnes & a diuers propos, tellement quilz employent lune des parties de leur langue pour respondre a lung, & lautre pour respondre en vng mesme instāt a lautre qui leur tient propos. L'air de ce pays est en tout temps tempere, & produisant tous fruietz, sans ce quil y aye diuersite de saisons, en sorte que ce pendant quon recueille les fruietz meurs des arbres, il y en demeure dautres attendans maturite, ainsi est des raisins de leurs vignes. On dict dauantage que les iours y sont esgaulx avec les nuictz: & que en plain midy ilz nōt aucun vmbrage en quel que part que ce soit, dautant que le soleil est directement en cest instāt sur ce clymat, Ilz vi-

uent par assemblees de gens de leurs parentez
ou d'autres, & ne passent ces compagnies le
nombre de quatre cens. Ilz habitent es prairies
& en ces lieux leur apporte la terre abundan-
ce de fruitz, sans aucun labeur, & procede ce-
ste fertilite de la temperature de l'air de ceste
isle, qui rend la terre si bonne quelle produist
tous biens plus que a suffisance. En ce pays
croissent certaines cannes & rouseaulx en grã
de abundance apportans vne espee de grain
seblable a grain de ers. Ilz recueillent ce fruit
& l'arrousent de eaue chaulde, tant quil senfle
aussi gros qu'ung oeuf de pigeon: de ce grain,
puis apres font du pain fort sauoureux. En ce-
ste isle semblablement ya maintes fontaines ie-
ctãs eaues en abũdãce dõt les aucũes sõt chaul-
des, & seruēt pour se estuuer & faire baings, &
propres a guarir maintes maladies, les autres
encores quelles soient froides sont toutesfois
bonnes pour conseruation de la sante. Ceste
gent oultre est curieuse a sappliquer a main-
tes bonnes sciences, & principalement a la
congnoissance de laastrologie. Ilz ont vsage de
lettres de certaine forme, & en ont vingt &
huiet, & sept caractheres ou figures dicelles, &
a chascune ses particulieres proprietes & ma-
niere destre adaptee. Ilz viuent fort longue-
ment, et communement cent cinquante ans,

Ers vne
espee de
grain dõt
on nour-
rist pige-
ons en
quelques
endroitz
de la Frã-
ce sembla-
ble a ves-
se.

Description de Leurope.

Gens de
longue
vie.

& ce sans aucune maladie. Si aucun demont-
stre auoir quelque fiebure, ou autre maladie,
soudain le font mourir. Ilz n'escripuēt leurs li-
gnes a cōmācer dung couste en autre, comme
nous ains commencent leurs lignes depuis le
hault iusques au bas de la carte sur laquelle
ilz escripuent. Ilz ont acoustume apres quilz
ont vescu quelque certain aage quilz se sont
proposez de viure, de se pourchasser la mort
de eulx mesmes. Ilz ont deux especes dher-
bes dessus lesquelles ilz se reposent voulans fi-
nir leurs iours. & en reposant meurent sans
fētir aucune douleur. Les femmes de ceste isle
ne prennent certains marys en mariage, ains
sont communes a tous. Pareillement sont
les enfans communs, & ayment egallement
dung chascun, tant des hommes que des fē-
mes. Ilz ostent souuent les enfans dentre les
mains de leurs meres, affin quelles en per-
dent la congnoissance. De ce aduient quilz
sont sans ambition, & sans aucune affection
particuliere, & viuēt en tranquillite, & exēptz
de route sedition & discord. On dict oul-
treplus quen ceste isle y a quelques petites be-
stes dune nature & propriete merueilleuse,
ayantz le corps rond en forme dune Tor-
tue, & ont deux rayes sus les deux endroictz
aux deux extremittez desquelles y a vne peti-

te ouye, & vng oeil, de chascun coste, en sorte quilz ont quatre yeulx, & quatre ouyes, & nont quun ventre, dedens lequel sont leurs boyaulx ou se digerent leurs viandes. Ilz ont plusieurs piedz, en sorte quilz peuuent aller en auant, & en arriere. Le sang de ceste beste, a vne grande vertu, car sil est applique promptement sur quelque partie de lhomme entamee, ou mise en deux pieces, soudain donne guarison, & faict reprendre les membres, coupez ou entamez. En chascune de leurs assemblees ilz font nourriture de gros oyseaulx de diuerses sortes, & ce pour faire experience de la promptitude desprit & hardyesse de leurs ieunes enfantz, lesquelz ilz mettent dessus ses oyseaulx, puis les incitent a voller, & lhors si ilz appercoiuent que leurs enfans se tiennent ferme & nont aucune paour, ilz les nourrissent, au contraire si ilz les appercoiuent couardz, & quilz ne se tiennent fermes, ilz les tuent, comme estans de petite vie, & inutiles a toutes choses. Le plus ancien de chascune assemblee est obey du reste de la compaignie, ne plus ne moins que si il estoit leur roy ou leur seigneur. Apres quil a vescu cent cinquante ans, il se tue & occist de luy mesmes, le plus ancien apres luy succede au gouvernement.

Sāg dung
animal
propre
pour gua-
rir mem-
brez cou-
pez ou en-
tamez.

Description de Leurope.

La mer don est ceste isle enuironnee est subiecte a grandes vagues, & au moyen de la cōtinuelle tormente qui y regne est leaue dicelle coste doulce. Plusieurs estoilles que nous voyons par deca leur sont incongnues. Par dela ceste isle y en a sept autres de pareille grandeur, distantes esgallement lune de lautre. Les habitans desquelles sont dñ tout semblables & subiectz a mesmes loix, & facons de viure que les precedentz. Tous les habitans des isles dessudictes combien que leur terre apporte de soy mesmes par grāde largesse tout ce qui leur est necessaire, se contentent toutesfois de peu, & ne prennent de nourriture, sinon'autāt quil leur en fault pour leur suffisance. Ilz vsent de chairs tant bouillyes que routyes. Ilz fuyēt toutes curiositez de cuisines, avec toutes manieres de saulces. Ilz adorent plusieurs dieux mesme vng par dessus les autres quilz comprennent comme modérateur de toutes choses, en semble le Soleil & autres creatures cēlestes. Ilz sont a mesmes de prendre plusieurs poissons & oyseaulx. Les arbres fructiers y viennent sans y estre entez ou plantez, aussi font les vignes & oliuiers. Dauantage en ces isles se trouuent serpens dune grandeur merueilleuse, nullement dāgereux, les chairs desquelz sont doulces, & gracieuses a manger. Ilz font

quelques habitz de fins cotons quilz recueillēt de leurs cannes, & rouseaux blancs a merueilles. Et quelque fois font taindre ce coton en pourpre, & en font certains habitz plus exquis. Ilz ont diuersite Danimaulx, La description desquelz seroit incroyable. Ilz vsent de grand reigle en leurs repas, & en vng iour ne mangent que dune viande & dung metz. Tellement quilz se passeront vng iour entier a ne menger que du poisson, le iour ensuyuant ne mangeront que oyseaulx, quelque autre ne mangeront sinon quelques grosses chairs quelquefois font sans manger autre chose sinon quelques simples viandes apprestees a lhuyle. Ilz saddonnent a plusieurs occupations & exercices, les vngs sappliquent a seruir aux autres, aucuns saddonnent a pescher, quelques autres saccommodent a diuerses vacations necessaires pour lentretienement de la vie humaine, les autres (fors & excepte les vieulx & anciens) sappliquent a seruir a la communauté chascun en ce aquoy il peult estre employe. En faisant leurs sacrifices, ensemble leurs solēnitez, ilz chātēt quelques hymnes en lhonneur de leurs dieux, & mesmement du Soleil, auquel ilz se font dediez & tout ce qui est contenu en leurs isles. Ilz inhument les corps des trespassez au riuage de la mer,

Description de Leurope.

Proprie-
te d'une
eue de
certaines
fontai-
nes.

Retour
de Iam-
bolus.

Iors que le flot se retire, & les couurent de sa-
ble a celle fin que le retour du flot de rechef
aduenant, le monceau de sable s'accroisse de
plus en plus. Ilz iugent que les cannes desquel-
les ilz recueillent le fruit que nous auons dict
cy dessus, se diminuent ou augmentent selon
le cours & decours de la lune. Leue de leurs
fontaines que nous auons dict estre saines, doul-
ces & salutaires, garde sa chaleur finon quel-
le soit meslee parmy quelque autre eue, ou
dedans du vin, Iambolus avec celluy qui estoit
arrive quant et luy en ceste isle, apres auoir este
sept ans entiers sans bougier de ce pays: fina-
blement furent contrainctz den sortir com-
me mauuais & de telles moeurs, que la bonte
du pays ne pouoit souffrir. Tellement que on
equipa de rechef vne nauire, dedans laquelle
on leur bailla prouisions de viures autant qui
leur en estoit de necessite, finalement
apres auoir este par l'espace de qua-
tre moys sus mer tumberent
entre les mains du roy
des Indes, duquel puis
apres eurent sauf-
conduit, & fu-
rent menez
iusques
au pays de Perse, & dela iusques en Grece.

Liure Troiesme. cclxxiiij.

¶ De l'isle Taprobane & moeurs des
habitans en icelle. Chap.xxvij.



Vcuns auant que par la temerité
des humains la verite fust descou-
uerte, ont iuge que l'isle Taprobane
estoit vng autre monde, quilz di-
soient estre celluy, auquel habitoient les An-
tipodes. Depuis Alexandre le grand par
sa vertu fist cesser ceste ignorance publique,
en sorte que iusques a ces lieux (quon esti-
moit au parauāt inaccessible) il estendist son
loz & reputation, par ce quil y entioya One-
ficritus son lieutenant de l'armee de mer par
le moyen duquel nous auons sceu que cestoit
que de ceste terre & de quelle grandeur; en-
semble quelles choses elle produisoit. Elle a
de longueur sept mil stades, & cinq mil de lar-
geur. Vne riuere passe par le milieu, & di-
uise ce pays en deux parties, lune desquelles
est remplye de bestes sauuages, & Elephans
plus grandz quilz ne sont es Indes, en lautre
habitent certaines gens. Ce pays est abūdāt en
perles & pierres precieuses, & est situe entre
oriēt & occident commençant a ceste coste
de mer que les Indes detiennēt. Depuis le pays
de Prasiē, qui est en Indie, iusques en ce pays
y fouloit auoir vingt & cinq iournees par

Voyage
de One-
ficrit^{us} ad-
miral du
roy Ale-
xandre.

Longueur
& largeur
de l'isle
Taproba-
ne.

Richesses
de la Ta-
probane.

• Description de Leurope.

mer au commencement:et ce quant a faire ce voyage on se seruoit de petites barques faites de cannes, telles qu'on faict floter sus le nile. Depuis noz nauires ont faict ce voyage en moins de sept iournees. La mer qui est entre deux est bien peu profonde, en sorte que la plus grande profondeur est de la longueur de six pas, touteffois il y a aucuns abysmes en icelle mer si creuz quil ny a ancrs qui ayent peu paruenir iusques au fondz. En faisant ce voyage nest besoing de se reigler selon les estoilles, par ce quilz ny voyent celles lesquelles seruent le plus a adresser les mariniers come la Poussiniere & autres. Dauantage la lune napparoist sur terre sinon que par certaines heures de la nuit, l'estoille qu'on appelle Canopus luit en ce pays dune tresgrande clarté. Ilz ont du coste dextre Lorient, & du coste fenestre Loccidet. Ces peuples iusques au tēps de lempereur Claudius estoient sans scauoir que cestoit que de monnoyes, & dict on quilz furent grandement esmerucillez, de ce que combien que les monnoyes quon leur monstra premierement fussent de diuerses marques & figures, neātmoins auoient toutes vng mesme poys. Ilz excedent tous autres en grandeur de stature corporelle. Ilz paignent leurs cheueulx de noir. Ilz ont les yeulx pers, & dūg

Canopus
estoille.

fier regard, & avecques ce ont vne voix'eston-
nante, & espouventable. Ceulx qui y vivent le
moins, paruiennent iusques a laage de cēt ans.
Les autres qui y vivent selon le cours de natu-
re, paruiennent iusques a vne incroyable viel-
lesse & aage. Nul dentre eulx ne dort de iour
ne long temps avant le iour. Ilz reposent seu-
lement vne partie de la nuit & se leuēt auāt
laube du iour. Leurs edifices ne sont gueres
enleuez hors de terre. Leurs viures & prouisi-
ons sont tousiours a vng mesme pris. Ilz nont
aucunes vignes, ilz abundant en arbres fru-
ctiers, & adorent Hercules. Quant ilz eslisēt
vng roy en ce pays la noblesse ne lemporte
pas, ains la pluralite des voix, & ont acoustu-
me deslire quelque personnage daage, & ayāt
la reputatiō destre bening, & de bōnes moeurs.
Dauantage ilz senquierent si il a aucuns en-
fans car si ainsi est quil en aye, il nest iamais
receu a estre roy quelque preudhommie qui
soit en luy & si il aduient que durant son re-
gne il en aye aucuns, il est desmis de sa royaul-
te, & empeschent sus toutes choses que leur
royaulme ne eschee a aucun par succession.
Dauantage quelque equite que presefere
leur roy ilz ne luy delaissent auctorite abso-
lue, car ilz luy baillent quarente conseilliers
quāt il est questiō de iuger quelque criminel a

Longue
vie des ha-
bitans en
liste Ta-
probane,

Description de Leurope.

a mort, pour le iuger avec luy, & nest vng arrest ce quilz ont iuge, ains est permis den appeller, pardeuant le peuple, de par lequel sont ordonnez & establiz septante iuges, du iugement desquelz on ne peult appeller ne re clamer. Leur roy est plus sumptueusement ve stu & accoustre que les autres, & est subiect aux loix pour ses faultes, iusques a encourir poene de mort, non quil soit permis a aucun de luy toucher, ains est deffendu a tous de ne parler, ne frequenter, avec luy, & par vng mes me moyen luy est interdite & deffendue lufance de toutes choses concernantes la vie hu maine. Ilz saddonnent a lagriculture, & sexer citent a la chasse non de quelques petites bes tes, ains chassent aux Elephans, & Tygres. Ilz saddonnent aussi a pescher en la mer, & pren nent plaisir a amasser des Tortues marines lesquelles sont si grosses, & si grandes, que les taiz dicelles, leur seruent pour se heberger, & se peult loger dessoubz iceulx vng mesnage, & famille bien ample. La plus grand partie de ceste isle est toute bruslee par chaleurs, & deserte, vne coste dicelle est enuironnee de mer si pleine de petitiz arbres, que la couleur de leau en est toute verte, & y sont ses petitiz arbres si fors, & en si grande abundance, que les rameaulx bien souuent en sont froissez de

Grossieur
de certai-
nes Tor-
tues.

l'extremite du gouvernail de quelque nauire. Ilz prénent plaisir a auoir vaisselle dor, quilz garnyssent de maintes pierres precieuses. Ilz taillent le marbre & l'appliquent a maint beaulx ouurages. Ilz sont soigneux, & diligens damasser plusieurs belles perles, & des plus grosses quon puisse trouuer. Or auons nous cy dessus recueilly les nations desquelles les meurs & particularitez, ont este par diuers historiographes descriptes, & celebrees: mesme-
ment celles dont nous auons peu entendre et congnoistre le renom, & excellēce, ie ne vueil ignorer, quil ny en ayt plusieurs par moy onis-
ses, ou passees legierement, dautāt que ie nen ay peu auoir congnoissance autrement que par le moyen de ceulx qui en ont escript: ioinct quil nest que vng seul dieu qui en puisse auoir parfaicte congnoissance, comme il a infalliblement de toutes autres choses, avec puissance sur icelles. Cest luy p lequel des le cōmāce māt de la creatiō ont este gectez les premiers fondemens de ce monde, qui a rendu la mer nauigable, en sōme cest luy qui est Autheur, de toutes commoditez, richesses, & honneurs que les hommes peuuent acquerir en ceste vie mortelle: & qui a donne a tous diuers moyens, & inclinations pour se conduire en icelle, selon que bon luy a semble, cōe aulx vngs a

Conclu-
sion du
liure.

L.iiij.


Description de Leurope.


donne lindustrie de labourer & cultiuer la terre, & consequamment le moyen dacquerir par cest oeuvre richesses. aux autres daller sur mer, les vngs pour gagner leur vie a pescher, les autres pour faire traffiques de marchandises, en diuerfes contrees & regions Barbares & estranges. Il en a de rechef rendu quelques vngs aptes a comprendre maintes bonnes sciences, comme de la Philosophie & de plusieurs autres semblables, par la congnoissance desquelles souuent paruiennent a grand honneur. Aux autres a donne ceste prerogatiue de auoir puissance & auctorite par dessus les autres. Et ne fault s'esmerveiller si les hommes ne sont de semblables moeurs, naturel & condition les vngs comme les autres, veu la grande variete & difference que nous auons cy dessus entendue, entre les pays & regions, & que chascune dicelle engendre vne diuersite de figure entre les hommes mesmes, vng pays les rendant blancs, lautre les rendant noirs, lautre bruns, & vng autre de rechef les rendant adustes & feblables a la couleur de certaines fleurs qu'on voit communement en Assyrie. Et par telles diuersitez exterieures, on peult iuger que Dieu a voulu quil y eust quelques diuersitez entre les espritz, & industries des humains, et

Liure Troiesieme. cclxxvij.

que neantmoins chascun se contentast de sa
condition & estat auquel
il seroit de par luy
appelle.

Fin du troiesieme & der-
nier liure.

 BRIEFVE INSTRV-
ction pour le fruit que lon doit
prãdre en lisant ce present liure.

 E diuin Poete Homere , nous
voulant inciter a la lecture de
son Odysee, nous promet den-
tree faire description dũg grãd
personnage (entendant traicter
des gestes & voyages du noble Vlysses anci-
ennement prince Dithaque) auquel estoit ce
loz donne , dauoir eu la congnoissance de
maintz peuples , ensemble de leurs meurs, &
institution de vie . Ce passaige ne veulx alle-
guer (lecteur debonnaire) pour aucune def-
fiãce, ou doute que ie aye, que ce present trai-
cte ne te aggrec , ains pour te monstrier , ou

Description de Leurope.

pour te reduire en memoire si mieulx tu l'en-
tendz: que peu de chose est dauoir la congnois-
sance de plusieurs pays regiōs, & citez, si nous
ne lappliquons a nostre instruction, & pour
nous rendre plus aptes, & idoinés a estre em-
ployez a la conduicte de quelques affaires, &
entreprises saintes, & profitables a nostre
pays & parentaige, chascun en son esgard,
lhonneur de Dieu a toutes affections prefe-
re. Tel a este le fruiet recueilly par Vlysses de
son pelerinaige, excepte que du vray Dieu
neust aucune congnoissance, a cause de lin-
felicite de son siecle, & neantmoins a este si
acomply ce prince: de tant de biens a este cau-
se sa prudence, quil ny a eloquence dhomme
qui le sceust bonnement exprimer, & mieulx
vault sen rapporter a ce poete incomparable,
qui en a escript dung si hault stile, que lon iu-
geroit icelle Odysee estre vng oeuvre plus
compose par quelque esperit diuin que par
humaine apprehension. Cecy est assez appa-
rent en ce que tous les anciens Philosophes
de renom nous ont euidemment monstre le
grand fruiet, & erudition par eulx parceue
en la lecture de loeuvre desludiect. Et non seul-
lement ont este les Philosophes participans
de ce bien, ains sen sont grandement aydez
les grandz Princes du temps passe. Et portent

les prouesses dung seul Alexandre le grand,
ample tesmoignage de ce a quoy luy auroi-
ent peu seruir ordinairement quant & soy
les oeuvres dudict Homere, & ne les auoir
voulue eslongner de sa personne pour son cou-
cher ou leuer. Trop plus que la lecture de ce
poete nous instruira ce present liure (amy le
lecteur) car outre ce quil nous represente pa-
reille hystoire que lodysee dessudicte (entant
quil traicte des meurs de maintz peuples &
citez) il a descript plusieurs hystoires par les-
quelles nous nous pouuons veter dauoir quel-
que congnoissance du vray Dieu, & des cho-
ses requises pour nostre salut, et encores est en
cest endroict plus recommentable ce present
traicte en ce pour le moins quil poursuit le re-
cit tant des meurs anciennes que recentes de
toutes nations, & auregard Dhomere il est
tout certain quil na peu faire description si-
non des choses concernantes lantiquite. Par-
tant amy lecteur en lisant ce present li-
ure ie te prie de prandre en si bone
part le proufit que tu y pour-
ras recueillir que les
faultes si aucu-
nes en y
a soient par toy excusees.


La presente trās

lation fut faicte & acomplie lan mil cinq
cens trente neuf, & acheue dimprimer
a Paris le .xv. iour du moys de decē-
bre, audit an par Michel Fezan
dat imprimeur pour Galiot
du pre libraire iure de
Luniuersite du
dit lieu.

¶ Auec Priuilege

raſ

il cinq
mer
6-



~~B/Eury.~~

afw.

33

1700

4